


Ах Тасхыя

АВАКАН · 1976



Планерка

Карьер



ХАКАСИЯДАҒЫ ПИСАТЕЛЬЛЕР ОРГАНИЗАЦИЯЗЫ

АХ ТАСХЫЛ

ЛИТЕРАТУРНО-ХУДОЖЕСТВЕННАЯ
АЛЬМАНАХ

24

1976

Редакционной
коллегиязы:

М. Е. Кильчичаков
(бди редакторы),
М. Р. Баннов,
Т. Г. Тачеева,
В. Е. Майногашева,
М. Н. Чебодаев.

Хакасская областная
ЗИБЛИОТЕКА

ХЫЗЫЛЧАР КНИГА
ИЗДАТЕЛЬСТВОЗЫНЫҢ
ХАКАСИЯДАҒЫ ПОЛІГІ
А Б А К А Н · 1976

АХ ТАСХЫЛ № 24

Литературно-художественный альманах

Редактор Т. Г. Тачеева
Художественный редактор В. А. Тодыков
Технический редактор Е. Д. Сунчугашева
Корректор М. Е. Шоева

Сдано в набор 6/VII-1976 г. Подписано к печати 11/X-1976 г.
Типографская бумага № 3.
Формат 70×90^{1/16}. Усл. печ. л. 10,23.
Уч.-изд. л. 10,2. Тираж 1500 экз. Заказ № 4857.
Цена 46 коп. АЧО1334

Хакасское отделение Красноярского книжного издательства,
г. Абакан, Щетинкина, 32.
Типография «Советская Хакасия», г. Абакан, Щетинкина, 32.

М 0733 — 010
147 (03) — 76 37 — 76

© Хакасское отделение
Красноярского книжного издательства, 1976 г.

ЛЕНИН ПАРТИЯЗЫ КӨЗІТКЕН ЧОЛҶА

В. А. УГУЖАКОВ,
Хакасиядагы облсовет исполкомы-
ның кнезі, партияның XXV съезді-
нің делегады

КПСС-тың XXV СЪЕЗД ЧАРАДЫҒЛАРЫН — ЧУРТАСХА

Коммунисттер партиязының XXV-ці съезді совет чонның паза тиле-кейдегі чоннарның историязында тың саблығ страницазы полып арла-нар.

КПСС ЦК-зының сан пиристіг докладында пістің Чир-суубыста ком-мунизмні пүдірер илбек программа, партияның істіндегі паза тастында-ғы политиказының өөн чоллары көзіділ парған.

Съезд делегаттары, партия паза чон КПСС ЦК-зының сан пиристіг докладын паза «1976—1980 чылларға СССР чон хониин тилідер өөн чол-лардаңар» докладты пір чөпнең чаратханнар.

Онынчы пис чыллыға чон чуртазын чахсыландырчаң аллығ про-грамма турғызылча. СССР-ның чон хониинның материально-технической базазы уламох тилир, коммунизм кибірліг кізілер өскілеріне өөн хайығ салылар.

Коммунисттер партиязы, чон хониинның прай тоғызын чахсыланды-рып, тоғыс түзімін пөзік синге көдіріп, науканың паза техниканың наа чидіглерін чуртасха кирип, совет чонының чуртазын паза культуразын көдіреріне төреміл хайығ айландырча.

Партияның XXV съезді турғысхан пөгіннер полған на кізее пілдістіг. Ол хазнаның программазын толдырар үчүн прай күсті, опытты паза оң-дайларны тузаланысха кирерге кирек полча. Странаның алнында тур-чатхан хонихтағы паза чон чуртазындағы көп аймах пөгіннерні маңна-ныстығ толдырары істеніс түзімін табырах өскіргеннең, чонның прай то-ғыстарының айныдызын көдіргеннең полар. Наа пис чыллығ тоғыс айны-дызының паза качествозының пис чылы полар.

Партияның XXV-ці съезді турғысхан илбек чарадығларны чуртасха кирері областытағы партийнай организацияның, істенцілер депутаттары-ның Советтерінің иң аарлығ пөгіні полча.

Областытың істенцілері 9-чы пис чыллығда хомай нимес чидіглерге читкеннер. Промышленность, продукциязын сығарары 80,3 процентке, істеніс түзімі 57,5 процентке өс парған. Сығарылчатхан парчан промыш-ленность продукциязының 83,1 проценті істеніс түзімі көдірген сылтаан-да алылған.

Ирткен пис чыллығда 640 аймах көрімніг наа продукция сығарылған,

оларның 29-зы качество таңмалығ. Тоғызынчы пис чыллығның планнарын маңнаыстығ толдырыбысханнар Ағбан городтың, Таштып, Шира, Пии, Боград районнарының предприетиелері.

Область пүдірігңілері 540 километр автомобиль чолы пүдір салғаннар, ол санда 247 км асфальтнаң паза бетоннаң чабылған чол, 2 муң азыра километр электричество линиязы, 1 миллион квадрат метр чуртацаң тура, 18110 орынға школа, 7310 орынға школаа чөргелек олғаннарның учреждениелері, 749 орғанға имнег туразы, 1100 кізі полцаң поликлиника паза 6380 орынға клуб.

Область істенңілерінің чуртазын паза культуразын көдірерінде илееде тоғыс иділ парған. Тоғысчыларның паза служащайларның чал ахказы 24,3 процентке өс парған, алай ба айда 180 салковайға читче.

Көриндіре көзідімнерге читкеннер аал хонии істенңілері. Сидік тее чыллар полза, аал-хонии сығарчатхан прай продукция пір чылда 183,3 миллион салковайға читкен. Ол 8-ці пис чыллығның көзідімінең илееде артых. Область хазнаа малдаң алычатхан ас-тамахты, чир тамаан садарында социалистической обязательствозын азынада толдыр салған. Малның продуктивнозы көдіріл парған. Мал-хустың саны көптөл парған.

1975 чылда чон хозяйствозының планын азынада толдырып, тоғызынчы пис чыллығны маңнаыстығ тоосхан үчүн, пістің Хызылчар крайы Тиксі Союзтағы марығласта чиңісчее саналған, КПСС ЦК-зының, СССР-ның Министрлер Совединің, ВЦСПС-тың паза ВЛКСМ ЦК-зының Хызыл знамязынаң сыйыхтатхан. Тиксі Союзтағы марығласта иң пөзік көзідімнерге читкен үчүн паза тоғызынчы пис чыллығны маңнаыстығ тоосхан үчүн, Ағбан город КПСС ЦК-зының, СССР-ның Министрлер Совединің ВЦСПС-тың паза ВЛКСМ ЦК-зының Хызыл знамязынаң, а «Борец» совхоз Танығлығ знакнаң паза Хызыл знамянаң сыйыхтатханнар.

Область істенңілері КПСС-тың XXV съездине тимненчеткен туста паза съезд тоғынчатхан күннерде улуғ көдірімнең істенгеннер. 506 тоғысчы коллектив паза 115 муңца кізі пістің областта съезде удур көдіре обязательстволар алғаннар. Съезд азылар күнге прайзы алған сөстерін толдыр салған, иң артыхтары съезд адына рапорт пиргеннер. Андағ аарлығ істеніс чиңізі тутханнар Соян-Сус ГЭС пүдірігңілері, Сорығдағы молибден комбинаны, Харатастағы харатасчылар, Ағбандағы вагон пүдірцеңнер, Ағбан паза Соян город істенңілері, Том чоғархы, леспромхозтағы Цибульскийнің бригадазы, Харатастағы сикпен комбинанының ис сохчаа, СССР-ның Верховнай Совединің депутады В. Лямкина паза аннаң дәа көп пасказы.

«1976—1980 чылларға СССР-ның чон хонии тилідер өөн чолларда» пістің областтың алнында мындағ улуғ пөгіннер турғызылча: Сояндағы территориально-производственной комплекс мыннаң мындар тилир. Соян-Сус ГЭС-тың пастағы агрегаттарын тоғысха кирерге. Сояндағы алюминий заводының пастағы электролиз корпустарын тоғысха кирерге, Ағбандағы вагон заводы мыннаң мындар пүдірілер. 1978 чылға ГЭС-тің пастағы агрегады тоғысха кирілер, а 1980 чылға 4 агрегат тоғынып пастир, аның күзі 3,2 миллион киловаттха чидер. Ағбандағы вагоннар заводуын пүдірері айныдылар. 1977 чылда полызығлығ цехтарның корпусы тоғысха кирілер, 1978 чылда 40 муң контейнер сығарчатхан завод,

88 муң тонна молат хайылдырып урчаң цех, ТЭЦ-тың пастағы агрегаттары, 1980 чылда 9 муң цистерна паза 80 муң пар теглектер сығарчаң күстер тоғынып пастир.

Харатаста асбестотехнической нимелер сығарчаң завод пүдіп пастиры паза тоғысха кирері көрілче, Тойымда оңніг металл тоғынчаң заводтың пүдіриин тоозарға кирек полча. Харатастағы арған тууп комбинаны толдыра күзінең тоғындырар кирек.

1976—1980 чылларда областьта наа промышленность предприятие-лерінің пүдіріглері пасталар. Ол санда Асхыста агломерационнай фабрика.

Пу пис чыллығда наа мал комплекстері пүдірілер.

Ағбанда тура пүдірчең паза улуғ панельлер сығарчаң завод пүт парар. Пүдіріг индустриясына паза промышленность предприятие-лерінің пүдіріг материалларына пу пис чыллығда 85 миллион салковай азыра күс салылар. 10-чы пис чыллығда пістің областьтың производство күстерінің өзіне 2—2,1 миллиард салковай салылар.

Хакасияда анча улуғ тоғыс идері пүдіріг паза монтаж организация-ларының базасын тыыдарын, проект итчең институттарны алғыдарын кирексіпче.

Онынчы пис чыллығда промышленность сығарчатхан нима-ноо 2 хати азыра өс парар, а 1980 чылда сығарған продукцияны садары 2 миллиард салковайға чит парар. Пістің областьта электроэнергетика наа предприятие-лері өзер, а машина сығарары 10 хати өс парар.

Тағ, ағас, ниик, кип-азах тікчең, чічең нима сығарчаң промышленностьтар мыннаң мындар алғир.

Хара тас азых оңдайнаң пір чылда 30345 муң тонна хазылар.

Ағас иледе көп тоғынылар. Аның үчүн Асхыстағы, Ағбан пилтіріндегі ағас комбинаттары, Харатастағы тура пүдірчең комбинаттар наачы-лалар.

Ниик промышленность сығарчатхан нима-ноо пис чылның аразына 90—95 процентке өс парар. 1980 чылда 1030—1050 миллион салковайға чит парар.

Чічең нима, ит-сүт сығарары ідөк иледе өс парар. Оларның тадии чахсыландырылар.

Чонға кирек нимені көп сығарып, аның качествомын чахсыландыра-рына өөн хайығ айландырылар.

Өөн хайығ істеніс түзімін көдірерінде, тоғыс фондтарын чахсы тузала-нарында паза сығарчатхан нима-нооның качествомын чахсыландыра-рында ползын.

Чон хозяйствозының грузтарын паза чонны тартар үчүн областьта прай транспорттар оңзир. Чонны кии транспортынаң тартары 18—20 процентке, авиацияны чон хозяйствозында тузаланары 23—25 процентке өс парар.

Автомобиль чоллары паза тахталар пүдіриинде 55 миллион салковай хорадылар. 844 км чол пүдіріл парар, ол санда 400 км асфальтнаң паза бетоннаң чабылар. Наа пис чыллығда областьта 1,6—1,8 миллион ква-драт метр кізі чуртачаң туралар тоғысха кирілер паза Ағбанча троллей-бус чөріп пастир.

Пис чылның аразында областьта 19 муң орынға школа, ол санда 9 муң орынға орындағы Советтер, 8 муң орынға школаа чөргөлек олғаннарның учреждениелери, аалдағы үгренилгерге интернаттар пүдирерине өөн хайыг айландырылар. Угрениг заведениелерине наа үгрениг корпус-тары пүдирилер паза наацылалар. 1958 орғанға имнег туразы, ол санда 810 орғанға аалда пүдирилер. Клубтар, театрлар 10 муң орынға хозыл парар, ол санда аалларда 1200 орынға.

Область істенчилери улуғ көдиримнең істенгеннер КПСС-тың XXV съездине удур. Аның сылтаанда 1976 чылның 4 айында сығарған ниме-нооны садары 101,6 процентке толдырылған. Планнаң азыра ниме-ноо 5,5 млн. салковайға садылған.

Андаг даа полза, пістиң тоғызыбыста көп читпестер, пөгілбеен сурыг-лар пар. 4 ай тоғынып, областьтың 17 предприятиези сығарған ниме-нооның садар планын толдыр полбаан, 18 предприятие читире продук-ция сығар полбаан, 24 предприятие істеніс түзімін көдирер планын тол-дыр полбады.

Пүдиріг тоғыстарының качественности хомай, монтаж тоғыстары читире идилбинчелер.

Пістиң областьтың аал-хонии істенчилериниң алнында улуғ пөгин турча. Аал паза поселок Советтери, совхоз устағчылары паза специалисттери прай хайыгны чирни, минерал удобрениелерин, чызаан тизекти орта тузаланарына салзыннар. 10-чы пис чылда 8,4 муң гектар суғлалчатхан чир тоғысха кирилери көрилче.

1976 чылда тоңастығларны гектардаң 13 центнер алары көрилче. 500 муң тонна чыып, хазнаа 205 муң тоннадаң төбин сатпасха көрилче. 1980 чылға гектардаң тоңастығларны алары 15 центнерге чидер кирек. Чылның сай 585 муң тонна ас чыыл турзын.

Область Советтериниң алнында мал санын көптелдирер улуғ сурыг турча. Хазнаа 10-чы пис чыллығның түгенчи чылларында итти 46,6 муң тонна, сүтти 108 муң тонна, нымырханы 98 миллион, түкти 8115 тонна садарға кирек.

Мал өскирериниң өөн чолларының пірси — аны промышленность оң-дайына айландыраы. Пу пис чыллығда малға наа комплекстер пүдирери көрилче. Ит, сүт, түк алцаң комплекстер. Ағбандағы 54 муң пасха сосха комплекси пүдер. Соонаң анда 108 муң сосха азыралар. Бройлер фабриказының пүдирии пасталар. Наа технология кирилип, сағамғы фермалар алғыдылар. Аал хонии істенчилерине малдаң алылчатхан ас-тамахтың позының паазын түзирерине паза парыс аларын көдирерине улуғ хайыг айландыраға кирек. Пу сурығлар Советтерниң исполкомында депутаттарның комиссияларында сыбыра үзүрилерге кирек.

КПСС-тың XXV съездиниң чарадығларын чуртаста толдыраы 1976 чылға алған обязательстволарны маңнаныстыг толдыраынаң пасталарға кирек.

Область пастағы кварталның планын хазнаа сүт садарын 107,4 процентке, итти 100,6 процентке, нымырханы 104,5 процентке толдыр салған. Чахсы көзидимнерге читкеннер Таштып, Алтай районнары, «Россия», Знаменка, Чулым, Абаза совхозтары паза даа пасхалары.



Сомда: КПСС-тың XXV съездинде араласхан Хакас автоном облазының партиянай делегациясы Москвада, Хызыл площадьта (сол саринаң): Ағбандағы депоның электровоз машинизи Л. С. Резцов, облсовет исполкомының кнезі В. А. Угужаков, КПСС обкомының пастағы хачызы А. И. Крылов, Ағбан пилтірі районындағы Хызыл кбл совхозының тракторизи Э. А. Нижегородова, Соян-Сус ГЭС пудіриннің устағчызы С. И. Садовский, Сабинкадағы аал Советінің кнезі М. В. Никулина.

Сомға Г. Бурнаков суурған

Пу чидіглер партияның XXV съезді турғысхан пөгіннерге нандырбинча. Өзімнернің урожайы чабыс.

Чайғы айларда полған на інектең 1000 килограмм сүт саар үчүн марығ апарарға, көрчеткен інектердең чылда 1000 центнер сүт алар үчүн күрезерге.

Читкен чидігде тохтабин, Советтер областьтағы партиянай организациясының устаанынаң прай күсті 1976 чылның планнарын паза социалистическай обязательстволарны толдырарына, прай пис чыллығны азынада толдырарына саларға киректер.

(20 майда 1976 чылда ирткен область Советінің V-ці сессиясындағы чоогынаң аылған.)

З. А. НИЖЕГОРОВОДА,
Ағбан пилтірі районындағы Хызыл
көл совхозтың тракторшісі, партия-
ның XXV съездінің делегады

20 ЧЫЛ ТРАКТОРДА

Мині, аалдағы механизаторны, пістің крайның коммунистері КПСС-тың XXV съездінің делегадына таап, улуғ аарлас иткеннер. Алғыс читір-чем улуғ киртініс үчүн.

Чүрек көбрестег туста чуртапча совет чоны. Съезд піске, улуғ пүді-рігліг тоғыстың программазын читіріп, аны хайди толдырар чолларны көзіткен.

18 частыҥда мин, тракторға одырып, Казахстанда наа чирлерні кө-діріп пастаам. Чир талирға, ас таарирға, өскіреге үгренип алғам. Меха-низаторның аарлығ тоғызының улуғ чолына саңай кіргем.

Хызыл көл совхозының Күрген тіп аалында сигізінчі чылы чуртап парим. Апсаам Василий Михайлович механизаторох. Палабыс төрт. Улуғ оолғым тракторист-машинист, сағам Совет Армиязында. Ус хызымның ікізі школада үгренчелер, улии Ағбандағы торгово-кооперативнай школа-да үгренче.

Ипчі кізее оой нимес күн тооза чазыда істенерге. Че аннаң аарлығ тоғыс мағаа чох таа охсас. 20 чыл аразында ДТ-наң 500 муң километр борозда талаам. 9-чы пис чыллығны 4 чылда толдырғам. Совет пра-вительствозы мині Істеніс Хызыл Знамязы орденінең сыйыхтап, тоғызым-ны пөзік палаан.

Съезд чарадығларына нандырып, уламох тіспен істенерге сөс пир-чем. А тоғыс көп. Чон мині область Сөведінің депутадына таап салған, ағаа хоза цехтағы парторганизация хачызы полчам.

Арғыстарымның киртінізін толдырар үчүн, прай күзімні аябин істе-нербін.

Сағынчам Кустанай облазындағы Социализм Істенцізінің Матыры-наң КПСС-тың XXV съездінің делегадынаң Доненбаеванаң марығла-зарға.

Л. С. РЕЗЦОВ,
Ағбандағы локомотивтер депозы-
ның электровоз машиннісі, партия-
ның XXV съездінің делегады

УЛАМОХ ПӨЗІК ЧИДІГЛЕРГЕ

Мағаа партияның съездінде аралазарға улуғ үлүс түскен. Партия-быстың съезді полған на істенці коллективтің алнында улуғ пөгіннер тур-ғысча.

Онынчы пис чыллығда паза аның соондағы илееде чылларда произ-водство синін мыннаң мындар өскірегі, наука-техника чидіглерін чур-тасха кирері, істеніс түзімін көдірегі киректелче.

Ағбандағы локомотивтер депозы тоғызынчы пис чыллығны үс айға азынада толдырыбысхан.

1975 чылға алған обязательство ідök прай көзідімнерче азыра толдырылған. Пістің тимірчолчылар ниме-нооны үзүрлеп тудынарына ідök улуг хайығ айландырганнар. Көзідімге алза, электроэнергия ла пис чыллығ тузында 24 миллион 370 муң киловатт-час үзүрлелген. Груз тартары, 1970 чылдағызынаң тиңнестірзе, 47,2 процентке хозыл парған. Пуох тустың аразында істеніс түзімі 26,4 процентке көдірілген.

Ирткен пис чыллығ тузында пістің коллективте көп наа алыптар төреенер. Оларның пірсі Василий Федотович Ербягин. Ол пис чыллығны төрт чыл алты айда толдырыбысхан паза 50 муң азыра киловатт-час электроэнергия үзүрлеп алған. Ол син электроэнергия 3 муң көдірімніг поездті 1500 километрге читіре апарарға чидер. 1975 чылдағы түзімніг тоғыс үчүн электровоз машинисттері Владимир Учаевнең Николай Огнев үзінчі степень «Істеніс Сабланызы» орденнең сыйыхтатханнар. Слесарь Нагибнев арғысха, тізең, «За трудовую доблесть» медаль пирілген. Электровоз машинисттері Хайлов, Касьянов, Михайлов, Левандовский, Обедин тимір чол пөлиинің Аарлас чардызына кирілгеннер. СССР-ның тимір чол транспортының министерствозы К. Г. Герасимов паза А. С. Туманов арғыстарға частар сыйлаан. Прайзы пістің депода 300-ке чағын тоғысха күс электровоз бригадазы істенче.

Сағам мин Ағбан—Пысхамчы паза Ағбан—Кошурниково станцияларға читіре чөрчем. Кізілер тартыпчатхан электропоезд тінін тудар алында мағаа ұзах чол иртерге киліскен. 1954 чылда Курсктағы тимір чол транспорты техникумын тоосхан соонда, мині Ағбанзар тоғынарға ысханнар. Паровоз машинизінің полысчызы полып істеніс чолын пастаам. Соонаң мин паровоз машинизі полғам, электровоз тінін тударға киліскен. Анаң, тізең, электропоездке одырыбысхам. Ікінчі класстың машинизібін.

Ирткен пис чыллығ тузында иткен тоғызым тың на хомай нимес тіп сағынчам. Пис чыллығны мин 7 ноябрьда 1975 чылда толдырыбысхам. Пу тустың аразында, тузаланылбинчатхан оңдайлар таап, электропоездті піліп чөргізіп, 50 муң киловатт-час электроэнергия үзүрлеп алғам. Ол син электроэнергия Ағбаннаң Пысхамчаа читіре он чөріс идерге чидер.

Аннаң пасха минің алған обязательствомда мындағ пөлік пар полған — ікі кізіні электровоз тінін тударға үгрет саларға. Пис чыл аразында минің холымда тоғысха тазыханнар чиит ооллар Палкиннең Филиппов. Олар амды пос алыңча тоғынчалар, алып күстіг электровоз тінін тут чөрчелер. Үзінчі чылын ідök минің полысчым полча Валерий Васильев. Ол Хызылчардағы тимір чол транспорты техникумын тоосхан соонда тоғынып пастаан. Мақат пілістіг, тоғысха күс оол. Ағаа электровоз машинизінің правозын аларға полыс пиргем. Онынчы пис чыллығны илведе азынада толдырыбызарға, 50 муң киловатт-час электроэнергия үзүрлеп аларға, позым тоғынчатхан электропоездті чахсы көрерге молчағ салчам. Ағаа хоза пастағы класстың машинизі полып аларға сағынчам.

ЧОН ХАРААНДА

КПСС-тың XXV-ці съездинің делегадынаңар чоох

Соян тағлары идеендегі чазыларда алып Ким сугның соох тынызы уламох іле пілдірче. Өтіг чил, харны чол кизіре сүріп, хайзы орыннарда көртіктер тастап одырча. Алныбыста, тізең, Соян тағлары ағарысчалар... Ырах көрзең, ол тағлар көгемзік ыс аразындағы чили пілдірчелер. Означинге читкелекте, чол оң саринзар тартылча. Тағлар тбзінде чил дее чоғыл. Тых.

— Мында хақаннаң пеер чир тоғызынаң айғасчаң полтырлар,— сағынчабыс пос алынча,— суг чайдырчаң кооптар удаа учурапчалар. Хырлар пазында ызыхти одыртылган ағастар. Ааллардағы иптiг улицалар хастада ідөк ағас одыртыл партыр.

Сабинкадағы аал Совединің ікі хадыл кірпис туразы ырахтынох көринче. Аның үстүнде орғах-масха хоосталған Хызыл флаг ниик танға палыцнап турадыр. Пуох тураның пастағы хадылында связь пблии, хости магазин паза столовай. Чол кизіре ле Означин совхозының өөн конторазы.

— Иртiнер, одырынар,— чалахай удурлаан пісті Сабинкадағы аал Совединің киезі Мария Васильевна Никулина,— чапсых-чалаң хабарларыны ххтап пирiнер.

Аның андағ олаңай, чылығ сөстері иптiг ле чоох-чаахха хығырчатхан осхас полған. Хацанох таныстар аразындағы осхас чоох пасталыбысхан.

— Піс тоғыста ла айлахтанып, күн дее ирткенін пілбин халадырбыс, -- чоогын пастаан Мария Васильевна, — үр ниместе ле крайдағы ХХ партийнай конференциядан айланғам. Пастағы тустарда узуп таа полбныбысхам. Мині, олаңай ыраххы аалдағы тоғынчыны, партияның ХХV съездинің делегадына таап салғаннар: Андағ улуг киртініске хайди нандырчаң? Мыннанар хайди тоғынчаң?

Ибінде, тізең, Мария Васильевнаны пазох ла чон алнындағы тоозылбас-парбас тоғызы сағаан. Новокурск аалдағы үзінчі пблікте сүт саары хызырыл партыр. Ортымах школада пір үгретчі читпинче. Пиизер — район кiнiнзер — ирткен чылда иділген тоғыстарданар сан пирерге кирек. Аал клубтарының паза библиотекаларының тоғызынаңар исполком чыылиинда улуг чоох парған. Прай ла сурығларны тузында пбгерге кирек.

— Пістің аал Совединің чиріне Катамор, Сабинка, Новокурск паза Қалы ааллар кірчелер,— чоогын аннаңар узаратхан Мария Васильевна, — ол аалларда прайзы үс муң азыра кiзі чуртапча. Ікі сигіс чыллыг паза пір ортымах школалар тоғынча. Ікі Культура туразы паза клуб пар. Аал Соведине 30 депутат табылған. Төремiл тоғынчаң комиссиялар, депутаттар группалары паза ипчiлер советтері істенчiлер аразында

чарыдыҕлыҕ тоҕыс сыбыра апарчалар. Пис поэзыбыстың тоҕызыбыста депутаттар группаларына паза даа пасха общественной организацияларга чөлөнчөбис.

1975 чылның чахнин Означин совхозының коллективі азынада толдыр салған. Хазнаа ит, сүт паза тук садар чахыҕлар азыра толдырылған. Тоңас идок артых пирілген. Аал Соведе, тизең, ит садып алар чахыҕны 180 процентке толдырған. Сабинка 1970 чылдан пеер Означин совхозының обн аалы полыбысхан. Аннаңар пу аал тоҕызынчы пис чыллыҕда ла угаа тың ос парған. Мында наа ортымах школа, водопровод, чуртаң туралар, наа магазиннер, столовай, тыхтаҕ мастерскойлары паза даа пасха объекттер пүдиріл парған. Совхоз хонин тилпичеткені хоостыра истенчилер чуртазы чахсыланыбысхан. Прай пу чидиглерде Мария Васильевна Никулина устачатхан Сабинкадағы аал Совединің исполкомының хозымы улуг.

— Ноо даа сурыҕны пөгериңде пиітиң аал Совединің депутаттары чахсы араласчалар, — чоохтапча Мария Васильевна. — Пызо көрчөң Валентина Илларионовна Семенова, фельдшер Валентина Николаевна Непомнящих, совхоз директоры Геннадий Иванович Бусыгин, тракторист Михаил Иванович Солдатов, доярка Мария Ивановна Ленкова паза даа пасха депутаттар хайдаҕ даа хазна сурыҕларын соона халдырбин пөгеге тимделер. Оларның полынниңаң чон чыылыҕларын паза аал Совединің сессияларын кирек орыннарда иртіредирбис.

Сіліг паза истиг чирлерде турглапчалар Означин совхозының ааллары. Полған на тура хыринда ранеткалар, яблонялар паза даа пасха аҕастар бсчөткөн сад парын сизинчезиң. Суҕлалчатхан хыраларда тоңастыҕларның, кукурузаның пай урожайы өскірилче. Ырах ниместе чыл ибیره Соян таглары көгеріс турадырлар. Иртекен чылда ла аал Соведине кирчөткөн аалларда 1800 төстік аҕас одыртылған. Аймах-пасха порчоларны, тизең, санға даа алчаа чох поладыр.

— Пиітиң Васильевнаның тоҕызы чон хараанда иртедир, — улуглап чоохтапча аал Совединің киезинеңер улуг частыҕ Татьяна Павловна Филиппова, — мин аны чалаас азах ойлап чөрчөң хызычахтаң пеер пілчөм. Ол кічигдок тоҕысха күс полған. Тайма нимее пір дее хынмас. Орта чолдан хыя парбинча...

Ирте тоозылған Машаның олған тузы. Аҕаа 10 час полған. Хорылыстыҕ 1941 чыл чиде салған. Олох чылда июнь айда Машаның пабазы Василий Андреевич Дементьев чааҕа парыбысхан. Ол колхозта конюх полып тоҕынчаң. Маша туңмазы Петянаң хада ічезі Галина Яковлевнаа күзі читкенче полысчаң. Ада чаазы тузында Сабинкада олған туразы азылған. Анда іче-пабалары чаада чөрчөткөннерниң, ленинградтагыларның олғаннары полғаннар. Оларнаң хада аалдагы палалар ойначаңнар, үгрөңчөңнер.

Чаачы В. А. Дементьев поэзының чнит чуртазын амғы төлнің часкалыг хониниң үчүн пир салған. Ол халғанчызын Смоленск город хыринаң пічик ысхан. Маша Сабинкадағы школада үгрөңчөң. Чайғызын колхозта прай тоҕысты итчен: от сапчаң, тырбачаң, ас кисчөң, яблах хасчаң. Ол, 1946 чылда читі чыллыҕ школа тоозыл, «Путь Ленина» колхозта

тоғын сыххан. Соонаң аал библиотекасында тоғынған. Тузы чпткеңде, Маша олох аалдагы чипт механизатор Сергей Никулиннең хоных хон салған.

— 1950 чылдаң сығара аал библиотекасынаң устаам, — сағысха кирче Мария Васильевна, — 1960 чылда Кансктагы библиотека техникумын заочно тоос салғам. Олох чылларда КПСС членіне кіргем, аал Совединің исполкомының члені полғам. 1965 чылда, тізең, мині Сабинкадағы аал Совединің кнезіне таап салғаннар. Агаа хожа, Пшидегі район Совединің депутадына 10 чыл изере табылғам. Тоғыс пас азыра полчаң, че нандыра пазынмачаңмыс. Пастагы тустарда улуглар, опытыг арғыстар чахсы полысчаңнар. Он чыл азыра аал Совединде тоғын парим.

— Амды нник полар тоғынарға, — сургабыс піс.

— Чох, — сагына түскең Мария Васильевна, — піс угаа таныглыг туста чуртапчабыс. КПСС ЦК-зының партия съездине сығарылған проектінде пістің алныбыста коммунизм пүдириниң улуг чоллары азылчалар. Ырах таа парарға кирек чох. Пістің хырибыста килкім алюминий заводуң пүдиріп пастабыстылар. Кимде, тізең, Соян-Сус ГЭС пүдирии айныдылча. Анда минің тунмам, Петр Васильевич Дементьев, тоғынча. Амгы төл коммунизмде чуртир. Оларны чахсы иде үгредері, орта чолга кирері пістің иңилерібіске артылча. Аннаңар піс чипиттер алнында уламох нандырыглыгбыс. Тоғынарға оой нимес.

— Мария Васильевна ах сағыстыг, аллыг көңіліг кизи, — чоохтапча Означин совхозындагы партком хачызы Иван Иванович Неверов, — партийнай чахгыларын маңат толдырча.


Пүүңгі Сабинка — ол пөзік культуралыг, сіліг аал. Андагы аал библиотекасынаң Мария Васильевнаның хызы Галина Сергеевна устапча. Оңненче, чахсыланча ыраххы аал. Ниикке чөрчөң автомобильлер, мотоцикллер, телевизорлар, радио прай тураларда, теедег пар. Прай пу чидіглерде М. В. Никулинаның хозымы улуг. Аннаңар аның көксінде күн сустарына сагылыс чөрчеткен Знак Почета орден, В. И. Лениниң 100 чазына чарыдылған медаль паза даа пасха пөзік сыйыхтар киреңилепчелер.

— Улуг киртиніске турызары оой нимес, — тіпче Мария Васильевна. — Чочыныстыг, че прай пілізімні, күзімні саларбын, партия чахиин толдырарбын.

... Табырах иртіпче тус. Совет кизілері, КПСС-тың историяа кірер XXV съездинің чарадыгларын чуртаста толдырып, чон хониин мыннаңар тилідеріне прай күстерін салчалар.

Прайзынаң хада партияның XXV съездинің делегады Мария Васильевна Никулина тіспен тоғынча. Ол, Хакасия істенчилерінең удаа тоғазып, КПСС-тың XXV съездинің тоғызынаңар чарыда чоохтап пиредір. Пин районының совхозтарында полып, М. В. Никулина, механизаторларны паза малчыларны онынчы пис чыллыгның пастагы чылының чахиин азынада толдырарына көдірче.

ИЛЫЧ САҒЫЗЫ ТОЛАР, СОЯН ОДЫ ТАМЫЛАР



Николай ДОМОЖАКОВ

ЧОНЫМ КҮЗІ

Изер салбаан асхыр чили,
Ким суг алтымда тулганча.
Суглухтаң, хосхыннаң ма
Хорыхчатхан полбазын ол,
Аннагас трибунадаң
Кимнің түбін харапчабыс,
Холнаң иткен наа түбі
Алтыбыста тирең чатча.
Оңи инженер орынчызы
Көп чоох піске чоохтан нирді:
«Тігі тугны үс октябрьда
Азыбызарбыс. Анда Кимнің
Алмах күзін

Көп чох чара хабарбыс.
Тігі тугны читіде азарбыс.
Хазыр харбас пу сыямнаң
Он пір октябрьда полар»...
Че анымчох, Анатолий.
Секундаңар даа хатыг ноо.
Турчабыс ікі көрігчи
Нап-наа иткен трибунада.
Хогдыр килген газик табан
Инженерін тарта халды.
Типсепчебіс ікі толка чох
Он пірдегі трибунаны.
Алтыбыста күн хайнапча,

Тайга-казыларынын
 кпп-чоохтарын
 Кимге Агбан төрееннен
 читірче.
 Соян тагларының тыныстарын
 Хазыр, Кизір, Туба хынып
 ппрче.
 Алтон-читон пиче, харындастар
 Алып Кимге сыдам күс хос
 турлар.
 Аяс күнни көрбеен аймах
 чоннар

Агаа пазырып, алданысчаңнар.
 Нымахха, кпп-чоохха чарлары
 пай
 Күмүстіг арығ хырланча
 салгаа,
 Кем сыдыр Кимге, кем аннан
 асхай?
 Молат нохтаны кем сугар агаа?
 Кізі пар полчан,
 Совет кізізі —
 Матырдаң матыр, алыптан
 алып!

Иртен. Сөрөн күскүнің тынызы, чікім тагларның пазынаң түзіп, Карлов хызымынзар сыын турған осхас. Че андағ даа полза, чонның чылысчатханы пу хайдар тың аарлығ паза танығлығ күннің киреңізі поларға хынчатханнарынаңар чарых көзідім. Хости-хости турған харағайлар ла, сарығ пастығ хазыңнар ла, постары алнынча чымыйбызып, хайдағ-да улуғ хайхас пол парарын хадарчатхан осхастар. Таглар пазынча ағырын чылчатхан пулуттар идök ниме-де сахтапчатхан осхас пилдіргеннер. Тиктең не нимес, Карлов хызымында, хайда улуғ пүдіріг парча, прай ниме үлүкүн кибірли чазаныбысхан. «Сині чиңербіс, алып Ким!», «Ильичтің сагызы толар!», «Харбазығ пастирға тимдебіс» паза даа пасха хыйғылар хызыл истерде, Кимге тасталар килкім-килкім хаяларда пазыл парған полғаннар.

Ким чибіргі метрче халған азых чирче, позының күзін көзідіп, көбиктеніп, сас асхыр чили, тулғап, сегіріп ағып одырча. Хайди өкпеленмес се кізее уттыр салған алып Ким ?

Прай ниме тимде осхас. 27-лер тонна көдірчең «БелАЗтар», «МАЗтар», улуғ тогысха чарбаныбызарға тимделерін көзідіп, изере-изере тур салғаннар. Бульдозерлер, тізең, автомашиналар аңдарған хая-тасты чая ідерге сағып турғаннар.

Тоғыс час иртен Соян-Сус ГЭС пүдіриннің пастығы Станислав Иванович Садовский оперативнай штабтың түгенчі чылынни иртірген. Пеер хыгыртылғаннар пүдірігде араласчатхан пөліктер устағчылары, прай специалисттер. Олар пірсі пірсінің соонча Кимнең харбазығ пастирға Сибиринің илбек күстіг суун, суғлухтап, тохтада тартып, бетон ідісче ағызарға хайди тимнен салғаннарын искіргеннер.

Кимнең күрезіг пастаңаң улус, прай нимені ипти-тапти тимнеп салып, техниканы кирек орында тургыс салып, он час чидерін не сағыпчалар. Мына мындағ туста полған на кізі ирткен чолын, пу илбек кирекке хайдағ хозым иткенін сагысха кирче ноза. Піс, тоғыс хоостыра парған кізілер, махачыларның хай піреезінең тоғасхабыс, постаңар пу туста ниме сағыпчатханнарынаңар чоохтап пирерге сурынгабыс.

Прайзының алнында пір номерліг автомашина турча. Аның тинін тутчатхан частан парған, сырайында тырысхаhtar чол алыныбысхан ирен: «Илья Васильевич Кожурабын» тіп танысхан.



Илья Васильевичтің сырайында тың улуг өрiнiс, часка пiлдiрген. Хайди өрiнмес саблыг киректернiң пастагызы коммунист Кожура! Ол АҒбан — Тайшет тимiр чол пүдiрининде араласхан, Соян-Сус ГЭС-тың улуг пичезi полчатхан Хызылчардагы электростанцияны пүдiрчеткенде, агаа Ким ағыны тулгалчаң орынга пастагы хаяны түзiрерге үлүс түскен.

А 7 чыл мының алнында, 12 сентябрьда 1968 чылда, Карлов хызымында пастагы килкiм тасты Ким түбiне Илья Васильевич Кожураох тастаан. Ол таста мындаг сөстер назыл парган полган: «Сагаа хол сунчабыс, Ким нанчы!»

Көп чыллар изере хатыг тогыс парган сылтаанда пүүн iкi чар пiрiгер.

— Магаа пүүн пазох улуг улус түстi,—чоохтапча Илья Васильевич,—устагылар Кимнi тулгачаң орынга пастагы кубометр тасты түзiрерге магаа киртiнiс иттилер. Чүреем көөрөпче, өрiнчем. Пу күн минiң сагызымда хачанга даа халар.

Илья Васильевичтiң алып машинаың хости андагох 33 номерлiг «БелАЗ» турча. Аның тiнiн тутчатхан ирен ортымах сынныг, туустыг арах. Аның күзi, сыырагы пүткен пүдiзiнде. Таныханда, пiдн нандырган:

— Михаил Федорович Мичкавскийбiн. Пүүн пiске тың улуг үлүкүн. Истенiс пайрамы. Чиңербiс, амырадарбыс Кимнiң сас, хазыр хылынн. Хайди даа илбек күстiгбiн тiп хайназа, пiстең ол ос полбас...

Соян-Сус ГЭС пүдiрининiң матырлары. Устуңең алтынзар (сол саринаң: А. Г. Маршалов, О. И. Капсаргина, В. А. Позняков, А. А. Бутин, А. Н. Решетников.

Оң саринда. С. Е. Коленков, В. Д. Миктюк, А. Т. Кызласов, И. В. Кожура, В. В. Полищук.

Сомнарны В. Полежаев паза М. Тугарков суурганнар.

Пуўнгі күнде Соян-Сус ГЭС пүдиринде 9 муң азыра аймах-пасха тилліг чонның төлі істенче. Харындас-туңма полып, паарсах ынархаста Қим хайрахханның сас хылини чабастыраарында, суглух сугып, тохтада тартарында оларның прайзы даа араласханнар.

Піске мында хакас Коков харындас-пичелернең тоғазарга киліскен. Илбек пүдірігінде олар пизблеңнер. Юрий Евграфович Коковтың «БелАЗы» алып автомашиналарыңоң өөрінде полган. Тоғыс пасталар алнында аның хыринзар парып, позынаңар, харындас-туңмаларынаңар чоохтап пирерге сурынгабыс.

— Хызылчардагы ГЭС-та піс үс харындас тогынгабыс,— теен Юрий Евграфович,— Нинанаң Роман паза мин. Олар — инженерлер. Мында, тізең, пизблеңміс. Ипчімні хада саназа, пір семьядаң алты кизи тогынчабыс. Хызылчардагы ГЭС пүдиринде Илья Васильевич Кожуранаң хада полгабыс, Қимні тулгирында хадох араласхабыс. Пуўн харбазығны хадох пастирга тимнен турбыс. Тың өрінчем. Хайди өрін-мессің мындағ үлүске.

Алыптар пүдирген тулгор үстүнде турып алып, матырларның иткен тогызына хайхапчабыс. Хачан-да, аң-хустың чурты полып, кизи іс тее салбаан орыннарда совет кизи, пістің тустың алыптары, хатығ хаяны үтеп, чара чачырадып, хайдағ илбек тоғыс толдыр салган.

Плотинаның сол ханады урунчаң чіп-чікім пөзік хая үстүнде алып күстіг экскаватор, узун мойнын аар-пеер айландырып, хатығ ун сыгар киліп тогынча. Тигірге сірни турчатхан хаялығ тағ үстүнер хайди сыххан полар ол? Пір чус сигізон тонна көдірімнің машинаны андар сыгарга гидростанцияның проектін итчеткен хай пірее специалисттер дее ікінчілееннер. Часпаң чазыча нимес, чіп-чікім хая үстүне сыгарарга.

Тимненісте көп күннер. ирткен — специалисттер хати-хати синеп алып, санап турганнар, таластар даа көп полган. Азынада сананыс хоостыра экскаваторны тағ үстүне үс сутка пазында сыгар салары көрілген. Че хачан сығар сыхханнарында, алты час пазында экскаватор тағ хыринда полган. Кем тут парган аның тинін? Саблығ паза махачы оол Александр Бутин. Бульдозернең агаа чол чзап парган Обидин. Че иң пурнада мында іс халгысханнар Борис Беленький устапчатхан бригаданың хая үстүне сыхчаңнары.



Саблығ пүдірігүчү И. В. Кожура
Сомы В. Полежаевти



Совет Союзының Іккі хати Геройы, хантигірүчү, авиацияның генерал-майоры Г. Т. Береговой паза плотник-бетонщиктер бригадирі Сергей Коленков Кимні тулғир алнында хызыл лента жисчеткен туста.
С о м ы Г. Бурнаковти

— Экскаваторны таг үстүне сыгарбаан полза,— теен піске «КрасноярскГЭСстрой» управлениениң пастыгы Станислав Иванович Садовский,— Кимнің сол чарындагы котлованда сагам тогыс парбасчых. Хаяны чара чачыратса, килкім тастар тоглахтан инерчіктер, кізілер чуртазына тың хоргыстығ поларчых. Экскаваторны таг үстүне сыгарганы гидростанцияның агрегаттарын ікі чылга азынада тогысха пирерге оңдай пар полыбысты.

1975 чылда тогыс ла ай аразында плотинаа 300 муң кубометр бетон тōзелген, ол 1974 чылдагызынаң 70 муң кубометрге көп. Кимні тулғир алнында ла тулғор үстүне 76 муң 600 кубометр хая-тас урылған. Пүдірігдегі алып улусха мынча тогыс толдырарға, Кимні тулғир тусты тимніг удурлирға ынархас чōбі тың улуг туза пирген.

Ленинградтағы 28 предприятие паза проект итчең организация Соян-Сус ГЭС пүдірігчилеріне итчеткен нимелерні азынада тимнеп пирерге марыг пастирға хыйғы салганнар. Ол тузалығ паза тың кирек пастагны КПСС ЦК-зы махтаан паза пасха даа пүдіріглерге полысчатхан предприятиелер паза проект итчең организациялар аразында андагох ынархас чōбі тōстирге чōп пирген.

Пір чōппең, өменең, удур-тōдір полызып иткен тогыстың түзімі чу-

рекке чөпсіндігітү полған. Аннаңар Соян-Сус ГЭС пүдириниң устагчызы С. И. Садовский аргыс, Кимни тулгаанына чарыдылған митингте чоох тудып, пиди теен:

— Пүдиріг пасталганнан сыгара 240 миллион салковай ахча туды-
нылган. Тулгор турчаң орыннаң 17 миллион 680 муң кубометр хая паза
хум-сай хазылған, 6870 метр хая үтелген, плотинаа 650 муң кубометр
бетон төзелген. Прай пу проект итчең улустың, пүдирігчилерниң, піске
кирек нине-нооны тартчатхан улустың тіспен тоғызының салтары. Ан-
наңар піс марыгласта араласчатхан Ленинградтагы, Москвадагы, Хы-
зылчардагы паза Хакасиядагы промышленность предприятиелеріне,
проект итчең паза пүдиріг организацияларына улуг алгыс чтирчебіс.
Амды Кимниң илбек ағыны, хайди даа хайназа, хазырланза, сайбан
полбас тың халын молат осхас пик бетон түп төзел парган.

Улуг пүдирігте партияның XXV-чи съездин турыстыг удурлар паза
Кимни тулгырында аралазар чөрім, күс сынас көп наа алыптар, чарых
чылыстар төріткен. Прай Чир-суубыс, тиксі Хакасия чохсы пілче, аар-
лапча, махтапча Сергей Коленковты, Михаил Полторанны, Валерий Поз-
няковты, Федор Горбаневты, Анатолий Милушкини, Михаил Машенко-
ны, Юрий Кокоты, Владимир Полнщукоты, Александр Тяжевити, Плья
Кожураны, Михаил Мичкавскийни, Александр Маршаловты паза-улуг
пүдирігдегі пасха даа алыптарны. Прайзы олар, көп халыхтыг марыгда
аралазып, артыхтар санында полип, Кимни тулгырында аралазар аар-
ласха турысханнар. Халыхтар марши, пүдирігчилерниң матыр тудынызы
коллективке пылтыргы чылда чалтырама чидіглерге чидерге ондай пир-
ген, махачы хылыхтыг улус тоғызынчы пис чыллыгны он айга азынада
толдырыбысхан.

Күн илееде дөрлеп парган, че аның сустары ибیره турган тағлар пас-
тарында хайынча, оларны чарытча, чылытча. Мында, Ким алыпнаң күс
сыназар, арга-пилге алызар орында, ам даа көлеткі, соох тан ит-сөбкті
өтіре үбүрче. Че иди дее полза, Кимниң сол чарындагы паза улуг тулгор-
дагы істеніс үлүкүнише Чир-суубыстың пасха-пасха пулуцнарынаң, Хака-
сияның прай районнарынаң, городтарынаң килген муңар санныг аалчы-
лар, соохты соох тібин, чилни нинее салбин, ыр-көгде, хатхы-күлкіде тур-
чалар. Прайзы олар улуг кирек пасталарын сағыпчатханнар.

Он час. Тигірзер ракета учухча. Ол Кимни тулгырына, анынаң хар-
базыг пастырына сағба пирче. Муңар санныг пүдирігчилерниң, аалчылар-
ның ая сабызы киче ырах тарапча. Көрчебіс, харах киртінмиңче, хызыл
ис ицине артын салған чнит оолнаң хости хантигірчи, Совет Союзының
ікі хати Матыры, авиацияның генерал-майоры Георгий Тимофеевич Бе-
реговой пастырча. Олар тоғыр тарт салған хызыл лента хырина чит ки-
ліп, чүс азыра корреспонденттерге ибүртіп алғаннар. Мында социализм
страналарынаң, ФРГ-даң, пістің центрдегі газеталардаң, журналлардаң
радио паза телевиденнедең журналисттер полғаннар. Полған на журна-
лист сомға суурчаң история кірер таныглыг нимені прай хабарға ха-
расхан.

Кимни тулгырында аралазар үчүн кибірліг марыгласта сыбыра ал-
нында полған, нинче-нинче ай изере улуг пүдирігте пастагы орынны тут-

хан, саблыг ГЭС пүдiрiчiзi Андрей Ефимович Бочкиннiң адын ал чөр-
четкен комсомол-читтер бригаданың устағчызы Сергей Коленков
хыптыны хантигiрчi-летчик Г. Т. Береговойға пирче. «Совет кiзiзiне саб-
ланыс!», «Махачы пүдiрiгчiлерге сабланыс!», «Ура!» сөстер Соян тағла-
рын яңыландыр турғаннар. Георгий Тимофеевич, хыптыны холға алып,
хызыл лентаны кизер алнында, ВЛКСМ ЦК-зының, прай хантигiрчiлер-
нiң, поэның адынаң Сергей Коленковты, аның арғыстарын чылыг ал-
ғыстапча, мыннаң мындар даа читкен чидiгде тохтабин, прайзына ма-
нат кōзидiм поларларына iзенчем теен.

Хызыл лента үзе кизiлген соонда Сергей Коленковтың бригаданын-
дағы ооллар, «Ура» тiп хысхырып ала, Андрей Ефимович Бочкиннi чоғар
тастап турғаннар.

Саблыг хантигiрчi, лентаны үзе кизiбiзiп, Илья Васильевич Кожура-
ның I № автомашиназын көре пастырча. Аны үдесче Сергей Коленков.

Саблыг хантигiрчi Г. Т. Береговой Илья Васильевич Кожуранаң чы-
лыг изеннесче, поэның, прай хантигiрчiлернiң адынаң Кимнi тулгирға
пастағы кубометр тас аңдарарға үлүс түскенiнең алғыстапча. Аңаң ол,
кабинада Кожуранаң хости одырып алып, Кимнi көре автомашинаны
кōблче чылдыр парчалар. Ким хазына читкенде, автомашина айлана
түскен, нандыра чыл парып, «Иiс синi чинчербiс, алып Ким!» тiп пазыл-
ган килкiм тасты аңдарыбысхан.

Ана ол тустаң сығара Кимнең хазыр харбазыг пасталыбысхан, пн-
ленде турған чүске чағын автомашина Сибириңнiң илбек сууның ағынына
килкiм тастар, хум-сай аңдар турған. Ким хыстырғаннаң хыстырча,
эның сол чары чағыннаң чағын полып одырча. Харбазыг 3 час 30 мину-
та парған.

I час 30 минутада Соян-Сус ГЭС пүдiриннiң пастығы С. И. Садов-
ский пүдiрiгчiлернi, прай аалчыларны радио пастыра чалтырама чиңiс-
нең алғыстапча. «Кимге суглух сугын, тохтада тартыбыстыбыс. Ол амды
бетон тōзеен iдiсче ах сыхты», — тiпче ол.

Истенiс пайрамы Кимнең күрезiг парған орында, Карлов хызымын-
да орайға читiре полған, пүрүккi киргенче Соян тағларының тōзiнде ыр-
көг чайылған. Чоохты тоосчатханда пазох ла поэттiң сөстерiне айланар-
ға чараттыбыс:

Мир хайхир ГЭС-тың
теерпеен толгирзың,
Күннең марғыза, чарых
чайарзың.
Эмек тамырча ибiре тарап,
Хакас чирiнзер чылиң
ызарзың.
Амды хайдағдыр,
чиндiрген алып!

* * *

КПСС-тың XXV-чї съездінің чарадинда пїдн пазыл парган: «Соян-Сус ГЭС-тың пастағы агрегаттарын тогысха пїрібізерге...» Партиянын чахнин пўдірігчілер иң аарлыға паалапчалар. Аннаңар пастағы ікі агрегатты 1978 чылда тогысха пїрібізер үчүн амох улуғ тимненіс парча. Ол тусха пўдірігчілер, асхынах ла полза, 4 миллион чарым кубометр бетон тўзеп саларға киректер, агаа хоза муңар кубометр хая-тас, чара чачырадып, пасха орынзар тарт саларлар, станцияның агрегаттары турчаң зданнені пўдір саларлар, Соян-Сус ГЭС-тың очы туңмазы Майнадагы ГЭС-тың пўдірини пасталыбызар. Тохтаг чох тогынчаң пазох пїр завод тогынып пастабызар. Ол тусты пўўнгізі ндер үчүн пўдірігчілерге илбек тогыс толдырарға килізер — пўўлгі ле чылда 650 муң кубометр, 1977 чылда 1 миллион азыра кубометр бетон тўзирі кўрілче. Ана аннаңар сагам алып сугнаң харбазыг тыығаннаң тыыпча. Марыг кўннең кўнге алгыпча, Ким оттары чарир тус чағдааннаң чағдапча. Агаа праи кўс, пїліс, чылха салылча.

С. ДОБРОВ

СОЯН САРЫНЫ

Полган ол 1962 чылда. Телефон кичетін сығдыри тўскен.

— Истїлчем,— нандырча Петр Васильевич.— Я Ленгидропроекттің чїтїнчї экспедициязы, Ерашов.

— О, пїске Сїрер кирексер,— истїлче ырахтын ир кїзінің хойыг табызы. — Пастағы чылда Ким тулгырына ханатанчабыс. Пїлчезер, хайдаг улуғ нїме ол. Че Ким тўбі тулгор турыбызар орында хайдаг ни, хая-тазы пик не, геологтар сыныхтап, мында праи чарир, килїсче тееннері орта ба ни, — ана аны сыныхтабызарға кирек. Илебести пїрее сызых пар полза, соонаң Ким алып пїске синеп полбас ўрел агылар. Азынадох тулгор алты, суг атыгып агар чїрї хас хачанга даа сыдазарын ўтіре пїлерге кирек. Пїске алмазнаң чїр ўтечең улуғ пїлістіглер кирек. Хызылчарда андағлар табылбады. Сїрерзер айланчабыс, чахсы идіп, хабас пїрікер.

Ерашов, чоохтасхан соонда, сым на, одырыбысхан, нїме-де сагынып. Анаң омазы чарыи, харахтары чылып, таптым теен чїли, тура хонган, лысхырыбысхан:

— Магаа Кызласовты! Хайдаң даа табыңар! Антон Терентьевич амох пеер чўгўрзїн.

Ўр дее полбаан. Ленгидропроекттің Майнадагы экспедициязының пастыгының алнында ортылабысхан хакас оол одырыбысхан. Петр Васильевич холын сїлікче, сурағлапча хазинаңар, семьязынаңар, тогыстанар.

— Чочир, хомзыңар нїме сагам за чоғыл,— тїпче Кызласов. — Азах-хол ла сала сыстас халча тағдаң тага паххан соонда. Чир ўтечең машиналарыбыс Кимнің ікі чарындағы тағларда тогынчатханда, магаа кўнде пїрде пїрсїнде поларға килїс ле парча.

— Пилчезер бе, Антон Терентьевич, нимеденер Сірерні пиди ман-зытта тілеттім?

— Чох,— нандырча ол.—Ниме пол парды? Пірее алчаас ит салды-быс, арса?

Ерашов, одырған орнынаң турып, аргызынзар чагын пастыр килді.

— Сагам на телефон пастыра Хызылчардагы ГЭС-тең сығдыратты-лар,— тіпче пастых Тулғор алтын сыныхтирға чир үтеченнерні сурчалар. Ызар пол салдым. Я, ызар пол салдым. Хабазарға кирек ноza. Чир чалбахха сабланчатхан пүдірігдегілер тың аарлығ тогысха тимненчелер — Кимні тулгырына...

Ерашов, креслозына айланып, ипти одыр салды.

— Пастагызын сині адапчам, Антон Терентьевич. Синнең артых ізестіг кізім чоғыл. Ікі бригада, ікі станок парарға кирек. Иннче анда теелізрге килізер, азынада пилчее чоғыл. Сизінчем, хатығ урунар, 16 кізінең устирзар, прайзы сыырах ооллар, сөзің истерлер. Ікі айға командировка пирчем.

Туртухпаан пістің оол, чаратхан. Ікінчі күніндөк арғыстарынаң чолга сығыбысхан. Хызылчарда оларны чидікпин сахтапчаттырлар. Пастыхтарның, инженерлернің чоохтары аразында Антон Терентьевич

аның иңіне артылчатхан киректің хайдар сидини паза аарлини уламох тирец сизін салған. Че ле, чарир ла теенде, төдірленерге чарабас.

Ол хараа, Кимнең ізеннезер, аның бетонға хаптыр салғаң ідізінең тогазар алында, Антон Терентьевич чахсы узуп полбаан. Күрезер таңдади күстіглер тосханча харых тартадырлар ба хайдаг.

Чатча, пір дее ниме сагынмасха харасча, че уйғу ээрген хайдар-да чазыныбысхан, килбинче. «Пар ни сызых. Пар полза, хайда. Тулғор турыбызар орынны чүс хати сыйбирга килізер. Бетон чабылбаан полза, суг алтын, аның хас хачаннаң хатығ хая-тасха айлан парғаң ідізін үтеп, ідіс алтындағы хаяда хайда-да сызыхтал парғаң орынны табары тың на хорылыстығ полбасчых».

Пазох час иртіп парды, уйғу паспинча. Илебести, сагынча Антон, сызых чох полза, хайди киртіндір-

чең пастыхтарны — туртухпаңар, тулғор турар чир пик, хас хачанға даа сыдазар тіп. Кимнің ибіркі ағынының ідізін аар колодазының оймахтары чіли итпеенде, андағ киртініс пир полбассың. Илебести сызыхты иртір салзабыс, көрбин, таппин халзабыс, тулғор нинче пар тимір-бетон та-



Коммунизм істенізінің матыры
А. Т. Кызласов

мырларынан тур парза, сугның хайдар хатыг атыгынызына бетон алтындагы сызыгас, тіріліп, көөлче чіріліп, оймах хазып, тулгорның төзек-частини сілік сыхса, хайдаг үрел ағылар чоныбысха...

Пазына сыыспиң кірчеткен сагыс-чобагнаң майыхханча тартызып, таңари Антон Терентьевич узубыстыр. Усхунза, күн хараа өөрлебістір, коридорда нызырт-назырт ла. Тура хонды, маңзыри тонана, аргыста-рынзар чүгүрді.

Пастагы күн, пастагы сыныхтас. Ниме ле пирер ол, ізендірер бе атай пах полбас чікім хая чіли турыбызар ба. Чир үтеценер Ким ГЭС тулгоры хархай турар орында станоктарны суг түбіне чапсыра түзіріп, сал салған бетон пастыра суг ідізін, аны хас хачаннаң хайраллапчатхан хая-тасты хайындыр сыхтылар. Алмазнаң чазалған тиріглер ағын суг төзсен, ибіре-сибіре сыйбап, чыл сыхтылар. Хайдар даа чылдырзалар, сыыхха урунминчалар. Ким алып, тізең, синири чох күзіне пазын полбни, чурунғы кибірінең тохтаг чох хазырланча, хоолап-саалапча. Иреелестіг түбі харалчатхан тирең сугның ідізіндегі хайда-да чазын салған чіктіг оймагасты тілеп табарга. Че пістің ооллар өстебинчелер, хая-тасха урун-нып ала, хыйга машинаның чорыгын узаратчалар. Алмаз үтег, суг алтын-ча чөріп, поэзының сарынын хойытча.

Ікинчи, үзінчи, төртінчи, ишзінчи, алтынчы күннері ідөк хазыр тілегде тоозылган. Хайди даа сірензелер, кирек чарабини на парча. Көбізі Антон Терентьевичсер ізенісең көрчелер. Ол тапсабинча. Ооллар аны тибіретпинчелер. Оң алты чир үтеценерниң улуғлары таңда ниме идерін, тілегни хайди тыыдар оңдайларны пөгінчеткенін оңарчалар. Кичее ле, тоғыстан таразар алнында, пір оол, чағын пастыр килін, хулаана: «Антон Терентьевич, мүй сыхпас неке, тике ле ирееленчебіс» теені істі-паарын ачыт сыххан. Пёос, сагынча, оолларым оң поларына ізенминібістілер. Хайдаг даа киректе ізеніс—чидіг төстее. Бетон хайдар-да чіт парча,— тінчелер пүдірігчилер. Чік пар, че аны тілеп табарын сірерге ле салчабыс. Табарбыс! — істінде сағын салған Қызласов.

* * *

Хончатхан ибіне айланып, хапхыланып алып, тынага чадыбысхан. Иди чалгызан халзаң, ибіре сым-сырых полза, кізі ирткен чылларны сагың парадыр. Ноға-да ол Төө пазындагы тағлар үстүнде пол парған. Чинит оол, төреен, өскен Қызлас аалынаң чаа тоозылган туста андар чиде салған. Андагы тағларда тимір илбегін Путка апсах искіргенде, сыныхтағ пасталған. Ус чыл Антон Төө пазындагы тағларны чүс хати ибірген. Анаң, разведка тоғыстары тохтал парғанда, ол полған 1949 чылда, Қызласовха андартын көзерге киліс парған.

Төреен-өскең чирінде тағ паарларын, суг хастарын, көп ибірерге каліскен. Тасхыл үстүнең ибіркі арығлар, көк тайға, Ағбан, Төө, Асхыс, Ис, Ким суғлар, хойыг оттыг, күнге чалтырап көйчеткен порчолыг пүктер ныхмахтағыдаң ырах артых сілігнең чүрең хайнатчалар.

Я, сагынчазың, адам чіри пай чир. Алтыны, тимірі, сылагай ағазы, ахчатхан суғларының күзі ине чирібіс пайының илбек хазанына урылча, ил чон хонини тилітче.

Нымахха, кип-чоохха кірген Ким пазының тасхыл-тайгазынзар киче килген осхас. Геологтарга хозылып, он төрт чыл мының алнындох тун тайганы усхурган. Хайдаг чыллар, хайдаг тогазыҕлар!

* * *

Иртен. Кимнің оң саринзар хайын сыххабыс. Оңналган,— сагысха кирче Антон Терентьевич. Ким түбін іди ле сыйбастыр пастааныбыста, станогыбыс кинетін 30—50 сантиметрге кире түс парган. Мына сызых! Ол хысхырыс чиіс төреенін чарлаан. Прайзыбыс кире түс парган станокты хучахтапчабыс, хайзы охсанча: «Ура! Ура!» — тіп. Мин не тапсабин, тілім тарт парган чіли, ах тик ле турыбысхам. ГЭС пүдірігчилері ойлас килгеннер. Пісті прайзыбысты, час пала чіли, чогар көдірчелер. Орініс, алғыстас, хатхы Кимні, аның оң чарын тітіретчелер.

Чік орны табылганда, ГЭС-тегі тогысты тохтат салганнар. Ибіре салылган бетонны унадарға, арыҕлирға, суг ідізі алтындагы хая-тасты лазох сыныхтабызарга кирек. ГЭС тулҕоры турыбызар орын хайдаг даа хатыҕ сабысха сыдир үчүн, Кызласов оолларынаң хада пір айга читіре тееліскен.

Хызылчар ГЭС-зі чир чалбахха сабланча. Тулҕор тур парыбысхан, станцияны тоғындырчатхан машинна залынзар кірчеткен аалчылар, аның сілинне, ГЭС-тің күзіне хайхидырлар. Че аның чир алтындагы хая-таснаң, бетоннаң хачанға даа пірік парган чүзер, муңар чыл турар тулҕорның «агыриин» таап, айдас ит салган ус холлыг, махачы күстіг ооллары, оларның улии Антон Терентьевич Кызласовты пірдеезі пілбинче. Агаа, миллион пүдірігчилернің пірсіне, сабланыс кирек нимес. Ол хайдаг улуҕ ниме иткенін чоохтир чоҕыл. «Мин итпезем, пасхазы идерчік», — тіпче Антон Терентьевич. Пу сөстерде пүүнги совет кізізі, аның сагызы, хынызы, чуртазы. Андаҕларнаң пай Ада чир-суубыс.

* * *

11 октябрь 1975 чыл. Піс хости турчабыс нанчым Антон Терентьевич Кызласовнаң. Пүүн ол аалчы. Хыр пастыҕ Соян таҕлары көрбеең пайрэм хызына кірче. Істі-паарыма тол парган өрініске чоохтан даа полбинчам. Аргызымзар көр салчам.

— Ниме сағынчазар Сірер? — айланчам Антон Терентьевичсер.

Кызласов пастап минің суриним испеечік полча. Күстіг самосваллар Илья Кожураның соонаң, пірсі пірсін сүрізе, сигіс пулуңныҕ аҕас ибдең улуҕох хаяларны, ала парыс чіли сатырапчатхан, кізінең хазыр тартыста хайхастыҕ удурласчатхан Кимзер тастапчатханнарынзар харах албин көр турча. Харахтары сугланча. Минзер айланып, амыр үннең, полган на сөсті ал-алынча сыгарча:

— Сірер неер улуҕ пайрамнарда ла кил парчазар, мындагы тайганың, таҕларның хылин-кибірін өтіре пілбинчезер. Минің чүрееме олар хачан даа чарылыспасха кір парганнар. Поладыр ноза ибде: син төріткен пала ос парча, алынча хоныхха чарылча. Орінчезің кичеегі час нимечекті

тееңдир салганыңа, че чарылызарға пастап хомзыныстыг поладыр. Пис тее, мында он чыл азыра хараа-күнөрте хайраллап өскірчеткен «пала-чаабыс» азахтанчатханда, соондагы күс-сагнаң прайзын азар алыптың күрдөк көксі чайханары чагдапчатханда, паарыбыс көөрөпчеткенің пазын полбичабыс па, тап.

Пис пазох ікі чар пірікчеткен, Хыр Ким хыстыр парған, мында чыыл парған санап тооспас чон чахсынаң, піснең хада Москва, Ленин городы, чирібістің аймах пулуңнары, пасха даа страналар чоны пурунғы хакас чирінде коммунизм төстее салылчатханына хайханчатханына киречі полчабыс. Иртер чыллар, алызар төллер, че пір муң тоғыс чүс шитон пис чылның октябрьның 11-чі чарых күні исторняда арлана халар.

Писсер чагын пастыр килді моол журнализі Магсарин Чой-Жыл. Аны Кызласовнаң таныстырчам. Хынып сураглапча аның чуртын, тогызын. «Пис тее, — тіпче моол нанчы, — улуг нимес суг күзінең тогынар станциялар пүдірчөбіс, че мындаг алыпты пастагызын көрчөм. Угаа чапсыстыг. Улүстігбін пүүңгі пайрамда араласханыма. Чоныма искірербін Сибирьде, хакас чирінде чурт алчатхан улуг пүдіріглерденер».

Чой-Жыл пісті Вьетнам харындаснаң таныстырча. Аннаң тіл чахсы алыс полбичабыс. Ады-солазы Киеу Суан Шон тіпче. Мин аннаң блокнодыма пірее ниме пас нирерге сурынчам.

«Прай көрген-искен нимем кічіг Хакасияда — чапсыстыг. Сибирьдегілер көңіме угаа чахсы кірділер. Пис, вьетнамецтер, Сіпернең тогасханга өрінчөбіс. Мыннаңар даа өңнензін пістің ынархазыбыс. С. Ш. Киеу».

Алтында пос тілінең пас салды. Аны хығыр полбадыбыс. «Хакас чонына коммунизм алгызы» — іди тоозылча пу таныглыг пазыс.

Кинетін чон хорылыза түсті. Он-пасха ракеталар ибіркі чирні улам чарыт сыхтылар. Ікі чар пірік парды. Өріністіг табыстар. Он сариндагыларнаң сол сариндагылар учуразып, изеннесчелер, хучахтасчалар. Пис төртөлең хол тудысчабыс, удур-төдір алгыстасчабыс. Пу күн хайзыбыстың даа істінде үрге халар.

* * *

Чир үтечең Кызласов Антон Терентьевич поэзияның чорыгында, күнбең күнге, айдаң айга. Кирек чохта суулабас, амыр ла пастыр чөрер, че ндер нимезін сипсетпес. Аның, арғыстарының тогызы улуг. Тулгор турыбызар чирде Кимнің ідізін ибіре, кічеп көр парчалар, бетон хайда салылчатханын сыныхтапчалар. Хызылчардагы геологтарның алчаазын мында хатирға чарабас.

Пастырча Ким хазынча ортылап парған, че ам даа ник паза ник пазыстыг, ортымах сынның кізі. Маңзырабин чылчатхан чөрізінде, ибіркі тағларзар чылыг көрізінде иб-суг ээінің омазы. Агаа, партияның Саяногорсктагы горкомының членіне, тогызынчы пис чыллыгының ударнигіне, прайзына аарлатчатхан кізее өріністіг пос холы, пос күзі читкен нимее харах көзіне пүдіп, тамырланып, өсчөткенің көрерге.

ЧООХТАР ОЙЫННАР

Николай ТЮКПИЕКОВ

ХЫСТАҒДА

Повесть

ІКІНЧІ ГЛАВА

Роман хыныґ ла узупчатханда, азағын кем-де хыймырадыбысхан. Кӧрзе, Симок алнында тамкы нурлат тур салтыр. Час писке дее читкелек.
— Тонан табырах, хойларны сыгаргалахта, харахтарына туу ӧсклеп парган тӱктерни хырыган.

Тасхар сыхсалар, харасхы. Соох ачыда чалганча. Хазаада чарых наза чылыг полган, хой чуцагы ла чыстанча. Хураганахтар, чочып, тура хончалар, анац киріліп, сӧлініс турлар. Роман харахтарына тӱктер ӧсклеп парганнарын таллап тутхлапча, Симок, тізец, оларны, ойда назып алып, хыдырада хырыхча. Тац чарып килгенде, халганын тацдага артыс салып, сыгарарга чарат салганнар. Роман сӱрген хураганнар, ізіксер парбин, ибіре ле айлахтанысчалар. Симок хысхырып ала, чабал кӧнекнец хуйдыр сыхханда, тасхар кӱрелізе тӱскеннер.

Роман азыранып алып, малын хысхыда хой хадарарга ӧнетін кис салган кӧк сулалыг хыразар чалабызып, хырац озаринда улам ибіре сызыр чай чӧрчеткен Алексей Кирилловичсер парган. Изениестілер. Ол, тирін чызынып, тогыстанаар ол-ну хабарлазып, улам тӧзінде одыр салган. Чил, тӱӱл киліп, сызырларны сыбдыратхлапча.

— Кемнер ле чуртабады пу хыстаґда? — чоохтанган ол, — Симок килер алнында Пачат тіп кізі семьязынац тогынган. Пис палалыг полганнар. Оларныц пызолыг ла інек полган. Арага іспечец, тамкы тартпацац, ачыч-чарых кізі полган. Палаларын, ончаа ла чіли, топандырчацнар. Ман полза, гармошканац ма, балалайканац ма ойнап, килістіре сарнап, хормачыланар. Палалары, пір дее чалтанмин, угаа мацат плесет салчацнар. Хысхы узуп харааларда, чатхан саап, тац азыра хайлачац. Оларныц чурты писке клуб ла чіли пілдірчец, хости даа хыстаґлардац килген кізілер мында ӱзілбечец. Ааллаан кізіні абыртхы-талганнац сыйлабин сыгарбачацнар. Ол пилінец майыхчац, аар хабын салгам, аннацар хой хадарарга килгем, тічец. Чылан тогас парза, олар мында толдыра, пір дее чиркенмин хаап, хайди-да сахпас иде сілігібісчец. Анац ахсын чара тартып, хурчан чӧрчец, пиліме истіг тічец. Мал хадарчатса, ол ӧркелернец чыланнарнац на айгасчац.

Агаа ӱр тогынарга киліспин парган, мына хайди полган кирек. Ікі айныц аразына он пір хураган чіт парган. Ол салыгыбысхан: хайлабин-даача, сарнабиндаача. Сагалын позыдыбысхан. Кізінец дее хынып, мыныц алнындагы чіли, кӱлкі-хатхыда чоохтаспинча. Кілескемӧк — табылбаан.

Тігі совхозта пір улуг оғыр кізі хойда тоғынған, малын хадарбачан, арага ла ізіп, килегейлен чөрчөң. Чоон, пөзік, харны педек хара кізі полган. Чагышхы чабаннарны пір холда тутчаң. Хой оғырлирға маргыс салар алай ба хычанар, хайди даа чызып алар. Чулгыс айна полган. Че ол табанның чир үстүнде хорыхчаң нимезі пір ле полган — чылан.

Хой хадар чөрчетсе, узун хуртты көр салза, ибінзер ойдадыбысчаң полтыр. Чазыда узубас, чатпас, узун от аразына кірчетсе, алнынча таяхтаң кыш-кыш тіп, хурт-хоосты хуйдырып одырчаң.

Пірсінде оғыр чабан станцияда Пачаттаң арагаа ахча суртыр, пирбеснде хычантыр. Пачат, оолгын хой хадартып, позы иледе китеп чөрген. Палазы күн ізнінде, хойлар чатчатханда, узубыстыр. Ол оғыр, төң озаринаң ас киліп, хураганнарын тутхлап, хаңаага таарлап сыхтыр. Пачат, көзө тазы кистінең сых киліп, хысхырғанда, тис ойлабыстыр.

Турлаанзар парып, семьям улуг, хураганнарымны син оғырлаан поларэың, нандыра пир сал, хыялга сухпа тіп чалгантыр. Чахсы хадарбин, оғыр найлап килгезің тіп, анзы чабаллаң сыхтыр. Сагам хаңаалыгох оғырға паргазың теенде, чойланма тіп Пачатты сырай пастыра тазылада партыр. Инчізі хыринда хыххтап-хыххтап хатхыр турча тіпче. Пачат көрче, тик ле чирдең сохтыр салгадаг, үр дсе сағынмин ізебінең тіріг узун, хара чылаң сыгар киліп, сырайынзар силібістір. Анзы «ы-татай» тіп сагыс чох ойда партыр. Пачат, алтанып алып, малынны пир тіп, мойнынча, сырайынча сойлатхлапчаттыр. Оғыр чабал табыснаң абагыртыр, пілбеске кір чөрібістір, тілі тарт парып, неделя пазынаң үрөп парган.

Пачатты индір парыбысханнар. Оғырның дөрінең көп чабан хойларын танып чар парыбысхан. Инчізі, мал-хузын садып, чадап ла төленген.

Пачаттың чаргызына прай ибiркi чабаннар килгеннер: алына турып чоохтанганнар. Анаң пөзік чаргызар пічiк ысханнар. Пачат маңат чааласхан полтыр, тогыста махтатчаң. Иледе ай пазынаң ол сых килген, ишгiн садып, төленiп, совхозтаң саназыбысхан. Поос хазыра сыйлаам, ол албаан. Писнең чылыг анымчохтазып, мөнөк чиринзер, Тастып чоғар, көс парыбысхан. Угаа ээрістіг полган, олар парыбысханда. Олганнар настагы тустарда письмо алысчаннар. Түнөс Пачаттың сомын газетада көртем, леспромхозта тоғынчаттыр, бригадир полып. — Ол сым пол парган, анаң хойларын харахсынган.

--- Чапсыстыг кирек полтыр, — чоохтан салган Роман.

--- Чабаннар аразында тылаастар пол парча. — Алексей Кириллович, хойларының чатчатханын көре, манзырабысхан. Хой хадар чөрчетсе, соох күнде, хысхыда хысха даа күннер узун пілдіредір. Роман хураганнарын ибіре пастыр чөр киліп, сызырда чат салган паза Ларисанаң хайди танысханын сағынчатхан. Школаны дөрезінең азынада тоосхан, туюххан көблен чөрчөң. Армядаң ниме полза, ол ползын тіп чағын танызарга письмо пас көрген. Нандырыг үр сагытпаан, анаң письмолар аар-пеер учугыс сыхханнар. Ол ибінзер читкенде, хызы өнетін тоғазарга килген, ікі чылның аразында көп нимес алызыбох партыр. Оскен сыны көп нимес хозылтыр, уламох ниске пол парганға төй. Ачых-чарых сыңылада хатхыр чөрчөң паза кізее паарсах хылин ла алыспиндыр.

Ойын соонда, Үдесчеткенде, Лора теен: «Тан, үгренерін пу чылда тохтат салчаң? Ичем агырып, докторда айға чит парир. Пабам чалгысхан, хада тогынар кізі табылбинчатхан осхас».

Роман пабазының полысчызына парарға чоохтас салгам теен.

— Мин килзем, үзөлең тогынарбыстар, — хыс өрін парған.

— Туңмаларының кип-азахтарын даа арыглап пирчең кізі чогул. Ибзер сагысырап ала үгренерге сидік.

— Пир чылны тик иртіргені улуғ чідіріг нимес пе?

— Паза хайди идер зе? — хыс чылығ анымчоохтасхан. Кинетін машина күүлеені истіл парған, Роман тура хонған. Аким Сергеевич азых машина кабиназынаң сыхча.

— Изен, киректерің хайди парча? — пастыр киліп, хол тутхан ол.

— Чахсы. Чил ле тохтабинча, анзы хомай.

— Пу кўннерде соохталар тіп искірчелер, — ол хости одыр салган.

— Пастары айланчатхан хураган пар ба?

— Сизінмедім.

— Чоохтап пир, чазырбин, кичее хараа хайдағ оолларнаң кўлет саяхазың? — Аким Сергеевич сыныхти көрген.

— Пир дее араға іспеем. Хайдағ ооллар полар мында? Хости хыстаглардағы чабаннарнаң танысхалахпын. — Роман, хахап парып, көрген.

— Маймосов таа іспеен ме?

— Хаптыра чөрчеткен.

— Хайдаң араға алған ол?

— Мин хайдаң пілербін.

— Сағаа ниме чоохтирға сагынчам. Малда тогынарға сагынчатсаң, иртеезін турарға кўнік. Малчы иртечі полчаң. Иртечі кізіні ікі үлүстіг тіпчелер. Араганы тынанчатса, ибінде іс. Хыстаг ағылахти араға ісчең чир нимес.

— Ибде дее іспезе хайди полар?

— Уламох чахсы полбас па?

Сым одырыбысханнар. «Симок мині алахтырған полар, пу ізеечі оолга тббй нимес», — сагынчатхан мал пастығы.

— Хураганнар уян, иртен сай пірер хаңаа көк сула чай пир турыңар. Мал азыгы чидер, пасха ла холга кірбезе. Симок тың на ізестіг кізі нимес, сизінзең — искір.

— Кізіні хайди хадарып алар, — Роман кичее полған киректі чоохтирға чаратпаан паза андағ ниме итпес тіп.

— Прай ниме поэыңнаң, хайди көргезің тогызыңа, малың азыгына. Чыылығларда удаа чоохтапчабыс. Испес кізее чўс хати чоохта, туза полбас. Азыралны үзўрлеп піліңерөк, хатығ хысхы ам на пасталча. Че анымчоох. Сағаа, чит кізее, ізенген полгам, нббс пір тіл таппаспыс. Илееде хыстаглардағы комсомолецтер минің чахсы полысчыларым. — Ол, анымчоохтазып, Алексей Кирилловичтің хойларынзар ойлада халған.

«Нббга мині араға іскен тіп, найлады, — сагынчатхан Роман. — Пир тіл табарбыс, Аким Сергеевич. Симокты хоптирға аястығ».

Роман, хойларын, тузы читкенде, индір киліп, силоснаң азыраан,

сугарган. Аңаң чазы хазаада көлбечектерге урглап салган суланы чибіскеннерінде, туюх хазаага пиктеп салган.

Туразы чылыг полтыр, Алексей Кирилловичтің полысчызы, чнис тимнең салып, позы наныбыстыр. Хой өскірөң журналны хыгырып, чат салган. Соохха тооп парганнаңар ба, харахтары постары ла чабылча, ачысча. Тасхар адайлар тохтабын үрісчөткеннер.

Ізик ыгыри түскен. Пөзік сынныг, тегілек хызыл сырайлыг сіліг оол кір килген. Ол соохха тооп партыр, арагазы, силюзы чыстанчатхан. Таныс нимес кизи хысхачах тонын суурыбысхан, агарыбысхан хара костюм кизип, көк свитеріне хара галстук налган салтыр.

— Чадып ала хой хадарчазың ма?! Чат, чат, иртенге читіре чарым хойың халбас. Чадып алып тик ахча аларга ба? Итрит солдат, мин сүні үгрет саларбын! Чатча ізігдегі килескі чили!

Роман, хахап, тура хонган. Оол, холларың чүктен салып, пулуңнаң пулуңа пастыр чөрчөткен:

— Пилчезиң ме, кеммин мин?!

— Хысхырба, тунух нимеепин. Чабанзың.

— Алчаастапчазың, иркееем. Райондагы аал-хошин управленнезінің өйи мал имүзібин. Сыныхтага чөрчем. Чабан сагаа! Позың ынчыхтың чабанызың. Чабан тии сөклезен, сагамох өдір пирербин. Хой хадарганча, мооныбызарчыхпын. Пилдиң ме, хойлагы!

Роман, чойланчатханын сизіне, өкпеленип одырған:

— Хысхырба, чарханчам. Нога пиди күлкістіг тонан салгазың?

— Киреең чогул. Пил, чабаннарның мындаг мода. Хастымзар килдим, ипчим Лорачаам мында ба? — ол, чидилип, хости одыр салган, — Лорачаама чагын чөрбе? Чойырхапчатсаң, тилиңни үзе тартыбызарбын. Сынып, хучахтаглазаң, хол чох халарзың. Алнынча сегиреңнеп чөрзең, азгыңны сыы сабызарбын! Пилдиң ме? Пир нимедең хорыхпас, харибде өскен хал табанмын. Пу чагында миннең кизилер ле нимес, аң-хус таа хорыхча.

— О-о, хандыра кизи полтырзың, харибде одырғанох. Көпти көрп, көйее чалгаазың, я?

— Я, көйее чалгаам. Ипчимзер армяндаң пир обезьяна осхас согын оол письмо пасчаң. Кизее дее төйи нимес, сомы ибде халган. Атти осхас чалбах пурунныг. Хой харахтыг. Инектинне төйи халын ирніліг. Адай тістіг. Письмо килзөк, хада хатхырызып ала хыгырчамыс. Ол оол тоғас парза, кинет саларбын. Таң, магаа күліп, чуртапчатхан ипчиге письмо пасчаң? — Ол иди чоохтанып, киртинмезең хыгыр таа көр тии, изеебиңең иледе письмолар сыгар килген, ирні халгыс салып, тонанып сых чөрибіскен.

Роман ах тик тур халган, өкпезине хулагынаң ала хызарып ізізібіскен. Уйгузы, палтынаң на сапхан чили, тарап парган.

Аның пазына сагыстар сыңминчатхан. «Лариса чахсох хысха төйи. Нога мині хатхы-күлкее алды? Хайдаг іки сырайлыг хыс полган. Хайдаг оол полчаң пу? Нога иди сөкледі? Ікөлең хыгырчаң поларлар. Иди полбаза, письмоларымны хайдаң аларчың? Сіліг оол, көбленіскен поларлар. Арса, ам даа көбленісчелер? Ол аар сагыстарга пастыра стол кистинзер

напада одырыбысхан. Анаң хайнапчатхан чүреен пазынарға тіп, хазаалар көр килерге тонанған.

Сибочах, атхан уғы таңмаа орта тегенін сизіне, Симокзар угаа чахсы көңіліг кірген. Чурт ээзі орғанда тамкызынох сорып чатчаттыр. Өрініс, сағыныс парып, хучахтазып изеннескеннер. Сибочах, Ларисаа көөленіп, пабазынаң угаа чахсы нанчы поларға тіп, леер арага чох ааллаба-чаң. Симок, арагазын ісчетсе, ойын сылтагнаң хызын сындырчаң.

Оол, ізебінең бутылка сыгарып, столга тургысхан, пірсі өрінін, хорсайып ала хости одыр салған. Тоғасхан үчүн хағыстырып, көдірібіскеннер.

— Пүүн пахпырдаң майыхтым, кізінің сии осхас аргызы ползын. Сии мағаа хада төреен харындас-пичелерімнең хай-хай артыхсың. Сии пір-ікі ле күннің аразына чоо сағын парчам. Имнебістің, туцмам, нник пол парды,— чоохтанған чурт ээзі.

Сибочах, чічең ниме чоғыл ба тіп, сүлейке стаканының хырин пу-ла чіли мычырада тайнап сыххан. Симок, аны көріп, угаа тың хахап парған, иттіг сковраны сала маңзыри алына тургысхан.

— Ой-ой-ой,— пазын чайхаан,— хайди тізің тынча? Пида сии. Пида-пида!

— Пілерге кирек,— Сибочах чоон үннең чоохтанарға кўстенген,— Харибде мии нимее үгрнемеем. Бритва пычагы пар ба, сагамох чібізербін.

Симок, хахап, пазын на чайхап одырган.

— Чир үстүнде тимір чічең ікі ле кізі. Мии, — ол көксін сабынған. — Паза пірсі Америкада чуртапча, ол нникке чөрчөң машиналарны чіг-лепче, Газетте полған.

— Я, я хачан-да хыгыргам. Машинаны чібісті ии ол? — маңзыри сурған Симок.

— Хайди чібіспес, че ол сүлейкені чіп полбинча. Мии хыыртыбысчаң полза, парып машиназының сүлейкелерін чіглебізерчкіпін. Пістің хыс-тағда от сапчаң машина турча, аны марығ идіп, чібізерге сағынчам. Хыринча чалаң ирт паризам, хычыгыма сілегейім ах сыхча.

— Хайдағ кізі төріп парча, пида. Пір саңай чи нинче кізінең тудыс поларчыхсың?

— Сурыбохказың. Кізінең хураганны пір дее пасхалабинчам. Пірсінде мағаа он артинаң оол сегірібіскеннер, прайзын хости чатырғлап сал-гам. Хынминчам, арғаастанчам кізі соғарға, чарғыладыбызары үр нимес.

— Пот кізі. Ир полза, сии осхас поларға кирек. Пір нимедең хорых-пас, пір нимедең чалтанмас.

Пазох, хағыстырып, көдірібіскеннер. Сибочах ит тайнаан, Симок аны махтап одырган, позы мына ниме сағынчатхан: «Пот кем кирек ма-гаа. Улуғсырхап чөрчеткен Ромачахты пу кўлүктің холынаң чызыбыспа-чаң ма. Одіріссіннер, чарғылаассыннар. Мии оортах ап-арығ холлығ ха-ларбын. Романның көк сула пирбеенін чоохтабыссам, Сибочах аны үг-рет салар».

— Кізөңнең хада тоғын сыхтың, я? — кинетін сурыбысхан Сибочах.

— Ноға? — Симок хахап, характарын тошпайта көрглебіскен.

— Чуртирга итчелер. Мына письмолары, хыгыр. Паза Роман нога пеер килерчүк?

Чурт ээзи чинттернің письмозын хыгыр сыххан, ырчайып ала. Ол письмоларда чазырар, уядыстыг пір дее ниге чох полган, изен-анымчох, наа сыххан киноларданар көбізі чоох парчатхан.

— Сыволочы! — Симок, хыгырып алып, стол сапхан. — Минің хызым, мин хынмаан кізінең хачан даа хопмас, харганчам. Роман пір дее чүреме толбинча. Мин хынган син осхас кізі тоғасса, прай пайым салып, гої идерчүкпін.

Сибочах пу сөстерге өрін парган: «Я, прай ниге кізі сағызынан полбинча».

— Сағынчамын син осхас күлүкке хызым пирерге тіп. Хынызарлар, чуртирлар. Иргі тус нигес, хайди идиі аларбын.

— Я, хынзалар синің көзіңе хухахтазарлар, охсанызарлар.

— Сым пол, иди тібе? Сині сабызарбын. — Симок арагазын суг ла чілі тартыбысхан. Пёёс син мині тастабызарзың? Сагаа ла изен, махтан чөрчөцмін. Полыс пир магаа. Сагаа ла изенчең полгабын. Пір сурынызымны толдыр пир.

— Хайдаг даа чахның толдырарга тимдебін, ачас.

— Сүрібіс Романны. Анаң хада тогынарчыхпыс.

Чарир. Ол магаа тогыс нигес. Парып сағамох бдір пирем.

— Син иштеп. Чаргаа кір пардың.

— Алгыстапчам, ачас, сағысырапчатхан үчүн. Пабам осхассың. Романға сыданарбын, обал-худай.

Олар чарым хараага читіре чоохтасханнар. Иртен Роман хайдаг-да аламдыр оол полган теенде, Симок позынзар кізі дее кірбеен теен. Наа чабан нога ол оолны чазырча ни тіп сағын салган.

Симок хой хадар парыбысхан. Роман хазаалар аразында хайынган. Ол күн силос асхан. Тогыстаң маңнан салып килзе, тураны, ідіс-хамызын кем-де чылбырада чууп салтыр.

Азыранын ол-ну полганда, Лариса күлімзіреп ала кір килген, чылыг изеннескен. Роман, хынмин, изенөк теен, хыссар соох көрчеткен. Хыс, оолның хомай көңінін сизіне, сіліг харахтарын төбін көріп, сым на турыбысхан ізік хыринда.

— Сагаа письмолар пасчаңмын, — Роман тарынчах чоохтанған. — Кемнең хада хыгырчаңзар? Нога ол письмоларны пір таныс нигес оол ал чөрче? Хайдаг уят магаа. Хысха тіп оолга письмо пасчаң полтырбын. Уят, уят. Иди хатхы-күлкее аларға чарапча ба?

Лариса угаа тың хахап парган, сырайы хызарыбысхан.

— Письмоларың чемоданымда, эрінчетсем, хыгырчаңмын. Кирек полза, сағамох ағыл пирербін. Магаа олар кирек чоғыллар. — Хыстың соонча ізік ле тапли халған.

Симок, азыранарға киліп, арыглал парган тура төзегіне بازارға полбин, ізік хыринда тамкызын сорып одырған. Хайнапчатхан иттіг үгүренің чызына уламох азыранары килібіскен. Хызы кір килген, изеннескен. Олар ам на тоғасхан полганнар. Хыс, пір туразар сала маңзыри

парып, чемоданын асхан, пiр письмо даа таппин, пабазынан мында кем-нер полган тiп сурган. Симок пасха даа кiзi кiрбеен теен.

— Ой, пiр дее ниме орында чатпинча,— Лариса тарынчах кiзiрт-хазырт тiзiрген.— Прай iзечiлер пеер чылысча. Iчем чохта, чуртыбыс арага iсчең тураа айлан парды. Ай-пораан на ит салчалар. Бутылкалар сайраллача.

— Ис, Лора, мал-хусты Романның кiзiне азыраба. Килер-килбестен мал кiп хыстатча тiп пастыхтарга хоптан чiрче. Ынчых килiп алды.

— Орта итче. Чыл сай даа мал кiп хыстадып пайыдыбыс па? Iчеме дее чылыг чирзер имненерге парарга ахча табылбинча. Тоғынган, тоғынган, хазни уян пол парганда, ахча даа чоғыл.

— Профсоюз нога ай сай ахча чыппча? Сыйнаң тоң хазых таа кiзiлер чир кiрерге чiрглеп килче.

— Чыл тоозылчатханда путевка полар ба?

— Прай чирде пыролыгын. Пiлчезиң ме, кем пу семьяны азырап тонандырча, — ол тура хонган. — Кем iкi кiзiниң iчiн тоғынча? Аны даа сағынминчазың. Ибзер килзе, минiнең харбазарга ла сылтаг кiлепче. Нимее чарабастар. Артых харыннар! Ам даа магаа туза иткелекciң! — Ол, iзiктi тазылада чаап, сых чiрiбiскен, азыранмин даа.

Чылыг кiннер турыбысханнар. Роман алты кiн тоғыныбызып, iс кiн ибiнде тынан килген. Иирзер килзе, улуг чабан силосха даа парбин-тыр, кiлбечектерге дее сула урбиндыр. Хураганнар ырах нимес суғ хазында чiрглепче. Симок ибiнде, стол кистiнде наағын таян салып, мiнек одырчаттыр, сағаллары тiрбейiсче, сырайы сарғал партыр.

— Нога азырабаазың? — сурган Роман.

— Азырабаза даа ниме полар, пiрее дее кiн тынанып аларга. Чорт, чуртазым айнаа ла харгахтан осхас. Улуг хызым iгрединн таста ирге парыбысхан, хачанох сағбалары чоғыл. Таң тiрглер, таң iлiглер. Лора iгрединн тастабыстыр, ыс полбадым. Тоғынарга холы хычппча ба алай пiрее алыг айна хаңыртып, ирге парарга сағыныбысты ба? Сiзiм iсчең пала чоғыл.

Роман сығыбысхан. Сала маңзырн ат кiлiп алып, силосха ойлада халган.

Соңа кiн Лариса сула чарбазы ағылган машинанаң килген, тоғысха кiр сал килтiр. Уiблең тоғын сыхханнар. Прай тоғыс тузында идилче. Симок тузында тынанып, iзiг тамах чiп чiрче.

(Тоозылғанын Н. Тюкпиековтың «Хыстагда» тiп 1977 чылда сығар книгазында хығырыңар).

САРНАЛБААН САРЫН

Ікі пөліктіг драма

УЗІНЧІ КӨРІМ

Ікі хадыл колхоз аңмары. Ікінчү хадылзар пасхыс иділ парган. Илчилер тамахтыг хаптар тазыпчалар.

О п р и с (*хабын чирзэр тастан*). Пеер, пеер агылыңар!

К а й д а. Чөр, чөр. Нимее аңмай турзың? (*Хабынаң Крзанға наалча*).

К р з а н (*хабын чирге тастан*). Син, хатычах, мнни сүсклебе. Көр-бишчезиң ме, хабым ахсы систіл парганын.

К а й д а. Айна алзын сини. (*Ойлап килип, хабын палғанча*.) Ир пол-дөрзиң.

К р з а н (*күлинип*). Паза хат полам ма за.

К а й д а. Айна даа пол, че тогын, пилбес-пүгилбес пилциңи илдір.

К р з а н (*хабына чадыбызып*). Магаа идиңи истиг ле. (*Ирт париған Майраның көгенеене чапсыныбызып*). Майрачах, кил, көмезек күнге чазыгып алаң.

М а й р а (*хатхырып*). Ой, ой салыбыс, Крзан!

Крзан Майраны, аңдара тартып алып, хылхыхтап сыхча.

М а й р а (*хатхырып*). Крзан! Крзан! Салыбыс тпчем, эи аастаңма, сал.

О п р и с. Уядарчыхсын кизилердең.

К р з а н (*күлинип*). Уят ыс нимес, харахха кирбес. Обал худай, Оприс.

О п р и с. Анзы көринче.

К р з а н. Тарынма, бригадир, чахсы нимені көместең. (*Майраның хыринча иртіп, хараан сыхча*). Иирде иркеледездербіс, чебе, Майра?

П а е к а (*хапха пастырып*). Ёо, хыстар, түс парир!

О п р и с (*аныңзар ойлап*). Салыбыс, салыбыс! Син алынма, Паека. Ам на чахсы полып алған, хаптар хаапчазың. Кем идиңи итче?!

П а е к а. Хаптар үүллече. Хачан тазып аларзар.

О п р и с. Пар нименің узы-пазына сығарбыс. Пар, тамах арығлас.

К ү л е п и н (*хабынаң хада одырта түзіп, тімелче*). Тунух хулахтар. Ниңче чоохтидирбин: тудынар орын артызыңар. Оларга чоохта, чирге чоохта — ир.

К р з а н. Хрү, хрү. Хапха ала пастыр пардың ма? Че, тур (*холын пирче*).

К ү л е п и н (*холын тарынчах нандыра тартып*). Пастыр, пастыр.

П а е к а. Хыстар азыранып алаңар ба. Истим үзіл парир.

К а й д а. Мындаг тогыста пазың даа үзіл халар.

М а н и т. Оприс, кил азыранарга.

Илчилер, аңмар алнында одырып алып, суумектеринең чиистер сығарчалар.

К а й д а. Айна алзын, пу жмыхха көрер саам чоғыл.

П а е к а. Якра, хосханах чирім килче.

Кулісчелер. Ипчілернің хыринча Қрзан хап чүктен парча.
Қ а й д а. Эй, Қрзан, читі айдағы палаңны пиртінібістің.

Кулісчелер.

О п р и с. Азыран, Қрзан.

П а е к а. Ол иргі дее чаанаң чуртап парыбызар.

Қ а й д а (*күлініп*). Піс аның чаан мында хайылдырарбыс.

Қ р з а н нандыра айланча.

П а е к а. Тирең матап истелче бе, Қрзан. Сағынчазың, чааға пар-
бин халып, чырғаллығ чуртас чуртирға.

Қ р з а н. А син пілчезің ме, ноға чааға парбаам?

П а е к а. Пілчем, прайзы пілче. Чоохтим? А?

Қ р з а н. Син, хатычах, тілің хысха тут.

П а е к а. Тутпаспын. Мині син сым ит полбассың. Тооза чон пілче,
хайдағзың син.

Қ р з а н. Хайдағбын?

П а е к а. Ораалчых, көйтiк, арғаас.

Қ р з а н (*Паеказар настырып*). Сым пол, Иласканың суразы. Мы-
наң хаап алар ползам, сөок-саагың халбас.

П а е к а. Че, хап, хап.

Қ р з а н (*Паеканы сабарға холын көдіріп*). Тус тартарға ызыбы-
зам!

О п р и с (*Паеканың алнына турып*). Син мында холыңнаң пул-
габа.

Қ а й д а (*Қрзанны төзінең хаап*). Ма, мині сап, сап мині. Піт ызыр-
ганынча даа синнең хорыхпинчам.

Қ р з а н (*хыя силіп*). Хорыхпазаң, хорыхтырам.

Қ ұ л е п и н. Пиргал, асхыр. Пісті пазынарға! (*Ипчілер Қрзанға
чапсыныбызып, сохчалар*).

П а е к а. Чааға пар, анда махачыңны көзіт.

Қ а й д а. Пістің ирлерібіс анда ханнарын төкчелер, син ноға мын-
дазың? А? Ноға мындазың?

М а й р а. Полар, хыстар, нимее пір кізіні абылапчазар.

Қ а й д а (*тарығып*). Сиң одыр, худаи сағаа тіл пирбиндір.

О п р и с. Паекаа хол узынаң даа теңзең, піс синнең пасха ондайнаң
чоохтазарбыс. Азыранаңар, тоғыс сағыбинча.

Ипчілер азыранарға одырчалар.

Қ ұ л е п и н (*күлініп*). Ам жмых таа татхынның полар.

П а е к а. Якра, ұгрет саларбыс піс аны. Э-э, хыстар Қыша пүүн
почтаа парды ни?

М а н и т. Парған полар, пая ат тут париган.

О п р и с. Ой, хыстар, ундубыстырбын. Кичее Қаскардаң письмо
алғам.

Ізептең ұс пулуңның письмо сығар килче.

Қ ұ л е п и н. Апаң чи, хайдағ тылаас-хабар пасча?

П а е к а. Хығыр, Оприс.

У н н е р. Хығыр, хығыр.
О п р и с (*күлініп*). Чөптөп алдыңар.

Сымсырых. О п р и с письмо хығырча.
«Чуртазым минің кө-жөлен» ... арынып тохтабысча.

П а е к а (*көйтүк күлініп*). Нога тохтап пардың.
К а й д а. Чарабас чирлерни, Оприс, иртіріп одыр (*күлісчелер*).

У н н е р. Хығыр, хығыр.

О п р и с (*хығырча*). «Пу письмоны пасчам Ленинград город хырина, окопта одырып алып. Устібісче ухтар, саргаастагы хох чіли, үрүлче. Че син, аарлиим, хорыхпа. Олар магаа теңместер. (*Үні тітіреп, пазох тохтап парча, ипчилер харах частарын чысчалар*). Парзың син, пар кічичек Нани, пар сірлеп ахчатхан хара суғ...»

М а н и т. Нога, нога Ироол паспинча? Тіріг полбас ол. (*Ылғанча*).

О п р и с (*Маниттің иңніне холым салып*). Килер письмо, Манит, пот көрерзің, килер.

П а е к а (*Манитке хылыхтанып*). Тохта, якра. Минің дее Асабым-наң сағба чоғыл.

К а й д а. Хығыр, Оприс.

О п р и с (*пазох хығырча*). «Сағыс-чүрегім сірерде ле. Хайди чуртапчазар? Наничахтың тілі сыхча ба, мин артысхан кнпгаларны хығырчазың ма? Пілчем, сагаа сидік, тың сидік, че олох, алғаным, үгрединіңні тастаба. Хус ханадынаң сіліг, кізі—хыйға сағызынаң».

К ү л е п и н (*перініп*). Ие, Оприске мында кнпганаң одыرارға маң.

П а е к а (*махтап*). Хайдағ сөстер. Пу кізі сағын таа таппас.

У н н е р. Хығыр, Оприс, аннаңар.

О п р и с (*хығырча*). Миннеңер сағысырабаңар. Мин айланарбын, хайди даа айланарбын, күн чахаяғы чарылчатса, Морсығас тағ хооста-лып турчатса».

П а е к а. Минің Асабым сруда піди паспас, якра.

М а н и т. Піс мында письмо сағып хурупчабыс, оларға аар анда пір-ікі сөс син тартыбызарға.

П а е к а. Килер, якра, Асап, толғадар магаа.

О п р и с (*күлініп*). Ам на іди тіпчезің. Көр салзаң, чүрең ным-зап ларар.

О п р и с. Че, хыстар, туранар. Тоғыс пастаң азыра.

М а н и т. Ой, хыстар, ит-чаным, торбах теерізі истеең чіли, ағырча.

К ү л е п и н. Ағырбин, колхоз аттары чіли, тоғынчатханда.

П а е к а. Хайран поэзыбыс, чарых күн көрбинчебіс.

К а й д а. А кем чоохтир соонаң пісті піди тўндере тўскен тіп.

О п р и с. Полар. Арыстығ, ипчилер, андағ чоох апарарға. Сағынчазар оларға анда рай. Кўннің олар өлімінің хыринда турчалар. Піс, тізең, мында хаптар хапханыбысха ылғасчабыс.

М а й р а. Хыстар, Кыша килер.

П а е к а (*хысхырча*). Кыша! Піске письмо пар ба?

У н н е р. Почта, почта!

Прайзы ойласхлабысчалар. К у л е п и н не халча.

К ў л е п и н. Ойласхлаңар (*удуғ тынып*), магаа кем пазар.

Ипчилер мөнек сымсырых айланчалар. К а й д а н ы ң холында пічк.

К а й д а. Чогыл, чогул паза Канька. Прайзының соонаң парган, прайзынаң пурун чадыбысты.

К ў л е п и н. Хайран Канька. Өкіс өскен. Чахсы даа ниме көрбин, чада парды. (*Ипчилер харах частарын чысчалар*).

К а й д а. Обркі худай, ноо мині харгадың, хайдаг хыялым үчүн! Кізбк чили чуртирга хынгам.

О п р и с (*хольн Кайданың иңніне салып*). Пол парган нимені хайди идер. Халған кізее чуртирга кирек. Сииң палалар пар, Кайда. Оларга тыыдын.

К а й д а. Ио, Канька, хайдаг чирде хыйып чадыбыстың, Канька, ікі палацны кемге артыс салдың, Канька!

П а е к а. Алнын кем көртір, арса, пісті дее андаг үлүс сагыпча.

К а й д а. Ол кирек сагаа, Кайда, сагыс кірзін ам. Канька чаага парчатханда, пір харах чазы даа түзірбеем, күлкі-хатхынаң үдескем. Атха одырчатханда, ол магаа тидір: «Пасха ипчилер, Кайда, ирлерін үдезің, ылгасчалар, син күлінчезің. А мин тіпчем: минің харах чазым сині ырычының угынаң ал халбас. Парыбысханда ла сагынчам: ноо іди тидім, хайдаг айна мині сасхлаан.

Турып парча.

О п р и с. Кайда!? (*Ипчилерге*.) Параңар. Хараа килін тогынарбыс.

Прайзы парчалар, О п р и с, нандыра айланып,
хаптар санапча. Кірче М у к л а й.

М у к л а й. Изен, Оприс!

О п р и с. Изен, изен! (*Хази көріп*). Хайдаг кирекнең чөрзің?

М у к л а й. Оприс, минзер іди көрбе. Ачын аң нимеспін мин, чобалчатхан кізібін. Чүрегім минің ағырыг.

О п р и с. Мында больница нимес.

М у к л а й. Оприс, іди чоохтаспа миннең. Пілчем мин, синің нымзах, кізее ачыпцах чүрек.

О п р и с. Апаң чи, ачыпцах чүректіг ползам чи, ниме сөлирзін. Сині хучахтирга, охсанарга. А? Чох, Муклай. Мин андаг ипчи нимеспін: пүүн мынзына, таңда пасхазына артыларга.

М у к л а й: Оприс, аарлним. Сині ундут полбинчам. Сагызымда синнезін. Он даа палалығ ползаң, аларбын.

Хольн О п р и с т ы ң иңніне салча.

О п р и с (*хольн хыя тастап*). Теңме! Син сагынчазың, Каскар чохта синің хойныца кір парарбын. Іди сагынчазың? Синнең полбас. Пілчезің ме, сині чабал көрчем. Чахсы ирлер чааласчалар, ханнарын төкчелер. Каньканың похороннайы килді. Тодоның чалгыс оолгы чадыбох халған. Чүрегің көмес тее сыстабинча ба, Муклай?

М у к л а й. Син пілчезің, Оприс, нога халгам мин. Комиссия ирт полбаам. Хараам оды уян.

О п р и с (*хазалып*). Ипчилерге харааң читче?

М у к л а й. Олганнарны үгредерге кем-де кирегөк.
 О п р и с. Палаларны үгредерге Кадустың Зоязы даа сыданар. А снн
 ир ползаң, чаалас, чиріңні арачыла.
 М у к л а й. Мин снні, Оприс, амыр тіп сағынгам.
 О п р и с. Тасса, амыр даа суғ суулдыр.
 М у к л а й. Каскар пасча ба? (*Оприс тапсабинча*). Снн магаа, Оп-
 рис, чахсы чөп пирдің.
 О п р и с. Чүрегім сыстапча мннің. Хайди полчалар анда пістіңер.
 Пани полбаза, мнні мында пір дее кизі тут полбасчых.
 М у к л а й. Ипчі кизілер чааласпичалар, Оприс.
 О п р и с (*ачырғанып*). Пістің холыбыста мылтых атылбас па? Піл-
 бинчезің снн ипчилерні, Муклай. Сағынчазың пісті хазаң на пулгирга
 чаялганнар.
 М у к л а й. Тарырма, Оприс, Аяпчам сірерні...
 О п р и с. А снн аяба. Піс пизіктегі палачахтар нмеспіс.
 М у к л а й. Чүрееме теерте чоохтадың, Оприс. Анымчох. (*Сыхча,
 чандыра айланып*). Удзерге килерзің ме?
 О п р и с. Хайдар?..
 М у к л а й. Фронтсар, чаалазарга.
 О п р и с. (*пазын чайхап*). Фронтсар албастар снні.
 М у к л а й. Аларлар, аларлар, Оприс!

ТӨРТІНЧІ КӨРІМ

Маниттің чурты. Стенеде иргі сомнар. Тасхахта, орған алында, ізиктерде
 хоос көзеңелер. Манит пулуңда хыңнанып ала, хой теерліз итепче. Ол туста, ты-
 настап ала, Оприс кире хонча.

О п р и с. Манит! Манит! Таста тееріңні. Ироол килір!
 М а н и т (*алаңас парып*). Хан худай, хайда, сынап па?
 О п р и с. Кил, көрдек пеер (*көзексер ағылып*). Тігі Очыхтарның
 хырында кем килір?
 М а н и т. Ироол, Ироолым. Ол, ол. Пазыдынаң таныпчам. Ироол!

Хысхырып, ізіксер ойлапча, че кинетін, тохти түзіп, сірлес сыхча.

О п р и с (*Манитті тудып*). Чүрексінме, Манит, чүрексінме.
 М а н и т (*одырчыхха одырып*). Тіріг Ироол, тіріг хонғаным. Ниңче
 хараа узубаам, ниңче харах чазы төккем. Тіріг Ироолым, тіріг палала-
 рымның пабазы. (*Ылғанча*).
 О п р и с (*суғ ағылып*). Че-е, Манит өрінерге кирек, снн ылғанча-
 зың. Ма, суғ изібіс.
 М а н и т (*суун холынаң хыя идін*). Өрінгеніме ылғанчам, Оприс.
 Азагым уязы пос түс парды.
 О п р и с. Мына кіріп одырлар.

М а н и т тура хонча. Кірчелер Ироол, Кайда, Майра, Кулеин.
 апсахтар-ниейлер, олған-узах.

К а й д а. Аарлыг аалчыны удурла, Манит.

М а н и т (*ирін прай позын тутхлан*). Ироол... Чахсым... Тірігзін, пүдінзің...

И р о о л (*ипчизін хучахтап*). Тірігбін, Манит, тірігбін. Прай нимем пүдін.

М а н и т (*ылған ала*). Алты ай синнең сағба чох полған. Хайдар ла сағыстар кірбеен.

И р о о л. Полар, Манит. Көр, нинче аалчы ағылғам мин. (*Ибіре көргелен.*) Э-э, Манит мин пістің алыптарны көрбинчем. -

М а н и т. Ам на ойнап парыбысханнар. Син килгенің пілбинчелер.

И р о о л. Хазыхтар, я?

К ү л е п и н. Ниме полар оларға. Харғаннар, чаа ойнап, тыр-тар түсчелер.

Кірче П а е к а.

П а е к а. Изен, Ироол. Таланныгзың, Ироол. Асап пу чирге паза айланмас. (*Ылғанча, Оприс аны часхарча.*)

О п р и с. Пазын, Паека. Маниттің көңнін түзірбең. Агаа пүүн үлүкүн.

П а е к а. А магаа үлүкүн хачан даа полбас. Кізілер, чааға парып, айланмохчалар. Хайди Асапха ла ух тееп парған. Хара сағыстығ даа полбаан, кізее дее чабал итпеен.

А п с а х. Фашист кізее ачынар ба?

И н е й. У-у, сілелер, ирлаханнар, хара айналар. Хайдағ іче оларны төрітті ни.

К ү л е п и н. Хыял оларға даа чидер. Өөркі худаи көрче.

И н е й (*худайға пазырып*). Иу, палам, йу, иркем. Син, арса, Ироол, минің палама тоғастың?

А п с а х. Минің оолғым чи, Ироол, Патингее учурабадың ма? Синің не соонда парған ол.

И р о о л. Чох, арғыстар, пирдеезін көрбеем. Фронт улуғ. Кем хайдар тастадыбызар. Хада даа парған кізілерні харахха көрбинчезің.

Ипчлелер, иблерінең чиистер ағылып, стол салчалар.

А п с а х. Че, Ироол, хабың систіп одыр, хабарың сығарып одыр. Хайди полчалар анда пістіңнер?

И р о о л. Мин Курск алтында чааласхам. Хатығ харбазығ полған пістің анда. Чир, талған чили, унал парған. Атака соонаң атакаа парғабыс.

И н е й (*крбстеніп*). Иу, худаи-абачах, Ал хал паламның тынын.

И р о о л. Андох палығладыбысхам. Ус ай госпитальда чатхам. Сестралар піске газет хығырчаңнар. Орністіг хабарлар. Пістіңнер немецтерні хысчалар.

А п с а х (*күлініп*). Пістіңнернің күзі асча, я?

И р о о л. Пістің ооллар махачынаң алчалар.

А п с а х. Андағ полбаза, хайди ырычыны утып алар за. Арчымахтың оолгы Крзан чи, чааға парарға хынмин, хараана патха урыбыстыр. Иди чоохтасча чон.

И н е й. Йе, ай хазых харахтығ оол полбаан ма за.

Майра. Патха урғанын кем көрген? Кізее ағырыбызарға ўр бе.
Кайда. Айна алзын, алар-албас ирнің алнына турба.
Кўлепинн. Син, хыс, Крзанның хузурнина тудынма. Кўр, харыл пардың.

Ироол. Чон аразында табыл парча андағлар. Сирер чи, хайди чуртап паризар, хайдаг кизи нстер тылаастар пар?

Иней (*кўлинип*). Пис се, кири-хуруғлар мында чызылыс чўрчебис.

Апсах. Кўс хапханча тоғынчабыс.

Ироол. Ас таарып салған поларзар?

Апсах. Изе, тустығ нимені тузындох идерге кирек. Ипчилер пистің айдастар. Пут, Оприс матлама кизи. Пиди кўрзең, хызычах, тоғыста арбан алып.

Иней. Ёе, писті ол мында хайындырғлап тур.

Манит (*иринзер айланып*). Оприсің чахсызы көп кизее читче. Инебис хызыр халған. Харын Оприс писті сўттең майылдырбинча.

Апсах. Муклайны чааға ўдезибўк салдыбыс. Син, оолғым, ўрге килдің ме?

Ироол. У-у, пир ай мында кўс алынам.

Манит. Мин сини саңайға килген тип ўрингем.

Ироол. Саңайға, чаа тоозыл парза, килербин.

Иней. Хаңаң чаа тоозылар, оолғым, числозын кизи пилбинче бе?

Апсах (*хылыхтанып*). Хайдаң пилер аны, алаахчазың, синнең писке мында чил ўрбинче.

Холында аяк тудын салып, Оприс кирче.

Оприс. Аалчыны ам даа столға одыртпаазар ба? (*Аяғын Манитке пирче.*)

Уннер (*хормачыланып*). Сини сағыпчабыс.

Ироол (*Оприссер пас килип*). Алғыс сағаа, Оприс. Улуғ алғыс.

Оприс (*арынып*). Че-е, ние ўчўн, Ироол.

Ироол. Чахсың ўчўн. Манит мағаа...

Оприс. Че-е, Манит сағын табар.

Манит. Столзар одырыңар.

Ироол (*кўлинип*). О-о, сирер пай чуртапчазар ба хайдағ.

Кайда. А син хайди сағынчазың, писті мында учаан на яблах килмирче тип пе?

Хатхырысчалар. Чатхан тудына кирче Хаңза апсах.

Хаңза. Ақтый, кири соғын даа ползам, таланым парох полтыр. Изен ме, палам. Ээзи килгенде, чурт таа аллығ полбас па (*холындағы тўйўнчекти Манитке пирче*). Мында, Манит, пичирў, сыйла чааңыны. (*Апсахха айраннаң сыбаан араға читирчелер*). Апсах кизи килзе, ас хорачаң, чит кизи килзе, ис хозылчан. Хазых-амыр айланғаныңа ўринчем, Ироол.

Ироол (*турып*). Чисіс ўчўн чирче кўдирибизенер, арғыстар. Сағыпчатхан оолларың, харындас-туғаннарың, ирлерің табырах айланзыннар. (*Исчелер.*)

Хаңза. Кизи чирінде чатхан даа ўнин нстерге сағынған поларзың.

Уннер. Сағынмин, ойна. (*Хаңза апсах чатхан саапча.*)

П а е к а. Тигірге сығарға — тигір пөзік, чирге кірерге — чир хатығ.

С ы х т а п ч а :

Паар аттығ чөрчең Асабым
Парның чирінде хала парған.
Паарымнаң сыххан үс паламны
Хайда сындырып өскірім.

Хойнымнаң төреен үс паламны
Хайда хыстындырып өскірім.

Хостаан аттығ чөрчең Асабым
Хомды чох илде чадыбысхан.

Ічем чирі илбек чир,
Илбек малның харны чир.
Илбек минің хонығымны
Илхан Гитлер чіл салды.

К а й д а (*Паекка*). Харах чазынаң чадыбысханнарны турғыс полбаспыс. Чаачы килгенде, көглезіп алаңар. (*Кем-де патефон ойнатча.*) Ироол, параң (*танцевать поларға хығырча. Ироол ікінцілеп Манитсер көрче.*)

М а н и т (*иріне күйініп*). Пол, пол Кайданаң.

К а й д а. Хынмннчазың — кирек чоғыл. (*Айланып пас салыбысча. Ироол ипцізін танцевать поларға хығырча.*)

М а н и т (*пазын чайхап*). Пилбинчем... Опристы хығыр.

И р о о л. Параң, кемнең арынчазың. (*Манит, пазын чайхап Оприссер көзітче*). Параң, Оприс. (*Оприснең Ироол танцевать полчалар. Оларның соонча Кайданаң Майра сыхча. Киліс полбинчалар. Майра Кайданың азаана пазыбысча.*)

К а й д а (*Ироолнаң Оприссер көзидіп*). Көр, хайди олар айланьсчалар. Син, инек ле чілі, пас чөрчезің.

М а й р а (*арынып*). Чоохтаам хайза... пилбинчем. (*Кірче Крзан.*)

К р з а н. Хрў, хрў, кем килген. (*Ироолнаң изеннесче. Манит ағаа чірче читірче. Че Оприс Крзанның холынаң чірчені суура тартып алча.*)

О п р и с (*сосха чиизінзер төгіп*). Син іскенче, сосха іссін.

К а й д а (*хазалып*). Хайдағ чыс тартып, пеер кірдің?

К р з а н. Нога? Кірерге чарабас па?

К а й д а. Сағаа чарабас.

О п р и с. Килдек пеер, чоохтап бирдек чахсы чонның алнында, хайди чааласхазың, хайдағ городтарны алгазың? А?

К р з а н. Хосханах! Мин чаада полгам ма? Сурыңар Ироолдаң.

О п р и с. Ол чоохтап ирген, ам сині истерге хынчабыс.

К а й д а (*хазалып*). Харағың нога пағанн охсас хызылдыр?

П а е к а. Инмее чарабаан. Ма пағ. Мооныбыс. Чох пол.

К ү л е п н н. Чабыс тағда чыып саларбыс, ибіриннің дее итпеспіс.

П а е к а. Көріңердек, сүт іскен адай чілі, чымый парды.

К а й д а. Чылығ чирге чылан ибіріледіп.

К р з а н. Чылан игірін пілінмечең. Сині дее, Кайда, махтабинчалар чи. Иріңні чаага ызар ыспастан пасха ирің хойнына кір парғазың.

К а й д а. Кір парғам. А синің хойныңа, ирдең дее хызылзам, кірбесім. Кайда чабал, Кайда чөрек, че Кайда арығ синнең. Мин ыырчаа көстең көске мылтых улап парам, а синің паарың сірлезібізер. Син пу кічиюк хортых тынычааңны аяпчазың.

К р з а н. Ноо түкүрігің пырлаанча тарынчазың, Кайда? Піс синнең хынза, туган поларбыс. Каньканың сыгара чізе.

К а й д а. Пүүр инекке харындас нимес. Аны кічпчек минзіңе сипр сал.

Х а ц з а. Актый, палаларым, хара сугны хайнадып, хаях сыгар пол-бассар.

Л п с а х. Өбрдең чарылган мал пүүрге чідиртедір, чоннаң чарылган кизи чобаладыр.

К р з а н (*ипчилерге*). Хайдаг крех ит салгам мин? (*Ироолзар айла-нып.*) Ироол, нога пу хаттар мині чабал көрчелер?

И р о о л. Орта, орта итчелер. Фронтта сини ат саларчыхтар. Хасхыл Типсезин, өртөзін чирібісті ырычы! Син чылыг пес хыринда, одырып алып, яблаң хойгала. Чаалассыннар, атыссыннар анда алыглар, а син, хыйга, нбде одырын, чиңіс күнін сагып аларзың.

К р з а н. Пок, хандра полыбысхан... герой.

И р о о л (*кинетін Крзанзар атыгып*). Одірібізем, тыныңны үзе тар-тыбызам.

М а н и т (*ирін тудып*). Ироол! Ироол! Салыбыс, теңме.

И р о о л (*Крзанны одырчыхха одырта сазып*). Мылтых холымга кірбеенге өрп.

М а й р а (*көблөчө Крзанга сыбыхтапча*). Парыбыс.

П а е к а. Чабал кізес өлім чогул, чахсы кізес чөріс чогул (*Крзанны тохпахтап*.) Нога син, Крзан, пу чирде пас чөрзің, нога Асан чат халган.

Х а ц з а. Пістің чонның чахсы кибір пар: кірген кизиңи аалчы идерге. Син пу кибірни, оол, поэның ыймабыстың.

О п р и с. Ізік мына, сыгыбыс.

П р а й з ы. Сых, сых. (*Крзан, нандыра пазынып, сыхча*).

К р з а н. Мыны мин сірерге пірее туста сагысха кирем! Кирем! Кирем хайди даа!

ПИЗИНЧИ КӨРІМ

Чарых усча, түрче поларынаң пазох чари түсче. Ол қизек чарыхта Кайда, иледе хаптыргас, улицауа парча. Холында ыраға, поэы алынча чаада чат халган ирнең чоохтасча.

К а й д а. Пүүн мин көмес амзабыстым, син магаа күрленіп көрглебе. Хараа-күнөрте түндере түсчем? Түсчем. Ікі палаңны азырапчам? Азырапчам. А син амыр-иетіг чир алтында чадырзың. Кайда парасханга чуртирға кирек! Чуртирға!

Т а х п а х т а п ч а :

Ах тасхылның төзінде
Сарыг тұлгүчек чорт парча,
Аны сүріп чидерге
Аттың артығы кирек но.

Көк тасхылның төзінде
Хара тұлгүчек чорт парча,
Аны сүріп чидерге
Ирнің артығы кирек но.

Поэының оградасына чидіп, одырчыхха одырча. Аның хыринда улицауа, ахсаңнап ала М у к л а й иртіпче. Аны көр салып, К а й д а агаа хол саалча.

К а й д а. Че-е, кемні көрчөм... Айна алзын, нимее иртіп парзың. Алай хончиңни таныбинчазың ма? (*Ахсаңнап ала, Кайдазар саар хол-лыг Муклай пас килче*).

М у к л а й. Изен, Кайда.

К а й д а. Изен, изен, герой (*Муклайның холын сілікче*).

М у к л а й. Көрчезін, хайдаг сіліг айландым.

К а й д а. Чаа кізіні чазабинча. Тіріг халғаның чахсы. Искем... Хол чох...

М у к л а й. Мин дее синің чобааңны пілчем.

К а й д а. Чазыт сағызымны сағаа ла чоохтапчам. Канькаа чүреем тың на чатпаан, ам чох пол парғанда, хайдар аястыг. О паары-чүрее-мей. Миниң көглеенімні, Муклай, прайзы көрче, хайди чобалчатханым-ны пірдеезі көрбес (*Араға Муклайға ур пирерге хынча, че ыраға ху-руғ*).

М у к л а й. Миниң уучам чоохтидыр: чинт кізінің читі от полчаң. Син, Кайда, иптіг ипчізің, сағаа ам даа хоных сыгар.

К а й д а (*хатхырып*). Сыхпаза даа, чир тырбахтабаспын. Істімде минің піреде, Муклай, хайдаг-да пўур одырча.

М у к л а й. А син кізі пол. Оприс хайди чуртапча?

К а й д а. Ундуп полбинчазың... Искен поларзың, Каскарның похороннайы килген. Аны алгали хайран Оприс харал парган. Харын хызы-чаа пар, ағаа тыдынча. (*Муклай тапсабинча, Кайда аныңзар көрче*.) Син Муклай, ырызыңны позытпа, Оприс — алтын ипчі.

М у к л а й. Кинекпін мин, Кайда.

К а й д а. Айна алзын, чаачызың син, пілдің ме, чаачы. Сағаа полған на хат парар. (*Ырагазын алып*.) Син одыр тур, мин Кланчазар, ойлап пар килим. (*Күлініп*.) Аның пар поладыр. (*Парча, түрче поларынаң кірче Оприс*).

О п р и с (*хайхан парып*). Муклай...

М у к л а й (*ағаа удур килип*). Изен, Оприс. Айлан килдім.

О п р и с. Муклай... Син... (*хучахтап*), Чахсым, аарлиним, хайди пол паргазың? Харға мині, сап мині. Мин ысхам сині ыырчының уғына, мин чох ит салдым чуртазыңны. Арса, аннаңар даа хыял мағаа чит парган. Каскарның похороннайы килген. Түрче полза, чыл полар.

М у к л а й. Пыролаба поэыңны, Оприс. Пыро синде нимес, пыро чаада, фашистте. Аннаң хызарға кирек минің азах-холымны.

О п р и с. Пу часха пу сағыс мині киміерер. (*Ылғапча*.)

М у к л а й. Ылғаба, Оприс. Пасхаларына көре мин таланныгбын. Олар хақан даа төреен чирлерін көрбестер. (*Сым полча*.) Прай чааны өтіре, Оприс, мин пу тоғазығданар сағынғам. Ол сағыс мағаа күс пирген, өлімнең мині осхырған. Син теезің, Оприс, чиріңні арачыла, чаалас кил. Ниме тирзің ам?

О п р и с. Син чахсы кізізің, Муклай...

М у к л а й. Мин, Оприс, он пис частыг оолах нимеспін. Мағаа махтағ кирек чох.

О п р и с. Ус парган турун көйбинче, Муклай.

М у к л а й. А син көйгізібіс.

Оприс. Пір турун отта көйбес. Қаскар сағызымнан сыхпинча. Узулчам — түзімде аны көрчем, пу чирде аннаң чоохтасчам.

Муклай. Оліг ол, біліг! Турбас паза!

Оприс (*чүрексініп*). Киртінминчем. Киртінминчем. Арса, пірее алачаас пол парған. Чаада андағ ниме пол парадыр, искем мин.

Муклай (*тохтадып*). Оприс, аарлиним, чуртасха син сах харахнаң көр. Нинче дее хынзаң, ол парған кізі тірілбес.

Оприс. Чүреем минің, Муклай, чызығ паалығ, хан сығарба аннаң.

Муклай. Мин сағаа азах-холлығда кирек чох полғам, ам кирек полам ма?

Анымчохтаспин парча. Ағаа удур ырағалығ Кайда килче.

Кайда. Муклай, хайдар син? Тохта! (*Муклай, тохтабин, аның хырымча иртібісче. Оприске*). Хайди полдар?

Оприс. Аяпчам мин аны. Ырызы чох кізі ол.

Кайда (*тарынчах, столға ыраға турғызып*). Синің аяныңа ол ырыстығ пол парар. Пілбес, Оприс, кемні син сағыпчазың. Мин пірдее-зіп сағыбинчам. Пілчем — Қанька чоғыл. Паза киліп, мині хучахтабас. А чуртас, чинт чуртас, иртче. 5—6 чыл пазынаң кемге піс кирек поларбыс. Арса, ахсах Егоркаа алай тілі чох Павлннчее.

Оприс. Мин, Кайда, ир кілебинчем.

Кайда (*ырағадаң араға урып алып, тартыбысча*). Чох, Оприс, мин іди чуртирға хынминчам. Кізі пу чирге он хати чайлбинча. Кеммін мин пўун, кем мині хол узында ал чөрче?

Оприс. Пісті хол узында ал чөрчең ирлер чир алтында чызылчалар.

Кайда. Кичее сыхчам магазиннен, Ниске, Кайның хаты чи, пурнын чоғар көдірібізіп, минің хырымча пиг-хан чілі иртіпче. Оприс, чоохта, нимезі артых аның миннен? Сілни, хыйғазы? Айна алзын аны. Ус тее класс тоос полбаан. Чыллар иртче, Оприс. А хайдағ чахсы ниме көргебіс піс. Часка піске, сағын чілі, сағыннап парыбысхан. Чидер, мин ылғадым, көп ылғадым, ам хараам чазы сыхпинча.

Оприс. Сині, Кайда, Хыданның оолгынаң чөрче тіп искем. Киртінмеем, ам киртінчем.

Кайда. Кем чоохтаан? Сын чөрчем. А кемнің кирее, кем мині чаргылыр? Ағастар аразында чатчатхан іче-абам алай чаада чат халған ирім? Кізілер, Оприс, сыбых-сабых түзерге ле пілчелер, а кем, киліп, мағаа пір торыспах таа одың чар пирче, кем көсчеткен сиденімні тут пирче? Прай чирде мин чалғызан ирееленчем. Каньканың туғаннары минзер настарын даа сыхпинчалар.

Оприс. Позың чахсы ползаң, Кайда, туғаннарың тастабас. Синің палаларың пар. Өзіп алзалар — полызарлар.

Кайда. Пала паарға ла тох полчаң. Өзіп алзалар, олар постарының чуртастарын чуртирлар.

Оприс. А мин, Кайда, палама ла ізеніп чуртапчам. Нани чох мағаа чуртас чоғыл. А син, Кайда, табырах ундубыстың Каньканы. Чылға даа читкелек нимес пе зе.

К а й д а. Пір чыл иртсін, он чыл, пасха ба? Чоғыл Канька, чоғыл. А магаа, позың көрчезің, аар чуртап парарга. Патчам мин хайдар-да түбінзер. Суға пурлукчатхан кізі, Оприс, сағыбинча, хачан кем-де аны сығара тартар, ол позы прай күзінең чарзар тартынча.

О п р и с. А син сағынчазың, Кайда, пасха ипчілерге нинк чуртирга? Көр, Посконның алты оох пала халган. Кемге ол хоптанча, кемнең полызыг сурча? Тіпчелер ол күннің Сапишына ылгапча. А кем көрген аның харах чазың? Пістің чүреебіс, Кайда, тас нимес. Сынап сагаа аар полза, прайзыбыс полызар. Сагам полызыг сагаа кирек чох.

Сыхча.

К а й д а (аның соонча ойлап). Оприс! Оприс! (Хол саап). Пар-ар.

АЛТЫНЧЫ КӨРІМ

Опристың чурты. Стене ибire агас палавка. Стенеде, иң не жөрінчез орында, Каскарның улуг сомы. Пулуңда орган. Анда агырыг пала чатча. Оприс, аның хыриңда одырып, сабыхсыпча.

О п р и с (хараан азып). Өөркі худаим, син илбек сағыстыгың. По-лыс ир магаа. Чалгыс паламның тышын ал хал. Синнең сурынчам. По-лыс ир, худаим. Хай иткен хыялларымны таста, паламны ал хал.

Кірчелер П а е к а н а ц М а н и т.

П а е к а. Якра, күн хайди алыс парчык. Пацмыр, тизік хоохтаң сір-лесн чіли, урча. Көрдек, Манит, хараама нине-де кір парды.

М а н и т (хараан көріп). Пір дее нине көр таппинчам, Паека.

П а е к а (органзар пахлап). Пала хайдагдыр?

О п р и с. Хомай, харагын даа аспинча.

П а е к а. Пида ей, хайди кинетін не тың агырыбысты за.

М а н и т (Опристың алмында аях тургызып). Ізіг мўн, көмес тее азыранып ал.

О п р и с. Хайдаг ас-тамах өөзімнең азар, палам ахсына чинс албин-чатханда. Манит, син тўске киртінчезің ме?

М а н и т. Ізе, пірееде сын даа пол парадыр. А нога?

О п р и с. Хомай тўс көргем. Инек сагчаң көнеемні суға агызыбыс-хам. Хыс паланың худы ол.

П а е к а. Че-е, Оприс, тўске хайди киртінчен.

О п р и с. Мин дее киртінмечез полгам. Ам прай нинее киртінчем. Нббс чалгыс паламнаң хала парам. Алыгзым, нине тіпчем. Палам мині артыспас. Минің чылыг одым, чарых күнім.

М а н и т. Майых паргазың син, Оприс, чат, тынанып ал.

Кірчелер К у л е п и н н е ц и н е й.

К у л е п и н. Усхунды ба? (Оприс пазын чайханча). Хамнаттыр көрең піс аны, Оприс. Арса, пірее чабал нине чарбыхча.

И н е й. Йе, олган хапсаза, станнаң на аластабысса, иртіс парчаң полган на.

О п р и с. Ат сурап, больницаа апарчаң ма.

К ү л е п и н. Алынма. Дохтырлар хайди идерлер? Пу чазыма оларныц больницазында чатпаам.

М а н и т. Имнелчец агырыгны докторлар даа имнебісче. Минің очы оолгымны олар ал халганнар.

С а р ч а н кірче.

С а р ч а н. Оприс, мин синзер. Тамах арыглачаң кизи чидіспинче. П а е к а. Көрбинчезиң ме, палазы тың чатча.

С а р ч а н. Пала, пала! Одырыңар хучахтазып палаларыңнаң. Халас тигірдең түзер. Пот так.

О п р и с. Сын чоохтапчалар: ачыгны пілбеен кизи тадылыгны пілбес. Син пайзың, Сарчан. Синиң ікі оолгың, ікі хызың пар. Тураңны чылыт-чатхан илчиң парох. Минің Панидаң пасха пір дее кизи чогул.

С а р ч а н. Мин сіерге ир кілебесиң. Кирек полза, постарың таап алыңар. Қайда хайди таап алған.

О п р и с. А піс, Сарчан, ир кілебинчезіс.

С а р ч а н (*күлініп*). Постары килчеткенде, ноо килір зе. Тіпчелер Муклай мында нимістенче. Иске-е-м, Оприс.

О п р и с. столда чатхан пычахты хаап алып, Сарчанзар пастырча.

О п р и с. Кемнең искезиң?

С а р ч а н (*нандыра пазынып*). Мин... Мин...

О п р и с. Амох ічегелериң мында сөблiң халар.

М а н и т. Оприс!

С а р ч а н. Ойнаам, Оприс, обал худай. Чабал тіліме тігенек сых парзың.

О п р и с. одырып, пычагың түзірібісче.

П а е к а (*Сарчанға*). Уяды чох, чүрек орнына синиң мында тиміртас полар. Сағынчазың пістің назыбыста ирлер ле, а кем пістің өкіс палаларыбысты азырапча, кем колхоз тоғызың итче? А?

К ү л е п и н. Чахсы ирлер чат халганнар, нимее чарабааннарох айлаң килгеннер.

С а р ч а н. Кем нимее чарабаан? Мин ме? Пілчезер бе, хайди мин чааласхам, хайдаг чирлерче чөргем. Сіерер мында ай-уй тілге пысхазар, а піс анда ухтарға харлыххабыс. Палгасты палгас тібин, ухты ух тібин, алнынзар ойлаабыс. Төрт хати мин палыглаттырғам, төрт хати өлімнің хырнида турғам. Киртинминчезер, киречілер кирек сіергерге! Мно, мно минің киречілерім. (*Төзін аза тартыбызып, көзітче.*) Көріңер, хайдаг таңмалар турғыс пирген мағаа чаа. Пот так.

О п р и с. Синің көксің палығлығ, а пістің чүрегібіс. Тоғыстаң піс хорыхпинчабыс, Сарчан. Тоғынғабыс, ам даа тоғынарбыс.

Кірче М у к л а й.

М у к л а й. Ат ағылдым, Оприс.

О п р и с. Хайди поларға? Мин синнең ат сурбаан осхас полғам.

М у к л а й. Паланы больницаа апарарға кирек.

К ү л е п и н. Больницаа тіпчезиң ме? Чазылбин парза чи, аның орнына піске хысты син таап ирерзиң ме?

М у к л а й. Оприс, син хыйгазың. Кізі чооғын испе. Маңзыранарға кирек.

О п р и с тапсабинча.

Имçілер пілістіглер, имнеп саларлар. Мин колхозтың иң чахсы адын тут килгем.

С а р ч а н. А кемнең сурып алгазың?

М у к л а й. Санпир анда полған.

С а р ч а н. Санпирге састырба. Ол нан-пилі тығалах оолағас. Атнаң пірее ниме пол парза — кем нандырығ тудар?

М у к л а й. Мин, мин тудам.

С а р ч а н. Чойланчазың. Мин нандырам. Андағ колхоз изіне көзеинсырхапчатханнар көп табылар. Торығ пии тамах тартар. Кирек полза, тораатты көліп ал. Пот так.

М у к л а й. Тораатнаң, син позың пілчезің, теедіге дее пар полбассын.

С а р ч а н. Чоохтаам — торығ пииңи пирбессім, пот так, пирбессім.

М у к л а й. Пирерзің!

С а р ч а н. Т-пук. Тамах үртүнде сүүлепче. Мин аны таңах көліп алып тартарым ма? Пирбессім. Пот так.

М у к л а й (*төзінең хаап*). Пирерзің. Микен пас, тамах ағаа, хақан кізі мында тын пыласча.

О п р и с. Таласпаңар. Ат кирек чоғыл. Паламны мин хол узында апарам.

М у к л а й. Мының алында пістің іче-пабаларыбыс іди чөргеннер, піс іди чөрбеспіс. Піс Совет ұлғүзі тузында чуртапчабыс.

С а р ч а н. Райкомзар хыгыртам, райкомзар...

М у к л а й (*аны тохтадып*). Оприс, талазар тус нимес. Тыхтан табырах. (*Ипçілерге*.) Хаңааға пірее ниме төзебізіңер.

Ипçілер аар-пеер хайынысчалар. М у к л а й ағырығ паланы алча.

Қ ұ л е п и н. Теңме.

О п р и с. Апар, мин чаратчам.

Қ ұ л е п и н (*пыроли*). Оприс...

О п р и с. Ниме, Оприс? Тоозыл парарын сағирға ба? Алығбын мин, алығбын. Қаскар полза, пір күн дее піди чатырбасчых.

Қ ұ л е п и н. Че, көр. Син ічезізің, че соонаң ирнің ызырынма.

М у к л а й паланы хаапча.

О п р и с. Ой, палам. Көблче, көблче ал.

Прайзы сыхчалар. О п р и с тізекке түзіп, худағи пазырча.

О п р и с. Өркі худағим. Святой Микола, полыс пир мағаа. Чалғыс паламның тынын ал хал. Синнең сурынчам, сағаа ізенчем. Полыс пир мағаа. Хай иткен хыялларымны таста.

Туразар М у к л а й пахлапча.

М у к л а й. Ат тимде.

О п р и с, кірбстеніп, сыхча.

ЧИТИҢҢИ КӨРИМ

От усча, түрче поларынаң олох чурт пулес чарыдылча. От чарни чирдегі пала ойначаанзар түсче. Амыр, сымзырых. Агырин кірче Оприс. Ол хара кип-азахтыг. Төрээр بازارға хорыхчатхан чили, хыймырабин турча. Анаң көблче Каскарның сомынзар пас парча.

О п р и с. Изен, Каскар. Көріспин үр полдыбыс. Тың агырғам мин. Ол парарға хынғам, че көрчезиң, тірігбін. А хызычаабыс, листің Нанибыс паза чоғыл. Нимее мағаа чуртас? Ханады чох хуспын мин, оды ус парган чуртыгбын.

От чарых чарни түсче, кірчелер М а н и т, П а е к а, М а й р а.

П а е к а. Оприс... Килгезиң *(Ипчилер Опристі хуцахтапчалар)*.

М а н и т. Пида, хайди піс хорыхтыбыс.

П а е к а. Аниске карт тастатхабызох. Хара жарттар ла түскен. Чой хат, якра.

М а н и т. Аның төлкезіне киртініп, ылгазып алғабыс.

О п р и с *(харах чазын чызынча)*.

П а е к а. Чобалба, Оприс...

О п р и с. Таң, минің чуртым, таң, минни нимес. Сымзырых... ээн-хоол... Ойлырым килче харах көрген чирзер. А хайдар ойлим, кемге мин кирекпін?

П а е к а. Піске кирексің. Хада өскебіс. Аар-ниикті хада көргебіс.

М а н и т. Наа тылаастар искезиң ме, Оприс?

О п р и с. Хайдағ?

П а е к а. У-у, син чох мында нима пол парды.

М а н и т. Қрзан чаға парыбысхан.

П а е к а. Толғал полбаан.

М а н и т. Кайда, ирге парыбызып, көзібісті. Палаларын Кәнъканың іезіне тастабысхан.

П а е к а. Кадустың Зоязы оолгыцах таап алған. Абазының адынаң ададылар.

М а н и т. Муқлай ипчі ал салды. Хыданның Хызирказын.

О п р и с. Чахсы тылаас. Орінчем аның үчүн. Хызирке толкалығ ипчі.

М а н и т т ең П а е к а сыбыхтасчалар.

П а е к а. Оприс, амох килербіс.

Сыхчалар.

О п р и с. Тохтаңар. Минің мында палаларға тулуп пар. *(Түймчегінең кизек сахар сығар килип, Паеканаң Манитке пирче.)*

М а н и т. Пида, пу Опристы. Позы даа чібин...

О п р и с. Алыңар, алыңар. Палаларға чапсых полар.

П а е к а. Килербіс, амох.

Сыхчалар.

О п р и с. Син чи, ноға сым на одырчазың, Майра?

М а й р а. Нима чоохтим?

О п р и с. Хайди чуртас парча?

М а й р а. Хомай, мооныбыс таа. (*Харагы чазын чысча.*)
О п р и с (*холын Майраның иңніне салып*). Ниме пол парган?

М а й р а тапсабинча.

М а й р а. Азахха аарбын мин. Төртінчі айы. Кем лабазы, снзінче поларзын.

О п р и с. Крзан?

М а й р а (*пазын икин*). Ибдегілерден чуртас чоғыл. Сурас пала...
Уятха сухчазың. Ічем күннің не тартысча.

О п р и с (*улуғ тынып*). Чоохтаам, сырбалыспа Крзәннаң.

М а й р а. Киртінгем агаа... Алам теен. (*Ылғапча*). Мооныбызам мин, чуртабаспын.

О п р и с. Алынма. Мойынны пага суғарга сагыс кирек чоғыл. А сии палаңны төрідіп өскіріп ал.

М а й р а. Піреде кізі несес-пілбес чирзер көзібізерге сағынчам.

О п р и с. Позох чирінде нник полар, Майра. Чурта минде, аргыс поларзын.

Кірче Муклай.

М у к л а й. О-о, Оприс, изен, изен. (*Изеннесче*).

О п р и с. Узах частығ поларзын. Ам на сии адаабыс.

М у к л а й (*күлініп*). Чабал кізее өлім чох ноладыр.

О п р и с. Сии осхас кізілер, Муклай, чир үстүнде асхынах.

М а й р а сығарға итче. О п р и с аны тохтатча.

Маңзыраба. Чоохтазын алаң.

М а й р а. Анаң кірем. (*Оприс агаа ниме-де сыбыхтапча, Майра сысча.*)

М у к л а й. Сии тың полганда, больницада полғам. Кирбееншер. Хазинң хайдағдыр ам?

О п р и с. Чазыл парғам. Сии хоных хонған тіп нскем. Өрінчем угаа.

М у к л а й. Чыллар иртче, пірее чирде уя салынаргох кирек.

О п р и с. Миннең, Муклай, сии ырыстығ полбасчыхсың. Чүрегім минің, тасхыл тигейі чіли, пустал парган. Ізіг дее күн салза, хайылбас.

Сененте суум-саам. Кірчелер Күлепин, иней, Хаңза апсах.

Х а ң з а. У-у, кирі харахтарым кемні көрче. Хачан килдің, палам?

К ү л е п и н (*Опристі хуцахтан*). Оприс, палам, мин сагаа таңда парар полғам. Хайди читтің?

О п р и с. Чазағ.

Х а ң з а. Актый, Күлепин. Нога чоохтабаазың? Кирі-соғын даа ползам, ат табарға сыданарчыхпын.

М а н и т н е ң П а е к а. аях тудына, кирчелер.

П а е к а. Якра, пу кізілер тигірден түстілер бе?

Х а ң з а. Пес түнүгінең чи.

О п р и с (*Манитнең Паекаа*). Хайдар пу нимелерні?

М а н и т. Сии чазылғанда стол саларбыс.

О п р и с. Магаа, Манит, пір дее ниме кирек чоғыл.

Иней. Ирт парар, палам. Снн чинтсїң, паарың чазир олганнар ам даа полар.

Оприс (*улуғ тынып*). Тойдаң чағып аларбын оларны.

Кїрче Сарчан.

Сарчан. Чарир ба? Аал-хончыхтарга чолабит.

Оприссер пас килїп.

Чазыл парганнаң, Оприс. Снн магаа тарынма андада ат пирбеенге. Позың пїлчезїң...

Оприс. Тарынарға? Кемге, нимее? Полар ниме пол парған.

Сарчан. Мин снїї өрїндїрерге кїрдїм, Оприс. Сагаа пїс Кланча одырган тураны пирерге чарат салдыбыс. Тураң сннїң иргї, соох.

Кўлепнн. Я, я. Сын итчезїң, Сарчан. Опристїң хазнн хомай ноза.

Оприс. Чох, Сарчан. Тура магаа кирек чоғыл. Кем мннїң соохха тоңар, кем пу тураа сынмас.

Паека (*Оприске*). Пирчеткеннерїнде, ал.

Оприс. Чолбанахха пирїцер. Аның нис палазына чылығ кирек.

Сарчан. Пїс сагаа пирчебїс, Оприс.

Оприс. Мин Чолбанахха пирчем.

Сарчан. Андағ сурығлар правленнеде ўзўрїлче. Пїстїң аннаң даа пасха турадаң хызылчатхан кїзїлер пот так кўп.

Оприс. Снн, Сарчан, чабыс-өкїстернї кўр.

Сарчан (*хылыхтанып*). Андағлар нб сай, тўнўк саның. Абдакей, Айдота, Аптай, Атоях, Карнна, Каратнн, Катиче.

Оприс. Санаба, санап тооспассын.

Сарчан. А кем пыролығ? Тўгїл парған суғны хаарта чыып полбассын.

Паека. Снн тамчыхтап, сурнахтап чығ.

Сарчан. Чааласхам мнн, өлїмнең халғам. Ам чуртирға хынчам.

Чуртирға кїзї чїлї!

Муклай (*хылыхтанып*). Пасхалары хынмааннар...

Сарчан. Снннен пїс таланнығбыс — айлангабыс.

Муклай (*өкпеленїп*). Талан чохтар ам даа чааласчалар.

Сарчан. Тїпчем, чон ам ардап парған, чахсынаң пїрдеезїнең чоохтасчаа чоғыл. (*Оприске*). Тура кирексїбнчезїң, я?

Кўлепнн. Ноға кирексїбес. Оприс пичельге сағыс-кўгїс алын полбннча.

Оприс. Магаа пасха чурт кирек чоғыл.

Кўлепнн. Алығзың, Оприс. Ахсындагы чағны пасха кїзее пирчезїң.

Оприс (*улуғ тынып*). Алығ даа полам.

Манит. Чидер талазарға, столға одырыңар.

Сарчан. Хыял, пу нпчїлернїң хылыхтарын аларға. Пирбезең — чабал, пирзең — чабалох.

Сыхча.

Кўлепнн. Столға одырып ал.

Сарчан. Чоохнаң тос пардым.

Сыхча.

П а е к а. Парзыннар. Пазырбаспыс.

Кірчелер Каскарның тайызы Камат паза чачазы К т а.

К а м а т. Изеннер, аарлыг туғаннар.

К т а. Изеннер (*прайзынаң хол тудып, изеннесче*).

К а м а т (*Муклайға*). Изен, изен, чачаы. (*Оприске*.) Больницада сини паспаам.

О п р и с. Позытпичатханнар, позым күстеніп сыххам.

К т а. Испеем, килін, больницада чатчатханыңны. Пір аалда полза, хайтсын. Ам хайдағзын?

О п р и с. Чазыл парғам.

К а м а т. Андаг ла ползын. Хулунагасты садып аларзың, хазыхты садып албассың.

П а е к а. Че, аарлыг аалчылар, тураа киргезер, иркін алтаңар, иркін алтаазар — столга одырыңар.

О п р и с. Позымның чуртында аалчы пол пардым.

П р а й з ы. Хайтпас, хайтпас, пол нарадыр. (*Прайзы столга одырчалар.*)

М а н и т. Оприс чазыл парғанда, піске үлүкүн.

М у к л а й. Че, иб ээзінің үчүн чірче көдірібізеңер. (*Чірче көдірче.*)

О п р и с (*ирінің сомыңзар көріп*). Иб ээзінің үчүн... (*Исче аның соонча прайлары.*)

К а м а т. Каскарны ундубинчаттырзың, килін. Мин сини апарарга килдім.

К т а. Піс, туғаннар, чоохтазып, іди чарат салдыбыс.

У н н е р. Че, хайди іди. Кирек полза — піс тее полызарбыс. — По-лыспин.

К а м а т. Каскар чааға парчатханда чахаан: «Оприске сидік полза, көзір парыбыс. Мин агаа сөзім пиргем».

К т а. Каматсар хынмазан, минзер пар.

О п р и с. Көзерге... Пасха аалзар... Чох, тайызы, пу чуртты тастап, пар полбасын. Мында мин часкалыг полғам. Мыннаң сығара чааға парған Каскар, мында төреен палам минің. Мындох аны чыып салғам. Сағынчазар, ырыс пу чурттаң саңай парыбысхан. А мин киртінчем: айланар ол. (*Ктаға*). Чачазы, син киртінчезің ме Каскар тоозыл парғанға? (*Кта, пазын төбін түзіріп, тапсабинча.*) Тайызы, а син... сағыпчазың ма Каскарны? (*Камат тапсабинча.*) Сағыбинчазар, пирдеезі сағыбинча. А мин сағыпчам. Килер ол, хайди даа килер.

СИГІЗІНЧІ КӨРІМ

ЧАЗЫ. Анда-мында күргеннер. Пулесте олар сала ла пілдірчелер. От чарни пөзік күргенге түсче. Аныңзар көблүе Оприс пас килче. Аны мында пирдеезі көрбинче. Ол пеер ылғап аларга килген. Тізекке түзіп сытхапча.

О п р и с т і ң сыды:

Морсығас тағ хоосталып турчатса, Морсығас хачанох хоостал турча,
килем тібеезің ме, алғаным, ноға килбедің, алғаным?

О, Каскарым, хынғаным.

Кўн чахаягы чарылчатса,
айланам тибеезиң ме, хонғаным,
Кўн чахаягы хацанох чарып турча,
ноға айланмадың, хонғаным.
О, Каскарым, абахайым.

Көглеп алған синиң ипчиң
Көк таң атханча сагыпча сини,
Көбленіп киліп чуртир поэң
хайда хыйын түстиң, алғаным.
О, Каскарым, чалғызым.

Хынып алған синиң ипчиң
хараа тооза хадарча сини,
Хынып киліп чуртир поэң
хайда чадыбыстың, хонғаным.
О, Каскарым, артығым.

Азыр ханаттығ ползам,
Аяс тигирче учуғарчыхпын,

Аяп хонған чалахайымнын
пасхан чирін килірчикипін,
О, Каскарым, чарығым.

Икі ханаттығ хус ползам,
илбек тигирге сөрлирчикипін,
Ирке хонған чалғызымнын
чатхан сөбгін табарчыхпын.
О, Каскарым, ханадым.

Чидектеп, хучахтап пала өскіргем,
Чарых күнім полар — ізенгем.
Ноға очым өспеди,
Чарых күнім полбады,
О, Каскарым, пөзігім.

Артынып, чүктеніп пала өскіргем,
арғызым полар сагынғам,
Ноға иркем өспеди,
ноға аргыс полбады,
О, Каскарым, айдазым.

(Опристиң үні тымылча, истилче сыыт пасха күргенниң хыринда. От чарин амды андар айланча. Хырал парган пастығ иней чаада чат халған чалғыс оолғына сыхтапча.)

Инейниң сыыды:

Палам, пүүн синиң төреен күниң. Ундубаам мин. Столым чазаглыг. Синиң хынчаң ас-тамааңны тимнеп салгам. Сагыпчам сини. Сагыпчам хачаннаң. Хус полып минзер учух кил. Палых полып чүс кил. Пацмыр полып тоола. Таныхах полып ойна.

Иең танир,
Иең сизінер,
Иең пілер.

Андарыл парган ағас
хатап өсчең полза,
Көк тайға хоозын чидірбесчиң,
Чадыбысхан чаачылар
хатап турчаң полза,
Ичелерниң чүрее ағырбасчың.
Палам миниң,
Күнім миниң,
Одым миниң!

Ханады тығалах хузычах полгазың,
Көк таңнарны даа көрбеезиң.
Кем ханадыңны сындырды,
Кем саңайға түзірди?

Хайди чазы тарыхпаан,
Хайди чир хысхырбаан,

Ноға тигир сым полған,
Ноға мини хығырбаан!

Палам миниң,
Күнім миниң,
Одым миниң!

Ноға сағаа теңен ух,
Мағаа теңмеен.
Ноға син чадыбысхан чирде
Мин чадыбыспаам?

Час хулға полгазың,
Часхының силин көрбеезиң.
Сини атхан ирлік ханның
Холы чызып хурузын!

Ио палам миниң,
Күнім миниң,
Одым миниң!

Палам, чалгызым минің,
Чуртасха мин сини төрөткөм
Пабаңоң чили хыра саларға

Алай пу алгым чазыларча
Улуғ өөр хойларны ал чөрерге.

Инейзер көблөчө Оприс килче.

Оприс. Ылгаба, иче. Харах чазынаң өліглерни тірілдір полбаспыс.

Иней. Пілчем. Ылгап алзам, чүреме истіг пол парча. Оолгымнаң хада полып алган осхаспын. Ах сағыстың полған ол, аннаңар даа худай аны алып алған. (*Сағызында оолгынзар айланып.*) Оолагым, чалгызым минің, чуртасха сини мин төрөткөм. Кірі тайдаңоң чили хыра саларға алай пу алгым чазыларча улуғ өөр хойларны ал чөрерге. (*Сымсырых.*)
Оприс, хайдаглар олар?

Оприс. Кем?

Иней. Фашисттер...

Оприс. Пізөк осхас кізілер.

Иней. Ідөк күлің пілчелер...

Сымсырых.

Оприс. Орай пол парды. Параң, иче.

Иней (*улуғ тынып*). Параң, хызым, параң. (*Оприс инейге турарға полыс пирче, олар парыбысчалар.*) От усча, түрче поларынаң чарыпча. Күргеннер аразында культстан. Иргі агас тура. Стенелерде лозунгтар: «Прай күсті фронтха», «Ыырчы унадылар — чиниц пістің саринда поллар», «Піс утарбыс». Тура алнында, топчан осхас, узун стол. Стол айлаңдыра узун скамейкалар. Ырах ниместе хазанда үгүре хайнапча. Ипчилер, иреннер хырадаң обедке килчелер.

ТОҒЫЗЫНЧЫ КӨРІМ

Хаңза (*Манитха*). Нинчөө читтірдің, хыс?

Манит. 600-ке.

Хаңза. Алып тудынтырзың. Син чи, Майра?

Майра. 500 поом.

Хаңза. Актый, Макрин иней син полбаандырзың. Албағым азыр салбады ба. Поом пооп сығар полза, халыхтаан атнаң сүр читпессің.

Иней. Иу, испенер сірер пу чой апсахты. Тілнең піс чікім тасхылга сых пар килербіс.

Паека (*Муклайга*). Учетчик хоза пас пир турза, мыннаңоң көп палгирбыс, я, Муклай? (*Хатхырысчалар.*)

Сарчан. Якра, хайди тадылығ чыстанча. Арса, обедке камолай тазынны нырсладыбыстар?

Муклай (*ойнап*). Ол нымырха тугбинчатхан ала таңахтың тамағын хыйыбыстырлар. (*Хатхырысчалар, Маный иней, үгүре урып, столға турғысхалапча, кізілер азыранарға одырғалапчалар.*)

Хаңза. Угүрең суух таа полза, Маный, татхынның полтыр.

Паека. Суғла осхас.

Күлепин. Пу үгүрее син, таң, чарба салбаазың, Маный.

Иней. Нинче полған — салғам.

С а р ч а н. Нога мындаг суух са?
И н е й (*хылыктанып*). Підімнең хойыдарым...
Х а ц з а. Хайтпас. Чаа тоозыл парза, парчан ние полар.
К ў л е п и н (*улуғ тынып*). Хачан тоозылар ол.
Х а ц з а. Піс мында матап сіреніп тоғынзабыс, Гитлерге капут.
М а н и т. Ана Оприс килір.

О п р и с чалаң аттаң түсче.

О п р и с. Изеннер, тогысчы улус (*инейге*). Чоныңны тосхырып алғадығың ма?

И н е й. Чарба чоғыл. Көбіргеннең үгүре тіктім.

О п р и с. Сыдаңар, аргыстар. Чобаларға піске көп халбады. Фронттаң өрчліг хабарлар. (*«Хызыл аал» газета сығарып, хығырча.*) «Степной фронттың войсколары 3 күн сіреністіг чаалазыглар соонда ыырчының удурлазын сындырғаннар паза пўн, 29 сентябрьда, Кременчук городты — Днепр сугның сол саринда немецтернің күстіг тахта алнындагы төстег пунктын алып алғаннар».

К ў л е п и н. Чахсы хабар.

П а е к а. Иди кирек оларға.

Х а ц з а. Чоохтаам хайза, пістіңнерні полбастар.

М а н и т. Түрче полза, хара айналар чағаларын тартынып хуїлар. (*Хатхырысчалар.*)

О п р и с. Аргыстар, пістің махачы Хызыл Армия чирібісті күн сай ыруыдаң позытча. Ол районнарда пістің харындастарыбыс пір дее ние чох халғаннар. Піске улыс пирерге кирек оларға.

М а н и т. Польшарға кирек.

К ў л е п и н. Нименең?

О п р и с. Ние позыбыстың пар: мал-хуснан, чіең нименең, ахчанаң.

Х а ц з а. Алында-пурунда тіеңнер: хончыхта пар ние минде полар, минде пар ние хончыхта полар.

Ў н н е р. Сын, сын.

Х а ц з а. Намачылыг станныг даа ползабыс, ние чоғыл пістің. Атарыбыс пар? Пар. Саалчатхан інектерібіс пар? Пар. Туйгахтыг хойларыбыс, туусчыл таңагастарыбыс парох.

М а н и т. Пирерге! Пирерге!

П а е к а. Одіс өлбечең.

М у к л а й. Пос кізілерінең харанарға чарабас.

О п р и с. Хайди сағынчазар, пир поларбыс па 30 пас хой, ікі інек, ікі чылгы?

М а н и т. Асхынах.

К ў л е п и н. Көн.

Х а ц з а. Чидер.

П а е к а. Агаа хоза яблах, 5 муңча салковай ахча.

О п р и с. Кем аңча пирерге чаратча — хол көдірзін. (*Прайлары көдірчелер.*) Мынзын колхоз пирче, а піс позыбыс ние пир поларбыс?

Х а ц з а. Пас, ікі туусчыл таңах, ікі айлыг сосха палазы.

Хатхырысчалар Оприс чачынга пасча.

Оприс. Мин пирчем пір пас хой, 400 салковой ахча (*пасча*).

Иней. Че чалгыс хойын пирче бе, ей.

Манит. Ол харанмас.

Иней. Пызо теерізі чарир ба?

Оприс. Чарир, чарир.

Иней. Пирчем торбах теерізі.

Паека. Питук, ахча 100 салковой.

Хаңза. Син чи, Майра, ниме пирчезің?

Майра. Мин позымның даа харным тагран полбинчам.

Паека. А син позынның на харның пілінме.

Майра. Ниме пирем? Тынымны хыйып алыңар.

Күлепин. Чох нимені тууп пирер бе?

Хаңза (*күлінібізің*). Пок, хончых, синің пирер ниме табылбаада па?

Күлепин (*хылыхтанып*). Табы-ылбас!

Хаңза. Актый, Күлепин, хазаанда хойлаң чічен хойың маарабохча, нізе, тограп чічен торбагың мўўребөкче нізе.

Күлепин. Кізі хазаазындагы малны санабинчалар.

Ипчі кізінің табызы истілче: «Йу, сазым, салыбыс, салыбыс, хара айна!»
Сарчан. Мусканы сдбртеп килче.

Сарчан. Мин сагаа көзідем хара айнаны, огыр! Колхоз нзіне хол сунарға.

Муска. Салыбыс, тіпчем, ынчых! (*Сарчанның сырайын тырбахтап сыхча.*)

Сарчан. Пот жулик, пот огыр. Чаргаа парарзың, харибде чызирзың! Пот так (*Опристың алына астыг хапчыхты силің*). Көрерге кирек. Хоосха чох чирде, күске хайынчан.

Оприс (*Мусказар пас килің*). Хайди холың парған, Муска, хайди парған? Кізілер халғанчы нимелерін фронтха пирчелер, а син...

Муска (*хысхырча*). Позыма албаам мин, албаам позыма! Палаларым өзөкче.

Оприс. Пасхаларыни өзөклинче?

Муска. Синің өзөкчең палаң чоғыл, минің пис хурсах.

Оприс (*прай позы алыс парыбызың*). Я, сын, өзөкчең кізі минің чоғыл.

Паека. Синің чабал тіліңі, Муска, типсее салып, оох иде киртібізерге.

Күлепин. Опристың он даа хурсах полза, кізі ізебіне кірбес.

Унер. Сын, сын, кірбес.

Муска. Мин пір-ікі оос алып алгам, пасхалары хапнаң, центнердең тазыпча.

Манит. Кем?

Муска (*Сарчанға*). Пу парнак. Син, ынчых, кемнің күзіне нап наа сенек, нап наа хазаа тургызып алгазың, кем харасхы хараада колхоз трайналарың тазаан? Сагынчазың кізі пілбинче? Прай пілчем. Огырга мин синнең үгречем. Синнең, Синнең. Харибде хада чызирбыс!

С а р ч а н. Көрінер, пу хат уятханына хайди полча.

М у с к а. Ахтанма, Сарчан, ахтанма. Холың кірліг синің.

С а р ч а н. Кем тутхан, кем көрген минің оғырымны?

М у с к а. Пар көрген кізі. Синнең хости турча. (*Кізілер удур-төдір көрізің: кем?*) Майра, Майра көрген.

М а й р а тапсабинча.

Чоохта, Майра, көргезің пнт, көргезің.

С а р ч а н. Майраны ара тартпа. Ол синің алиңча кірбес. Пот так.

М у с к а. Манит көргенөк.

С а р ч а н. Иліг толгалба, чой хат.

М у с к а (*Майразар пас килін*). Чойланчам ма, Майра?

М а й р а пазын чайхапча.

С а р ч а н. Андагда мин чойланчам, мин? (*Майра тапсабинча, Сарчан көйтк күлінібізің*). А син сагысха кирібіс, Майрачах, хайда піс синнең түгенчізің тоғасхабыс. Арғыстар сурыңардах Майрадан, хайдар чіт-челер аалдағы хас-таахтар. (*Майразар, анаң кізілерзер көрің*). Пілбинчезер? А мин пілчем. Оларны Майрачахнаң Крзан толгапчалар.

М л н и т. Че-е, хайди? Крзан чаада нимес пе?

Суулас, таңас, узүріс.

С а р ч а н. Полбин, тайгада сірернің таахтарыңнаң чыргапча. Майра хыбрайназы агаа тадылыг чинстер анар пирче.

Суулас узүріс.

О п р и с. Киртінминчем, сын тылаас полбас ол. Майра, нога сым полчазың?

Прайзы М а й р а н ы ибiрiбiсче.

П а е к а. Хайда Крзан?

М а й р а. Чаалазарга парыбысхан. Мин хайдаң пілчем.

С а р ч а н. А Чылланныг холында кемнең иркеледіскезің. (*Майра тапсабинча.*)

К ү л е н и н. Пу сын тылаас полза, ноо көрчезер, искірбин.

С а р ч а н. Пастап ікінчілеем мин, а пўүн өнетін пар килгем көрерге. Крзан полтыр.

М а н и т (*Майразар ойлап килін*). Майра, кемні чазырчазың?

С а р ч а н. Мин сағынчам, кем хасхаа полысча, ол позы хасхы.

У н н е р. Сын, сын.

П а е к а. Андаг ирнең, Майра, мин хости одырбасчыхпын.

Х а ц з а. Пут, табан, позының на тының алын килген.

О п р и с. Хайди мының соонаң, Майра, кізілер хараана көрерге. хайди?

М а й р а. Ат салыңар мині, тіріге чирге көм салыңар. Нога мин пу чир үстүне төріп парғам? (*Сўркўңнеп ылғапча.*)

С а р ч а н. А синің харағың хайда полған, Оприс?

М а н и т. Оприс аны хадарча ба?

С а р ч а н. Опристың хараа көп нимее читпинче. Газетада пасчалар: полған на грамм ас үчүн күрезерге кирек, а пістің сушилкада нинче ас көй парған?

М а н и т. А син хайда полгазың? Оприс үр ниместең не тоғынча.

О п р и с. Тохтатпаңар, чоохтан Сарчан.

С а р ч а н. Піс унны харахха көрбинчебіс, а пістің кнезібіс аны ба- зарда чөгетке орнасча. *(Суум-саам)*.

О п р и с. Чөгөт колхозха кирек, син анзың, Сарчан, миннең артых пілчезің.

С а р ч а н. Че, чахсы. Піс хазнаа 40 чылгы, 120 пас хой пиргебіс. Хайда ол ахча?

О п р и с. Тудыңыл парған.

С а р ч а н. Хайдар?

О п р и с. Аны санчынаң чоллас.

С а р ч а н. Чолласхам мин. Ол ахчаның парған чирі чоғыл.

К ү л е п и н. Сарчан пар даа нимені чох идер.

М у с к а. Қнис маймахтар албаабыс па...

П а е к а. Колодалар хайдағ ахчаа алылған?

М у с к а. Сыныхтирға кирек!

С а р ч а н. Оприс ахча тут пілбинче.

М у с к а. Сарчан кнес полғанда, піди піс хызылғабыс па? Тоғынча- зың, тоғынчазың, аларға мно сагаа *(кукуска көзітче)*.

Х а н з а. Актый, но суулас турзар. Кирек кнесте ле бе зе. Чаа тохта- бин үр парыбысты. Анмарыбыста, арса, талған идер азычах поларчыгох, фронтха ызарға кирек нізе.

М а н и т. Я, я, андағ.

О п р и с. Аргыстар, пу сурығны чыылығда үзүрербіс. Ам тогысха.

С а р ч а н. Ұзүрерге, пүўнөк үзүрерге.

П а е к а. Сагаа даа анда хычынарға киліспезің, Сарчан.

С а р ч а н. А мин ходырлығ нимеспін. *(Күлісчелер)*.

Прайзы суум-саамнаң парчалар. Оприс, чалғызан халып, сағысха түсче. «Кнес, кнес... Сын чоохтаан Каскар. Магаа үгренерге кирек, үгренерге». Парар- га итче, аныңзар ылғап салған сырайлығ Майра пас килче.

О п р и с. Хомзынма, Майра. Қізілер сагаа орта чоохтааннар.

М а й р а *(Опристі хуҗахтабызып)*. Оприс, полыс пир магаа. Ал хал Крзанны. Ал хал. Син не арачылап халарзың. Син не, Оприс.

О п р и с. Хырада өс парған пуртах отты аябин чуладырлар.

М а й р а. Чолдаң тизібізерге мин аны үгрет салғам. Мин... Палама миниң, Оприс, паба кирек.

О п р и с. Палаа сылтанма. Ир кирек сагаа, чылытчаң, иркелетчен, тамах тазычаң.

М а й р а *(өкпеленіп)*. Син мині аннаң чалтыратпа. Мин сүт урчаң корсок нимеспін, тіріг хатпын.

О п р и с. А син тут көр, арса, миниң мында чүрек чоғыл, арса, идім- че миниң хан ахпинча.

М а й р а. Ахчатса, мирчең ағас полбасчыхсың. Хат парған күргенге

төбйзің снн. Ир сағаа кирек чоғыл, пала кирек чоғыл. Чоохта ннме кирек сағаа.

Оприс тапсабинча.

Сағаа пір дее ннме кирек ннмес, мағаа прай ннме кирек: ир, пала, испай. А снн хазаандагы чалғыс хойынны колхозха сыйлап киргезің. Сыыға кірерге хынгазың. Көріңер, хайдаг мин чохсы кнеспін. А кізілер сағаа күлчелер, түрче полза, парасхан Оприс колхозха станын суур пирер.

Оприс тапсабинча.

Ннмее сым полчазың? Снн пнт күлкее кірерге хынминчазың.

Оприс тапсабинча.

Худай, ннме тіпчем, тохтат мині. Оприс, испе мині, испе, Алығбын мин.

Оприс тапсабинча.

Оприс, сым полба, хырыс мині, сөкле, уяттыр.

Оприс тапсабинча. Аныц хат парған көрмі Майраны хорыхтырчатхан осхас. Ол аны чайхапча.

Оприс, таста пыромны, исчезің ме, таста.

Оприс тапсабинча. М а й р а «таста, таста» тіп ала көблүе нандыра пазыпча, анац ойлап сыхча.

О п р и с (*көблүе сағыс алынып*). Агаспын мин, хат парған күргенмін. Че агас пнт өстебинче, хараа даа ылгабинча. (*Күргензер пас киліп.*) Күрген, атархапчам сағаа. Пірдеезін снн сағыбинчазың, пірдеезіне сннің чүрегің сыстабинча. А мин хайдар парим чобаамнан? Сым полчазың. А кем чоохтир? Кем?

ЭПИЛОГ

Чайгы аяс кун. Чазы, ырах ннместе арыг көрннче. Истілче чүрек тибірестіг сарын. Ипчілер, иреннер от саапчалар. Чолча холында чемоданныг Оприс парча.

К а с к а р н ы ц ү н і:

Сыйлап ширем сағаа
Постарғайның сарынын,
Ол полар сннің сарының,
Ол полар пістің сарыныбыс.

Сыйлап пирем сағаа
Часхының сілінин
Ол полар сннің сарының,
Ол полар пістің сарыныбыс.

М а н н т. Эйлер, көріңер, кем килпир.

П а е к а. Оприс.

И р о о л. Хая?

М а н н т. Сынап, эй.

Паеканаң Манит, ойлап киліп, Опристі хуцахтапчалар.

О п р и с (*хатхырып*). Ой, чоо тудыбыстар.

П а е к а (*Опристі көргелен*). Хайдаг сіліг пол паргазың, якра.

М а н н т. Фи-гу-ралыг.

Хатхырысчалар.

И р о о л. Піске хуцахтирға чарир ба?

Х а н з а. Актый, харагым оды уян даа полза, таң город хызын көр-
чем ме?

О п р и с (*күлініп*). Аал хызы хайди городти пол парчан. (*Прайзы-
наң брчіліг изеннесче.*)

М а й р а. Изен, Оприс.

Ідбк пас килче Муока, тідинин, холын пирче.

К а м а т. Миннең чи, килнім, изеннеспеске бе?

О п р и с (*хучахтап*). Тайызы.

К а м а т. Сағаам сині.

О п р и с. Хачан килгезер?

К а м а т (*күлініп*). О-о, килін, мин ам мында чуртабыстым. Позох
чирінде тынарға ниик. Палалар тыбысхан... Син тарынма, килін, кирі
дее ползам, үгүре хайнадарға инейек таап алдым.

О п р и с. Ноға тарынчаң. Орінчем, тайызы.

Х а н з а. Орай хонған хоных ораа түспечен тіеченер. Оприс, хайдаг
тылаас-хабарлар городта? Угредниці тоостың ма?

О п р и с. Тоостым, Ханза аға тоостым.

Х а н з а. Чахсы, чахсы.

М а н и т. Ам ние идерзің, Опр.

О п р и с. Районнаң пеер ыстылар.

У н н е р. Кнеске? Апчанайның орнына ба?

О п р и с. Пазох хада тогынарбыс.

П а е к а. Харын даа. Апчанай полыминича.

К а м а т. Хомай кізі нимес ол, лут көмес пілізі читпинче.

П а е к а (*махтанып*). Оприс пістің үгренип алған.

Х а н з а. Көк тайга аң-хузынаң паалыг, кізі пілізінең. Арса, мині
үгренерге ызыбызарзар кулхузтаң сыгара. Абаны даа сегірерге үгредіп
алчалар ба хайдаг. (*Хатхырысчалар.*) Хормачыланчам, палам, үгренип
алганың чахсы.

К а м а т. Килнім минің сағыстыг кізі. Каскар андағох полған.

О п р и с. Тайызы, Каскар полбаза, ниее мин чарирчыхпын. Аннаң
танысханда, сала-сула ла хыгыр пілчеткем. Ол үгреткен мині чуртирға,
ам даа үгретче. (*Анаң прайзына айланып*). Хайди сірер чуртапчазар?

М а н и т. Ағырин-көблче.

М а й р а. Тоғынчабыс.

М а н и т. Муклай үгренерге парыбысхан.

П а е к а. Пот, Сарчан, тыстанмас явил, колхоз тамағына кіріп, хар-
ибге кір парчых.

Х а н з а. Иирчік ханча даа ибірлізе — тохтааны поладыр.

М а н и т. Олғаннарға наа школа пүдірчелер.

О п р и с. Сағынчам, чуртастаң халбаспыс. Искезер бе, МТС піске
наа трактор пирче.

У н н е р. О, пай поларбыс.

П а е к а. Кем ағаа одырар?

К а м а т. Ироол чи.

П а е к а. Пот таланнығ.

Ироол. Одыртсалар, чарырчых.

Оприс (*Ироолға*). Сағаа бирбин паза кемге бирербіс.

Паека. Асап айланған полза, ол одырыбызарчых. Алтын холлығ полған ол.

Камат. Экай, хайдағ махалығ ооллар чатхлап халғаннар чаада.

Пүүн олар піснең хада кўлкі-хатхынаң от сабарчыхтар.

Паека (*чўрексініп*). Паранар тогынарға. (*Сапхызын алып алып парча.*)

Манит (*Оприске сыбыхтапча*). Пістің бригадирібіс.

Оприс. Мағаа, арса, сапхы табылар?

Ханза. Сии, палам, чол соонаң тиріңні соодып ал.

Манит (*парчадып*). Кіребіс хабарлазарға бирде.

Оприс. Кілінер, килінер, сіерге сыйыгастар пар.

Ироол (*хормачыланып*). Андагда хайди даа килербіс.

Суум-саамнаң, сапхыларын алып, парчалар. Майра халча.

Оприс (*аныңзар пас киліп*). Хайди чуртапказың, Майра?

Майра. Нандыра көс килдім. Крзанны чааға ызыбысханнарында, ирайзына тарынгам. Кізілерні көрчеем чох полған. Андада көзібіскем.

Сым полчалар.

Соонаң нандыра сагынып алгам. Катрис хончинма хара пічік килген. Пиргеннер ағаа — ол, тас шей чили, турча. Палалар сых-саах түсчелер: хығыр, іең, хығыр, іең, хығыр, ние пабабыс пасча. Кічіг оолгы, сизігі чох, улуг өріністе сегірче: пілчем, пілчем, таңда пабам ах аттыг ойлат килер. Катристың хольнаң чачын түс парган. Олғаннар мині ибірібіскеннер: чача, хығыр. Харагастарында ізес — пабаларын амох сыйлап ирибізер осхаспын. Пілінчем, тасхар сыға хонгам. Хысхарарға итчем — үнім сыхпинча, ойлирға итчем — азаам парбинча. Хараа тооза сыхтаам. Хайди мин Крзанны ндеем хыринда тутхам, хайди поэымнанар ла сагынгам, ние чирібіс ханга пурлухчатханда.

Оприс. Алы партырзың сии, Майрачах, анзы чохсы.

Майра (*аны испин*). Ам махтанарым даа килче. Апсаам минің чааласханох. Герой ниемес, че чааласхан пит, чааласхан.

Оприс. Ынаг чуртапчазар?

Майра (*кўлінібізіп*). Көмес сагыс кір парган ағаа. Оолгы — тыны. Итсе, амзабызарға хынадыр, че анзын түзет салгайбын.

Хатхырысчалар.

Оприс. Тогынча?

Майра (*махтанып арах*). Тогынмин, хой хадарча. Аалла піссер.

Суум-саам, паягы кізілер хатап килчелер.

Манит (*Кайдаа*). Сіер, арса, Оприснең чөнтезіп алгазар? Оприс, көр, кем килген.

Кайда кізілер кистіне чазынча.

Ироол (*Кайданы алмынзар сығарып*). Пу кізіні таныпчазын ма?

Оприс. Хайда-да көрген кізее төй. Изен, Кайда. (*Хуҷахтасчалар.*)

К а й д а. Айна, син ам пістен хости даа одырбассың. Искем, искем пастыхха сыхчатханыңны.

О п р и с. Қайда хайдағ полған, андагох халған.

П а е к а. Пеер килерге хайди сағынып алдың?

К а й д а. Курортха парчам Шира көлзер, бір-ікі күн, ааллатсар, ааллап алам.

И р о о л. Чуртас кирее хайди парча, Қайда?

К а й д а (*көдіріліп*). Хомай нимес. Хачан Қайда хомай чуртаан? Наа крестовой тура пүдіріп алғабыс. Апчағым дояркаларның пазы полча.

Х а н з а. Ізе, сүт хыринда чуртапчатханың көрінче.

Хатхырысчалар.

К а й д а (*хылыхтанып*). Тоғыстарың турча. Оприс, параң. Позытсаң, синде түзем.

М а н и т. Сағын парғам сірерге. Иирде тоғазарбыс.

Прайзы парыбысча. К а й д а парарға чемоданың хаапча,
анаң напдыра турғыс салча.

К а й д а (*Оприске*). Одырып алаң түрче.

О п р и с. Искен поларзың Күлепин чачамны тыхтап салғам. Ам ах чазыдағы чалғыс ах хазынас чіли хала пардым.

К а й д а. Позының чуртазын ол чуртап алған. Таланнығың син, Оприс. Угренип алдың. Кізілер сині улуғлапчалар. Мин, таң, парбын, таң, чохпын. Кізі миңи кирексібинче. Прайзына миңи Симунахтың хаты Қайдабын. (*Пазын төбін түзіріп ылғапча.*) Сағам миңи мында чоохтаам, чахсы чуртапчам, Киртінме мағаа, Оприс. Тамыры хуруп парған агас хачан даа биннен полбас. Ирееленіп, ханым төгіп, палалар тапхам. Ам олар пасха ипчині іче идінчелер.

О п р и с. Син поэзы саба иткезін, Қайда.

К а й д а. Пілчем. Мин оларны, Оприс, Каньканың чачазына бір айға ла артыс парғам. Анаң, Симунах айна тура ал полбнн саадабысхан. Тура алып алғанда, пірее нимечектер алынып аларға кирек полған. Соонаң килгем — палалар миңи таныбинчалар. Пірееде сағынчам: нимес чуртапчам, кемге кирек миңиң аях-самнахтарым. Ала саасхан чіли аал аразында саадрап чөрчем. (*Ылғапча*). Син ырыстығың, абыя.

О п р и с. Чох, Қайда, сарыным миңиң сарналбаан. Прай ние миңиң пар, а часка чоғыл. Қаскарның соонаң мин бір күн дее ырыстығ полбаам, бір хараа даа истіг узубаам. Ығырап парча ізік — чүресем ачи түсче: Қаскар килді. Пілчем, тіріг нимес ол, алтабас миңиң иркініміні. А поэзым олох сағыпчам. Хачан тоозылар ол сахтас, хачан? О, чаа мағаа хачан даа тоозылбас. Хачан даа! Хачан даа!

Огырны — сох!
Сохпа пораатайны!
Санай даа өчес полчатсын,
Пораатай ла тастабинча сині.
Ол синің хада чуртапчатхан туғаның.

* * *

О хайдағ улуг чөріс	Че милиционер
Пу городта.	Хоос ағастығ,
Машиналар,	Аннар үгретчізі чіли,
Аннар ла охастар.	Турды,
Кізілерні	Тумзухтарынаң оларны сапты —
Полған на пулунда	Аннар хузурухтарын
Андара сабарға	Түзірді.
Аябастар.	Кізілер амды
Мына ойласча олар	Иртіпче хорыхпин —
Пазох тимде:	Аннар сағам
Устүне сегіріп,	Оларны хаап полбас...
Сині типсир...	А хайда-да ырах
А хайда-да ырах	Хакас чирінде
Хакас чирінде	Кемнің-де кирі ічезі
Кемнің-де кирі ічезі	Ылғабас.
Ылғир.	

ПУШКИНГЕ

Тверской бульварда хызыл иирде
Чылтых-чалтых оттар тамылча,
Мына пазох Пушкиннің хыринда
Лймах чон чылызып пастапча.
Түбен пасха чонның аразында
Түбен пасха тіллер истерзің.
Хачан-да сас полған тунгус мында,
Қалмык таа — чазылар нанчызы.
Иң аарлығ алғыстас сөстерін
Пушкинге олар ағылчалар,
Пасха чирдең килген поэттер дее
Ағаа стихтарын чарытчалар.
Мин дее пўүн мында турчам.
Пеер көні ағылған мині чолым.
Поэым поэыма чоохтапчам —
Чарых Хакасияның оолғы:
«Сынап тигірде худай полза даа —
Ағаа чир дее пазырбаспын мин,
Пазырабын, кирек полза, ам даа
Сағаа, Пушкин, пір дее уятпин.

МЕЛЕЙЛЕР

Хоостап пир мағаа мелей, хынғаным,
Чоохтап пир, хайди мағаа хынчазың син.
Соох хысхы хар-порааннарда күннің
Тіріг порчолар чўрееме түзелзін,
Хоостап пир мағаа мелей, хынғаным.
Холларыма мелейлерің кизіп алып,
Аалай чібек хур ағамнан сурып алам.
Хара састығ пазымны пөзік көдіріп,
Прай даа аал істінче пастырам,
Холларыма мелейлерің кизіп алып.
Учураан кізілер хайхазар прайлары,
Постаң оолларның істілері көйер:
Ана анда худаа туганнарымны
Хорыхпни ызарбын паба-ічензер,
Хачан кізілер хайхазар прайлары.
Че сыннаң сині мағаа пирбезелер,
Андағ ачығны паза сыдап полбин,
Олох ла пірее туста көрбезелер,
Сині хасхыр нарыбызарбын мин.
Че сынап сині мағаа пирбезелер.
Соох хысхы хар-порааннарда күннің
Чўреемде порчолар чарылар үчўн,
Хоостап пир мағаа мелей, хынғаным.
Чоохтап пир, хайди мағаа хынчазың син,
Чўреемде порчолар чарылар үчўн.

* * *

О, хайди чыстанча харағат
Хара суглар үстўнде часхызын!
Сағызыма кірче пазох хатап
Ырах халған чалаас азах тузым.
Сағызыма кірче: мағаа пис час,
Чабыс турачах, ічем ылғапча.
Уучам минің паза піссер хайбас,
Обырас алтында хомдыда чатча.
Пісте чыылысхан туган-хончыхтар,
Ирбен отнаң аластанып алып,
Уучамны тўндегі сыыратсар
Апарғаннар, хаңааға салып.
Тирең оймах хыринда, манзырабин,
Тўгенчі сидік чарылыс ирткен.
А мин, андар пір дее хайбин,
Аймах хурт-хоостар көрглеп чўргем.
Ічем, мині көріп, тудып алып,
Холынаң салбин, чоохтанған:

«Уучаңнаң анымчохтазып ал,
Паза піс аны көрбеспіс, палам».
Че хачан аны көбм сыхханнар,
Анда ла оңарған осхас полғам:
«Уучамны оймахха сухпаңар!» —
Чоо ылғап, чоннаң таласхам.
Соонаң іземнең ирте часхыда
Сөбктерде харағат одыртхабыс,
Анаң андар парып, пірее күнде,
Тапсабин, тынанып одырчаңмыс.
Ічем одырчаң хомзыныстығ ырлап,
Мин тыңначаңмын аны кічіг позым.
Наа өңненчеткен хойығ харағат
Чайчаң піссер чыстығ хазыр оозын.
Чыллар ирткен—килген, ам даа иртер,
Че хайда даа ирте часхызын
Хыгырар мині төреен чирімзер
Харағат чызы — чирімнің чызы.

* * *

Сағдай чабан «Москвич» алған.
Сағдай ам чүгүртіп чөр,
Хадыл тозынның тубан
Соонча ла пулғал тур.

Аттығларны соонына
Хай-хай ырах артызып,
Морсынча позы позына,
Чүрегінен өрініп.

«Эк, мындағ чүгүрік атха
Кем амғы туста мүнмес?
Тоғылах баранка — сағаа
Хаас чүгенек нимес.

Одырчан чирі дее
Нымзах перина осхас,
Түспезең он күн дее,
Одырчаң ағырбас...

Хачан иирде хоныхха
Машиназын турғысча,
Суғлаң паарсах холынаң
Тимір адын сыйбапча.

Ундулған Хара күреезі,
Тузағда пүкте чөрче,
Сағып полбин паза ээзін,
Хомзыныстығ кістепче,

СЫРЛАЛҒАН ХАЛСАРЫҒ

Оң-пасха сырпаң сырлалған халсарығ
Сатчалар базарның істінде.
— Сырлалған халсарығ, сырлалған халсарығ! —
Кіреп бе ол синің көңіңе?
Алай ба син саңай ундубысхазың,
Хайди чазыча учухчаң аттар.
Хайди туйғахтар алтында тамылып,
Көй парчаңнар олох туста оттар,
Хайди хызыл тигір хызыл чалыннаң
Сағылчаң көллернің үстүнде,
Хачан аттар, хуюңнарнан чарызып,
Чит парчаңнар айда алай күнде?
Че прай ол пуруңгы оттар көй парған.
Күргеннер алтында алыптар.
Ыраххы чазыларда тоозыл парған
Түгенчи чүгүрісте илбек аттар.
Сырлалған халсарығ, сырлалған халсарығ,
Че ползың, андағыны даа алып алым.
Мин сірерні, ибімзер анарып,
Комнатада вазада тут көрим.
Хайдаг даа полза минің ханымда,
Читкен аттарның чүгүрні халған...
Мөңіс көрбе вазадаң халсарығ,
Сірернің үлүзіңерні — мин алам.

* * *

Эй, чеек, айдас хамнар
Прай ундулған аалларның!
Тубаннап сыххланаң
Озеннер-састардаң.

Көк хаязар піс парарбыс
Көрерге суубысты.
Анда күс сыназарбыс
Паза пөзік сөзібісті.

Пілчем, сидік көп учурир,
Че туртухпаспың, нанчылар,
Түүрім — ай хоғдырир.
Орбам чил полар.

Мин парам ырах талайзар,
Көп чир-суғны алтаглап.

Илбек күс мағаа хозар
Хайран Чирі-суум хатап.

Ачын айна төстеріңе
Минің матыр сөзім хабар,
Прай астыххан чүректерні
Пу чирге айландыраң,

Чох идіп прай чобағларны,
Ағын тудыста хамнаң
Сірерзер, чарғычыларзар,
Улуғ чиңіснең мин айланам.

Анда сірер, оорланып,
Сыбырларзар ағырын:
«Я, хам поларзың, оолах,
Улуғ хам поларзың син».

ЧЫЛЛАРЫМ

Айланча тустарның тербені,
 Чайылча күннер талғаны...
 Ол талғанны көөлче теергені —
 Айлар, чыллар алысханы.
 Чылларым, чылларым, чылларым —
 Парикмахерге кистірген сүрместер...
 Кичее ле асхам букварьны,
 Пүүн палалар үгретчем.
 Кичее ле хыйыр буква пічииме
 Олған істімнен өрінгем,
 Пүүн чүреем ізітчеткен стиғымны
 Сағыс өтіре өтірдім.
 Чылларым, чылларым, чылларым!
 Галактикаларнаң хости
 Нимезер сірер? Че төріпче сарын,
 Чуртастың сілиин алғысти.
 Өрінчем аннаңар олаңай
 Олаңай тынчатханыма,
 Ізенчем аннаңар пір саңай
 Хайнапчатхан ханыма
 Сораях тамчылабысса, көөлче
 Сынырааны толча істіме...
 Хачан-да мин дее Хыро чолча
 Пастырыбызам чирімнен,
 Чылларым, чылларым, чылларым!
 Тустарның тербені айланзын.
 Чаза паспасха сыххан чолларым
 Ада чонымның чолынан піріксін.

Андрей ХАЛЛАРОВ

АЗЫР ЧОЛЛАР

О, узах чоллар, чуртас чоллары
 Чирім иннін чібөкнең хурчапчалар;
 Чылларча кізілерні апарып,
 Улүстің чібі чіли, чучалчалар.
 Хачан даа кибіс полып майыхпин,
 Алнынзар хыгырчалар кізілерні;
 Пілчелер, постарынча астыхпин,
 Хачан полза хайдар-да чидерлерін:
 Хайда-да чапсыстығ ырахтарда

Постарының хылығын сыныхтирын,
Алай ба чазыттыҕ сурыҕларда,
Улүсті орта үзүрүп, чуртирын.
Я! Кем-де іс халғысча чолларда,
Позынын адын артызып төллерге.
Хайзы ірік туруннаң чылларға
Позын пирче ысталып ла көйерге.
О! Түгенмес пу тахталған чоллар —
Төлдең төллерге пирілген хумартхы.
Ол кізі анда іс артыс полар,
Хайзы поэныаң чазапча чуртасты.

ЧАЛАҢНАР

Таң хызарча ыстыҕ чазы үстүнде
Аалым петухтар үніне усхунча,
Көрінче чалаңнар тигір төзінде,
Хайзы аттарны индирче сугатха.
Чирім тітірепче ат туйгагына,
Хызыл тозыннаң морсымның ысталып
Магаа көрінче пу күр чазыда
Ыраххы сас ағаларның омазы.
Олар түгенмес тустың изерінде
Таңны удурлачаң күнге чидікпин.
Олар аттарны пирчең төллеріне,
Чуртас хазында чоохтанып хумартхыли.
Ол аттар чүгүрчең вектер өтіре,
Учазында апарып күр хакасты,
Хайзының сас ханы өктем ойлачаң
Изестіг удурлирға хызыл таңнарны.
Мин зе, ол тустарның төлі, аяғ пілбин,
Чүгүртчем ам пасха вектің адынан,
Хайда таң күлүмзірепче хызарып,
Хайда планеталарзар сағыс атыхча.

ОЛАҢАЙ ФИЛОСОФИЯ

Хончыхтар наа чарых тураа көскеннер,
Изелген хазаада артызып палалыҕ адайны.
Адай машинаны мөңіс үдескен,
Піл полбин кізінің чазыттыҕ оңдайын.
Күннең күнге соохха пүгүрел парып,
Саялған тура орнын чыстаҕлап чөрчең.
Палачаама чинистің тоң кизектерін
Маңзытта оодылган хазаазар тазычаң.
Хар-пораан, өчезіп ине адайға,
Хычылаах соохнаң прай ла тизіктең атча,

Іче палазын чылинан хадаглап,
Узун харааларны сыдамахтыг асча.
Изірік хысхы күдеен, маңзырабаан,
Тазын мүүзін тоортар күзінең махтанып.
Іче сылтаанда күчүгес тееніп пастаан,
Аның чобаан пілбин, ағаа ла чазырхап.
... Пір күн ине адай тубанныг соохта
Чол кизіре ниміс кілеп, чорғалаан.
Күчүгес хузурийн пулахтап уяда
Инезін азыхнаң чидікпин сахтаан!
Палазына чинс апарарға маңзырап,
Сиден төзінде іче тоң халас тапты.
Көрче: иркечее, өрчіліг сархылап,
Аар-пеер сегірче, ағаа көгліг хыңзып.
Чүрек, палаа чидікпин, толча көгіске.
Атыхча, халасты ахсында пик тудып.
Кинетін машина туу чаапча тигірни,
Саңайга чох идіп хайран іче тынын.
Чүгүрче чолзар күчүгес ах тубанча,
Хайда, хызарып, іче ханы ысталча.
Халас ам даа ине адай ахсында,
Сүлейке хараа, тізең, часнаң ылгапча.
Күчүгес, тоң сөбк хыринда одырып,
Ічезінің турарын сағи, хыңзыпча.
Піл полбин чазыттыг чуртас ондайын,
Частыгох хараанаң тигірге хоптанча.

ТИРЕКТЕР

Чоох

Автобус ойлачаан на ойлаан. Часпаң таглар паза оларның сыртындагы кизек агастар, сомналыза, чайхалыза түзіп, пірсі пірсіне көленізіп, чіде хал турганнар. Чолдагы ізіг тозын чолда хара түдүн чіли толгал халча, паза автобуссар кире саргалып, ізиннецк харыхха кірген. Прай ол хуюнда пүкүл паза пүдін халары пу ла алнындагы чылтырах тнмірге, харчых чіли, пик чарбан парып одылары кирек полча теен чіли, Саран апсах матап тудыгган.

Апсахтаң хада көп кізі парган. Хайзы чоохтазарга маңчан турган. Саран апсах позынаң чоохтазарга харас көргеннерге, ис полбин, чоохчы кізіні иреелірін піліп, «ы-я» ла польбысча. Піреезі аны танаан осхас, изеишескеннер. Оларох орын ипріп, мында одыртып салганнар.

Шинче ааллар ирт парирлар, ікі бе, үс пе, таныс таглар көрін настабысты. Тогыр чул аал чагын осхас. Оскен паза киреенче чуртаан аалына чагыннабысханына, кізілер агаа паарсаанына апсахтың көңні чарып килген. Чоохтир ннмезіне кізілер киртнмезін азынадох пілзе дее, иң аарлыг сагызып сыгарбаанда, тыстанмаан:

— Торай читті полар, исеке, — хости одырған чинт арах палалыг ипчі истер дее иде хыылах табыснаң чоохтаныбызып, харах пулжиннаң, хылыхсыннап, харахсын салган: кирткісібин салды ба.

— Кем-кем? — аллызартын айланган пір хоос платтыг ипчі.

— Торай чи, чаага парган хайза, мннің оолгым!

Апсах, ахсын сала азын салып, ипчизер хызыл көбігліг харахтарып сугландыра көрген.

— Чаага, хайдаг чаага?

— Анаң пу чізе, Сталин тузындагы, — хайди андаг улуғ иимені угдупчазар теен чіли, уяттыра сыххан апсахтың үні. Олох туста сизін салган: иптг ле чоохтас париган ипчіні хости одырғаны чыгапагынаң сазыбысты, пасхазы харах сыгынысхлалча, холларынаң көзі-діслепчелер — хачанох чөн парган апсах.

Аны сизін салып, апсах мөңісіреп сыххан. Кізілер ам даа көп ннме оңарбин турғанына паза постарына ла сагысыралчатханына істінде хомзын парган. Аның соонда чол угаа узах паза иреелестіг пілдірген. Шинче күзі алганча, одырчагынаң сыгара чачырап халбасха пик тудыгган.

Сарыг сырлыг автобус, чапчаң тохти түзіп, соонча көдіріл килген хара тозынга сүргенібіскенде, ізіктері сағдыраза азыл парганнар, хызыл хоос көгенектіг, чайылчах узун хара састыг оол паза халбах хызыл ыстанныг хыс, түзіре сегіріп, оолгы хызын, толдыра чірчені чайбаңнатпнн апариган чіли, сиберли холтыхтап, чол кизіре чүгүрізе халганнар. Саран апсах таа ізіксер чыл сыххан. Автобустаң түзер алнында, таягын чирге иптеп тіреп алған, анаң саар азагын чирге түзірген, соонча ікінүзіні

тургысхан. Сыгып алып, пір-ікі хаалағ иткенче, автобус, ізіктерін чаба тартынып, кідіреме тунух табыснаң күңүри түзіп, тағ азыра парчатхан чолға кірібіскен.

Апсах хайда түс халғанын оңар полбаан. Аал тың пасха пол партыр. Танысха төйі, хойралыбысхан, хахпастан чапхлаан, хайзы хыры чох, чалаас тигейліг чурттар хырында хоос халхалыг, пөзік ах хырлыг, наа туралар өңненібіскен хорбы ағастар чіли турғаннар. Че аалның иң пазында кизек тиректер көр салбинаң, пулуннарында түүнчектеп салған хабын учазында ипти тастанып, чөр сыххан. Маңзыраан. Хуруғ чолда таяғы хынығ тоңырада торлапча. Чоон, хара нап-наа ботинкалары чирче сөзірілдіре, че чапчаң напласчалар. Апсах учазындағы чүкөзінең паза ізіге көре кис салған узун тарынаң суура даа пастырыбысхадаг. Че чүрегі сыдаспаан осхас. Турыбысхан. Хыылада тынған. Слепезің, таяғына кизіртіп, көксіне узада сірене таянып алып, изебінең аппагас хол плады сыгарған. Чайна хахтабысхан, пладычахнаң ах састығ пазын, анаң мойнын сыйбап парып, көбіглері хазырыл парғапға төйі харағын сиберли чызып, өстеде чиділіп алған. Пазы харах чохыралта айлана даа түссе, пазох тіріл парған осхас пілдір парды. Ах пладын ідөк ипти изебіңзер сугыбысты. Ниме-де тыңнап алып, пазох чөр сыххан. Хачанох сүріс чөрген нимезін пу аал пазындағы пөзік, пүкүл көрінген тиректерде көр тапхан чіли пілдірген. Пүрлері күнге чалтырасчатхан осхас, сарнасчалар, постарыңзар хыгырчалар. Оларның алындагы тураңың хыры, көзенектері илер пастабысты. Ол тиректер, чабызах, чарчых хырлыг турачых Сарап апсахти. Тураны чиит тузында поэының холынаң тургысхан. Ол турада ипчизи Хызына пис оол паза пір хыс төріт пирген.

Пис оолгы пизінең улуг чааға парғаннар. Төртінең, Арап, Маркис, Карапин, Кабрис оолларынаң, өл халдылар тіп, тіл килген. Че очы оолгы Торай, чааны тоосса, чайгызын ибзер хайди даа айланарбын тіп пис хати пічік пазып, амғаа читіре саадабысты.

«Торайның чорығы, пирік полып, тудылыбысты полар, пылтыр чит полбаанда, пүүл чидер, — ізенче апсах. — Чыл алысханы тохтап парбинча ноза, Торайның даа чорығы пірее чирде ибіне читкелекке үзіл парбас кирек — иң бчы, иң ирке өскен оол полған, пасха чирде чадып, ол хачан даа истенмес».

Постарының күзі пар полғанда, инейінең хада мында чуртап, сагычаңнар. Күс сыдабиныбысханда, тізең, чалғыс хыстарыңзар көзіп, кізөзінің холын көрерге килісче. Кізөлері «алчыбай» родынаң, Крис оолгы, амыр хылыхтыг, чабан полып ұр тоғын парир. Че Сарап апсахтың поэының төлі пар, Торай оолгы. Чайгызы читсе, апсахтың чүрегі көбір килче. Оолгы читті бе тіп кізіден чыхытчалар. Аарда сыдабин париза, инейін чидініп, хада чиде салчаңнар, анаң хызы-кізөзі апарғанча, чай тооза мында чуртачаңнар.

Пүүл инейі тың найырап парған. Больницазар чатыр салғаннар. Мының алында Торайға хаях-пічирө полчаң, амды тулубында хуруғ-харығ ла халастар паза мөттіг кетметтер. Прай ол ниме учазында.

Чол хазында кем-де илер турған. Апсах андар хайары килбеен.

— Эк, худай, — сыбыхтанып, Сарап апсахтың хада төреен очы ха-

рындазының килни Паюса сиденге таян турыбысхан. Че Сарап килни-зер хайбаан, көні ирткен.

— Торайдың абазы, хайдар? — Паюсаның үні харылып сыххан. Позы, бртек чили, чайханада, чүгүре-пастыра ойлап килип, апсахты хол-тыхтап алып, изеннес сыххан.

Апсах, күл аралы порастал парган осхас, пора өнниг харахтарын хызыл көбиглеринең сыгара көрп, удурох хол сунган. Ілчир холын пазох таяхха сирендіріп алып, үн сыгара чиділ салган. Ээк сағалын хыймырат-хлап, хази көрп, үзіл полбин, сөбөліне тартыл парган, че ам даа табыс-тыг хомыс хылы өстееніне төйи үннең тапсап салган:

— Паюса килним ме пу?

— Я, мин-мин, Торайдың абазы, — пыросынған Паюса. Апсах амды маңат танаан, алнында чинттөк харан агырыгдаң үреен, Охчын харын-дазының оолгынын, Сыбостың, ипчичегі турча. Сыбос, өкіс өзіп алып, чаада халган. Паюса, тізең, чинттөк шр чох чат халып, амғаа читіре өкіс чуртады. Угаа тың кирип партыр. Че тас-хара харахтары ам даа андагох үрүкпейінең. «Сыбос паза айланмас па?» — сурчан. Иди сурары-наң Сарап хорыхчаң, сагам даа Паюсаны көр салганына пір дее чапсы-бин паза өршмин, иртіре пастырарга тирінібіскен.

— А-а, — төс тарта үн сыгар салган ол. Тиректіг ээн туразар чидіп аларга эрінген чили харахсынған. Ол мыннан ырах нимес, төнде. Апсах тылаас-хабар даа сурбаан. Я, Паюса килним, син пар полтырзың, чахсы, көрдім, че минің чолым алынча, аны хоралып одырим теен чили, пазох үн сыгар салган: «А-а». Анаң пазох хыймыран сыххан. Че Паюса аны салбаан, холтиһнаң хаап алган.

— Торайдың абазы, тохта, піссер чей ізерге паран, піссер, Торай-дың абазы, андар нимее, ол ээн туразар...

Апсах, хыймыранарга ит парирып, килни-зер хази көр турыбысхан, анаң ээн туразар харахсын салган. Прай тиректер паза чабыс хырлыг тура үлүкүниен чалтырааппар. Апсахтын ахсы азыл парып хыймырағ-лаан. Харахтарын сугландыра көрп, тілін сирлестіріп, пір ле тынысха тібіскен:

— Торай читпеди бе? — Паюсаның удур нандыраын, ээгі сохлазып, сагаан. Сагып полбин, сыбыхтанган:

— Килгелек пе?

— Халагай көрзін... — поэзы алынча сыбыхтан салган Паюса. Ха-рахтарына час тол килген. Пилдіртпін, нас пылады пулиннаң сыбырыбы-зып, апсахнаң хости пастырған.

Тиректерге толдыра одыр салган парчыхтар, олар килигеніне хын-маан чили, кизекти сатхлаза түзіп, пычыхтас сыхханнар. Апсах пөрігін суурыбысхан. Пазын, анаң наағын сыйбап килип, холын таягына сал салган, мына килдім теен чили.

Пібіне чит килгеніне алай тиректер піди сууласпинаң удурлаанына апсах көкібіскен, өткін хайын сыххан. Таягынаң тура алнындағы тал сырыбыһнаң чіс салган тыныны сапхан. «Э-Э» теенге төйи үн сыгары-бызып, тыыда сирірген, — аар-пеер чөр килзе, піди ол хачаннаң итчен.

Анаң чуртынзар көні кире пастырған. Тура алнында хойыбысхан пора киреннi тепкледe пастырғлап, көнi сеенек изигнзер парған. Замокты си- зин салып, ниме-де кибiренiп ала, тарт көрген, — азыл чөрибiскен.

— Худай абачах, — халахтанып ала, Паюса, хачанох үреен, че та- былбнн үр пол парған кизинн сөбгнн көрiп аларға кирчеткенге төбй сүр- деп ала, апсахтың соонаң изиксер кирерге мөкейген.

— Кизi пар ба? — өтiг тапсаан апсах. Таягынаң столны, пеестi, узун сiреенi, идiс-хамыс тасхагын теертклен чөрген. Төрзеркi пөлигинн изiк көзенеzin чалбастандыра пулгабызып, андар сабырыла халған.

— Кизi пар ба мында? — назох тапсаан ол анда.

— Хурай-хурай, сыбыхтанып ала, Паюса, көзенек чариннаң тискер ахсылығ кирпис пееске таянып, кирөстенiп ала, апсахтың соонча төрзе- рөк ирткен.

Изiг дее күн турза, турада сөрөн. Төрдeгi пөликтiң сол саринда чал- бах орган. Устүнде киден хыптығ төзек. Анда түгiн тооза көө чiп салған хырна тон, сагам на чабынып алып, кем-де аза тастап чөрибiскенге төбй чатча. Чатхан кизинн чылни ам даа соогалах осхас. Алай ол хачан- наң андаг ба? Көзенек алнында иргi стол, анда хайдаг-да хармак хыл- лары. Көзенектерде көк чаяхях хоостығ көзенеелер тартылтыр. Аны ап- сахтың чалгыс хызы Нона өнетiн, чурт ээнге төбй көрiнмезiн тiң ар- тысхан. Стенелерде, тiзең, Сарап апсахтың пис оолгының портреттерi, мының алпында хайди турған, ам даа идөк турглапчалар. Сүлейке iстiнде пiр дее хайтпаандырлар. Обн постары, прайзы солдат формалығлар. Сагам на хынығ суулас парирып, кизiлер кир килгенде, тымыл парған осхастар. Күлиниселер, хулгат көрчелер, иң улни ла кизiзер чапсып пар- ган чiли көрген. Сагам на хайыныс чөрiн, пулар килгенде, сомнар iс- тiнзер кирiбiскен осхастар. Сарап апсах таа, оларнаң тогазып, ам оол- ларын таппин халған чiли хайышча.

Көзенек иркиннерiн, орган алтын көрглеп алып, чарыхтарда чазы- зыныбыспазын теен чiли, пахлаглап, пол алтындагы ора изигiн хазыра аза тартыбысхан. Андартын хайдаг-да кирсiп парған чыс сабыл кил- генде, паза апсах андар, пахлап алып, кире халғанда, Паюса үрүгiбiс- кен. Iкi хати спичказы чырли түстi, анан, ниме-де харлыххан чiли, көк- сереглеп, нандыра сыххан. Сол холында хахпахтығ иргi түүс паза өдiк киптечең ип тудын салтыр. Пасхыстары туных ыгыразып тохтаанда, апсах сыылабинаң пол үстүне сыға хонған. Хара слепезине паза иңине толдыра iрiмчiк сөзiрбезi чарбанглап лартыр. Сыға ла хонминаң, чоох- таспин даа, изиксеркi туразар өте халған. Паюса хайди поларын пiлин- мишiбiскен. Чиксiп ала даа полза, ора ахсын чаап салған. Че чүрегi кө- дiрiл килгенiн пазын полбаан, пiр дее чирзер хылчаңнабин сыға халған. Одың тоорчаңда палтынаң кирчектелген иргi торыспахта одыр салған.

Апсах сенектегi харасхы кладовкада сағбаланғаны пiлдiрче. Сыгып одыр. Нога-да тура кистiнзер пахли тартыбызып, туюх хазаазар, анан чайгы ибзер кирглеен.

Иледе полғанда, пу күлбүрен одыр.

— А-а, Торайды ибде паспин салдым, — теен ол. Тудын чөрген иптi паза түүстi торыспах төзiнзер иптеп сал салған.

— Мыны тудынарга алып ал, килнiм. Ам Хызина бдiк тее тiгерге сыдр ба?

— Че пiссер паран, Торайдың абазы.— хорых парганын чазырып, Паюса чоохтанарга ла полып тiбiскен. Иптернен бдiк тiклезiн паза пу түүске чiчен нiме саларга чиркеннерiн дее пiлiнзе, алып алган. Тура ла хонминаң, пу чурттаң тiскен чiли, чапчаң сыгара пастырған. Соонча, хылап ала, Сарап апсах килген осхас. Чох, пiди чарабас. Сагып алган. Харагы хызарбинаң, хайдаг-да кўп пас парган чызы пурлабинаң, сыылабинаң чиде салды. Паюса, чiскiнчегi дее тутса, аны холтыхтап алды. Позып тызып, iстiнде чоохтанған:

«Пок, хастым апсах, хайди найырап паргазың. Алай чорыхха пiди майыххазың ма? — Апсахтың холы угаа iлчiр үзе тудыбысхадаг. Оолгына ла сабыл чөрген тiрiг чүрегi тыс чатырбинча парасхашны. Хайдаг кўлўк полчаң полды, киреенче колхоз чылгызын хадарған. Сас аттарга изер дее чох мўнiбiсчен, одың-от тартып аларга ат таап ла, пирчен, полыс ла пирерге харасчаң. Ам хайдаг...»

Икөлени прай аалнаң тиннеше, көрiшминдеечелер. Пiр тураа көленчелер, пасхазының кистине кирчелер, тура, тiзең, тураа көли турча — iкөлөң чiт парған. Пу суг хастада сөблiндiре чатчатхан аал бзен пилтiрiндегi хыспахтаң пасталып алып, суг чолыңча толгалып, индiре илееде чалбах чайылыбысча. Аалдаң тогыр суг кизiре часпаң арах хырлыг Кирип тiп адалчатхан таг турча. Суг чогар ол чалым хаяларнаң тоозылча. Иимезиңең-де ол таг улуг арчымахтыг кизi суг оортирга чат салғанга тбй. Чалым хаяның чыганагы сугны Сарап апсахтың чуртынзар ойли агар иде тулғанча.

Амыр, че чыхсы тынназа, таглар кистiнзертiн ме алай хайдаң пiр тың тунух сыылах истiлче. Ол ханаттарын агынга тыдып, бөрленчеткен чинт хустар, пысчатхан бзiмнер, тычырасчатхан хурт-хоостар табыынаң пiрiгiп, чазының көбзi полыбысча. Тагзар, чогархы бзензер от уламанпчатхан тракторлар кўзүрегi паза iскер чазыда ирте хыраларны кис пастабысхан комбайннар кўцүрегi чоон, iзестiг үннең хозылыбысча.

Пирзер Кирип тагның сугзархы хабырғазында хураганныг хойлар табызы тол парған. Тбңнен тбңе, тастаң тасха тўзiп, сугзар индiре чүгүрiскениер. Олардаң чогар иң пбзiкте, таг хырында кизi турғанга тбй, че хыймырабаан. Че чыхсы ситкiп көрiбiссе, ол кизi сал салған хая тазы. Кидеркi хакастар оларны обаалар тiпчелер. Кизi сомныг тастарны iдөк «обаа», кўргендегi чалбах хаяларны, тiзең, — көзеелер. Пу обааны чаа тузында Көгiл тiп аттыг хыс хой хадар чөрiп тургыс салтыр. Олаңай ла сохтанып үйп салтыр, че ол соонаң Көгiл хыс обаазы тiп адал сыхтыр. Чаа тузында ол хыс муца чагып хойны чалгысхан хадартыр тiп хайхасчалар.

Аалдаң тастыхти арах, тбңде штaketникгең хазаан тбрткiл сиден iстiнде пбзiк ах тас турча. Хырында хызыл сўлейке чылтыс. Ибiре чоон iлiрбенең хазаалап салған. Пу даа кизi холынаң идiлген обаа, че пасхазына тбй нiмес. Оортахтын ол кўнге чарып агарғанга тбй. Че чыгынаң хабырғазы пiчiкке прай пычырама. Анзы кизi фамиллялары. Иң үстүнде пазыл парған: «Ундубаспыс сiрернi хачан даа». Паза пiр

хабырғазында орыс тілінең: «1941 — 1945 чылларда Ада чир-суубыс үчүн Илбек чаада чат халғаннар хачан даа ундулбастар».

Пу ах таста читон азыра кизинин ады-солазы бетонға кире пазылған. Пазылглаптыр хада төреен харындастар, чалғыстар, аймах фамилиялар. Оларның аразында Харғаларов Сарап апсахтың пис оолғы: Арап, Маржис, Сарапин, Кабрис, Торай. Көп кизинин аразында изерістірелер.

Пеер килгеннер мында үр турадырлар. Табыс чоғыл. Улуғлар оларны прайзын таныпчалар. Ибір салған илчирбе ле чирниң тынызына туных арах хииктап салча. Ол туных үнде ыраххы кизилер хыйгызы чыллар тагларың тобыр килип, илчирбее нағыланчатханға төбй. Удур-төдир хучахтаза тудыныс салған пу илчирбелерни нинче үр тыңназа, анчох ырах паза угаа чағын пилдирче ол туных табыс.

Сарап апсахха ла хумартхы тасты (ам иди адапчалар мындаг обааларны) паза анда пазылған пичикти көзидерге чаратпачацнар, пилгеннер, Торайны өлігөк ит салгазар тип, тың хомзынар.

Амды ол Паюсаның чуртында стол кистинде улуғ аалчы полып одырған. Паюса килни чағын чуртаглапчатхан ириниң туганнарын тооза хыгырглап алып, ас-тамах чазап, ачыг ас тургызып, улуғ сый салған. Ириниң туганнары чыылызып, пиди чоохтазып одырзалар, Паюсаның истіне угаа толдыра. Ол улуғ чурт тутча, хасты Охчынның паза анын оолгынын. Оол өскір пирген, үгрет салған.

Кибір хоостыра, пеер килгеннер, аалчыны аарлап, постарынзар хыгырарлар. Анзы соонаң, таңда. Сағам прайзы суулахха кибібіскен. Сарап апсах, иң улуғ аалчызын пилинип, чалтырада чыс салған иргі чис алгай чили чарып одырған. Саях өскі сагалын бирде бирсінзер сарбайт салча. Че чоох нимеденер парчатханың оңар полбаан, тыңнирга даа күстенмеен, позының сагызын тоғыр сапчаң чоохты ол көп искен. Сагызы хай-хай пасха чирде. Пирее ниме сурзалар, оорли ла нандырыбысча. Аннаңар Сарап улабаларының хулагы тың хат партыр тип чоохтас салып, истілеринде апсах тың муныбыстыр, мында одырғаннарның пабаларының прайзының улии хайдар парзынза тип, сағын салып, чоох таа чох пиліскеннер.

Апсах, тізен, иргі тузынзар парыбысхан. Хай-хай пасха чуртас полған анда. Амды аны угаа чарых көрген, олар иблепген тус амгызына читіре сартлама көринген. Читі харындас полғаннар олар, үзі кичигөк улуғ аалчы ағырыгдаң чөрибіскен. Мының алнында өкіс халған ипчилер кизи пазынчагы полып илеп-чудап чуртацацнар. Амды көрдек хайдаг, Паюса килін өкіс тее полза, килег дее чоғыл, аалчы сыйлап одырча. Хайдаң килче ол ниме амдыгы туста, хайдар парчан ол ис-пай мынын алнында — ана аны оңар полар чоғыл апсах. Пу хости одырчатхан Тиреек паза Тодыл, Керим харындастың ооллары. Позы Керим харындас Тодыл оолгынаң хада чааға парып, айланмин салған. Ікі харындазы чогылох. Палалары прайзыни пар. Сараптың даа төлі. Торай килзе үзілбес, алай ипчдліг, палалыг чиде салчаң ма. Аябас. Мынчага читіре хайдаг ир хат чох сыдачаң. Орысты даа, кемни дее ағылзын. Мында килзелер, пос тіліне үгрет парарлар. Апсахтың көңни көдірілібіскен.

Че прайзы сууласхан, чоох пыласханнар. Тиреек тунма иезин тың

көктөптір, андагох тапсабас, чооғы сыхпинча. Совхозта хара тоғысчы пол чөрчем тіпче, че симірібістір. Килкім тохчах пурны улам на нилчек, хызыл: сырайы, тізең, сіс парған осхас. Харахтары сізік көбіглерінен хана кистінен чазын ойнап пахлапчатхан пала харахтарына угаа төй чалтыраза-пызынназа түсчелер.

— Мин Сарап улабамның оолларын прайзын оңнапчам. Хайдаг магат ооллар полды! — тібізіп, Тиреек мына нимеденер чоохтанарга кирек теен чіли ибіре көрглебіскен. Ипчізі Кара, хоор чүгүрік харахтыг, өртекти осхас хазырылчах ирнін устайта тудып, сылын түзіп, ишнінен тартхлап сыххан.

— Тапсаба!

Тиреектің чооғына тың на хайбасха харасханнар, че тапсабиныбызып, Сарап апсахсар харахсын салғаннар. Апсах чоохты оңар полбин халтыр.

Тиреек тее чоогын узарадып одыар орнына, ипчізіне сасхладып, ылгабысхадага даа төй. Пасхазы ідök тапсас полбиныбысханнар. Тиреек, кирек чох ние чоохтаныбысханын сизін салып, Агур даа пілзін тіп, хоза теен:

— Сын, я, харындас?

Агурның харахтары Тиреексер күске көр салган көөкенең харахтары чіли ачын тегілектеніскеннер. Амох пірее ние тир ле. Сарап апсах аннаң хорыхчаң: өлгөп парған палаларыңны сагып алахчазың, сагызың даа хысха полыбысханыңны пілбинчезің, чөнібіскезін тізең. Иди тирткен соонда Сарап апсахха позы пір дее ниеме чарабас, тузазы чох ірік төкпес пол парған чіли пілдірчен. Аның соонда чадап ла сагланып, Торайны сағир иде сагысха көдіріліп алчан. Пос аразында Агурны «ілгек» тічеңнер. Көбізі тиктің не үчүн. Ол хачан даа кізіден пуруннирга ла харасча. Хайдаг чоох искенін, ние көргенін істінде пызырып, чатырбинча, көнізінен пасхазына читір пирче, чапсыда алай ачыда тібіссе, тызын парча. Аннаң өбс тартынып хатхырча. Пір-ікі чірче амзабысса, тізең, хынмаан кізізер чооғы ыргахталып сыхча, сыдир кізіден тудызарға даа тимде. Аның үчүн пасха кізілер аразында киліс полбачаң, пірееде ибдең сыгара сүрдірібісчен алай сохтыр салчаң. Пос аразында аны чаксы пілгеннер «ілгек» тее полза, Агурның пір дее пырозы чоғыл тічеңнер. Тиреекке зе ол хачаннаң хынмаан, итсе чалтанчаң, че аны өтіре тіп полбинчатханы үчүн істінде айназы тутчаң. Ідök тілі суртли халганын оңнабин халгаң:

— Оліг инек сүттіг полчаң...

Сарап апсахтың чаада халган оолларынаңар иди чоохтаныбысханнаңар изі чохтан парып, Агурны прайзы тыс сыхханнар — Сарап апсах ис салзох онныг хомзынар ба. Агур позы даа тілі саба чөрібіскенін мындох сизін салган, че талас пір ле пасталганда, паза тохтадын полбаан. Чахсы-чабалны прай ходырған. Аны уяттырганнар, тысханнар. Че Агурны тысса, улам на хыпчычаң кізі. Ас полбин париганда, ізік тазылада чаап, чөре салыбысхан.

— Че иди пір арыг, — өкпезін хыхылдыра теен Тодыл.

— Хаты даа чох ааллап чөрче, соолган, — ирнің читіре чоохтанмаанын сыгара салган Тодылның ипчізі Паруса.

Прайзына изі чох пол парған, чоох таппааннар. Паюсаның харах чызынчатханы пілдірген.

— Абызынах, кілебе, Агурның хылығың ам на көрчезің ме, — тысча Паруса. Пасхазы Агурның сайбах хылығынаңар суулас сыххан. Хариыдасты хайди идерзің, адай чіли сыгар тастабассың. Паюса, тізең, тызынар орнына улам на ылған сыххан.

Кізі ылғаанын көрерге паза истерге аар. Че ол кізінен хада чуртапча, хыя ит полбассың. Паюса чибіргі дее часха читкелекке ир чох халған, чуртын тастабаан. Мындох кирип парир. Сагаан Сыбосты, Кізіні сағры, килеріне ізенері түбі чох ыраххының түбіне читкедіге төй. Хачан кізі агаа чит полбинча, позы даа удур пар полбинча — кізі сагысха майых парчатхан осхас. Прайзы пілгеннер: Паюса нигечи ирін сагып тыыдын чөргенін. Піреде, тізең, хайдағ-да тіспен тыытха позын парза, піди ылгахтың сыхсумын ирінің туганнары көзіне пазып алза, угаа чохсы. Олар пілчелер, олар прайзы чааның чеегін көргеннер.

Че чох нимені ноо сағир тібізерге пір дее чарабас: улуг чаа полған, тоозылғаны даа хыри-пазы чохха төй. Аның тышызына ам даа пасха хан чирінде чуртастар алысча. Астых халған, чолы тулгалған алай микее түскен кізілер ам даа килібісче. Кирек аннаң даа нимес, Сарап апсах хайди сагыпча, Паюса нигечи Сыбостың тіршиче хайди киртинче! Иди полза, Торайнаң Сыбос тіріг тіп нога пасхазына сағынарға чарабас. Олар мындалар, прайзының сағызындалар.

— Хайдаң көрчезер, Сыбос ачамнаң Торай ачам сынаң чиде саларлар, — харағын чысхан Тиреек. Чоох, тізең, хының саринзар айлан сыххан.

Ноо тарынарға Агурға, — сағынған позы алнынча Сарап апсах, — Агурның пірее хылығы пар ла, саба чоох парыбысханын ол даа сиынмес пе. Аның төрйткен ічезі, Сарап апсахтың киліні — Ортай харындазының ипчизи Хыдаа полған, угаа сай. Айназы тутса, той даа париган турада чөгет урыбысчан. Чохсызы тутса, тізең, аннаң артых кізі чоғыл, чіп париган тамағын сал пирер. Агур ічезіне сызыра көктеен. Андагох сееп, сібет сөбктіг, изірібіскенде, ідөк пірде пірсінзер ыхаан саап маң чоғыл. Тиреек ползын алай Сарап улабазы ползын — ыхаан сабарға пасха ба агаа. Агаа тарынчан ниге чоғыл. Торай оолғын на көріп алза, пу чуртты син килгенче туттым тіп көзіт пиргенче ле чөріп алзындах.

Агур тунма маалхадып, тасхар чүгүрібіскен. Парғай-ар, амыраза, позы килер. Хыдаа килін андагох полған, ідөк позы айлан килчен.

Кинетін сеенек күзүри түсті. Сынап таа Агур чиде салды. Албыханына тамағы тулгалча осхас.

— От, от көйче, — түгенчі чыл полча теен чіли тібіскен ол.

— Ниге көйче? — хысхырыза түскеннер.

— Сарап улабамның туразында от чарыпча!

Прайзы тура хонған, че ниге идерін, хайди поларын пілінмееннер.

— Арса, Торай килді? — сыылах табыстан хысхыра тібіскен Сарап апсах.

— Торай?! — Ниге полбинча чир үстүнде, худай абачах, — ипчелер халахтанысханнар.

— Хайдаг ниге полчаң апаң ол, ооллар? — ахсада пастырып ала Тодыл ізіксер чөр сыххан.

Аның соонча тасхар іділіскеннер. Паюса, фонаригін таппин, ідіс-хамыс хасхан. Хайзы кнптерін кнс полбнн манзырасхан. Сарап апсах аңмай парган чіли одырган.

— Одыр тур, Торайның пабазы тіп, — Паюса тасхарох чүгүрген.

Тасхар чайгы хараа, чыплама харасхы.

— Тодыл ачаң, тохта, — агырын тапсаан Тиреек. Аны сүре читкен-нер. Агырын, чоохтасннн парарга тызысханнар, хайзы улам на хысхырган. Агур мылтых ал килерге теенөк. Тодыл аны чалбайта көксөбіскен.

Эн тура сынап таа чараан. Төрдегі пөліктең ікі көзенегінең хайдаг-да сын чарыхха төбй нигес, чнр алтынаң сыххан осхас плерген. Чагыннаан сай тура, хаалха, көзенектер іле көрннбіскеннер. Тиректер харалып турганнар. Кем оларны одыртхан? Сарап апсахтың ооллары тіченнер. Че Тодыл ортын оолгынаң Саранннең тнцнер, хада ойначаң кнзі, ол даа пнлбеен, көрбеен, кем одыртханын. Чаадаң на айланза, Сарап улабазының огородында чннт тирегестер халбайыбыстыр. Амды хайдаглар, чалбахтар, пөзіктер. Аалның ноо даа сарннаң көрннедірлер. Чорых чөріп, нбзер айлан кнлнзең, олар ырахтынох харахсынып, сагып турган паарсах туған чіли көрннчелер. Амды, тізең, оларзар соохсынып ала чагыннаан парнр Тодыл. Маң чохха ла салдырып, пеер пірее дее хати кнлннче. Сосхалар кнрпн чилегелерін хаспас нде, сиденнн дее тыхтап саларчых. Хада өскен хайдаг ооллар полды, хайзы хыстап чөрерге мацнанған ма чох па. Наа ла өцннебіскеннер, кнчглеріне, тізең, сырайларына хызыл хан наа ла саап пасталыбысхан полған. Тынын пнрерге кнрек пол парганда, пнрдеезі чалтанмаан. Халган пнстіглер кнлег дее чогуыл. Чуртапчабыс, пнр дее ниге полбаанға төбй. Агур туңма, тізең, хайдн саба салыстыр сыхча, аның үчүн улам на пыросыныстыг. — Көп ниге сагынған Тодыл, көңнн кулгалған. Харах чазы, сырайын маңат ізідп, ахча.

Тиреекнең Агур пурнабыстылар, хаалха алнында турыбыстылар, кнрерге чүрексннчелер. Тодыл көнн нртті, сеенек ізгін аза тартхан. Сее-нек полларыңча агас азагынаң торлада нртп, ізік тудазын харбалап азыбысхан. Төрдегі турадаң ползартын пүлес чарых түсче. Көзене аза тартып, көрглебіскен: орғанда кнзі чатча, полдагы свечі тооза көй парнр, оды чалбастанған. Тодыл, андар агырын пастыр парып, свечннн (чарытхыны) холга алып алған, органның үстүне тудыбысхан: ікі оолах чатча, тын даа чох узупчалар:

Тодыл, оларны хоргытпасха, агырын тапсаан:

— Туңмачахтар, а туңма...

Ікнзінең ідөк амыр усхун парганнар, че нбіре кнзілер турғлабысханын снзін салып, хахап парганнар.

— Костацах, снзінц ме? — танып салып, харагына кнртнннн, сурган Тодыл. — Мынзы кемннц палазы? — сырайын чарытча. Хайдаг-да таныс нигес, Костацахтаңох тнц онча частыг оолағастың тас-хара харагастары чары парнр.

— А-а пу эйнезнн... — Агур поэының оолгының хулаана тыыныбыс-

хан, тохтадарга даа маңнамааннар, орғаннаң түзіре күребіскен. Оола-
газы полда түргектел пар түзіп, үн сығарбин ылғап сыххан. Пазох ха-
барға ит парғанда, Тиреек Агурны ниткөзінең хаап алған.

— Палалар сохпазан, Агур! — хазырланған ол.

Че Агур улам на хайнаан.

— Тынчыда сабарға пу эйнелерні. Ибде төзек читшинче бе?

— Тохта, Агур!

Таныс нимес оолах, орғаннаң түзіре сегіріп, Костацахты хаап алып,
турғыза тартып, Агурзар чабал табыснаң хысхырган:

— Тегбе!

— Пу оғыр эйнезін хабар ползам... — суура толғанча а. —
Нимее мында кіріп алғазар?

— Сымзаң-а, — холдаң позытпин сурынған Тиреек.

— Мин оғыр нимессім! — хысхырган таныс нимес оолах.

— Кемзің? Піреезінің сурас эйнезің!

— Син поэң сурас! — оолах Агурдаң тудызарға хабысхадағ.

— Кемдір зе абаң?

— Торай!

— Хайдағ Торай?

— Тігіне, — стенада турчатхан Торайның портредінзер көзіткен.

— Чаада халған. Сынап!

— Хайдағ нимезі полчаң анаң пу? — түзіндегі осхас пілдірген То-
дылға.

— Сынап! — харах чазын ағызып ала, оолагас адайах чіли сорхлаан.

— Ічең кем, чоохта андагда? — сурған Агур.

— Наста.

— Хайдағ Наста?

— Доярка Наста.

— А-а, Кургундосова Наста. Мындагы хат, доярка, чиит хат пеер
көзіп пір чыл даа полбады. Андағ ба?

— Я, — көб чох нандырған оолах.

— Пілчезің, Тиреек, мындаа киноға хада кіргебістер хайза, тұлғу
пөріктіг...

— Э-э, Я-я. Отыс таа частығ полбас...

— А синің абаң тіпчеткен кізі, чаада үреп, отыс чыл ас парған, анзы
хайди? — хази сурча Тодыл, че поэы поэына ачырған парған.

— Полза чи, — маң пирбеен оолагас, — мин соонаң төреем! —
Костацахты чидекти хаппинаң, кізі аразынча ізіксер пуртли халған. Ти-
реек, чочып парып, хыя тур пиргенін хабинмин халған. Туразар кірчет-
кен ипчілер, палалардаң хуттары чарылып, орғаннасханнар.

— Палалар. А туңмалар! — хабынған Тодыл. Хысхырып ала ізіксер
ахсаңнада хаалап сыххан. — Тохтанар. Туңмалар...

Че палалар чіт парыбысханнар.

— Хайдағ палалар? — Ипчілер Тодылны хаап алғаннар. — Кемнің
палалары?

— Кемнің палазы полчаң, пістик полчатпас па. Пірсі Торайдибын,
— тіді.

Эн турада улуг суулах пол парған. Агурнаң Тиреек тасхар чүгүр пар килгеннер, пір дее пала таппиндырлар. Прайзы көңнең не Сарап апсахтың очы оолгы Торай палалыг чиде салганына киртін парған. Палазы мында полды. Сағам на чоохтастылар. Позы хайда ни? Сарап апсахты даа ундып салғаннар. Орған алтында, пес үстүнде, сеенекте чемоданнар, чүк-хаптар көрглееннер, че пір дее ние таппааннар. Паюса хадох кілескен. Позының чүрегі көдірілген, пірееде түбі чох өрініске чүрегі көдіріл киліп ахсынаң сығара саап парғадаг. Хайдаг ниемедір, түзі бе? Сынап Сыбос Торайнаң хада чиде салған полза... Тамагы хайдаг-да тадылыг хаспанға толған. Ханы наахтарынаң сығара чачырап парғадаг.

— Торай мында ба? Килдің ме, палам?! — прайзын өтіре холын сунып, иртіп теен Сарап апсах.

— Килтір, килтір, хастым апчак, килтір, — арыг чүрегінең чоохтир-га маңзыраан Паюса.

— Э-эк, сағам тапсабас полгазың, нигечиң, — харанға ачырғанған Тодыл.

— Ние тее? — ээгі сохлазып ала Паюсаның чоохтанарын сағаан апсах.

— Оолгы мында полды, сағам на парыбысты...

— Торай ба?! — Ниске табыстаң хысхырған апсах.

— Я, Торай! — хорых парып, Паюса ахсын чаба тудыныбысхан.

Сарап апсах, кинетін одырта түзіп, хырлан сыххан.

Прайзы, йогырыза түзіп, Сарап апсахха чапсынғаннар. Тиреек, холтыхтап хаап, тургыза тартхан. Апсах харахтарын хазарта көрглеп, ние-де чоохтанарға иткен, че тілі айланмаан, үні дее сыхпаан. Холтыхтазып, апсахты орғанзар апарып чатыр салғаннар.

Апсах ол хараагызын тоозыл парған. Иртен нинче пар туған тооза чыылысхан, хызы ирепчи килгеннер. Инейегі больницадох. Ондайланза, пу тылаас ағаа истілер. Сарап апсах совхоз фермазының узанчылары ит пирген піре хара плистең хазабысхан хомдыда чатхан.

— Палазын на сағып, хомзын чөрчек, ам хайдаг көгліг чатча! Прай ние минің сағызымнаң халды, Торай чаалазып, отыс таа чыл пазынаң полза, ибінзер читкенөк, пасха даа оолларым тіріглер ор хазыхтар, хыра саап, мал хадарып, машиналарнаң чүгүртклек, тигірге учуххлап хайнасхлапчалар, прайзынаң хада чуртап, тосханча күлеттеп алдым, төлім үзілбеен лаза хачан даа үзілбес, тіпчеткен осхас Сарап апсахтың чүзі.

Нони, пабазының сөбгіне хайынчак прай чаксы парчатханда, көмес тынанып аларға тиректер аразынзар килген. Улуғ ача-абаалары одырт салған тиректер сууласчатханын истіп, одырарға хачаннаң хынчак. Тиректер төзінде Тодыл сабыхсып одырчаттыр, хараазын сөбк хадарып, узубаан.

— Абаңны чыып саларбыс, туңма, — прай ние тоозыл парды теен үннең чоохтан салған Тодыл ачазы.

Нони үидезер орнына, хол нині істінең хол чызынчак-плады сығар килген.

— Түзімдегі ле чіли, халды кичеегі хараа,— хайдаг-да ыраххы, чит полбас нимеденер теен чіли чоохтап салган Тодыл.

Пеербөк сууласпинаң, Тиреекнең Агур килгеннер. Оларның соонча олох үрүкпейінен, кізілерінзер улуг ізенізінең чагыннаан Паюса ниге-чیلери. Ол пүүнги хараада ла тың кирип партыр.

Кинетин іскер саба, аал азағынзар, алай аннаң пөзік арах таглар хыринзар хайдаг-да өтиг табыстар иетіле түсті.

— Э-э, ол палыхтапчатхан палалар, хоора тудып алып, аахтасчалар,— искірген Агур. — Оларды пудурып ла көргем.

Прай ниме орнына, чир үстүндегі сагысырастыг чүртазынаң туры-бысхан.

— Ол чи хайдаг пала полды?—ырахтын сыххан үннең сурган Нони.

— Хайдаг пала? Піреезінің суразы, — сыгдыраан Агур. Паюсадың агаа пір дее көңні чарабаан: нога мындаг угаа нос тілліг кізі пу харын-дастары?

— Алай ол оолахтың ічезі поэының пріне түүл парган, палазын іди үгретче, Торайны абам тіп чізе. — Андарох тартхан Тиреек.

— Ниме дее ползын, мин оолахты көр тее аларчыхпын,— чоохтап салган Нони.

— Нога таппачаң, табар,— теен Тиреек.

— Мин аны Қостанаң пүүнох таан килем, — өрпін парган Агур.

Кизек чилге тиректер суулаза түскеннер.

— Ам хайди, мыннаң прай тоозылча ба, — мөңіс чоохтанган Паюса. Пастап аны оңар полбин халғаннар.

— Нога тоозылчан, нигеңиң, пір дее ниме тоозылбинча, — пандыр-ган агаа Тиреек.

Паюса, агаа өрпін парып, кічіг олган чіли, пазын икіп салган.

Тиректер суулаза түскеннер.

Галина КАЗАЧИНСВА

АЛҒЫМ ЧАЗЫМ

(повестьтең үзік)

ТОП

— Чода сөөгі, чода сөөгі, — хысхыра түзіп, чинт иреннер, хатхырыс-хлап ала, терпекти турыбысханнар. Сылалган чаанаң чалтыри түзіп, чода сөөгі пазырчатхан ічепің холынаң чоғар алдыра хылыи халған.

Иреннер пылазыста ымалаза түскеннер. Ит чызын тартынып чыы-лысхан адайлар, хааңнаспинаң, азах алтынаң пытыраза халғаннар.

— Норай абай, Норай абай, салба, салба, хыя сегір, — а-а, алды-рыбысты чода сөөгін, — холларын сабын киліп, аахтапчатхан иледе теенібіскен оолғычак. Ханаа сөрбектенібіскен олғаннар аразынаң пір чылтың хара састыг оолагастың табызы прайзынын өтіре сыңырапчат-хан:

— Көріңер, көріңер, Миша абайда сөөк, Миша абайда-а! Позытпа. Миша абай, суура толған!

Паядан азах үстүндө пыласпах итчеткен ир чон чирде пулғаныс чөре халған. Пирдеезі азын полбинчатхан. Иди күрееліс париган аразында ымалыссартын төрт паханахти чабан Санька, чығанахтанып ала, сыға хонған. Азахха тура ла ол, сегірткес чили, піргер атыға түскен. Оөр көдір салған холында тобырахха харал парған сөök пулаңнатпинаң, бріністіг үннең аахтап сыххан:

— Мин уттым, мин уттым, ацмай халғазар, ооллар, — ах тістері ле хазарысчатхан.

Ымахтастагы ооллар, уят тол парған харахтарын, чир сус салып, ээн-көбн азах үстүне турғлап, хахтанысчатханнар.

— Пот ястра, мин тутчатхам хайза, хайди поэдыбысхам, пілінмин дее халғам, — пурдах ирилерін уламох пурдайта тудып, түкүрінчеткен туустығ чинт ирен.

Че пір дее сырайда тарыныс көрінминчеткен. Көміске алтынаң удур-төдір көрглебізіп, ооллар тазылада хатхырызыбысханнар.

— Э-эк, аргызың тойында күрлезіп албазаң паза хайда күс сына-зарзың за! Чиңіс тутханы за... прайзы ла ас полбас,— пос алынча часхырысхлап, тараза халғаннар.

Чиңіс тутхан Санька чабан, кибір хоостыра, сіреесе изере одырғлап салған ах сағаллығ апсахтарзар пастыр парып, оол туғаннарының иң улугларына чалғаях чалбаанча аязында чода сөбгін сунған.

— Малга пай пол, Санька, бөріңдегі иелерің аралап, хойларың хойызын. Олған-узахха пик пол. Амғы хоныхты чаза,— пілгенни алғаан апсах Саньканы.

Тасхар изере турыбысхан пай чинстіг стол пазында оолнаң наа пала хости одырчалар. Оларның тойларына піди чон чыылысхан. Кізілердең чазырыза харахтаң харахха көріс салчалар олар. Анан, уядыбызып, пазох хыя көрібісчелер. Че хайдаң күс читчең хыңғаныца көрбин одырарга, хыныс чүрекке толчатханда. Хара нымырт харахтар пазох тоғас парчалар. Орініс, часка чайча олар.

... Чазыда тоғасхан оларның хынызы. Көк пубайында абыдып, чазы бскірген күс хосхан. Олох хайзы-да часхыда хыныс сыйлаан. Көгліг күн сыгызында чаян-чалбахха хой майлазы тарапчатса, ат тігірті толдырып алып, чүрек көбрестіг тоғазығ пирчен. Часкалығ, сағысырас чох ойын, часка.

Түдүннің чирлерде, хой кир салған туста, пазох тоғазығлар. Ойынга паадах чилічегінең көк чабинн көгледе-чайхандыра чазы оларның сағыстарын ырах-ырах хоғдыр парыбызар. Сарығ халсарығ сыбыразынаң саңай пу чирнең аймастыр чөрібізер.

— Көрдек, Ойка, — обаалығ күргеннерзер икіп, сыбырапча Надя, — теедігде, суғ хазында, көп туралығ, илбек чонның саар турған полар. Полған на пулиинаң холадаң урған улуг сарбазаннар тигірзер улачаң, неке.

— Сағын таап аларзың сии, Надя, — андағ сөстерні пілбинчеткеніне малхадыс аралас парған үннең хайхапча Ойка. — Піди дее көрзең, хайда-мында, Нин хазында, чазы чирде город турыбызар. Сөстер дее хайдағ-да пасхачыл «саар, сарбазан» пістің тілде чоғыл, чох полған.

— Газета хыгырарга кирек, иркем, — ойнн, Надя ачырғандырча Ойканы. Суура толғаныбыспинаң: Сағынчазың, сын нимес, а, сын нимес? Турбаан полар ба мында саар? — сырайы ізібісче Надяның.

— Полған даа полар. Андағ даа полза, жүссің син, Надя, андағ-мындағ нимелерге. — Ойка, хатхырып ала, тарынарға ит чөрген Надяны, позынзар алдыра тартып, хучахтабысча. Надя, күнге сiстенген хоосхачах чiли, Ойканың хойнында сым на турыбысча.

— Кирегөк нiме үчүн тарынызыбысчабыс, — тiп кинетiн хатхырча Ойка.

— Тут хал мині, Ойка, — сағам на сымзырых турчатхан Надя хуюн чiли учуға парча.

Аңмай парған Ойка, соонаң үкүс салча. Күрең тоозын көдiрче чазы, чиллендiре чүгүр парған Надяны чазыра. Күрлезiп, майых парзалар, чүрек түклеенiн тымылдырып, хучахтазып турчалар.

Иди иир ирткені пiлдiрбинче, күн чiткені көрiнминче, аймах-пасха сағыстар, күрлестер, өң-пасха чоохтар аразында.

Тоғазығ сала сайбалза даа, үр тарыныс поларзың ма за чинтте. Олох ла күрлес парирлар.

Тойға прай даа аал чыылысхан. Хайди килбес кiзi табылар, мындағ нiме искенде. Тадар тойы полар тiп искiрiлген ноза. Пу чағынхы чылларда ибiркiде андағ нiме чох полған. Ам чон, чаа соонаң тын алынып, пос кибiрлерiне лазох айланып пастапча. Паза пiр нiме чалсырхатхан чонны. Наа хыстың iчезi Майра Владимировна хой тоғызында артыхтарның артығы полып совхозта сабланчатхан. Аны чылның область Советiнiң депутадына таапчатханнар. Табырах, күр пазыттығ, күрең сырайында аар, ир кiзини осхас ээктiг, тастындағы көрiмiнең ол көрiс тартыпчатхан. Че күлүгi күлүгiнең, пiреезiнiң көңнiне хылыгынаң тың на кирбечен.

Родым минiң «ах сөбөктiглерден» тартылча, — поғдархабызар ол. Хайдаң-хайдаң сых килчең аның хылиинда мындағ поғдархас айначағы.

Че иргi чон хайдар партыр. Чүс чибiргiзiн азып, чазын сананарын даа ундуп салған Масса иней (аны аалда табығлар полчатхан күннерде прайзынаң пурнада үн пирдiрiп, өөн фермазар искiрiг пирчеңнер) хараан на түрче-түрче полбинаң чызынып ала, харлос үннең чоохтап одырчаң:

— Ол Майраның ағазын даа, адазын даа чыхсы пiлчем, хайдаң пiлбеспiн пiр аалда чуртаан чонны. Чорах полған ағазының ады. Улуғ пай полған. Малының санын пiлбечен. Ана ол Уйбат кистiнде чайыл парған Сарығ чазыда хадарылчаң полған. Санирға ойымға чыы сүрдiрiбiзер, тсiнде турып алып, асхырларын көрiбiзер, прайзын танычаң: ана андағда андағ мал читпинче тир. Пастук парасхан паза саназып алам тiп сағынма. Чыл ибiре азыраам, тик тонандырғам, — тiп сүрiбiзер алай ба түндерiлгенче тоғындырар. — Иней, хараан чызып ала, пазох ла харлос үнiн харлат сығар. — Мин оларда iнек саап хайын чөрчең полғам. Азах аар туста, халғанчы айларда. Иди пiрсiнде, iстiм толғн түзiп, тасхар сыға салғам. Паламны андох, сарайлар кистiнде төрiдiп алғам. Идееме сарып, ағылчатханымда, Чораханаң уруныс парғабыс. Мааңнапчатхан

идеэмзер, анаң илеңнес турган позымзар көрөбізип, аар айланминаң хамчызынаң ойнап ала, иртіс тее парыбысхан арада: «Таңда, таң чариниңда чатчаттың, инектер сағбин, — тапси халған. Ана аның хыстары иртіңген ноза, чон тіліне кірген, сугны хатығ тіп сүтнең чуунчаңнар, эйлер. Ол арада инейниң сағызы пасха чирзер чүгүрібізер: Я, чабал нимені хогзаң, чахсаа чит полбассың. Постарының кректері постарына читкен оларның. Ана ол Чораханың оолгы, Порлах, орыс ады Владимир полған, Минсуғзар садыга чөріп, карт теен нимее үгренип алтыр. Андох нник-саах ипчїлердең чугынчах ағырығ хабынып, чуртында төлі чох халған. Күлүк Чамак чалчы хыста ла чинттөк ойнап салған сураc хызычагы мына пу Майра өскен. Эк-кая, кизи дее кизини иди сызыра көктечеңөк ноо, я. Пірееде Майраны көр салзам, Чамак ла пастыр париган осхас. Өскен сыны... пазыды... Сырайга даа иптіг полған Чамак парасхан. У-у, алында сурастап тапханы хайдадар улуг крекке саналчан, че Чамак парасханга «тпок» тиңр кизи табылбаан. Чон харғызы Порлахха урунган,... чоннаң ниме чазырып аларзың, чабалын хайдар идип алзын за...

Иней түрче амырабызар, сағыс хабынып, чоогын пазох узаратча: Ана ол Порлах пабазының соонаң малын даа, изин дее тут полбаан. Картха ба, арагаа ба прай суг чили ағыстырыбысхан. Хыс туцмалары чара тарт халған на нимелерин ал халғаннар.

Майра Чамак парасханагох осхас күлүк. Хабыс-тудынызын көрзем, аринча Чамак, Чамак. Көдірілчегінең Порлахха көктеп партыр. Анзы арага амзабыссох: «Мини хайдар партыр, мини сыдир. Пар «зім, пар пайым, па-ар»,— хоғдайып одырар,— аязында ахчачахтар сығдырадып ала.

Олган, олган на ноза, Майраны кичинде суразы үчүн пеерісченнер ни. Мынзы тічең ниме таппин «ах сөөктіглерин» тартынчаң полбас па за. Ам за нимее анзын сыгарыбызадыр, пілбес.

Тойга прай даа аал чыылысхан... Чапсыстығ пілдірчеткен кизілерге, хайди Майра Владимировна олаңай ла, саблни чох Сарбук чабаннын оолгына хызын пирибізерге чөр. Прайзы пілчеткен аның чазыт сағызын. Хончых «Москва» совхозта пір саблығ чабанның оолгынаң хызының үлүстерин уластыр саларга хын чөргеннерин.

Че, хылых хылыхха урунғанда, хызы хызыл чинт тее полза, часказы үчүн чалтанмин турысхан. Пірсінде ол саблығ чабан, позының машинназында ойда одырыбызып, оолгы руль кистінде пу чиде түскеннер. Тогыс кирсеңең тіп. Ниме тібіскен полчаң өткін Надя ол Мишаа, пілбес. Ол сынаң көк «Москвич» көрінмес пол парған Майра Владимировнаның туразы хыринда. Пірее-пірее пілдір тее парза, руль кистінде Мишаның түгдүр пазын көрем тіп сағынма. Тиктең харабаңар даа аны көрглеп. Итсе, пір дее хомай оол нимес ол Миша. Угаа иртіре амыр ла, тапсабас арах. Өскен сыны пөзік, сылагай, күрең харахтарында ойнап чатхан одычахтарны хараа даа көр салғадаг. Ойка көрөмінең агаа читпес. Ол тың на сынның нимес, че чарынга чалбах. Пастырғаны даа тайга ээзинине төйи, Харахтары даа чалбах көміскелерінің кистінде удаа чазыныбызарга хынадыр. Че хыныс көрім сурбинча. Сын хыныс. Надяа

Ойкадаң артых кизи чоғыл. Чүреениң нымзаа, аячызы аптапча Надянын пастагы хыныснаң тоғас парған чүреен. Узун күннерни хости чазаа хой тарадып тинде одырчатсалар, чоохтазар сөс тее кирек чох полча оларга, чүректери чоохтазар. Сағысырастары, тоғыстары пір. Алнынзар көрістері пірөк. Чох, ол часканы чар полар кизи табылбаадағ. Майра Владимировна полардан, чир үстүндегі прай даа хара күстер чылызып алза, частыхтыр полбас.

Хайдаң пілзіннер зе олар ибiркі чоохтын күзін. Андағ сөс тас талапчатхан тамчых осхас. А сағам часка оларда.

Че Майра Владимировна даа алығ нимес. Хызы-иркези, Надязы, поэциниң на ползаң, парыбызар Ойказынаң хада. Пір дее саадатпас. Чир чыхсы чалбах, тоғынчаң чир тапластар ба. Ам алындагызы нимес. күстенізиң-хабынызың на ползын.

— Піс осхас нимес, чииттегибiс осхас. Пойли өсче пала, пойли. Постарын даа аарлап пілче, піс се кизи чоогынаң сыхпаңанмыс. Хорыхчаңмыс хыя даа сағыс тударга,—улуғ тың салча Майра Владимировна,— чыхсы ба, хомай ба иди полғанын пөгіп, сағысха түзер. — Чох тың на чыхсы полбачаңох полар. Инче харах чазы төгілген иргі кибирлер үчүн. Кем санаптыр аны, кем көртiр.

Майра Владимировна, хылығын хыза пазыныбызып, тойға тимнен сыххан. Мында даа ол поэциниң полчатхан:

— Тадар тойы полар,— тапсатпаан хызын.

Сурағ даа арағазынаң худағайлары килгеннерінде, ол пар хылығын тосхындыра хоғдайып алған, че арағаларын амзап пирген. Чарасха килгеннерниң дее чүректерине истіг пол чөрибiскен: кирек килісче. Майра Владимировна, тізең, кибирге төменіп, оңнығ малхатпинчатхан, оңнығ ла талдырбинчатхан.

— Прай туғаным-тусханым ползын пу чараста. Парыңар Порис тайыма, Марин чачам чоғылох.

Тигілері хайди ползыннар за. Кибир, ноо даа малхадысты сыда, тіпче.

— О-ок пу Майра прай саринаң чыхсы поларчых, өтиркес, малхатчых полбаза,— кибиренісклеп ала, чарасха килгеннер тараңтастығ хылада халчалар. Чарас чарат полбин салзаң, чоңға күлкі пол халарзың чылхазы чох тіп. Төргинни, тойны пірге идібізерге чаратханнар. Оол тойы, улуғ той салылып пастаандох, Ойканың тайызы Асапта хыс тойы, кічиғ той пасталыбысхан. Ойка, стол кистіне дее одырғанча маңзырап, худағайларын азахха көдірглеен.

Оңниг ленталарнаң чазалған машиналығ оол худағайлары идектіг тоннарынаң чир сыбырбинаң, хоос поғоларынаң чалтыраспинаң (алындагызына түлгү пөриктер ле чидіспинчеткен) күрдек көксілерінен нымзах одырчыхта улам на хоғдайта одыр тастабысханнар.

— И-их, чиде түзерлер анан наа паланаң хада пеер, нандыра, улуғ тойға.

Че хайдағ табырах ханаттығ хустыр кизи чооғы. Олар мыннаң сығарынаң на, тигде, кічиғ тойда, хорылыс пасталған.

— Кириллер, кириллер! Чоохтас салдыңар ба хысты хайдар чазыраын! Ол уйуң-айыңда ние дее пілчее чох полыбысхан.

Тох-тах түспинен, аар-пеер пазырыспинаң худағайлар, чара-чаза хабыспин, иркін асханнар. Пілбес, хайзы ондайнаң Сергей, Ойканың нанчызы, анда пол парған полчаң. Ок, хаңалчос поэчагы ол ла араласпаан нима чоғыл. Улуглары тураа кіріп, пазох пулуң көре крестенчеткеннерінде, Сергей, оларға көгізіп, пазырыбох сыххан. Чабыс сынынаң чоң алнында тур салған Пубах иней пудычахтарын пычлада сабызып: «Пот сағаа кусумол оолларың» — тапсабысханда, Сергей, уядыбызып, пілбеечк полып, хыя пастыр салыбысхан. Тураа хатхы тол парған.

Ол хорылыс аразында худағайлар хучаанаң амзир ас сыгарылып, столда чалтырн түскен.

Хосханах, ол арада наа хыс чіт чөрібісті! Э-э, көрбессің ме зе пу хыс худағайларының көйтини. Хыстарын пирерге хынмиң хайди уустанчалар. Че пісти дее хайдар партыр, піс тахпахтабызарбыс. Отиг үнниг ытпах Надис наннарын таяныспинаң:

Хазыра идін чирде,

Харлыхпаазар, худағайлар:

Пуға идін чирде,

Пурлухпаазар, худағайлар... — чалчинн поэдыбызып пирген,—

Хынып апарарға иткен хызыбысты

Хайдар иттер, худағайлар? — олох туста сала сурынып арах.

Надистің чалбах чарнының кистінде, тізең, сыбых-сабых ол арада хойыпчатхан. Паягы кічнчек сынның, табырах пазыттығ, хатхы-күлкее ниик Пубах инейек оол худағайлары аразында шифоньерзер улапчатхан. Ол андағ нимелер сизін-ситкирге арда чаялған кізі полған. Ол ла нилбеен нима чох, ол ла испеен нима чох. Тик нимес аны пая Надис иртеезинөк пеер ызи пирген.

Пубах иней нимени үтестігерге хыңчаң кізі полза даа, пирдеезіне хомай иткелек. Агаа ачых-чарых пырозы чох көө үчүн прайзы даа хыңчаң. Ол, тігі Педенің ічезі чили, кізі аразына чабал чоохтаң кіріспес, чоң хырыстырбас. Пілгені дее аның чахсы ла нимеденер.

Тошпах харахтығ Анпай, пір нима сизинмеечк полып, шифоньерзер алдыра пастыр парып, ізинн азыбысхан.

— Ио, сала пурлух парбадым, — хатхырбиннаң, Надя сыға салды. Читтерге хынығ ла. Хатхы-күлкінең холтых алтынча хаптылар. Надяны, харыс хыл плат чаба тастабиннаң, ойлада халдылар тасхар.

... Сіерер, сіерер аал-хончыхтар, улуғ тойға маңзыраңар, — ылап сыххан машина, терпек алтынаң тозын тастап.

... Читтер дее той кибірің тың на туттинчатханнар.

— Хамчынаң саптырарға?!

— Чох, амды иргі тус нимес.

— Одың тоортарға оолға?! Анзы хынығ!

Күзін, сырағын көзітсін.

Арғыстары ахыңнаспинаң салаалығ торспах ағактап килгеннер, чо-чайа одыртыбысханнар:

— Тоор, Ойка, тоор, сірен не сірен.

Пізі чох палты көдірілче, пағырлығ торыспахты чымчылапча.

— Хайдағдыр, а? Хыс оғырлиры нимес пу сағаа, а? — хаханасчатханнар иреннер.

— Че-е, син, Педе, андарох, күлөргөк. Одың оотчаанда иртен сай ипчиң тох-тах түзедір ноза. Палтаа сыдабинчазың ма? — ізидібіскен хазалчың тілліг Сергеек.

Амзаан арагызына ачырғас хозылыбызып Педениң түгдүр пазы ізидібіскен. Пу ікинїң тудысха кір сыхханнырын тазылабиннаң чара чачыраан торспах тохтатхан.

— Танец, танец идеңер! Чонны чайа-чайа турғысхлап, харачхайлар чили пучуразып, өбренец ограда ортызына сыға хонминан, хыстар улугларына ойна пазырчалар, танецте айланып пастапчалар. Той чөрімі талалча, агаа пірдеезі талбинча. Көглессиннер чинттер.

Көргезер бе, чон чахсы, тадар көгенектіг хыстарнын танецте айланысчатханнарын! Арса, пеер чазы-пүк чиде түзіп, чажаяхтарын мында чайыбысхан полчаң ма? Пірсі пірсінең погда, пірсі пірсінең сіліг. Мына наа паланы ортызына сығарыбыстылар.

— Плесет, плесет сал пир, Надячах. Ойна, ойна табырах, баян! Хайди алыстырча кізіні кип. Паяа ла Надя прайзына төбй полган. Көрібізіңердек амды агаа, тадар көгенегін кизібіскенде. Саңай пасха кізі. Хыри-пазы чох чазы-тайгаларның хызы чон алнында турча. Сиртейте тартын салган хара хыл плады хайдаг сылағай сын көзітче. Харачхай ханаттыг көміскелері күрее алтында учухча. Читон чыырған чылтың торғы, чалтыңни түзіп чайылча, илбецни түзіп ибірліче хакас хызынаң хада. Иңніндегізі иптелче, көксіндегізі көдірілче.

Хайзы-хай чирдең читті ни піске пу итке тапти, иңніне ипти тігілген көгенек. Ноо тустаң сығара чолын чоллады ни ол. Атха учухтыра алтанар полза, харығ полбас чалбах идее. Тончы тістенекти хысхы соохтың хайраллирға полысчаң уучаларға. Хучахтағы паланы сьргирге илбек идее читчең аның. Андағ чалбах идекке турыстығ иділген аның ниңи. Чыырып, чыырып, чібек чачып ээн пазына хазааннар аны. Тогыста илбеенең харылбас иде, пілекке чарас пөзік моркамның тіккеннер. Узың устың артың полза, ээн — моркамың хоостабыс. Позың хозы чох полза, чобалба. Алындағыларның аниң илбек, аннаң даа ал, аннаң даа хобыр. Хара харахты ойнадып, ниңче-ниңче вектер узарада өң-пазы ла чібекнең. От чалыны осхас аймах-пасха порчоноң хакас ипчи хоостап одырчаң. Чітинн чігидіп, узын устап. Чүреениң ізинн, өкерлеске хынызын, — прай андар салчаң ол.

— Э-эк, плесет салча наа пала! Хыстың сылағайын сынни, ибірліе түсче хучахтап аалай торғы көгенек. Аар айланза, абыдыла түсче, пеер пасса пызыңни түсче. Махаях чили мондылча, чажаях чили чарыпча. Чайыла түссе, күн осхас, айлана түссе, ай осхас. Сылағай ніске хызычакты, ханча аар-пеер сабылза, хучахти түсче хоос торғы, өкер азағастарны азып, анаң кинетін уяда түзіп, чабысча, чирзер чайыла парча...

...Иирде, аалға түдүн тартылып, инек мүүрезі толыбысхан туста, той арамчылабысхан. Ипчилерні инек сағар сағысырас хостағлап чөрібіскен.

Че гармойла ойыны, хыстар сыххтазы, хатхы-күлкі орайға кире истілген.



ПҮРІЧЕКНЕҢ ТУЗЫЧАХ

Ікі алыптаңар нымах

Амдығы төлнің алнында,
Алнындағызының көп соонда,
Хаях-пічірөнең хар чағанда,
Хатығ халастаң тас пүткенде,
Пуғдай-талғаннаң пораан полғанда,
Пүдүрчүннең таарт хада чуртаанда,
Ах талайның хап-ортызында,
Арығ-сіліг олтырығаста,
Хадарған малның пазы полып,
Халба сабынаң хазаа тудып,
Игір ілгектең ибі пүдіріп,
Ікі алып чуртаан полған.
Төкпес пазында чурттығ полғаннар.
Төге сыртында мал хадарғаннар.
Пол алтынаң суғ сусчаңнар,
Потолок өтіре күн көрчеңнер,
Пір нимедең чалтанмачаңнар,
Пір нимедең хызылбачаңнар.
Пірсінің ады Пүрічек полған,
Паза пірсіни Тузыцах полған.
Узун харааны үзе кисчеңнер,
Улуғ-кічіге үлестірчеңнер.
Хысха харааны уластырчаңнар,
Хусхацахтарға үлестірчеңнер.
Аяс күннерге арғаланчаңнар.
Алтон от пазын харап турчаңнар,
Айлығ харааны алтап турчаңнар,
Алтон чылтысты санап хончаңнар.
Часхыда төреен көк Пүрічек,
Чалама чіли, чалбырап чөрчең,
Ханаттар чіли, халбаңначаң.
Хатхы-күлкі пір дее үспеңең.
Тағ пастарынаң тан ойнабысса,
Туғлап ойлачаң көк Пүрічек.
Чазы чалбахтаң чил үбүрібіссе,
Чалбаңнап чөрчең көк Пүрічек.
Чалтырап чатхан Тузыцағына

Чадыҥ чадарҥа чир дее пирбецең.
Ацын-чабы аймах хурт-хоостар
Ачыҥ Тузыцахтаң чалтанчаңнар.
Тадылыҥ чыстыҥ Пүріцексер
Таптанызып ла харахсынчаңнар.
Пиреер хурт-хоос чапсыныбысса,
Пір ле чалғацаң чарых Тузыцах.
Пу ікі күлүксер чағын чөрер
Пу чағында хурт-хоос чох полған.
Өссе хада, тіп сөс пирісчеңнер,
Өлзе, пір күн тіп, хуцахтасчаңнар.

* * *

Хайдаҥ даа чылыҥ узун күннер
Хызырылбас пола чоғыллар.
Хайдаҥ даа хыныҥ узун ойыннар
Хыри-пазы чох пола чоғыллар.
Чайғы чылытхан узун күннер
Чабыстаң чабыс ла инчелер.
Ағас арали аймах үннер
Арамнаң арам на истілчелер.
Ирте чарылған хусхацахтар
Инелерінең тиңнесчелер.
Көк көгенегі Пүріцектің
Күннең күнге сарғалчадыр,
Күлкі-хатхызы Пүріцектің
Күндегізінең ас поладыр.
Аны көріп, чарых Тузыцах
Ачырғанып сағынчададыр:
«Алай-арса, пу көк Пүріцек
Айна-чеекке чалғаттырды ба?
Ағырыҥ пілбес көк Пүріцек
Ағырыҥ-аалцаа хаптырды ба?»

* * *

Ах тасхылларның хырларында
Ах харлары хайынысчалар.
Ағыннаң килген өөрліг хустары
Аймах чирінзер айланысчалар.
Көк талайның салғахтары
Көк чарларны чалғапчалар,
Көні турған пөзік тағларны
Көксілерінең сүсклепчелер.
Аяс, чарых күскү күннер
Амды соох чилге сүрдірчелер.

Ачых-чарых көк Пүріцекті
Амды олар чылытпинчалар.
Сарынны үспес көк Пүріцек
Сыыдын даа үспес пол парды.
Сым чатчатхан чарых Тузыцах
Сыйбап таа часхар полбады.
Отнаң өңніг көк Пүріцек
Оодаң сарығ пол парды.
Ойын үспес көк Пүріцек
Олас-алас ла халғаяхтады.
Халбах сыннығ көк Пүріцектің
Хуруғ сөөгi ле халыбысты.
Хабыра хатхан теері чіли,
Хағдыр-хоғдыр ла түзібісті.
Сарығ ағырыға саптырып,
Сарнабас таа пол парды.
Хуу ағырыға хаптырып,
Хатхырбас таа пол парды.

* * *

Күнөрте ойнаан күр салғахтар,
Көк тигірзөр көдірілчелер.
Кизек пулутха пірігіп алып,
Көк мўндўрге хубулчалар.
Хараа хайнаан халын салғахтар
Халын тубаннаң хуцахтасчалар.
Хара пулутха пірігіп алып,
Харнаң чарызып чирзер түсчелер.
Ағырығ пілбес арығ Тузыцах,
Ах хар ла чіли, хайыл чөрче,
Ах хуу ағырыға таптырып,
Ағарта тартып ам чобалча.
Орнынаң турбас арығ Тузыцах
Орнығып чатпас пол парды.
Наңмырдаң төреен сурнахтарға
Нанға даа чатпин сўрдірді.

* * *

Хар сулғанған хаспа чиллер
Хазықнарны чалаастапчалар.
Сыр чылан чіли, сығырып,
Сырғай ағасты сындырчалар.
Хырда төреен хаспа чиллер
Хазав-чуртты ходырчалар.
Ах парыс чіли, сатырап,

Ағас-тасты ходырчалар.
Ікі алыптың ибізі,
Илгек ле чілі, илгелче.
Иптеп иткен ізіктері
Ығырт-соғырт ла чайхалча.
Испеен ниме аны иссін,
Көрбеен ниме аны көрзін.
Часхыда төреен ікі алып,
Чадығ чатпин, чобал турлар.
Чадар хуруғ төзек чох халып,
Чурух алтынзар чазынчалар.

* * *

Уйғуда чочаан Пүрічек,
Ойда-тўңдере айланды.
Орхаңнап киліп Пүрічек
От оймағында одырды.
Кўскў тигірниң сатрааны
Көк ағастарны өртеді.
Көйеені чалғаан Пүрічек
Кўлнең хада өөрледі.
Тура ізігін чабарға
Тура хонып атыхты.
Тасхылда төреен хаспа чил
Тарынып аны хуцахтаан.
Часхының төлі көк Пүрічек
Чарбанар чирін таппин тур.
Кўскў тобырбаан көк Пүрічек
Көленер чирін таппин тур.
Аарда полбаанда көк Пүрічек
Ачығ хыйғызын ам сал тур:
— Хабырғадаң хайызар
Харындас-туңмам Тузыцах!
Тузымнаң киліп турызар
Туған-чағыным Тузыцах!
Талайны толғаан тилік чиллер
Тискір парирлар позымны!
Хырлар хасхан хазыр чиллер
Хасхыр парирлар позымны!
Аны истіп, чарых Тузыцах
Ах өргедең сығара хонған.
Азах пазар хуруғ чир чох
Ачых чирзер сығара хонған.
Хараағы тўнни өтіре
Харах тастапча Тузыцах.
Харындас-туңма Пүрічек

Хатап хыйғызын салбады.
Талайда төреен наңмырлар
Төкпес сыртына читтілер.
Тітірөс турған Тузыцахты
Тіллендірерге пирбеділер.
Алып төреен чарых Тузыцах
Артых күзін пастырған.
Төкпес төбін, сурнах полып,
Тохтап полбин сірлебіскен.
Тасхын суғларға хозылып,
Тиңіс талайзар инібіскен.
Хақан даа тус чох соох талай.
Хайылған тусха ачыпча.
Тузыцах алыптың чўрегі
Тустығ талайға киптөлче.
Чилге хаптырған Пўріцек
Читон кизекке чарылған.
Чара хабылған чирлерінде
Чалбах пўрліг ағастар өскен.

* * *

Тустығ талайча чўс чөрзер,
Тузыцах алыпты ундубаңар.
Халбах пўрліг ағастар көрзер.
Көк Пўріцекті сағыныңар.
Ағалар чоохтаан нымағымны
Амдығы төлге искірчем.
Хомай ысты тіп, хомзынмаңар,
Чахсы ысты тіп, махтабаңар.



ХАЛАС ТАДИИ

Андрей ХАЛЛАРОВ

Чоох

Мини Агбан городсар ас ёскірчеңнер пайрамына хыгыртыбыс-ханнар. Килгем.

Культура туразынзар аргыстарымнаң чалахай көңніліг пастырчабыс. Улукун. Ас тоғызы чидіріг чох, маңнаныстығ, түзімніг тоозыл парды.

Хыри-пазы көрінмес, талай ла чіли чайылчатхан чазының соонда городта тигес тее пілдірче, хызаат. Чон толдыра. Мына апсах-инейек аллеяда нимедеңер-де маңзыт чох хабарласчалар. Тынагдалар, неке. Тігде чинит оол-хыстар сумкалығ хайдар-да маңзырапчалар. Студенттер осхас. Прай ла чирде көгліг хайыныс, маңзырағ.

Тігіне пір хызычах, ікі оолағас адайхнаң ойнапча. Хосханах, ниме-нең?! Халаснаң. Пірде пірсі кизек халас тастапча, анаң тизе ойлапчалар. Адайах, ол халассар көрбин дее, оларның на соонча. Амды алтыча частығ оолағазы килкім пироғ тастн пирді. Анда ла адайах, тохтап парып, пироғты чыстағлап, тайнап сыххан. Я, мында адай даа талламаох тамах чіпчеттір.

Ибіре кізілер үзүгі чох иртісче, че пір дее кізі хайығ салбинча пу көгліг ойынға.

Аны көре, чүреем ачи ла түсті. Ханым ізіс ле килгенге төй. Хыс-хачах ла тустың аразына хараам алнында позымның алты чазым тузы іле, ап-аяс хоостала түскен.

Я, чыллар, чыллар... Че халас хачан даа халас. Хачан даа ол аарлыг. Халастың пазын мин прай тынымнаң пілчем. Нимедір ол? Хайдагдыр халас? Истіңер, олғаннар! Прай олғаннар, истіңер...

Хойыг хара пулуттар, тигірни туу чаап салып, соох арах наңмырын илгечеең не илгепче. Чир үстү прай ла пүрүңкі. Пірде күгүрт, прай тигірни соған-чалыннаң чіктендіре саап, чирге, өкпеленчеткен чіли, хулах туныстыг тазыли түсче, анаң мөкіс тағлар пастарынча хайдар-да ырахсар кибіреніп ала тизе халча. Соонча килкім наңмыр урыла түсче. Пазох ла чалын, пазох күстіг чара чачырадыс.

Ол туста прай ла пөк парчам. Хачан на пытырадыбызарынаң хорыгып ала, сүүлеп, почылап парған пызоны нбзер алдыра сүрчем. Анзы даа күгүрттең хорыхча осхас. Пазар паспас ла. Сиден-ханазар ла сыынча. Ідіргектеніп, сала ылғабин сымыхнаң сапхлапчам. Тообинча. Тооп парирбын. Намачылыг киден көгенеем өтіре наңмырға мині сүүледерге улам на чახсы. Идіме чапсын парған көгенеем паза киденөк ыстаным чирзер ала пасча. Чалаас азахтарым потхы ла осхас чол палғазына тізекче нат парчалар. Наңмыр суу күүлебиниң чолча, ағын суғ чіли, индіре субалча.

Наңмыр чагчаан на чаапча. Пызо өчесчеең не өчесче. Пазох тигейім үстүнде күгүрт, күстіг хамчы чіли, хоргыстыг тазыли түсті. Мин хорыхханыма мөкейібістім. Істімде, кил, пызоны чоо харгапчам. Суғулдааныма сыдабин, хараам чазы сырайымча наңмыр суунаң киден көгенееме тоолапча. Ибзер хайди даа читірерге кирек. Уучам эміспеске тіп хызаннаан.

Мына хайди-пиди читтібіс.

— У-у, пу даа паланы. Таар кнзіп албачаң ма. Көгергенче тооп партыр — минің чыырыл парған көріміме үрігіп, хырыза халды уучам. — Одік азахта пір тудылбас. Пызоң хайда полтыр?

— Чабал хая хыринда, — хахлазып ала нандырчам.

Уучамны даа, төртче пирста ырах тағда пос малына от саапчатхан кізіні, сүртір пу наңмыр. Ато уучамны күн хонғалахха хайдаң аңдартын сүріп аларзың. Сарай алтынаң уучам хуруғ салаалар чүктеп килген.

— Кір нбзер. Чалаастан. Органға кір пар,— уучам сөлепче.

Одың чүктезе, иннілеріне, арғамчы паспазын тіп, ол озаң от төзепче. Аны тасхахха сал салды. Қиліп, мині иргі хатанчыхха сүргепче. Уучамнаң өтік парған час тайға оды, чух тадылыг чыстанча. Позы даа тың өтік партыр. Хуруғ таарын чабына, інек саарға чөре халды. Иб соох, сыхтыг кии. Түрчеден уучамның салаалар тоорчатханын тыңни, чылып парған хатанчых істінде истіг ле узубыстырбын.

Одыңны көбізін уучамнаң ікөлең чүктеп ағылчабыс. Мин ағылған одың пір хати чіең нме идерге читче. Чолда тынанарға одырыбысса, уучам удаа мині ирке махтачаң.

— Пу даа одыңны, син полбазаң, саасхан ағыларчых па, палам.— Анаң тымыл парып, тогыр турған сыны арти чат парыбысхан чөлзар

көрізін тастачан. Ол сыннын кистінде ыс-тубанга ла сулған салған тағ пастары көрінче. Угаа ырах чирлер полар тіп сағынчаңмын, андар көріп.

Пу күннерде уучам одыңны чалгызан на чүктеп ағылча. Ол Чапто-ях пазынзар от сабарга чөрче. Мин, тізең, от сабарга ам даа кічігбін, аннаңар ибде халчам. Ибде дее тоғыс көп. Огородха таңах кирбеске, пызо эміспеске, капуста, брюква одалирга, аяс күнде иб үстүнде саргаастарда хурут салған пічірөні хусхачахтардаң хадарарга, уучам килгенче, салаалар оотхлап салып, узах теер саларга. Тоғыс читче. Ойнирға көп киліспинче. Уучам ибде полза, андада ойын. Че анда даа ұр ойнабысам, уучам хана кистінең аалга толдыра хысхырадыр: «Ха-а-бин, Ха-а-абин...» Хысхырып, хысхырып алған соонда түрче турып алча, пүлес хараанаң аалны хари, анаң пазох ла хысхыра халча. Ол хулахха сала туных, аннаңар, арса, тың хысхырча. Агаа за тың пілдірбинче полар. Мин хайдағ даа суулаах ойында аның үнін танып салчам.

Ибдең-де ырах ойни чоғылбын. Аннаңар уучам, минің ырах чөрбесімні піліп, хысхырыснаң на таап алча. Хынығ ойын тузында парарым даа килбинче, че уучам пір ле хысхырып пастаза, мині алнында көрбеенде, тохти чоғыл. Ирік чохта, улуг тынып ала, парарга килісче. Ол мині чыртпинча, че аның чоогынаң тогыр полбинчам: ачынчам чалгыс ла уучама.

Иди хығыртып алып, ибзер дее килзем, тың даа кирек чох поладырбын. Көп нимес көксеп алып, чир столын тургыс салып, мині көченең азырапча. Көдестең саргал парған хуу мал сөоктерін сығар салып, ағас аяхха көче урча, күлде көом пызырған яблахтарны сығарып, азыранчабыс. Ол туста аның ниме сағынчатханын пілбинчем. Тымыл ла парып, чырыл парған ирніліг тіс чох ахсынаң хойғалаан яблахты маңзыт чох моймастап одырча, піреде минзер мөңіс көрізін тастап салып, улуг тыныбысча.

Уучамнаң хададаң хадалабыс. Тоғыста даа агаа полысчам. Хызыл иирлерде көзенек алнында одырып алып, ол түк иирче алай ба минің чыра тарт парған маймахтарымны намачылап одырча. Ол туста уучам пос алынча хыңнанып одыраарга күс. Мында минің дее тілбірірім килбинче. Аның хыринда сыхмох чочайып алып, піс, хыпты ал пирчем алай ба чоон хатхан киндір чіпті иее саптап пирчем.

Уучамның пір ле тиң көбнең хыңнанызы истіг сымзырыхта олған сағызыма чорых пирче. Көзенек кистіндегі наа айның пулуттар чара саап алнынзар чылчатханын көріп одырадырбын алай ба чалгыс хорбының астых чөрген чикпекке саптырып хоптаныстығ суулаанын тыңнапчам. Уучам, хыңнанып-хыңнанып, пурны-суун холынан удаа пеес хыринзар силібісче. Хайдағ чазыттығ сидікке сыдаспин уучамның харахтарының чазы тоолапчатханын мин пілбинчем. Аның харахтарынзар нымзах көріп, тапсачаңмын:

— Уучаң ылғапчазың ма? Ноға?

Андада ол, харах чазын ниилерінең чызыбызып, пазымны сыйбап сөлечен:

— Ідөк ле, палам. Син піл полбассың ноғазын.

Анаң пірее нымах пастабызар. Алай ба мині үгреде чоохтап сығар:

— Чон аразында иптіг чөр, палам. Кізее хомай итпе... Хыйға пол... Пабацның адын иптіг ал чөр... Син не ам аның адын адатырарзын...

Пиди пір-ікі сөс чоохтанып, көксін арыдып аястандырчаң ол...

— Тур, палам. — Азыранарға уучам мині усхурча.

Уйгу аразында тадылыг чыс пурнымса саапча. Халас чызы. Хараам азыбысханымда, аннаңар даа хахпаснаң чапхан сигіс пулуцның хакас ибیبіс істінде үлүкүн не осхас. Ибіре турған инмелер харахтарымда саңай ла сыңырос абахай өңнең мондылчалар. Үлүкүн! Я, үлүкүн мағаа, иб істінде халас чызы хайынчатса. Чир столычах үстүндегі ағас аяхта уучам пызырган лепешкалар. Ол ибیبістің істінде хачан даа улуг үлүкүн-нерде ле поладыр. Оременең пызырган саламат сковрада апталыстың сарғалча. Органда, уйғаа ба алай халас чызына ба алаң ас парып, өрке чіли, сорайчатханымны уучамныцох үні чарбыхтырган.

— Кил, Хаби.

— Уучаң, пүүн хайдаг үлүкүн? — өрінгенімнең сурчам.

Уучам пілче, нога іди сурчатханымны. Чахсы пілче. Пүүлес харахтарың, инзінең чызыбызып, сөлеп салган.

— Ну кўннерде пабаң төреен: Чибіргі ипсті толдырча... — пазох харахтарың чызынча. — Одырыңар, столзар, хончыхтар.

Ам на көр салғам ибде хончых ікі инейиң полганнарын. Олар даа, пізөк чіли, хомай чуртапчалар. Халас харағы көрбинчелер. Ооллары, чоох хоостыра, чаада пабамох чіли, ўр тудылчатхан осхастар.

— О-ок, пу даа чааны. Прокопнаң Казар чазыттар, ізе,— пір инейі, ідөк мөніс тапсап, столға чағын киліп, азахтарың төзене одыр салды.

— Я, чибіргі ипс ниме ол. Олғаннар, ізе. Чуртас таа көрбеен ооллар,— ікінчізі хосты.

— Чибіргі ипс көп пе, уучаң? — ара кірібістім мин.

— Көп нимес... Азыран, азыран,—нога-да көксін чоохтаныбысхан ол. Мин чир үстүнде мындаг тадылыг ас-тамах паза чох полар тіп сағынып азыранчам.

Пос алынча пу туста піссер Кілечек тее килчең полза тіп сағынчам. Ол хончых оолагас.

Піреде оларзар кір парзам, азыранчатхан полчалар. Кілечек ол арада халасты, үгүрені минзер айландыра одырып алып чіпче. Мині хычырып, халасты чахлада-чахлада тайнидыр. Пірдең ахсын хойралтыбызадыр. Мин, алыг, аны сағып, ізік хырнда азахтарым талғанча турчам: андар көрбеечік полып, ахсыма тол килген хойыг сілегейімні, чазырып, килкімни азырыбысчам. Олар халас чох чуртабиндаачалар. Іезі колхозта тоғынча, пабазы чаадаң килген, че сол холы чоғыл. Андаг даа полза, колхозта түгеелер, хаңаа тегілектері, соорлар пүкче.

Минің не пабам килбинче. Уучам килер ле тіп сағыплача. Мин де матап сағыпчам. Минің пабам пасха палаларни осхас полбас. Ол, неке, күстіг, погда, хыйға...

Піреде Кілечектің іезі мині столзар одыртыпча. Мин ынабинчам. Кілечек андада іди тың чахлатпиныбысча. Анаң іезі мағаа ізік наағынзар күлсек үстүнде күрең иде пыс парган өремеліг халасты агылча. Олда туста минің өзімде хайдаг-да хурмаах килкім кини турыбысча, ты-

нарға пирбинче, харахтарымнаң суғлар сыға пасча. Тітірепчеткен үнім-нең хайди-пиди сөлепчем:

— Пістің дее халас пар.

Тасхар сыға халып, өзімзер тығыл килген киині тооза тастынзар сығарчам. Сүріктенминен ойлапчам уучамзар, чалғыс уучамзар.

Уучам, алаңас парып, үрүкче.

— Хайди полдың, палам?

Хайди нандыр пирербін ағаа, ниме чоохтирбын? Уучамның тізекте-рине түңере чадып, ылғапчам. Кіләчек пыролығ даа полбаза, прай пуу-руххан чүреем ағаа ла тарынча, ол ла пыролығ чили. Хычырчатхан на үчүн мин аны пирееде сох пирчем. Анаң пичелері миннең өдіс алча. Че паза чағын ойначаң кізі чоғыл. Андарох ла парчам ойнирға, халас чызы сілегейімни дее хойытса.

Пылтыр уучамнаң молотилка орныларында тамах сыбырарға чөр-ченміс. Анда көп нимес халча. Мин пазах теергепчем. Уучам сарғааснаң чирдең сыбырған тобырах порали тамахты арыглапча. Күннің не чили чөрченміс. Күн тооза чөрзебіс, пирееде чарым көнек сыных тамах ибзер ағылчаңмыс. Анзын даа уучам чадап ла читірче. Аар ағаа. Тыны хысча. Чазы даа читон ас парған. Хайран уучам!

Хысхызын хончыхтар уучама адай теерлері ағылча. Ол аны нымзат-ча, истепче крукнаң, анаң хатанчых тікче. Мин дее уучама хысхы узун ирлерде полысчам: чіп хадарға киндір сойчам:

— Пабам ноға ам даа ибзер килбинче? — инейлерзер көрчем. Олар-ға ізенчем, олар прай ниме пілерге киректер.

Уучам, улуг ла тын салып, очых алтындағы туруннарны тибіреді-бісті. Пір инейі идегінең харахтарын чызыныбысты, ікінчізі, идектеңк пурнын чысхлап, суулада сіңірібісті:

— Кіләчектің, Оочахтың, Аканың пабалары тооза ибде,— пазох пулардаң чоох сығарарға күстенчем.

— Синің дее пабаң, хазых ла ползабыстар, килер, оолаам,— пір инейі пазымны сыйбап салды.

— Андагда ноо пічік паспинча? — пазох ла чобатчам пу пырозы чох үс инейні.

— Пасхан. Көзіткем хайза. Мин пічік пілбинчем. Хончыхтар даа. От, син сколаа парып мічікке үгренип алзаң, пабаңның пічігін піске хы-ғыр пирерзің. Позың пабаңа пазарзың — аар чоохты уучам палғап салды.

Уучам «скола» тізе, мин кил ағаа чидікпин пастачаңмын. Хачан, нин-че үр полза, сколаа парарбын. Чидікпин сахтапчам пічікке үгренип алар тузымны, анаң пабамның холынаң пазылған пічіктерні уучама хы-ғыр пирер күнни. Пабамның көп пічік. Уучам аны саңай сіліг абдыра-да чиит тузындағы мончыхтарынаң ызырға-чүстүктерінең, ахчаларнаң хада чыыпча.

О, хайран уучам! Алғыс сағаа. Паазы чох алғыс. Мин зе, кічіг, алты частығ палачах, хайдаң пілербін синің ікі оолғыңның ирлік-хан-ның чаазында чат халғаннарын; хайди, тоғыс пала төрідіп, хара чалғыс ла халғанмыңны; хайди мин сағаа оларның прайзынаң алтын на осхас

киречізі полчатханымны; хайди чалгыс ла чөлег-таягың полчатханымны; хайди узун харааларны узубин аар-пеер айлахтанып, чүреен ачнин узур полбинчатханынны! Хайди оолларыңны сахтап пөзік сынны арти чат парыбысхан чолзар көрізің чіткенче көрчезің...

Пабамның төреен күнінің ас-тамаан тосханча чіп алып, улархабысхам.

Түзімде хачан даа сагыста чох хоос көрчем. Уучам, мині чидектеп, саргаас тудынып алып, тамах сыбырарға парча. Таныс нимес ырах чазы. Хыри-пазы чогул. Чир үстү прай ла чарых, көгілбей өннің. Чидінізін парчабыс. Хосханах, Аар-пеер көрзебіс, аар-аар пазахтыг, хойыг тамах аразындабыс. Чилге чазы, талай ла чіли, тамахтыг салгахнаң палыцнапча.

— Саппаан тамах, уучаң,— сөлепчем.

Тоғынылбаан тамах. Тоғынарға кирек. Тоғынмаза, пу даа тамахты халас ит полбас, иркем,— чоохтапча уучам.

— Че, параң, тогынаң,— уучамны хайдар-да сөртепчем. Сөртепчем, сөртепчем, чидіңчем, че уучам миннең хыя ла полча.

— Хайдар, уучаң? — сала ылгабинчам. Уучам ырачаан, ыраплача. Мин — соонча, ам хысхырчам, ылгапчам. Көрзем, мині ибіре чон толдыра. Таныс таа кизілер парлар. Чоохтарында мині адап салчалар. Прайзы ла чалахай көрче.

— Хабинің пабазы мында.

— Оо, килтір ноо.

— Ол хачанох мында полган.

— По-ой іезінең палазы хайди сахтапча аны.

— Хачанох мында ноо ол.

Мин, аны истіп, пабамны чон аразында кілеп чөр сыхтым. Таныстыг полар ол. Табарбын. Кілепчем-кілепчем, че чогул. Чон ідөк ле чоохтасча. Мин улам на ізестіг кілеп сыхтым. Өрінчем, чүреем талбырапча. Пабам мында. Таап аларбын аны. Хайди даа табарбын. Ачырганчам, өрінчем, тарыхчам, че ізенчем табарыма. Кілепчем-кілепчем, че чогул. Ам чон аразынзар хысхырчам.

— А-а-ба-а-аң!

— Хури-хури, палам, хайди полдың? — уучам хыримда одырча, тирлеп парған пазымны сыйбап.

Чүреем үрүгістіг талбырапча, көөм ам даа көдірілік, түстің иди тоозылчатханына хомзынзам даа, пабамны кілееніме, пабамны таап аларыма ізеніс мині өріндірче.

Уучама пір дее нине чоохтабин, тасхар сыға халғам. Анда, тізең, иртен. Тағ пазынаң күн ам на көдірілче, чир үстү ам на чуунып алғанга төбй. Прай ла чарых, абахай. Кинде хулах туныстыг сыцырос көг, ыр-сарын.

Чүреемде андагох...

НАА ТІЛБЕСТЕГЛЕРДҢ

Сергей ЕСЕНИН

26-ДАҢАР БАЛЛАДА

Көбленіснен сибер ху-
джникке Якуловха

Көбң көгле, поэт,
Көбң көгле.
Тигір ситсезі
Көгілбей.
Күўлепче талай,
Көбң көглек.
Полғаннар олар
26.
26 полғаннар олар.
Хуурған ах хумнар
Чаап чир полбастар
Алып оолларның сыырадын.
Ноо кізі ундир
207-ңі
Хуу верстада
Алып оолларны ат салғаннарын.
Тиңіс озарини
Туу чапты тубан.
Көдіріл килді, көр,
Хумнаң Шаумян.
Хуу сөл үстүнде
Сөбктер сығдыңнаа.
Көдіріл турлар
Иліг хол ам даа,
Арыда чызып,
Өлім пуғылаан.
26 полғаннар олар,
26.
Көгіс тобыра хайзы атырған,
Хай-піреелері
хабырғазынан,
Чоохтасча олар:
«Амды тус читгі
Бакузар парар —

Көріп аларбыс,
Түскенде тубан,
Хайди чуртапча
Азербайджан.

.....
.....

Тўн хараа айны,
Дыняны чіли,
тоғыландырча,
Тиңіс салғағын
чарға саап турча.
Мындағох хараа,
түскенде тубан,

Англичаниннер
Оларны ат салған.
Коммунизм —
Пойли хонихтың Знамязы.
Халых көп чоны —
Хазыр хас пораан.
Империая тоғыр
Пір тиңе хаалаан
Прай кресен чон,
Пролетариат.
Анда, Россияда,
дворяннар хамчызы
Полған хай Ильич,
Ухаанчы пабабыс.
Мында,
іскеркі чирде,
Олар полғаннар
Чибіргі алты.

Кавказы.
Түн хараа айны,
Дыняны чіли,
 тоғыландырча,
Тиңіс салғағын
 Чарға саап турча.
Мындагох хараа,
 түскенде тубан,
Англичаниннер
 ністі ат салған».

Коммунизм —
Пойли хоньхтын Знамязы.
Халых көп чоны —
Хазыр хас пораан,
Империая тогыр
Пір тице хаалаан
Прай кресен чон,
 пролетарнат.

Анда Россияда,
Дворяннар хамчызы
Полған хай Ильич,
Ухаанчы пабабыс.

Мында, искеркі чирде,
Олар полғаннар
 Чибіргі алты.

.
Тигір көгінең
Көблбек палыцнаан.
Аарлыг чулалар
Чооғы амыраан,
Хай-піреелері чыхчооға атырған,
Көксіне хайзы,
Ахч-Куймезері
Чол тудар олар.

Көбц көгле, поэт,
Көбц көгле.
Тигір ситсезі
 Көгілбей.
 Күүлепче талай,
Көбн көглеп.
26 полғаннар олар,
Чибіргі алты.

Тилбестеен М. Баинов



Н. Г. ДОМОЖАКОВХА 60 ЧАС

М. А. УНГВИЦКАЯ,
филология наукаларының докторы

ПОЭТТИҢ ЧОЛЫ

Радно чоохтанар алнында истілче көг-
ліг паза сіліг сарын. Аны истіп, сагына-
дарбын, пу Николай Доможаковтың
«Чинттер ыры» стигына пазыл парган
ыр. Аны хынып ырлндырлар хачаннақ
сыгара городтарда, аалларда улуг-кічіг-
лер. Ол ідөк толдырылча полған на кон-
церте:

Чазызар сыгып, сарнасса,
Чаяях пазы чайхалгай.
Чахсы маргызып тогынза,
Часкалыг хоных пик полгай.

И. Доможаковтың поэзиясы социалистической Хакасиянан, чон
творчествозынаң пик палгалысча. Ада чир-сууның чуртазындагы алы-
зыгларны чахсы көзітче.

Поэттиң литературазар чолы нник полбаан. Ідөк оой полбаан ол-
ган тузы. Кічігдөк пабазы чох халган. Іезінің холында ікі пала. Иб
істі ээн-хоол ла. Оолагастың харахтары тың агырган. «Чахсы хоных»
колхозта агаа полсы пирчелер. «Кип-азахтарым комбедти полган», —
сагысха кирче Николай Георгиевич. Идн ол пасталыг школа тоосхан.
Үгрениске тың тартылчатхан оолагас, Агбанзар киліп, үгретчілер
техникумны тоосхан. Соонаң облонода инспектор.

Наука тогызы учебник пасханынаң пасталча. Учебник сыххан
1936 чылда. Олох туста 1935 чылда аның пастагы стихотвореннезі
сыхча «Хызыл аал» газетада. Редакциязар киліп, редактор Семен Кон-
стантинович Добровха чоохтанган: «Стих пас салдым. Газетаа пирерге
чарир ба?» Редактор аны чылыг удурлаан.

Чыллар иртче. Поэттиң хараанда Хакасия өсче. Чахсыланчалар
городтар, Агбан паза Харатас. Заводтар пүдірілче. Тракторлар пастагы
хыра чолын салчалар. Колхоз чазылары хызыл пугдайнаң чабынча.
Өсче культура. Азылчалар үгретіг заведеннелері. Оларның пірсі — 1939
чылда Агбандагы үгретчілер институты. Николай Доможаков үгретчі-
лер институтында үгренген. Илбек Ада чаазы пасталыбысханда, Мос-
квада СССР-ның Наукалар академиязының тіл кирегінче Институттың
аспирантуразында үгренчеткен. Москваны ыырчыдаң арачылап, город
ибіре сивее пүдірерінде араласхан.

1944 чылда партия ЦК-зының чахиная ол ученай-тюрколог Ф. Г. Исхаковнаң хада ХакНИИЯЛИ-ны төстирине өткүн чапсынған. ХакНИИЯЛИ-ның пастағы директоры полып, андағы наука тоғызынаң устап парған. Филология наукаларының кандидады ат алған соонда Агбандағы үгретчилер институтудының доценті пол сыххан.

Тидірлер: «Поэттин иң чахсы биографиязы — аның стихтары». Анда поэзының «ибіркині көрчеткені». Николай Доможаков Хакасияның пастағы поэттерінің Петр Штыгашевтин, Василий Кобяковтын, Михаил Коковтын чолынча парча. Олардаң алча стихтар пазар узун. 30 чылларның түгенчизинде 40 чылларның пастағызында иң не пастағы поэттер чуртастаң парыбысханнар. Доможаков, улуг арғыстарының кибирине төстеніп, наа стихтарында амгы чуртасты паза ирткен чылларны көзитче. Көбизин ол гражданской паза политической темаа айланча. Стихтар пирееде маңат, пирееде, тізең, уян пол парчалар. Хайда чуртастың амгы тузына, хакас чонының фольклорына паза орыс классиказының, ідөк көп нациялыг совет поэзиязының артина айланза, стихтары чонга чагын, пилдістіг.

Стихтарда піс көрчөбіс поэттин чітиг сабылчатхан чүрегин, пістин чонның революция алнындагы чуртазынаңар улуг өкпеленисте пасча. Хакас істенчі, хири-пазы чох чазыларда пос ондайынча чуртабин, пайпиглерге пазындырган. Ол ханныг харах чазын мал соонча чөріп төкчөң, көңнүн, ачырғазын, сарында, тахпахта көзитчөң. Пайлардан, хамнардаң, абыстардаң «ах ханнаң» күрезер сагыс тыытчаң.

«Уйбат чазызы» стихтворениеде мының алнындагы хуруп, чырыл парған чирни көзитче, пүүнги күнде, тізең, анда толдыра хоных өкпенече. Аның ээзи — істенчі кизи, Социалистической Істеністиң Геройы, көксинде алтын чылтыс палыцнапча. Ол стихтарында ат хадарчыларын, чабаннарны, комбайнерлерни, трактористтерни — колхоз чазыларының істенчилерин маңат чарытча. Комбайнер хыстың омазы — күнге көй парғаны, көгенегі хоорғаны, лентанаң үрилген хара састары алай ба, тамкы тартып ала, харасхызар көрчөткен чабанны хыгырыгчаа пос хараанаң на көрчөткен чили көзитче.

40—50 чыллардагы чинит хакас поэзиязында көринче наа чоллар. И. Доможаков чинит поэттернең Иван Котюшевнең, Михаил Кильчи-чаковнаң кизини көзидеринде наа ондайлар таапчалар. Поэт поэзының творчествозында көзитче, хайди Совет Союзында чуртапчатхан аймах-пасха чоннар ынаглазып чуртапчалар, хайди өсчө орыс, хакас чонның ынархазы. «Пулуңас», «Ааллар ырласча», «Сағаа, орыс», «Хакастар Россиядаңар сарнапчалар» паза даа пасха стихтарда азырылбас-парбас ынархасты көзитче. Илбек Ада чир-суубыстың чаазының аар күнерине поэт арландыра үндөсчө «Галина» поэманаң. Орыс медсестра аар палыглатхан хакас чаачыны, поэзының ханын пиріп, арачылап халча.

Николай Георгиевич лирической стихтарында Чир-сууның ибикизин маңат таныхтапча. Чалбах чазылар, чарых, аяс ай, Таштып, Агбан, Ким суғлар, тасхыллар, хусхачахтар, порчолар — прайзы поэттин көңнүн көдирче. Суғлар ағыны чатхан үни чили истілче, күн, тізең, Соян таглары үстүнде өтиг табыстыг түүр осхас.

Доможаков — поэт стихтарны пилдістіг иде пасча. Че аның геройлары улуг, тирен сагыстыглар. «Тыттыг таг» поэмада пайга тогынчатхан чох-чоос ипчинің иреезіне ачыпча. Пайга чистек теерип, кічиг палазын чидір салган ипчи улуг ачыгда. Мында поэт пурунгы чонның иреезін не нимес, чүректе өсчөткен тарынысты көзиче.

50—60 чылларда писательнің лириказы улам өсчө, пайыпча. Кизи ирееден ипк ынаглас полызни сылтаанда поэзыпча.

«Сибирь войскозы» стихотворенинде чаалазарга парчатхан чинт чаауыны сылагай тирекке төйлепче:

Тирегөк осхас оол сылагай,
Тирегөк осхас оол чалахай...

Ипчизи ирген iki тиректи Москва алтында одырт салган. Чаачы, махачы чаалазып, ол халган. Тиректер, тизен, өсчелер.

«Ааллар Ленинде» стихотворенинде көзиче, хайди хакас ааллар пасча аймак чоннаң Ленин Мавзолейинзер парчалар. В. И. Ленинге постарының истенис чидиглерин чоохтирға, сагыстарын, хыныстарын читирерге.

Поэт 60 чазына чинт парган. 40 чыл творчествозында көп нине идил парган. Аның аразында «Ыраххы аалда» романны хакас чоны ла нимес, прай даа совет чоны илче. Николай Георгиевич Доможаковтың поэзиязы наа чидиглер идерине хыгырча. Сагынчам, поэттің сөзи мынаңар даа читип одыар, поэзиязы улам на чоғар өрленер.

Михаил ЧЕБОДАЕВ,
писатель

ПОҒДАРХАСТЫҒ УЛУС

Хакас чонның культуразының сагамгы өнненизи Николай Георгиевич Доможаковтың адынаң чарылбас палгалыстыг.

Сагысха кірче 1947 чыл. Чаа наа ла тохтап парган. Чон улуг хызыгыста. Улуг чаада үреен хоных азахха хатап тургызылча.

Хакасияда, тизен, хоных ла нимес, че чон үгредин дее, тикси культура хабазыг кирексипче. Пастагы үгренчилиг төл, оларның аразында пастагы хакас писатель В. А. Кобяков, отыс чылларда «личность культуры» тузында, хорылыс парган. Отыс чылларда үгредиг алган төл Ада чир-суубыс үчүн чаада түс халган. Аннаңар аалда амды чити класс таа тоосхан кизи улуг үгренчилиге саналча.

Сах ана ол туста улуг нимес книгагах сыххан. Ады даа аның угаа таныглыг полган — «Пастагы хаалаглар» тип адалган. Анда литературада күс сынапчатхан чинтернің стихтары, чоохтары хакастап, орыстап сыгарылган. Аны чыып тимнееннер Н. Г. Доможаковнаң М. А. Унгвицкая.

Иди чаа соондагы чуртас прай даа тогыста пастагы хаалаглардан пастал турган.

Ноо даа кизиниң чуртазы анын чонга туза иткенинең паалалча. Чуртазынын хырых азыра чылын Николай Георгиевич чон үгредине, чон культуразын, литературазын паза искусствозын, науказын тилдерине пир салган.

Миниң сагызымнаң, Н. Г. Доможаковтын праи ит салган тогызын үзүрер үчүн, пис алынча чоох кирек: пастагызы — 1935 чылдох «Хызыл аал» газетада сыххан пастагы стигынаң пүүнги стихтарына, поэмаларына читіре. Ікинчизи — прозаның пүүнги чидин полчатхан — «Ырахы аалда» тіп романнаңар. Үзінчизи — анын улуғ тілбесчи тогызынаңар, А. С. Пушкиннең паста, А. М. Горькийге читіре тілбестеен книгалардаңар. Төртінчизи — хакас тіл науказына хозымынаңар. Школада анын учебнигінең үгренмеен кизи дее чох полар. Пизинчизи — хакас интеллигенциязынын чаа соондагы төліне ханаттанып өөрлирге хайди хабасханынаңар.

Праи пу тогыстарнын полганын на ит салар үчүн, пир чуртас кирек. Андаг пис аймах улуғ тогысха — пис чуртас. Че Николай Георгиевич оларны чалгызан на ит салган. Хайхастыг даа!

50 чылларнын түгенчизинде магаа Н. Г. Доможаковтын көни устаанаң тогынарга киліскен. Ол андада Хакасиядагы книга издательствозынын директоры полган. Анда хада тогынып, мин чапсычаңмын Николай Георгиевичтиң алгым сагызына, тирең пілізіне, тогысха арбын паза тіспен тудынызына.

Анын соонда магаа оңарылыстыг полган, хайди ол, ХакНИИЯЛИННИң директоры полып, олох туста Хакасиядагы писательлер тогызынаң устап, пединститутта лекциялар хыгырып, школаларга учебниктер пазарга маңнанчаң. А. С. Пушкинни тілбестеңең, поэзынын стихтарын, наука статьяларын, романын пазарга маң тапчаң. Иди тогын пілген кизи, чонына анча туза идерге маңнанган кизи — часкалыг үлүстіг.

Төреен аалы — Хызыл
хастаң сыгып,
Тооза Совет чирин ол ибир салды.
Пастагы стигы «Хызыл
аалдаң» өөрлеп,
Парчан чонга поэт
адынаң сабланды.
Ада чир-суунда — Хакасияда
Аал даа чох полар
ол чөрбеен.
Ине чир-суунда,
Хакасияда,
Ир дее чох полар
ол үгретпеен.
Пасханыңар ам даа пагыр ползын.
Тепкеніңер ам даа тимиір ползын,
Николай Георгиевич!

УГРЕТЧИ ПАЗА УЧЕНАЙ

Алтон час чазап салган кизи поэзияны ирткен чуртазын, ізептеп, санга алча полар. Че кизи пасха кизилернен хайыспин чуртабинча. Аннанар аның тогызы, чуртазы хада тогынган кизилерниң көрзинең иле полча. Магаа Николай Георгиевичтиң холында 1946—48 чылларда үгренирге киликкен. Угретчилер тимнечен институтта ол писти пос тилине үгреткен. Ол тустаң сыгара мин хакас тилине наука саринаң көр сыххам, наукаа тартылып пастаам. Чист кизини наука чолына тартылар иде үгретерге улуг ус кирек тп, саналчам. Институт соонда мин Николай Георгиевичтиң холында тилниң, литератураың паза историяның Хакасиядагы научно-исследовательской институтында тогынгам. Аның пилистиг ученай, чаксы организатор полчатханын ол тустардан сыгара чаксы сизини алгам. 1949 чылда ол «Хакас тилиндеги хызыллар диалекти» тп темаа кандидатская диссертация арачылап алган.

Хакас тилиненер, хакастарның историзынаңар, этнографиязынаңар көп научнай тогыстар, статьялар пас салган. Ол хакас тилиниң пастагы орфографиязының авторы полча. Улуг класстарга пазылган аның «Хакас тилиниң грамматиказы» көп чыллар ирткенче минче-минче хати сыххан. Паз программа хоостыра тимнелген сагамгы грамматикаларының авторларының ирси ол полча.

1944 чылда төстелген научно-исследовательской институттың пастагы директоры ол полган. «Институт төстелгенде, пир мине дее, пир специалист тее чох полган» — сагысха кирче Николай Георгиевич. Че аның чаксы пилизи, пик сындыры сылтаанда, институт табырах ос сыххан. Чыл сай пасха-пасха экспедициялар иртирп, институт наукаа кирек көп материал чыып турган. Сагам ХакШНИЯЛНың фондында ученайлар көп чыллар тогынар пай материал чыыл парган. Николай Георгиевичтиң сагысыразы сылтаанда, СССР-ның Академиязының член-корреспонденті Сергей Владимирович Киселев Улуг Салбых күргенин хасхан. Иди институт улуг наука организациязына ос парган. Н. Г. Доможаков хакас ученайларны тимнирине улуг хайыг салган. Пу сурыгны ол көдирген сылтаанда, партияның обкомы 1953 чылда «Хакас чоңының аразынаң научно-исследовательской кадрлар тимнирденер» өнетин чарадыг алган. Ол тустарда аспирантураа ызылганнарның көбизи, айланып, пуох институтта тогынглапча, хайзылары Агбандагы үгретчилер тимнечен институтта.

Николай Георгиевич Доможаков, ХакШНИЯЛН-да тогынчадып, хачан даа үгретчи тогызын тастабаан. Че 1956 чылдан сыгара үгретчи тогызынзар саңай килибисче. Магаа Николай Георгиевичнен хада пазох пир кафедрада тогынарга килис парды. Иди пистиң чуртас чолыбыс халсыра парып одырча. Аннаңар аның чуртазы, прай иткен тогыстары миниң хараамда ирткенер.

Студенттерге паарсах үгретчі, улуғ опыттығ педагог Н. Г. Доможаков көп чинттерні пос алынча чуртас чолына кир салған. Областьтағы хакас школаларында, үгренчилерні пос тіліне үгредіп, прай даа Николай Георгиевичтің үгренчилері тоғынглапчалар. Хакасияның иң ыраххы пулуннарында ол үгретчилер чон аразында чарыдығлығ тоғыс апарчалар. Постарының үгретчилерін хачан даа аарлапчалар сағам партиянай, советскай алай комсомольскай тоғыста тоғынчатханнар. «Ленин чолы» газетаның, издательствоның, радио-телевидениениң бөн тоғынчылары Николай Георгиевичтің холында үгренгеннер.»

Алтон час казап салған кізінің чуртас чолын көріп, хайхапчазың: хайдаң килгендір андағ көп сарилығ күс, сағыс? Ол улуг писатель, ученай, үгретчі паза общественной чуртастың араласчызы. Мындағ улуг күнде мин, аның үгренчизи, хада тоғынчатхан арғызы, прай ізіг чүреемнең позымның улуглазымны, аарлазымны читірчем. Алчаас ит-песпін тіп сагынчам, сынап аның хада тоғынчатхан арғыстарының адынан, аның хачанох тоғынчатхан паза ам даа үгренчеткен үгренчилерінің адынаң улуг алғыс читірзем.

Аарлығ Николай Георгиевич, алныңардагы чуртазыңар ирткен чуртазыңарох осхас, аллығ ползың, ус холыңар алтынаң уламох көп чохсы произведениелер сых турзың, ор хазых полыңар, чуртаста часкалығ пол турыңар!

Николай ДОМОЖАКОВ

ЛЕНИННЕЦЕР

Хакас оолагас азахха ла кірген,
Хыйын-чайын чүгүр чөрче,
Паба-іче ле тиріне читкен,
Мунзуриин сорып ала, — Ленин, — тіпче.

Ленин — чүреенде советскай чоннарның!
Ленин — чүреенде тоғысчы чоннарның!

Кирі апсах-инейлер тураларында
Худай-образты хыя тастапчалар.
Хайхастығ сіліглеп, Лениннің сомын
Хойығ порчолығ столға тургысчалар.

Ленин — чүреенде советскай чоннарның!
Ленин — чүреенде тоғысчы чоннарның!

Чинт улустар пай хыраларда
Читіг үннернең ырлап тоғынчалар,
Истілчеткен сөстер аразында
«Ленин» сөсті адапчалар:

Ленин — чүреенде советскай чоннарның!
Ленин — чүреенде тоғысчы чоннарның!

Халын пулуттар тобыра учугып,
Хатығ ханнатығ самолеттар парча.

Хазыр үннернең моторлар, ырлазып,
Көп пулуттарға тахпахтар салча:
 Ленин — чўреенде советскай чоннарның!
 Ленин — чўреенде тоғысчы чоннарның!
Чир үстүндегі илбек талайларны
Пістің пароходтар читон ибірчелер.
Читкөн, тохтаан на Чирде чарларны
Пір үңнең моряктар яңыландырчалар:
 Ленин — чўреенде советскай чоннарның!
 Ленин — чўреенде тоғысчы чоннарның!

1939 ч.

ОРЫС ХАРЫНДАЗЫБЫСХА

Орыс чон — улуғ харындазыбыс,
Син пісті тоозылардаң ал халғазың;
Сағаа піс сын чўрекнең туңмабыс.
Син піске хачан даа хабасчазың.
Хакас чирин сіліг хыстаң сіліг
Чазағлапча орыс чонның хыйғазы.
Аалларыбысты городча көгліг
Итче орыс харындас хабазығы.
Талайзар суғлар маңзыраан чили,
Орыс чўрек чоннар чўрегін тартча.
Кўн чылин кўнни чылытхан чили,
Орыс чон хучаа чоннарны чылытча.
Чітіг сағыстыг, аллыг істіліг,
Орыс кізі, син пісті устачазың;
Хорым хаялыг, сндік иртістіг
Чирче чол тахтап, пісті апарчазың.
Столицабыс Москва — Орыс мағы —
Чир шарын хурчи, кўннең тың чарыпча.
Улуғ Волганың хазыр салғағы
Талайларча орыс кўзін апарча.
Чонның ынағ семьязы СССР
Чобағны, сыытты саңай хыя тастаан,
Позыдыг чаада орыс кізілер
Туртуғыс пілбин алнында парған.
Пөрік суурыңар іче алнында!
Иң не хыйғаларны мирге ол пирген.
Орыс іценің Ленин оолғында
Орыс чирнің көп генийі піріккен.
Піс орыс чонга кічіг туңмабыс,
Сын чўреебіснең харындас полчабыс.
Піс орыс чоннаң пір тыныстығбыс,
Пір кізі осхас пір сағыстығбыс!

1952 ч.

И. М. КОСТЯКОВХА

60 ЧАС



У. Н. КИРБИЖЕКОВА

ЧОН КӨГҮЗІ

Писательнің творческой чазын чуртан чылынаң тицнестірзең, алтонны орта чарып, отызын хакас литературазына пир салган тирге кирек. Пу тустын аразында Иван Мартынович пос литературазына көп, сибер, хоос поэтической стихотворениелер, поэмалар сыйлап пирген, оң-пасха темаа пазылган көп чоохтар, баснялар, улуг повесть. Хакас писательлерінің аразына автор поэтының омазынаң, пасчаң узынаң, кибірінең кир парган. Аның чалахай, сіліг ырларын прай Хакасия сарнапча, хормачы, күлкістіг чоохтарын хынып хыгырча.

Азымахчы фашизмнең махачы, чаалазып ырычының ачын, ханга тоспас омазып тың хыртыстанып көзіт салган. Школа программазына кирген произведениелері хакас олганнарын Ада чир-сууна хынарга үгретче, ис-пайны хайраллап пілерге кирек тіпче, хулда илепчеткен чоннарга турызып, интернационалист пол тіпче, чонның кибіріп улуглап, чохсыны махтирга, чабалны үзүрерге хыгырча, сіліг нимені оцнап, аны аарлирга сизіг пирче, сымдах, тіспен істенчі поларга чахыпча. Мынча нимедецер көпті көрген, чохсы-чабалны сыдаан, ізіге пызып, соохха тооп, сыырап парган кізі пазар. Идн дее полза авторның чүрегі хатып парбаан, аллыг істі, нымзах чүрегі полган на произведениезинде көрінче.

Чуртаснаң хада писательнің узы өзіп одырған. Ікінчі поэтической чыындызын («Наа чазы» — 1955) пастагызынаң (1945) тицнестірзең, оларның төбй нимезі, ікінчізінің пастагызынаң артыгы іле сыхча. Пастагы чыындызында И. Костяковтың поэтической узы чазыг полган, поэтының көб сыххалах, өбнінде чонның ырын, тахпагын көге пызып, наа ниме чоохтаалах, лирической геройның омазы пілдірбинче, публицист чили, стихотворениезінің істін алынча тіл-ааснаң, хабарларнаң толдырып пасча. Ол стихотворениелерде прай ниме сынынаң даа таныхталза, кізінің көңнін көдіріп, өрініснең толдырбачаңнар, хайхир, чапсир ниме чоғох полган. Чуртаста полчатхан нимелер араластыра ла пазып, поэтической образха киптелбеченер, аның үчүн хакас колхозниктің тракторга, комбайнга, аэропланга өрінгені чапсых полбачаң.

Андаг даа полза, хачан писательнің поэтической творчествозын пастағы тустаң сығара көр парзаң, чонның ырына, тахпағына көге пасханы тик парбаанын снзінчезің. Ол тус пазарға көніктірген, сын писатель поларына чол чоллаан. Пастағы тус чох полган полза, өзіп, пөзік сінге көдіріл парган тус полбасчыгох.

Ікінчі, үзінчі («Часка ыры» — 1959) чындыдағы стихотвореннелерде И. Костяковтың поэтической көө тыып парган. Лирической геройның көңні өтіг, тың истілібіскен. Лирической көгде тіріг кізінің чүрегі сабылып, көөленіснен, хыныснаң, паарсаснаң, өрініснен, хомзыныснаң, ачырғаныснаң толчатхан. Пу оңдайнаң Иван Мартыновичтың стихотвореннелеріне тын кірген. Поэтической строкаларынуа тіріг хан ойлаан, сын көг салылган.

Иліг-алтон чыллардаң пеер И. Костяковтың стихотвореннелерін ырга айландырып, көглеп пастааннар. «Нымырт», «Агбан салгагы», «Саңызах» ан. пас. Чон аразына радноча, эстрадауа кіріп, тарап парганнар.

Ікінчі, үзінчі чындаа кірген стихотвореннелерінің тастындағы даа пүдізі алыс парган. Ам оларның поэтической чүзүні сибер, иптiг пол парган. Иледе стихотвореннелерін поэт, В. Маяковскаяның стихотвореннелері чiли, пасхысти пас салган. Тастынаң даа, істінен дее И. Костяковтың стигы наачылал парган.

Пу туста Костяков прозак Костяков поэттің соона халчатхан. Пастағы чоохтары («Аң чолларынуа»), пір чирге чыылып, 1960 чылда ла сыхханнар. Пу сборниктің соонаң писатель прозаа тартыл парган, стихотвореннелер арам пазылчатханнар. Аңчының чоогына наартпах чоохтар хозып, сынны тайма нименең араластыра апарып, чiтіг сағыстыг чоохтар пас салган. Чоохтарының көбізі, хачан-да полган ниме чiли чоохталза даа, сагамгы тустаң пик палгалысчатханнар. Харам, хатыг, аргаас кізі, күлкее тартылып, хачан даа чон хатхызы полча.

Хакас аңчыларының пурунғы маңат кибірлері: азых-түлүкті чазырбин, отахта тастауаа, агырыбысхан алай ба саайга кірген аргысты халгыспин агаа пользыг пирчее пістің кізее киліскек полған, аның моральной нормаларын пиктеп, аргыстас, паарсас, нанчылас сiліг кибір полчатханын махтаан.

Нравственной сурыгларнаң хада писатель аң-хустарның оңдайларын, хылыхтарын снзінер піліс пирче, тайга-тагың сiлінин ситкіп, аны хайраллир сагыс хабындырча.

«Чибек хур» повезі, кізіні амыр хоныхтаң хатыг, хазыр харбазыгларга кіріп, фашизмнен хайди тудысханын көзітче. Пу сндiк тудыста хакас чоны прай совет чоынаң хада махачы, матыр чааласханын киртістіг чарытча.

«Минің нанчыларым» (1971) чоохтар чындызының иледезі істенчидеңер пазыл парган. «Манидек» осхас чоохтар хакас кізінің туртыхпазын, пик хылыгын, сндiкті мойнап, алтап парарын ізестіг ниме чiли пирчелер.

Иван Мартынович Костяковтың прозазы азахха пик тур парган, улуг чолга сыгып, хакас кізінің холынаң түспес.

ПАРТБИЛЕТ

Сағыстан чітпес
хырых пір чылда,
хачан, Чир-суубус
пістің бөстепчеткен,
хара тўдўн пори
таң алнында
комиссар мағаа
партбилет пирген:
— Коммунист адып
пик тут,— чахаан.
Хызыл тастылығ
книгачах анда,
тимір хуях чили,
чўреемни чапхан.
Көксим азых тутхам
харбастарда:
Москваны турысхам,

Берлинни алғам!
Хайда даа
ползам,
чўреемнең хада
сини ал чөргем.
Илбек партиям!
Аннаң пеер
ізіг ханы-чўреемнің
синнең хада
пірік парған
саңай.
Партия!
Син аяс күнімзин
минің,
партия ла мині
көні чолча
апарғай.

ПАРТИЯ ХОЛЫ

Хайда «Аврораның»
муғуй пушкалары
салют пиргеннер,
наа эраны удурлап.
Пўўн анда
«Ленин» ледаколның
сустары
сағылыс турлар
атом сілиин ырлап.
Айда піс,
Ленин знамязын
турғысхабыс,
Айны
пістің харачхай ибірді,
учуғып.

Ким ўстўнде
тимір тахта инніп час тур,
Соян тағларына
кўзін махтанып.
Тасхыл өтіре
хомыс хылы тартылды,
Ағбаннаң Тайшетті
хада сарнадып...
О, партия холы!
Хайдағ син күстігің.
Пілчем,
син не тударзын
коммунизм клўзін!

НЫМЫРТ

Көзенек хыринда алчазып,
Кизек нымыртах бңнен тур.
Кўннің сай иирде молчазып,
Көбленген оолғым сағып тур.
Хынғаным килзе, ол ағас
Хығырча мині кўўлеенең.
Көңнімни алған оолағас
Койдірче көксим чалыннан.

Порчозы нымырт ағастың
Парчан суғлапча чир көксін.
Паарсазы ынағ оол хыстың
Палың чазапча чиит көңнін.
Халын бңзіңер, нымырттар!
Харааңар хойығ палыңнир.
Хынызып чөріңер ам, чииттер,
Хачан даа часка учурир!

МАТЫР ЧААЛАЗЫҒЛАР ЧОЛЫНЧА

Т. Н. БАЛТЫЖАКОВ

ФАШИЗМ ОРДЫЗЫН ХЫРОДААН ЧИРЗЕР ЧОРЫХ

...1945 чылда, апрельнің он алты күніне парчатхан хараада, 89-чы гвардейской Белгородско-Харьковской Хызыл знамялыг дивизияда полчатхан 98-чи Гвардейской позы чөрчең пушкалыг артиллерия дивизионының пушкалары Одер суғны Кюстрин городтың кисті хыринаң кичеткен. Чыплама харасхыда, читон алты миллиметр калибрліг пушклар понтон тахталарча, хоғдыр-хағдыр итпеске, көблче, хурт ла чили, парчатханнар.

Суғның сол сариндағы хырина сыхпинаң, чар хастада ин сыххабыс. Анча-мынча парып, турчатхан танктарға урун парғабыс. Олар тахтача пістің алныбыста ла кискен одырлар. Амды хайда турар чирлерін көрчеткен осхастар. Тігде-мында пушклар тунчухтарын ырычының ордызы полчатхан Берлинзер алдыра тут салган турлар. Командирібіс дивизия штабынзар пістің хайда турарыбысты пілерге чөре халған.

Түрче поларынаң танктар турар чирлерінзер чыла халғаннар. Олар парарынаң, ырычының чанына читчеткен чайзаңнар — сабға сыххан «катушалар» чиде түскеннер. Танктарның соонча чылбыраза халдылар. Піс, аннаң тың даа ырах парбин, түс чирде тохтадыбыс. Пушклар ырычының ордызынзарох айландыра тур салдылар. Берлинге читіре 70 километр ле халыбысты.

Дивизиондағы партийнай организацияның хачызы улуг лейтенант Сергей Аспин, пісті чыып алып, искірген: «Пүўн иртен, 4 часта, Берлинзер наступление пасталар. Ханға тоспас ырычыны інінде чоо саап саларбыс. Чиңіс чағын. Чалтанмас, махачы полаңар».

Андағ тылаас искенде, пістің ооллар алнынзар, Берлинзер, чөрібізерге чидікпин турлар. Мында өрініс, тарыныс прай хада. Ырычыны табыраанча чоо саап саларға өкпеленіс хайнап тур. Мунзурухты түўп, ырычыны мачырада тут саларға тимделер. Аның аразында өрініс харахтарны суғландырча. Ырычыны чиң салып, чааны тоозыбызып, ибзер айланарға. «Ибзер!» — сөс чаачыларны улам махачаа көдір турған, табыраанча Берлинге чидерге хығырған.

Иртенгі төрт час көблче чағдапча. Часылыг ооллар түрче ползох часызар ла көр сал турлар. Пүўн уйгу сағыста даа чоғыл. Сағыста иртенгі төрт час ла. Ат хулағы ікі нанчы піс москвич Николай Киселев-

наң чаа тоозылза, пічік алыс турарға чоохтасчабыс. Мына 10 минута ла халыбысты. Пис минута! Прайзыбыс хайхастығ нима сағыпчатхан чіли, сым на турглабыстыбыс.

Че мына! Берлинзер чөрісті часпас атыстығ саблығ «катюшалар» пастадылар. Нинче-нинче чүс «катюшаның» чаза парбас чиңістіг ухтары таң харасхызын чара саптылар. Тигір чари түсті. «Катюша» ухтары, пастап чари түзіп, иледе хызарып көрін парып, аннаңар харасхаа пірік парып, ыырчыны хайдазың тібинең, анда чиде салганнар. Анда чара атылглап, күгүрт чіли, күзүрес турлар. Мында, тізең, нинче-нинче муң пушка, пір үнге теедег, нызыраза түсті. Хара чир халтырап, хан тигір тітіри түскен чіли, пілдір парған. Улуг ухтығ чаа тиріглері ахсыларынаң чалынныг ухтар позыт турғанда, тигір, чарып, хызар тур. Ыырчы полчатхан чирде, мыннаң парған ухтар чара атылып, тазылас турғанда, чир үстү күүлеп турған.

Ікі час пазынаң пушкалар атызы тохтап парған. Олар тохтирынаң, сах андох танктар нызыраза түскеннер. Олох туста Одер суғ озаринаң күүлес истіл сыххан. Көрзебіс, халын өөр, самолёттар,— бомба тастачаңнар ыырчаа «сыйых — гостинца» апарирлар. Анча көп самолёт тигірни туу чабысхан осхас пілдірген. Оларны «ылачыннар» — истребительлер үдес парирлар. Олар нртерінең чазаг чаачылар (пехота) хыймыраныбысхан. Оларны үдезіп, пістің позы чөрчең пушкалар күзүрезок түскеннер. «Берлинзер!» — теен табыстар истіл парча.

Ыырчы мында матап, талдыра саптырыбысхан. Тигірде, тізең, пістің самолёттар хан полыбысхан. Ыырчының пірее-пірее «мессершмиттері», көріне түзіп, пістің «ылачыннарға» сүрдірің, чіт парчатханнар. Ыырчы маан пастырыбысхан.

Одер суғ хазынаң хыймыранғаннаң чаалаза туда парып, пизінчі күнінде, 21 апрельде, Берлинге чиде түскебіс. Мында, Берлинде, ыырчы тың удурласхан. Аның күзін тоозар үчүн, он күнче хазыр харбазарға кирек пол парған. Полған на тураны хатығ тартыснаң холға кирерге киліскен. Пушка угына, бомба чара атылғанына тас туралар изелчелер. Улицача иртче дее чох полыбысхан.

Пістің позы чөрчең пушкалыг дивизион дивизиядагы чазаг чаачыларынаң хада Берлинде Бранденбург хаалхалары районында хазыр чааласхан. Чазаг чаачыларға чол пирбин удурласчатхан пулеметчиктерге паза фауст-патронщиктерге тогыр оларны хыродап турарында пістің дивизион айдас тартысхан. Аннаңар пістің позы чөрчең пушкалыг дивизионға хоza ат пирілген: «Бранденбургскай» тіп. Аннаң пеер пістің дивизион піди адалчаң: «98-чі гвардейскай Бранденбургскай позы чөрчең артиллерия дивизионы».

Хачан пістіңнер Берлиндегі рейхстагта, ыырчының ордызы полчатхан турада, Чиңіс знамязын хыс салғанда, хачан Берлин пістің холыбысха кір парғанда, 2 майда Бранденбург хаалхалары хыринда улуг нимес митинг полған. Мин ол митингте полғам. Аны ундутпаам.

...Мин, «Огонек» журналға чыл сай пазынчам. Агаа хынадырбын. 1975 чыл пасталчатханда, январьда пастагы номері чиде түскенде, анда чапсых ноо нима пардыр тіп, страницаларын хазырглапчам.



Чаа матырлары Бранденбург халхалары хырында.

Мына, онынчы паза он пірінчі страницада – ікі страницаа толдыра улуг сом. Сомның үстүнде піди пазыл партыр: «Оларның аттарын кем адир?» Ол сомны 1945 чылда 2 майда Берлинде чаа корреспонденті Евгений Халдей суурган полтыр. Сомны көрбинен, мин Бранденбург халхаларын танып салгам. Алтында мындаг сөстөр назылтыр: «Огонек» паза Германияна Совет Союзының ынархас обществозы сыгарчатхан «Фрайс-Вельт» журналлар пу митингте полган чаачыларцы тілен табарга чаратханнар. Кем поэын фотографияда табар? Кем мындагы чаачыларның аразына поэынның арғызын, чаачы нанчызын таныза, ш чагыныхы кізізін таап, аннаңар чоохтир? Писсер пазыңар.

«Огонек» паза «Фрайс-Вельт» журналларның редакциялары пу фотографияда көзіділген кізілерні Чиніе күнінің 30 чылы толчатханын пайрамнирга Москвазар паза Берлинээр хыгыртарга хынчалар... Сіредец пічк килерін 1975 чылынның март анынның пастагы күніне теере салгып чабыс».

Піди пазылганын хыгырып алган соонда, сомны кічеп көрглен одырбын, таныс кізілер пар ба тіп? Пістің поэы чөрчөң пушкалыг артиллерия дивизионының поэы чөрчөң пушканы чөргісчөң Иван Королевха төйй кізі турча. Таң ол, таң ол нимес. Аннаң пеер отыс чыл пол парды поза. Аннаң ырах нимес, төремил фуражкалыг чөрчөң дивизион

связиі Алексей Четекинге төп-төй кизи турча. А позымны, тізең, көр-
бинец, танып салдым.

«Нимені соона салдырба — сооп парчан» — тізеңер улуглар,
аннаңар мындаг нимені соотпасха, олох күн «Огонек» журналның ре-
дакциязыңар пічік пазып ыза пиргем, мин пу сомда парбын тіп.

Апрель пасталчатхан туста Москвадан «Огонек» журналның ре-
дакциязыңаң мындаг телеграмма чиде түскен: «Аарлыг Тимофей Нико-
ласвич, «Огонектың» редакциязы өрнісінең искірче. Сіреге иргі чаачы-
лар делегациязыңаң Берлингер, ГДР-зар, чорых парарга үлүс түсче
21—27 апрельде. Москвазар 20 апрельде чидерге. Ну пічік Сіреге гра-
ница озаринзар, пасха хан чирінзер паспорт аларга оңдай пирче. Та-
быраанча паспорт аларга орындагы милициязар айланыңар».

Андаг телеграмма албинан, пасха хан чирінзер парар паспорт
аларга орындагы милициязар айлангам. Ус күн пазыңаң паспорт тим-
де. Тим-тирим тимненіп, тимір хуях хатанып, тиліг учугыстыг ИЛ-18
тимір хусха одырып, тилекейні тиксі көріп, тигір төзін сани көр парим.
Алып-күлүк совет кизи чаян хатыг ханаттыг хара пора хартыга ала
пулут аралы, ай парар чирге алты час пазыңаң читір тур, чыл парар чир-
ге читі час пазыңаң түзір тур. Тогыр турчатхан таглар томых сині тур
халчалар, толгалып аххан суглар чіп чили көрін халчалар.

Москвада даа айбынарга киліспеди. 21 апрельде, Берлинні холга
кирер хазыр харбастарда араласхан хатан алыптар — иргі чаачылар,
тогыс кизи, ИЛ-62 самолетха, ух чили учугыстыг ылачыңа одыра түс-
пинец, Берлингер алдыра парирбыс. Пісең хада, пістің устагчыбыс
попып, «Огонек» редакциязының социалистической страналар пөлин-
нің пастыгы Новелла Александровна Иванова парган. Анча чол парі-
ганда, Улуг Ада чааны тоосхан, ханга тоспас ачын Гитлерні чох иткен
махачы, көпті көрген, күлүк иргі чаачылар, удур-төдір сураглазып,
танысчабыс. Мына Қатышев Владимир Николаевич, Куйбышев обла-
зыңаң миномет батареязының командирі полган, капитан. Сагам пар-
тийнай тогыста. Абовян Амоян Самбатович — Ереваннаң, пулеметчик
полган, сагам орындагы ГАИ пастыгы. Онищенко Леонид Макарович
Актюбинсктең. Разведчик полган, старшина, пүдірігге істенче. Халилов
Умахан Абассович — Дагестаннаң, санинструктор полган. Амды имүі
попып тогыңча. Царькова Надежда Тимофеевна — Узбекистаннаң,
радистка полган, амды пүдірігчи. Бобров Александр Федорович — Москва-
дан, полк командирінің политика саринаң полисчызы полган. Сагам
пенсияда. Махмудов Мехти Абдуллаевич — Бакудан, артиллерия
полкының командирі, полковник полган. Амды ДОСААФ-та хайыңча.
Мин, тізең, Ағбаннаң, поэзы чөрчең пушканы ухтачаңмын, старшина
полгам. Бородулин Иван Алексеевич — Мурмансктаң, разведчик пол-
ган, сагам спорт киреенің инструкторы.

Ана іди чоох-чаахнаң Берлинге читкенібісті пілбин дее халгабыс.
Паза ла көрзебіс, атхан ух чили чөрістіг, арбас-турбас ах пора ылачың,
чирче ойлап парир. Пуган харах асхалахтох, тедег, ікі час аразында
Москвадан Берлинге чиде түстібіс. Махалыг учугыс!

Хачан самолет изин азылып самолеттаң сыхчатсабыс, аалчы сагып-



Берлин, Трентов парк. Совет чаачылар сыырадына чахаяхтар салтылча.

чатхан чон турыбыстыр. Писті көр салбинац, аяларын саап, хайназа түстүлөр. Хол тудыс, хуахтас, күлүнө — тиксі парча. Мына писті хыгыртхан «Фрайе — Вельт» журнал редакциязының тогынчылары өөн редакторы Ноахим Уханняц хада партиянай организациядац кизилер паза Германиянац Совет Союзының ынархас обществозының кизилери.

Писті аэропорт вокзалының пир залынар хыгыр пардылар. Андар кирзебис, аалчы сагаан стол тымде тур. Стол кистине прайзы одырган соонда, аалчы удурлаан улус, аалчыларны алгыстап, чоох тутханнар.

Германияның Социалистическай Пиріккен партиязынац Берлиндеги центр районуның пастагы хачызы Лотор Витт алгыс чоогында теен: «Сирер, Совет Армиязының иргі чаачылары, 1945 чылда хазыр харбастарда Берлинни холга кирип, немец чонын фашизм холынац позытхазар. Ол сыынац немец чоны нос чуртапча. Совет чонының пользынац чон хозийствозын матап көдир парпр».

Германиянац Совет Союзының ынархас обществозының центрдеги район комитединиц устагызы Мацкевич аргыс ниди теен: «ГДРнац Совет Союзының чоннарының ынархазы күннец күнге тыыпча. Пис Совет чонын хада төрөөн харындас члп санапчыбыс. Совет чиринец пистің чирзер килген кизилерни пис иц чагып нанчыбыс тир көрчөбис».

Пістің чоңнарын ынархазы хачан даа сайбалбас, хачан даа молат осахас ник полар».

Анаң пісті, машинаа одырып, Берлиндегі иң чахсы отыс тогыс хадыл гостиницаа кирип, чуртат салганнар.

Пісті ГДР-да іди угаа чахсы паарсаснаң удурлааннарында тың өріністіг пілдір парган. Харындас осахас иң ынағ нанчыларыбыссар килдібіс тін, удур-төдір чоохтас салчабыс.

Пазагы күнінде амдыгы Берлин отыс чыл мының алнындагы чаа харбастарында изел халган Берлиннің хырында хайдагдыр, аны көрерге, машинаа одырып, чөрібістібіс. Албннаң, 1945 чылда, 2 майда сомға суурынган Бранденбург халхаларын көрерге паргабыс. Ол халхалар наачылал партырлар. Оларның хырындагы туралар чоғыл. Орныларында агас одыртылган, чахаяхтар өскірчөң клумбалар. Халхаларның озарында ырагы чүс метрче тесдег тас стена тур парыбыстыр. Аның пу сари ГДР-ның чірі, аархы сари Кидеркі Берлинни полтыр.

Анаң Трентов тін улуг саблыг парксар паргабыс. Анда пөзік тас сом турча — хылыс тудын салган солдат арачылаан немец палачаан хучахтап салган турча. Ол сомның алтында мавзолей. Анда, чалбах тастар алтында, Берлинні холға кирерге хазыр чааластарда үрөң халган 5 муң солдаттың паза офицернің хумартхызы. Ол сомның төзінде піс чахаях - венок салгабыс.

Машинаа одырып, Берлиннің улцааларынча ол-пу районнарын көріп, аар-пеер иледе чөргөбіс. 1945 чылда хазыр харбастарда одыл халган, изел парган Берлинні амды танычаа даа чоғыл. Аринча наа, чнит Берлин пол партыр. Пушка ухтарына, самолет бомбаларына оя, чіре саптырган орынар анда-мында ла, пулуң-салышарда ла пілдір парча. Берлин сіліг полыбыстыр.

Берлинні көріп айлан киліп, «Фрайе-Вельт» журналың редакциясында аалчы полгабыс. Журналың тоғынчыларыпаң танысхабыс. Пісті олар чоо чылыг удурлааннар. Хачаннаң таныстар чіли, улуг паарсаснаң тоғасханнар. Олар пістіңнерге, Совет шрінең килген аалчыларга, иргі чаачыларга сыйыхтар пиргеннер. Піс оларга чірібістөң агылган сыйыхтарыбысты пирглеесбіс.

Ікінчи күнінде пістің хайзы-пірсілерібіс завод, фабрика тогысчыларынаң тоғазыга парганнар. Піс Бобров аргыснаң хада школазар үгрөңчілернең тоғазарга паргабыс. Царьковнаң Онинченко школазар парганнар. Піс ортымах школаа кір паргабыс. Піснең хада тілбесчі. Ортымах школаның директоры Клаус Ребельски пісті үгрөңчілернең таныстырган. Пу школада орыс тілін үс класстан сыгара үгрөніп тастапча полтырлар. Аннаңар алты-чті класстың үгрөңчілері піснең орыс тілінең чоохтасчалар. Піске школада үгрөңчілернең чоохтазарга тілбесчі дее кирек чох полган. Ол школада интернационал ынархастыг кружок пар полтыр. Ол кружок Москвадагы 43 номер школанаң пічік пазызып, нанчыласча полтыр. Угрөңчілер пісті чахаяхнаң удурлааннар. Анаң піс алтынчы класста география урогында полгабыс.

География урогында, хан-сорт Ким суғ хастада хайдаг городтар

парынаңар, анда ноо ниге бсчеткениңер чоох парган. Юрильск город хайдаг чирде турчатханын пілчеттірлер. Анда хайдаг завод пары часпни чоохтаңчалар. Хызылчарны, андагы электростанцияны піліббкчелер. Қимче агас шидірілче, ол агас піссер, ГДР-зар киліббкче, тісчелер.

Урок тоозылар алнында, үгретчі магаа сбс бирген. Мин үгретчілерге хайдаң килгенімни чоохтаанымда, олғаннар хысхырыза түскениер. Ая саап, нызырас турлар. Агбап город хайда турчатханын, В. И. Ленин ызыгда полган Сусты хайдагызын картада көзіт биргем. Олғаннар чоо хынып истіпчелер. Анаң мин мыннаң, чирімнең, апарган «Хакасия» тіп пазылған значоктар сыйлап биргем олғаннарға. Угаа тың брінісчелер. Адрестерін биргениер. Агбапдагы пірее школаның үгретчілерінең пічк алызарға, тапызарға, нанчылазарға тіп турлар.

Ол күнде пісті, иргі чаачыларны, Совет чирінең килген аалчыларны, Совет Союзының ГДР-дагы посолы Петр Андреевич Арасимов хыгыртханың посольствода полгабыс. Посол пісті улуг брініснең, харындастары чіли, удурлаан. Тимнен салған стол кистіне одырып, чоохчаах аразынча пістен хайдаг дивизияда полын, чааласханыбысты сураглаан. Чаа соонда, ибге нанып, нигеде істенгенібісті сураглаанох. Ол поэы Ада чаазында араласханох полтыр. Чарылызарда, ол пісті аарлыг Чир-суубыс улам күстіг, улам сіліг, пай ползын, ишче күс алганын полызарға кирек теен. Анаң, чазыңар узах, хазыңар ишк ползын тіп, алгызын чітірген. Пісенең хада сомга суурыңан.

Берлиннің «Фолькбюне» тіп улуг театрында Чиніе күіне чарыдылган үлүкүн кибірліг чыылыг полган. Хачан піс театрга кіргенібісте, театрдагы чон, азах үстүне тура хонып, нызырастыг, узах парчатхан ая сабыснаң удурлаан. Театрның сценазында тіріг чачахтар, знамялар. Пісті төрзер иртіргениер. Үлүкүн кибірліг чыылыгны Германияның Совет Союзының ынархас обществозынаң Волькстоф аргыс асхан.

Сценада оркестр Совет Союзының гимнін ойнапча. Аның соонаң Германияның Демократической Республиказының гимні пасталча.

Волькстоф аргыс Совет чирінең килген аалчыларны алгыстаан. Анаң партияның район комитедінің хачызы Кноспе аргыс чоох тутхан. Аның соонаң чинт немецтер союзының район комитедінің хачызы Герман аргыс алгыстае чоохнаң айланған.

Үлүкүн кибірліг чыылыгда чоох тутхан аргыстарының чоохтарында піди искірілген: «Сіпер, Ада чаазының иргі чаачылары, 1945 чылда, пісті, немец чонын, фашизмнең осхыргазар. Ол чылдагы май айдаң иер немец чоны, күн чарынн көріп, күлүк совет чонының ползыннаң поэының часкалыг хоннын пүдірче. Чаа тузында изелген городыбысты сіпернің ползыннарнаң азахха тургызып алгабыс. Сіперге, сіперні тамни, прай совет чондаңа хачан даа алгызыбыс полар. Немец чонынаң Совет чонының ынархасы хачан даа ишк ползын».

Чыылыга, ырахтын килген аалчылардаң—иргі чаачылар делегациязының адынаң пандырыг чоохты Владимир Николаевич Катышевнең піс чоох тутхабыс. Мин Илбек Совет Союзының көп паңия чоннарының аразында Сибирь чиріндегі улуг нигес хакас облазының культуразы, хонин ынаг чурттыг прай Совет чонының ползыннаң тың көдіріл пар-

ганын чоохтаам. Хачан мин чоогымда культурабыс, промышленнозыбыс тың кӧдирӱл парганын чоохтаанымда, олар тың даа хыймырабин одырганнар. Оларның ГДР чонының культуразы, промышленнозы кӧдире но-за. Че хачан мин пистӱ областьтың хой саны миллионга даа чит пар-чых теенӱмде, залда одырған чон прай даа теедег хыймыраныза тӱскен. Аралы ая сабыстар. Оларнын хой мал хысха но-за, а мында, тӱзең, кӱчичек автоном облазында ла миллион хой!

Чылыгда Германиянан Совет Союзының ынархас обществозының ӧн хачызы Курт Тимме узун немес алгыстас чоохтаан соонда, тӱзең, чылыгдагы чонның нызырастыг ая сабызынан ӱдестире Совет чирӱнең килген аалчыларның — иргӱ чаачыларнын кӧксӱлерине сыйых — медаль хазаглап бирген.

Иир кӱн Потсдам городсар чӧргебӱс. Ол городта 1945 чылда Гитлер Германиязына тогыр чааласхан союзниктер конференциязы полған. Анда Совет Союзының делегациязы полған. Делегациянын устагчызы Иосиф Виссарнонович Сталин. Америка делегациязының устагчызы Гарри Трумен полған. Англия делегациязының устагчызы пастап Уинстон Черчилль полған, соонзар Климент Эттли араласхан. Ол конференцияда чиңдӱ салған Германияны хайди идерденер чӧптескеннер.

Конференция полған турада тегӱлек улуг стол турча. Стол ӱстӱнде ӱс государствонун флагтары. Делегацияларның тогынчаң туралары ал-алынча. Делегациялар чӧптесчен тура Цецилиенхоф тӱп пиктиг хорымда (замокта) полтыр. Ол пиктиг хорым хыринда мының алнында корольлар, герцогтар, принцитер чуртачаң дворецтер. Иң улуг, сӱлӱг фонтанныг, бассейнӱг дворец Сан-Суси тӱп адалча. Сагам оларда кӱзи чуртабинча, олар музей кибирилӱг турчалар. Оларны аннаң-мыннаң килген кӱзилер кӧрерге чӧрчелер.

Потсдам городта чапсых, история кирген немелер илеседе полтыр. Город таа сӱлӱг кӧрӱмнӱг.

Потсдам город пастыгында — бургомистрде аалчы полгабыс. Ол пистӱ алгыстас чоохнаң удурлаан. Городтың, хачан тӧстелӱп ӧскен историязын хысхачахти чоохтаан. Сагамгы туста город хайди чазалчатханын, аның чоны ноо нименең истенчеткенӱн искирген. Аннаң аалчыларга сыйыхтар бирген.

Панар кӱн алнындагы кӱнде Бранденбург халхалары хыринда митинг полған. Митингте ГДР армиязының чиит чаачылары, чиит немецтер союзынын членнерӱ, пионерлер араласханнар. Митинг пасталчатханда, Совет чирӱнең килген иргӱ чаачыларга пионерлер чахаях букеттер биргеннер. Мойныларына хызыл пионер галстугын палгап биргеннер.

Митингте чоох тутханнар Германиянаң Совет Союзының ынархас обществозының кӱзӱзи, чиит чаачылардан, чиит немецтер союзының членнерӱнең, пионерлерден. Олар чоохтарында, иргӱ чаачылар хазыр чааластарда фашизмнӱ чиңдӱ, немец чонын фашисттер хольнаң оскырып, немецтернӱ пос чуртадып, часкалыг хоных холга пир салганын, немец чииттерӱ хачан даа ундубастар, андаг улуг чиңкӱсти холда пик тударлар, тееннер.

Партия райкомының хачызы Лоттер Витт, митингте чоогын тоосчадып, аалчыларның холына знамя бирген. Пызырастыг ая сабызынаң үдестіре, знамяны холга алган иргі чаачылар делегациязының адынаң Катышев аргыс.

Знамяны иргі чаачылар холына бирчедіп, Лотар Витт тілче: «Мин Германияның Социалистической Пиріккен партиязының адынаң, ГДР-ның істенчилерінің адынаң Ада чаазының иргі чаачылар делегациязын ізендірчөм — Германиянаң Совет Союзының ынархазы пик, хачан дая сайбалбас».

27 апрельде иртен снгіс часта, Берлин хыриндагы Шанефельд тіп аэропортта ИЛ-62 самолётха одырыбызып, Москвазар алдыра, он ікі километр пөзік паза часта 900 километр табырах пулуттар үстүнче хоолн түскебіс. Ікі час пазынаң Москва хыриндагы Шереметьев аэропортта самолёттаң сыгара салдыбыс. Көрзөбіс, «Огонек» журналының автобузы пісті сагып тур. Түрчө ле полбннаң «Россия» гостинницада чиде түскебіс. Гостинницада піске комнаталар тимшел партыр. Анда чуртап-мөтөп сыхтыбыс.

Олох күнде, түрчө тынанган боонда, пісті Москвадагы съездтер полуаң Дворецті көзідерге апардылар. Дворецтің залларын прай көргледібіс. Айнаң андох «Чю-Чю-Сан» тіп спектакль көргөбіс. Хыныг спектакль полтыр. Көңнібіске кірген.

Пазагы күнінде иртен ырахтын килген аалчыларны аалладып иргі чаачыларның Совет комитеді хыгыр парган. Андар килгенібісте, пісті Комитет президнумының кнезі, ікі хати Совет Союзының Геройы армия генералы Батов аргыс тың чылыг удурлаан, анынаң хада Комитеттің бөн хачызы Совет Союзының геройы Маресьев аргыс полган. Андох полган чаа корреспонденті Халдей аргыс. Аның 1945 чылда, 2 майда Берлин пістің чаачыларның холына кіргенде, Бранденбург халхалары хыринда митингті суурган сомы 1975 чылда сыххан «Огонек» журналының пастагы номерінде полган.

Батов аргыс иргі чаачыларның сагамгы туста чир-сугларында ноо шменец тартызып істенчеткеннерін сураглаан. Чуртас хайди парчатханын истерге хынчатхан. Айнаң аалчыларга, Берлинні холга кирер хазыр чааластарда араласхан чаачыларга, бнетін чахып иттирген медаллар көкөселеріне хазаглап бирген.

Аннаң сыгып, Владимир Ильич Ленин чуртаан тураны көрерге чөргөбіс. «Огонек» журнал редакциязының улуг нимес автобузынаң Москваның саблыг орыннарын көріп, ойлат чөр пар килгебіс.

29 апрельде Совет Союзының Тирігліг күстерінің музейінзер чөргөбіс. Андар піс Берлиншең агылган знамяны апаргабыс. Музей пастыгы, пістең ол агылган знамяны алып, пісті музейдегі хачаннаң сыгара, чаачылар хайдаг тиріглернен чааласчаң полганынаң таныстырган.

Аннаң айлан килгенібісте, пісті «Огонек» журнал редакциязынзар аалчы идіп, хыгыр парганнар. Анда журналының бөн редакторы Анатолий Владимирович Софронов удурлаан. Позының редакция тогынчыларынаң таныстырган. Хачан улуг стол кистінзер, сайгалыстыра, одыр салганыбыста, Анатолий Владимирович чоох тутхан. Ол піске «Огонек»

журналның редакциясының мынаң аңдар журнал хайдаг чапсых, хыгырыгыларның кӱнине кирер нимелер сыгарарга сагыс тутханҗарынан таныстырган. Аалчылар чоохтанганнар, мин чоохтанҗамох. Пістің сообыстан піснец хада аалчы полчатхан генерал, Берлинде гарнизоннаң турган 5-чи Ударнай Армияның Чаа Советінің члені сағам запастагы генерал-лейтенант Боков аргыс чоох тутхан.

Журнал редакциясында саблыг кинорежиссер Бондарчук аргыс полтыр. Ол піске Михаил Шолоховтың «Олар Чир-суубыс үчүн чааласханнар» тіп романын кинофильм идіп тургызарга хайди тімнеенін чоохтаан.

«Огонек» журналның редакторы Софронов аргыс аалчыларга, иргі чаачыларга, «Огонектың 50 чылы», тіп адалған значоктар сыйлап пирген. Магаа, тізең, журналист кізее, «Огонек» журналның корреспонденті тіп удостоверение пирген.

Апрельнің түгенчі күнінде пісті А. В. Софронов актер студиязы театрзар хыгырган, анда орыстап «Милый странный доктор» тіп адалчатхан күлкістіг ойын көрерге. Аны Софронов аргыс пастыр. Сынап таа күлкістіг ойын полтыр. Артисттер маңат ойнааннар.

Хачан ойын тоозылганда, Анатолий Владимирович, сценаа сығып, театрга толдыра ойын көрерге килген чоңга искірген: «Аргыстар, театрның залында сірернең хада ойын көрділер Ада чаазының араласчылары, иргі чаачылар. Олар «Огонек» паза «Фрайе-Вельт» журналлар редакциясының хыгыртинаң ГДР-зар чӱр килділер». Чон, азахха турып, узах нызырастыг ая сабыснаң удурлааннар Софронов аргыстың искірини. Ол туста піс, иргі чаачылар, сцена алында чоңзар айландыра тургабыс.

Майның пастагы күнінде Хызыл илощадьта полгабыс. В. И. Ленин чатхан Мавзолей хыриңда, аның алтынархы саринда төртінчі трибунада тургабыс. Піске үлүкүнде хызыл Площадьсар кірчең пропускты кичееӱк агыл пиргеннер.

Майның ікінчі күнінде, иртен, пір часта, ИЛ-18 самолётха одырып, адам чирі аарлыг Агбанымзар чол тудыбысхам.

**ПОЛКОВНИК
МОРОЗОВ**



Полковник А. Г. Морозов

Москвада Преображенская уллицада күпнн сай мунар кизилер чөредирлер. Оларнын аразында улгаадыбысхан, че ам даа чапчац, нинк-саах кизипи көрерге чарир. Көгін хырбых түзбискен хойыг кирбе сагаллыг, пирде наарсах хормачыланьснац, пирде тоц молатнац сагыла түсчөткен, пирде көрзец паза ундулбас көстиг, олацай ла кинтиг, олацай ла кизи. Че пирее-пирее революционнай пайрамнар күннеринде ол.

Совет армиязынын полковнигинин кибин кизин, праи орденнерин, медалларын паза махачы чаачы полганын киречилепчөткен таныгларын хазапыбысса, көббөк кизилер аныцзар хайхаснац паза аарласнац көр турадырлар. Анын көксинде iki Ленин ордени, үс Хызыл Знамя ордени, пис Хызыл Чылтыс орденнери, «КВЖД чаачызына», «Аарластыг чөкист», «Аарластыг тимир чолчы» тип таныглар чалтырасчалар. Андаг матыр, силиг үлүс полган на кизее түзер чогул.

Фашисттернец хатыг чаа тузында фашист азымахчыларынац күрезижде ол Совет армиязынын командованиезинин өнетин пирилген чахинин толдырган: Белоруссияда ыырчыдац махачы хабысхан «Туттырбастар» тин өнетин тимнелген партизаннар бригадазынын командирин полган.

Ыырчы пу бригаданыц адын на исте, хорыгып, халтырап пастацац. Ыырчы ух-тиригилг, көп санныг чаачы чыып, ам тудам, ам чох идөм тин сагынца, «Туттырбастар» ыырчы сагыбаан чирдец сыга салып, азымахчылардац аяг чох өс алчацнар. «Туттырбастар» командиринин пазын фашисттер 10 000 маркаа паалааннар. Оларнын чыстагчы, истөгчи табаннары тиллерин сыгарганча тинзilenip, пир дее нимее чарабауацнар. Ыырчынын чазыт пичиктеринде ол Смирнов тип адалчац. Сын киректе, тизөц. Анатолий Григорьевич Морозов. Сагам анын адын ал чөрчелер Витебск паза Гродно областьтарындагы иледе пнонерлер отрядтары. Хызыл истөгчилернин онар отрядтары чылнын сай «Туттырбастарнын» партизан чолларынац иртедирлер. Полган на икилер чыл пазынац «Туттырбастар» бригадазынын чаачылары паза командирлерин странаныц праи сарила-

рынаң Бакінты аалда партизаннар съездтеріне чылызадырлар. Ол аал Белоруссиядагы Гродненской областьтың Юратишской районьнда. Көптi көрген матырлар, мында ханныг харбазыгда арыг тыннарын пир салган аргыстарын адап, изен-хазых халганнарның хачан даа салыхпас ынархазын аарлидырлар.

Белоруссияда партизан чөрімі чаа пасталгандох тыып пастаан. Ыырчының холындагы чирлерде партизаннар отрядтары төстелген. Ыырчаа тогыр прай чон көдірілген. Олох туста Москвада өөн командованияның көзидиннең өнетін отрядтар тимнел турганнар. Оларны ыырчының холына кір парган чирлерзер ысчаңнар. Олар анда партияның чазынып тогыңчатхан комитеттерінең палгалыс тудып, чон аразында политика тогызын апарчаңнар.

Андаг отрядтарзар өөнінде пос көңнінең сурьинган кізілер — коммунисттер паза комсомолецтер ызылчаң. Москваның партия паза комсомол организациялары СССР-ның спорт устарының, КПСС ЦК-зындагы Ленин курстарында, пбзiк пiлiс алуаң погран-школада ўргенгеннернің санынаң андаг отрядтарга пос көңнінең сурьинган илееде көп кізі чыып пиргеннер.

Андаг отрядтар I-гы стрелковой бригаада төстенгеннер. Ол туста бригаданаң полковник Орлов устаан. Соонаң, тізең, генерал-майор Гриднев. Ну бригадада ыырчынаң харбазарга ўргенгеннер Совет Союзының матыры Медведев устаан отряд, кип-чоохтарга кір парган саблыг совет разведчигі Николай Кузнецов паза пасха даа онар матырлар.

Фашисттер хан-пиг пол турган чирлерде өнетін пирілген чахыгны толдырар үчүн «Туттырбас» тіп отряд төстелген. Ана ол отряд, прайзы 29 кізі, хараа 5 мартта 1942 чылда фронт кис чарып, өнетін пирілген чахыгны толдырып пастаан. Отрядтың өөн турлаа Полоцк городтаң ырах нимес полган. Махачылар сах андох Полоцктагы чазынып тогыңчатхан партия райкомынаң палгалызып алганнар. Ол туста райком хачызы пöлып Георгий Сергеевич Петров тогыңган. Аның соонаң отрядсар орындагы чуртагчылар, частьтарынаң астых халган, алай ба фашисттер концлагерынең тискен хызыл чаачылар хозылып пастаан. И. П. Комлев, П. Ф. Лученок, А. Д. Пятойкин, А. С. Меркуль устаан партизаннар пуох отрядха хозылганнар.

Полоцктагы паза Витебсктегі чазынып тогыңчатхан партия райкомының паза обкомының полызынаң өнетін төстелген отряд саны муң чарым кізее чит парган. 1942 чылның халганчызында аны «Туттырбастар» тіп партизаннар бригадазына айландырганнар.

Бригада комиссары Борис Львович Глезовтың устаанынаң прайзы читі кізі Полоцк-Борисово тимір чолда Адамово станция тузында тимір чол тахтазын чара чачырадыбысханнар. Аның сылтаанда ыырчының пүкүлее эшелоны паза нинче-де штаб тогыңчылар килиген вагоннар, уналып, чар азыра күзүри халганнар. Агаа ачырганып, фашисттер үс күнге Полоцкта траур чарлааннар. Андаг полган бригаданың пастагы хатыг сабызы. Отряд, соонаң тізең, бригада командирі полган Совет Союзының матыры капитан М. С. Прудников. Соонаң ол «Туттырбастар», «Туттырбастар хайыңчалар» тіп книгалар пас салган. 1942 чылда аны

Москвазар хыгыртыбысханнар. Аның орнына бригада командирине А. Г. Морозов ызылган. Морозов ырычынаң харбазыга тазых парган махачы командир полган. Туладагы тогысчы кизиниң оолгы Анатолий Григорьевич иртөк тогынып пастаан. Семьяда сигис кизи полган. Пабазы иртөк үрөп парган. 14 частыг Толя Морозов печатниктиң үргенчизи поляп тогынып пастаан. 1917 чылда ол тириг итчен мастерскойда тогынча. Мындок комсомолга кирип, Хызыл Армия парча. 1920 чылда оларның полкы кидерки фронтсар ызылча. Мында агаа иң улуг ырыс түсче — Хызыл чаачылар алында Владимир Ильич Ленин чоох чоохтаан. 1923 чылда Морозовты коммунисттер партиясына алчалар.

Хачан Парком орынчызы Анатолий Григорьевичке, фронт кизип, партизаннар бригадасынаң устурга чөп биргенде, прай аның чуртазы — ахтарнаң, басмачтарнаң, кулактарнаң, хасхыларнаң харбасханы, КВЖД-дагы киректер — харах алында, кино ла кадрлары чили, ар-тандыра көринибискен.

Орай ирде де килген наркоматтаң ибзер Анатолий Григорьевич. Чаа кибин кизип, парчан орденнерин хазаныбысхан.

Толя, тойга-найга парчаның ма, нога иди чазанчазың? — холын на чаза тастаан ипчизи Мария Васильевна.

— Илме чох, иди кирек, ичечебис, — хысхачахти нандырган апсаа. Я, пу сөбстер сын полганнар. Командирниң махачызы паза пилизи үчүн чаада алган прай сыйхтарын хазаныбысса, пис агаа даа паза поэмысха даа изенчечимс тп сагысха кирчелер партизан полган чаачылар. Ибде агырыг халган Паташа хызычаанаң, тизең, паза көризерге Анатолий Григорьевичке киліспеең.

Харасхы апрель хараа Морозов паза аның аргыстары — 25 кизи Москвадаң килзер көдірілгеннер. Че ырычы самолётты иртірбин ат турган. Нандыра айлаңарга киліскен. Лётчиктер командирі Совет Союзының Матыры Валентина Гризодубова хайди даа тобырарга кирек, угаа аарлыг чахыг тп, лётчиктерге пазох учугарга чахаан. Икүнчизин ырычының чалының ухтарын иртіп алганнар, фронт кизип, партизаннар аэродромына түскеннер. Морозов устап-пастаан бригадада он отряд полган. Прайзы пир муң үс чүс кизи. Икі муңча партизан поларга хынган орындагы чуртагчылар. Прай хынганнарны отрядтарга аларга ух-тириг чидіспин турган. Харахха көринмес чоллар настыра партизаннар ырычының иң улуг чазыттарын пилип ал турганнар. Бригадада госпиталь, тириг паза пиротехника тыхтачаң мастерскойлар, өдик паза кип-азах тікчен мастерскойлар, тууп итчен паза хаях пысчаң улуг нимес заводахтар тогыгганнар. «Улуг чир» партизаннарға азых-түлүк, ух-тириг ысчаң; парашюттар изінен, партизан устары істіне кичең кип-азах тікченнер.

Мында танызып алган А. Г. Морозов партизаннар отрядының командирі И. П. Комлевнен.

— Миниң алымда көк тигир өңниг көстіг, угаа сизиктиг паза чугаңныг кизи турган, — сагысха кирче Морозов. — Ол отрядының тогызынаңар чарыда искір бирген. Тол даа читпезе, отряд ырычы эшелоннарын чар азыра учухтырарын хайди хызырбинча тп сурыга Комлев пиди нандырган:

— Иіс, майор аргыс, ыырчының паровозтарын танктар атчаң мылтыхтарнаң хырчабыс. Паровоз хазанына теерте атсаңоң,— состав илдеріл халча. Комлевтің чоогына прайзы хайыг айландырган. Аның соонаң прай даа отрядтар танктар атчаң мылтыхтарнаң тузаланып пастаан. Ыырчы тимір чоллары уламох удаа сайбал турган.

Сизіктіг, хыйга командир бригада командирінің көңіне кірген.

— Белоруссың ма? — сурган Морозов.

— Арда чох. Сибиряккың, майор аргыс, Хызыл чар крайындагы Хакас автоном облазынаңмың,— чаачы ондайынаң арландыра нандырган Комлев.

Ана іди пасталган оларның чаачы ынархазы. Комлев дисциплина сайбабас, сала даа ачыг суга тартылбас кізі полган. Бригада устагчылары арагаа тартылганнарнаң ікінчилес чох күресчең. Сала даа амзаан үчүн хатыг ыролир ондайлар көрлчең. Че оларнаң тузаланарга киліс-печең. «Туттырбастар» партизаннары — пөзік піліністіг, ізестіг матыр чон полган.

Комлевтің отряды пасха отрядтардаң көмес ортах арах Кпдеркі Двина озарында турчаң паза Витрицкай районны пүкүлесе дее холда тутчаң. Революционной пайрамнар тузында Комлев паза пасха даа партизаннар устагчылары аалларда чыылыглар иртірүсчнер, фронтта парчатхан киректердеңер чонга сының чоохтагачлар. Хай-піресе орыннарда партизаннарның агитбригадалары тогынчаң.

Комлев отрядына төстенің, бригада госпиталы төстелген. Госпиталь пастыгы полчаң Мурашкина, сагам Шевченко. Ам ол медицина наукаларының докторы, Челябинсктегі медицина институтында гинекология кафедрасынаң устаңча.

1944 чылда май айда Комлевтің отрядында прай бригаданың пайрамның чыылың ирткен. Чыылыг бригада төстелген күнге чарыдылган. Чыылыга прай отрядтар ысхан махашылар чыылысхан. Ол чыылыгда партияның Барановичскай чазынып тогынчатхан обкомының хачызы Е. В. Чернышев (соонаң Совет Союзының матыры, Белоруссияның КПСС ЦК-зының члені, Приморьедегі КПСС обкомының пастагы хачызы) чоох тутхан. Иледе партизаннарга «Ада чир-суубыс үчүн чаа партизанына» тіп медальлар пирілген. Пайрамның чыылыг тузында фашисттер авиациязы киндең чаалап сыххан, че азынада тимшеен чазынчаң орын сылтаанда, чідіг чох полган.

1943 чылда пастин «Туттырбастар» тиксі дее тимір чоллар сайбап пастааннар. Ыырчаа фронтсар чаачылар паза чаа тириңи ызарга улам на сидік полыбысхан. 1944 чылда ла январьдаң июньга читіре Морозов устаан партизаннар ыырчының 103 эшелоның чох ит салганнар, ол санда, чаачылар тарт париган 25 эшелон. 10 тахта, 3 автомашина, пір танк чара чачыратханнар, пне муңча фашист өдіргеннер паза палыглааннар, 253 офицерні пленге алганнар.

Ол туста «рельстер чаазының» иледе матырлары төріп парган. 15 частыг Петя Лисицин тимір чолда 15 килкім сайбаг салган. Махачы паза матыр хылынызы үчүн чинт партизан Ленин орденінең паза пастагы класстыг Польскай партизан крезінең сыйыхталган. Петя Лисицин



«Туттырбачацнар» тип партизаннар бригадазының кизілері.

изен-хазых. Сагам ол Гродно городта прокуратура следователы полып тогынча.

Хас хачанга даа ундулбас матыр кирек ит салган партизаннарның 16 частыг устагчызы Эдуард Соломон. Чахыг толдырчадып, Соломон паза ол устаан партизаннар тими́р чолга чагдап одырғаннар. Оларны ыырчы сизин салган. Хадагдагы вышкалардаң килкім пулемёттар атып сыхханнар. Партизаннар чадыбысханнар. Турчедең ыырчынын эшелоны пртер. Чахыгны хайди даа толдырарга кирек. Соломон, толлыг тиріглер хурчанып алып, тими́р чолзар чыл сыххан. Эшелон пу ла хоолап одыр. Соломон поезд теглектері алтына сегірген. Хоргыстыг хазыр күгүрт ибір-кі чирні халтырат халган.

Эдуард Соломон — Ленинград оолгы. 1941 чылда чайгызын Полоцктагы чачазынзар ааллап парган. Ол туста чаа пасталыбысхан. Школа угренцизи сах андох Пятойкинни партизаннар отрядына хозылган. Соонаң пу отряд «Туттырбастар» бригадазына піріккен. Угаа чуганныг, нымзах кизи полган ол. Музыкаа хынчаң, скрипка ойначаң. Чаалазыгда

сизіктіг паза ізестіг тудынчаң. Аниаңар аны партизаннар группазынаң устирга тургыс салганнар.

Чаа соонда Морозов Эдуардтың паба-ічезін таап аларға күстенген. Че, матыр оолның паба-ічезі паза хыс туңмазы блокадаа кірген Ленинградта үреп партырлар. Сагам Лида город хыринда Эдуард Соломон арыг тынын артыс салган орында хумартхы тас тургызылган.

«Туттырбастар» ырычының күзін паза тимнеп турған чазыттарын піліп аларға күстенеченер. Бригада чааласхан прай даа городтарда паза аалларда чазынып тогынчаң кізілер пар полчаң. Андаң кізілер фашисттер комендатураларында, штабтарында, пленге кірген чаачылар лагерлерінде пар полчанар. Чыылган хабарлар бригаданың разведпöлинде үзүрлеченер паза радист хыс Евгения Савинаны пастыра Москваз ар искірілчешер.

«Туттырбастар» чон аразында политика тогызын піліп апарчаңнар. Орындагы чуртагчыларнаң ноо даа тогазыгда партизаннар политика хабарларын паза «Соинформбюро» искіріглерін чонга тарадарга күстенеченер. Партизаннарның постарының агитбригаданы пар полган. Анынаң устачаң «Мосфильм» тогынчызы М. Я. Скрябин. Мында даа таланттар пар полчаң. Комиссар Березинцев баритоннаң «Чир турачакты» паза «Мишка—одеситті» сарначаң. Отряд командирі Василий Гриненко орыс паза украин сарыннарын чакхы сарначаң. Цирк артизі полган Афониннің дее искусствозы туза полгаң. Ростовтагы опера паза балет театрының солизі Андрей Кулва партизаннарзар оой нимес чолнаң килген. Ол «Боровуха-2» фашисттер плендегілерні тутчаң лагерьде полган. Лагерьде аргыстарына чон сарыннарын паза опералардаң ариялар ырлачаң. Анзы Гитлер табаннарына истіл партыр. Табаннар лагерьдегілерге ырчының концертін искіреге тимненібіскенер. Концерт программазын лагерь пастыгы поэзы чаратхан. Ырчы ырлап пастаан. Плендегі чаачылар пір чөппең ая саап турганнар. Гитлер табаннары нимес салбин, ырчайызып одырганнар. Кинетін ырчы сым турыбысхан. Анаң нинче-де хаалаг алнынзар пазып, сарнап сыххан: «Широка страна моя родная». Плендегілернің аразынча туюх сыыт салгагы салгыла түскен, че ырчының үні улам на тыып, улуг сан чілі хоолаан: «Че көміскебіс хазыр көдірербіс, Хызна ырчы пазынып аларга»... Эсэсовецтернің мылтых саптарының тазылазы махачы сарыны үзс тартхан. Ырчыны чоо согып, талдыра саап, карцерээр сөбртеп парыбысханнар. Че Андрей Кулва маң иирбеен, сала оңдайланып алып, концлагерьдең тизібіскен. Арыгда аны партизаннар хадарчылары таап алганнар. Партизан ичелері, тізең, аны тимнеп, азахха тургызып алганнар.

Штабтагы хысха чөптөзіглерде командирлер партизаннарның чаада паза политика чарыдарында иткен тогызынаңар паза чонның көңіненер искірчеченер. «Мин хачан даа ундубасын, хайди пірсінде пістің аалзар партизаннар килгенін. Аал чылыи пасталган. Чылыгыда чоох тутхан командир Комлев. Ол Хызыл Армяның 26-чы чылы толчатхан пайрамнаңар, фронттагы киректерденер чоохтаан. Хайди паарсап тықнаанчыхтар аның чоогын чабал-чубал кип-азахтыг, астаң хызыл турган кізілер. Анзын пос ла хараанаң көрерге кирек. Көп кізілер ыл-

гас турган»,— ана іди сагысха кирче ол чирлерде олган тузы ирткен кизи Ф. П. Демина. Сагам ол Хызылчардагы ДОК тогынчызы.

«Туттырбастарның» прай тогызының сын чулазы полганнар коммунисттер. Олар оой нимес тогыснаң піліл устааннар, прай чоңның паза партизаннарның аарлазынаң тузаланганнар. Бригаданың 25 процентті коммунисттер полган. Чазынып тогынган партия комитеттері партизаннар тогызын орта анарарга полыханнар. Ол туста Морозов партияның чазынып тогынган үс комитедінің бюро члені полган.

Совет Армиязы ырычыны кидер хызып одырза, партизаннар бригадазы Белоруссияның кидеркі районнарынзар парып одырған. Полоцктаң сыгара 600 километр чорых идіп, «Туттырбастар» Гродненской областытагы аалга чыткеннер. Мында назох ырычая ис-тыс ппрбин харбасханнар. Бакшты Юратишки — Лида — Гродно орыннарда бригада партизаннары ырычая тогыр чытон азыра чаалыг-сайбагыг киректер иткеннер. Оларның иң килкімі — Юратишкиде турган ырычы гарнизонын хыра сапханнары. «Туттырбастарның» чалтанмас хылышызынаң сыдас полбин, фашисттер бригада партизаннарын чох идере «СС» полкын ыза пиргеннер. 14 мартта 1944 чылда Юратишкизер ырычының 600 чаачылыг батальоны, аннаң хада полк штабы, полк командирі «СС»-тің өйи устаг-пастаандагы кизи хаупштурмфюрер Биллинг паза «СС» — чаачыларының өйи устаг-пастааның пöllиннің пастыгы штурмбанфюрер Херман чиде салдылар тіп искірген разведка.

Ырычы холындагы чирлерде партизаннар улуг тогыс анарган сылтаанда, 22 немец чаачызы паза офицер партизаннарзар постары тис килібіскеннер. «СС» — чаачылар полкына іскертін» кылген партизаннар бригадазын унат салар паза Бакшты, Заберезь, Белокорец аалларда фашисттер гарнизоннарын тургыс салар пöгін тургызылча тіп искіргеннер олар. Партизаннар бригадазынаң тогыр чааны ікинчи батальон килзе, пастирга тимненген ырычы.

Бригада командирі А. Г. Морозов, аның орынчылары С. Г. Морозов, Н. В. Волков паза комиссар В. С. Березинцев ырычыдаң азынарга паза ікинчи батальон кылгенче, Юратишкидегі гарнизонны хыра сабызарга чаратханнар. Че гарнизон ДЗОТ-тарнаң, окоптарнаң паза сунгар хазылган оймахтарнаң хуяхтыг полган. Агаа хоза Юратишкилерден ырах ниместе полганында ла пирер роталыг 6 гарнизон турган. Ивы орындагы гарнизонда, тізең, муң артиснаң автоматтыг чаачылар саналган.

Ол туста «Туттырбастарның» 2 отряд паза чоллар, тахталар чара чачыратчаң чаачылары чахыг толдырарга парыбысхан полганнар. Ол ондайнаң гарнизонны чаалырга 410 кизи пирілген, ол саннаң 167 партизан, хончых гарнизоннар тибіребіссе, оларны тохтадарга тіп, чазыт чирде китеп турганнар. Оларнаң устааннар командирлер П. П. Комлев, П. А. Полунин, В. П. Гриненко. Көні гарнизонны чаалырга 243 кизи халган. Оларнаң устааннар командирлер А. К. Александров, Сапожников, Щербина, Лученок, Дюжев.

2 апрельде иртен 5 час 30 минутада партизаннар ырычыны чаалап пастааннар. Ырычы уйгуда полган, алаң ас парган, че андаг даа полза,

чоо удурласча. Махачы партизаннар пу гарнизонны прай хыра сапханнар, 112 фашистти пленге алганнар, чазыттыг документтер, азых-түлүк, пасха даа тим-тиріг холга киргеннер.

Пу махачы, матыр харбазыгның пір тузында арыг тынын пір салган белорусс партизаннарының туртухпас командирі, пістің чир-сугчыбыс Иван Павлович Комлев. Ол тууп плащтыг, улуғ лейтенант погонның тирігліг килген полицайларзар удур, сылагай сынын көні тудын, хыйга көстерін удур көрпін пастырған: «Тириңер тастаңар, чуртазыңар халгызаң!» — хысхырган Комлев оларга. Полицайлар пастап туртугын, че пірсі пірсінең соонаң тиріглерін тастап пастааннар. Ол туста «Иван Павлович, анда эсесовеңтер!» — тіп хысхырып, чолзар партизан Иван Малышко чүгүрген паза хыңчаң командирінің алнына турыбызарга маңзыраан, че орай. Полицайлар кистінең автомат тадырын, оларны ікізінең кизе саап парған. Че халған аргыстары хырт ырычыдаң хазыр бс алганнар.

1944 чылда июль айда Совет армиязы Белоруссияда ырычыны тиккі дее хызыя пастаан. Партизан чөрімінің өөн штабы прай партизан бригадаларына паза отрядтарына «рельстер чаазына» сыгарга чахыг ирген. Пір сөснөң, ырычының чаачылар паза техника тартчаң чолларың сайбирга. «Туттырбастар» командирлері Юратишки станциязар пазох килген гарнизонны чаалабызып, прай станцияны тогыммас иде сайбабызарга чаратхан.

19 июньдагы хараа партизаннарының гарнизон чаалыр күстері азынада көрілген орыннарзар сых килгеннер. Ол туста станциязар, солдаттар паза офицерлер одыртхан класстыг вагоннар тарта, эшелон чит чөр. Ырычының күзі угаа көп хозыл парды. Андаг даа полза «Туттырбастар» командирлері гарнизонны чаалырын тохтатпасха чаратханнар. Паа килген эшелон фашисттер гарнизонының паза партизаннарының атар ухтарының ортызында турған. Эшелондагылар үрүк парғаннар. Урүккен солдаттар, вагоннардаң түзіре сегіріп, пазох вагоннарзар кире чүгүрібіскеннер. Пір километрче ниске чирде партизаннарының оңар пулеметтары, чүс азыра автоматтары, иңиче-де танктар атчаң мылтыктары атып сыхханнар. Гарнизон фашисттері, үрүк парып, постарының эшелоннарыңар миномёттарнаң атып пастааннар. Чаа ікі час отыс минута парған. Нефть хайраллачаң ідістер паза прай станция от чалынаң көйібіскенде ле, Морозов матыр партизаннарга нандыра парарга чахыг ирген. Чаалазыг соонаң пу пөлікте поездтер сутка артынаң чөр полбааннар.

1944 чылдох «Туттырбастар» Совет Армиязының частьтарының, генерал Колюченконың кавалеристтер дивизиязынаң тогасханнар. Пу бріністіг тогазыг Августовскай арыгларда іскеркі Пруссияның границаларында ырткен.

...Мин бригада командирі А. Г. Морозовты угаа үр көрглөем. Партия паза Совет органнарыңар, Белоруссиядагы илседе областьтарының военкоматтарыңар пічіктер пасхлаам. Бригада киректерін киречі-лепчеткен нандырыглар килчек, че бригада командирі Смирнов полған тіп искірөңнер.

Че Юратишкидегі Горпосовет кнезі Боброк аргыс ла Смирнов — бнетін төстелген бригада командирінің псевдонимі полган тіп нандырган. Олох магаа полковник Морозовтың адресін бирген. Ана іди мин Преображенской улицада Москвадагы истіг квартираа килем. Частар даа ирткені пілдірбинче. Анатолий Григорьевич Комлевтеңер, Соломоннаңар, комиссар Березинцевтеңер, Комлевке «Боровуха-1» фашисттер концлагерінен тизерге полыхсан постаң партизан Ваня Титовтаңар кееркестіг чоогын айнытча.

Анатолий Григорьевич хада харбасхан нанчыларының көп санның пічіктерін көзітче. Полганына ла нандырарга, полганына на поэның улуг чўреенің чыллиннаң чылыдарға тус таапча ол. Мына Лида городтагы КПСС горкомының хачызы Морозовтың сурынызы толдырылды — чаа тузында чазынып тогынган П. Ф. Кумидор нпчее чохсы квартира аларға ордер ширілді тіп искірче. Кумидор «Германияны чикеннең перер 20 чыл» тіп медальнаң сыйыхталды тіп искірілче олох пічікте.

Улицаларда кізілер дее арам. Көблүче тоолапчалар кілің ах харычактар. Иртен, тізең, уллицаларда пазох чўзер машиналар чўгүрізер, муңар кізілер маңзыразар. Оларның аразында амыр тогызына маңзырар Анатолий Григорьевич Морозов — олаңай совет кізісі. Арган нимес, арландыра сын кізі.

Тілбестеен М. Баинов

К. М. ПАТАЧАКОВ

ДЕКАБРИСТТЕР МИНСУФ УЕЗДИНДЕ

(Декабристтер восстаниезіне 150 чыл)

14 (26) декабрьда 1825 чылда Петербуртта хан ўлгўзінең тогыр хабызыг (восстание) ирткен. В. И. Ленин ол хабызыгны Россияның историзында иң пастагы революция тіп санаан. Пу хабызыг хан ўлгўзін алыстырар, крепостной правоны чох идер паза кресен чоңны пазыгдан поэдар ўчўн иртірілген. Монархия орнына Республика тургызарга кирек полган. Хабызыгнаң устааннар дворяннар-помещиктер аразынаң сыххан политика сурыгларынаң теесчеткен офицерлер.

Декабристтернің ханнаң тогыр хабызны поэның алында тургысхан пөгінні толдыр полбаан. Ханның армиязы алыңча чаачылар көдірген хабызыгны чабыра пазыбысхан. Ханның чахынаң декабристтерні хатыг чаргылааннар. Оларның иң улуг устагчылары П. И. Пестельні, К. Ф. Рылеевті, С. И. Муравьев-Апостолны, М. П. Бестужев-Рюминні паза П. Г. Каховскийні — Петербуртта чоң алында моондырыбысханнар. Пір чўс артинаң хабызыг араласчыларың Россиядаң ырах иде Сибирьзер ызыга ызыбысханнар.

Декабристтернің хабызны чидір салган. Аның сылтаа андаг. Декабристтер — дворяннар постарының класс оңдайынаң ырах пар полбааннар. Олар кресен чоңның чөрімінең хорыхханнар, істенчү чоңга төстемееңнер, чоңның революция идер күзін орта паалап оңнабаан-

нар. Революцияны олар алынча чаачылар ла күзінең идерге харасханнар. Пу декабристтерниң читіре сагынмааннары, читіре иділбеен тогыстар полган.

Че андаг даа полза, декабристтерниң ханнаң тогыр хабызны Россия историясында улуга паалалча. В. И. Ленин декабристтерниң читіре иділбеен, тимнелбеен сурыгларын критикаа алып, оларның революция иткеннерін пөзік палаан. Революционер-декабристтерниң хабызинна төстенін, Герцен революция үчүй агитация апар сыххан. Аны, Чернышевскийдең пасти, революционер-разночинецтер паза революционер-народниктер улгааттырганнар. Соонаң социал-демократтар, наа класс — пролетариат чөрімі пасталыбысхан. Тогысчы класс паза кресеннер күзінең Ленинниң паза ол төстеен Коммунисттер партиязының устаанынаң 1917 чылда Россияда Илбек Октябрьдагы социалистической революция чинен. Хан үлгүзі айланмас иде чох иділген. Үлгү істенү чонның хольна пирілген. Ана иди декабристтер тамысхан чаалын тик парбаан. Аннаңар декабристтерниң ханнаң тогыр хабызны Россия историясында пөзік паалалча.

Көп декабристтер Іскеркі Сибирьзер ызылганнар. Амгы Чита областьтың паза Бурят чирлерінде каторгада полғаннар. Перчинсктегі рудниктерде, шахталарда паза андагы тимір хайылдырчаң заводта оларга иң аар тогыстарны иттиреуенер. Каторга иртчең тус тоозылганда, декабристтерни Сибирьниң пасха-пасха чирлерінзер тарадыбысханнар. Оларга анда орныгып, чурт салынарга чарадылган. Россиязар айланарга чарадылбаан.

Ана ол туста, 1829—1836 чылларда, Минсуг уездте чурт салынарга он пир декабрист ызылган. Мына оларның ады-солалары: ікі харындас Александр Петрович паза Петр Петрович Беляевтер, паза ікі харындас Александр Александрович, Николай Александрович Крюковтар, С. Г. Краснокутский, С. И. Кривцов, И. В. Киреев, И. О. Мозгалевский, П. П. Фаленберг, А. Ф. Фролов паза А. И. Тютчев. А. И. Тютчев Курагинода, П. П. Фаленберг паза А. Ф. Фролов Суста, пасхалары Минсуг городта чуртааннар.

Декабристтер, ызыгда даа ползалар, ханның үлгүзінең чараспааннар. Наа бсчетен улусты хатап революция идерге тимнирге сагыс тутханнар. Аны көні айарчаң оңдай чох полган. Полиция хадарчылары оларны істесечен. Аннаңар андаг политика пілістері чонга істеніс паза үгредіг пастыра читірілчең.

Минсуг уездте полган на декабрист аал хонинда постарының пілістерін таратхан. Чит улусты ичикке үгредіп, оларга политической піліс пирченнер. Чон аразында айланызып, декабристтер постарының революционер-оңдайлары, пілістерін көзітченнер.

Аал хониндагы істеністе Беляев харындастарның көзідимнері сабыг полган. Пу ікі харындас ікізінең талайда чөрчен корабльның офицерлері полганнар. Оларга Европадагы страналарда поларга килісчен. Пасха хан тілдерін пілченнер. Франция ученайларының паза писательлерінің тогыстарын пілченнер. Ол странада полган революция сурыгларынаң танысханнар, материалистической философия тартыл-

гашнар. Ызында Чита острогта библиотека асханнар. Анда пасха-пасха пілістерден лекция хыгырылчан, чоох-чаах иртірілчен. Андох олар бие-тин аал хоньх наукаларына танысханнар.

Минсугда Беляевтер 60-ча десятина чир тутханнар. Анда олар ас таарычаннар, мал азыгы тимчеченер. Пугдай, арыс, көче паза сула таарааннар. Олар мында иң пастагызын наа сорт көче паза гречиха таарыын пастааннар, ас сапчан молотилка (машинна) паза ас арыгла-чан вялка идін алганнар. Оларның түзімнің істеністеріне кресеннер морсынчаннар.

Минсугдан ырах нimes, олтырых чирде, Беляевтернің мал тутчан заимкалары полган. Анда 200-че субай мал турган, 20-че инек саалчан. Беляевтер ас таарирга орыс кресеннерін польстырчаннар. Кресеннер ас өскіерерін чахсы ойначаннар. Мал көрерге хакас істенүілерін хыгыр-чаннар. «Тадарлар» (хакастары иди адачаннар ол туста — К. П.) пістің заимкада постарының иблерінде семьялыг чуртааннар. Преннер мал хадарганнар, ипчилер инек саганнар, оларның олганнары «ызо хадаруачаннар» тіп пасхан А. П. Беляев поэының кингазында.

Крюковтар, Беляевтерөк чили, ас таарааннар, мал тутханнар паза хус азырааннар. Крюков харындастар пөзік үгреділіг полганнар. Олар хан үлгүзін алыстарар үчүн общественной чуртастагы сурыгларга нан-дырыг кілеченер. П. А. Крюков кинга көп хыгырчан, француз мате-риалистерінің философиязына танысчан, музыкаа тартылчан, скрип-канаң чахсы ойначан. Городтагы чипт улусты пічікке, музыкаа, сары-га үгретчен. Ол чонның пілізін өскіерерге улуг хайыг салчан. Анзы декабристтернің программанына килістіре полган. П. А. Крюков тогыс-ха тіспен, чуртха тартычач кизи полган. Чазы тогыстарында поэының польсчыларынаң тиче тогынчан. Че наука паза искусство сурыгларын тастабачан.

Беляевтер паза Крюковтар чили, Минсугдагы декабристтер паза Суста чуртаан П. П. Фаленбергнен А. Ф. Фролов аал хониннаң маң-наныстыг теескеннер. Олар огород тамаан саларын, тамки өскіерерін, арбуз паза дыня таарыын алгытханнар. Декабристтернің наукаа төс-теніп істенгені орындагы кресеннерге көріндіре көзидім полган.

1830 чылларда Минсуг уездтің чирлерінде алтын тапчан приисктер азылган. Пу аразында геологтар, чирнің ие-пайын килеп, наа производ-ство төстірише чол асханнар. Декабристтер пу наа пастагларның киречі-лері полганнар. Олар идөк алтын табарын алгыдарга паза ол промыш-ленностьты түзімнің поларына хайыг салганнар. Постарының аал хо-ниннаң тапхан-алған ас-тамахтары алтын приисктерінзер ысчаннар.

Декабристтернің чарых киректері чон үгрединде халган. Оларның полганы ла поэы чуртаан чирде хончыхтарының олганнарын пічікке үг-ретчен. Беляев харындастар, тісен, чон сурынызына төстенін. Минсугда постарының туразында бие-тин олган үгретчен школа асханнар. Ол Мин-суг уездінде иң пастагы школа полган. Правительствонң чарадиннаң пастагы школа 1850 чылда ла азылган.

Беляевтер школазында 20 артиннаң олган үгретчен. Ол санда хай-піресе хакас олганнары. Угретчилер олганнарын пічікті піліністіг хыгы-

парга, пічікті сіліг пазарга, сан санирга, сан пöгерге, Россияның географиязын паза аның историязын пілерге үгрет салчаңнар. Аннаң андар үгретчилер постары көнігібісчеңнер.

Беляевтер олган үгретчең учебниктерні хада öнетін ал чөрчең полтырлар. Угретіг пастыра, уламох география паза история уроктарында, декабристтер политика пілістері таратчаңнар. Аннаң хорыгып, хан үлгүзі декабристтерге үгретчі поларга чаратпаан. Аных хоостыра Иркутскта орынныг Іскеркі Сибирьнің генерал-губернаторы Беляевтернің школазын чаптырыбысхан. Че андаг даа полза, декабристтер асхынах нимес кізі пічікке үгрет салганнар.

Декабристтернің аразында музыканттар паза поэттер пар полган. Минсугда полган П. А. Крюков паза Сустагы П. П. Фаленберг скрипкаан ойнап сабантырлар. Олар той-пайда алай олаңай ойыннар пастыра музыка пілізін паза орыс сарыннарын таратчаңнар. Чыт улусты музыкаа паза сарынга үгретчеңнер. Оларның чонга культура пілізін пирчеткенін піліп, орындагы пастыхтар оларны тыгырбачаңнар.

Минсуг городта алай орыс ла деревняларында нимес, хакас таа аалларында политической ызыга килген декабристтерні чахсы танычаң полтырлар. Оларның аттары ыраххы аалларга читтір. Хайзы хакастар декабристтернең аалласчаң, сыйласчаң, туғаннасчаң полтырлар. Пай Қартин Чирке, поэзының оолгын пічікке үгрет салган үчүн, Беляевтерге пір хара асхыр сыйлаптыр. А. П. Беляев хакас аалларында удаа полчаң өсхас. «Тадарлар аалчыны улуглапчалар, татхынның ас-тамахтаң сыйлапчалар» тіп пасча ол поэзының книгазында.

Декабрист П. А. Крюков хакас ипчінең — М. Д. Сайлотованаң чуртабысхан. Аның чолы, хысхачахти чоохтаза, мындаг. Марфа Дмитриевнаның поэзының фамилиязы Чотушкина полган. Ол öкіс öскен. Аның ирі Алексей Сайлотов амгы Асхыс районындагы Улуг Истең килген чох-чоос кізі полган. Олар Минсугда садыгыларда чалчы полчаңнар. Декабристтер килібіскенде, М. Д. Сайлотова Беляевтернің ибінде хайынчаң полыбысхан. Чічең неме тимнечең, кип-азах чугчаң. Тогысха сымдах, сибер, ус холлыг, поэзын чахсы тудынып полчатхан абахай, сіліг көрімніг ипчі полтыр. Аның арыг тудынчатханын, амыр хылыхтыг ондайын Беляевтер махтачаңнар. 1840 чылда Беляевтерні Кавказсар ызыбысханнар...

Алексей Сайлотовха Марфа Дмитриевнанаң тиң час чазирга киліспен. Алексей чытке үреп парган. Марфаның холинда ікі оолах халган: улин Михаил, кічин Иван. Ирі үреп парганда, М. Д. Сайлотова, Беляевтернің нанчызы Николай Крюковтың чөбіне кіріп, аннаң хада чуртирга чарадыбысхан.

П. А. Крюков Марфа Дмитриевнаның оолларына хыңчаң, оларны ол пасхалабачаң. Поэзының пілізін Миханлнең Иванга, ідök оларның іезіне — Марфа Дмитриевнаа — читірерге харасчаң. Иб аразында Миханл öбй пабазының полысчызы полыбысхан.

Наа семьяда пір оолах төреен. Аны Тимофей тіп адааннар. Хан үлгүзінең тогыр күрезіп, ызыга килген кізінің палазы тібезіннер, аның үчүн общественной чуртаста хыйых полбазын тіп, аны іезінің пастагы

прінің фамилиязынан, адынан пічікке кир салганнар. Иди декабрист П. А. Крюковтын оолгы Тимофей — Тимофей Алексеевич Сайлотов атыг пол парган. Иір семьяда хакас паза орыс харындастар өскеннер.

П. А. Крюков поэзының оолгын, ідөк ипчизінің оолларын пічікке чахсы үгреткелеп салган. Оларны хоостыра Марфа Дмитриевна даа үгредігліг полыбысхан. Семьяда декабристтернің политической күрестеріненер, оларның хан үлгүзінен тогыр полганнарынаңар чахсы пілещенер.

1854 чылда П. А. Крюков, агырып, үреп парган. Аның чуртында семьязы халган. Аннаң пасха Россиядагы ие-пайынан хумартхы сыйых халгысхан. Марфа Дмитриевна, тізең, прінің чахын толдырып, оолларын пөзік үгредігліг идерге харасхан. Оларның пілістері чоңга чидеріне сагысырачаң. Ол сагыснаң ікі кічіг оолларын, Иваннаң Тимофейні, Томдагы гимназияда үгренерге ысхан. 1859 чылда М. Д. Сайлотова, поэзы килің, Асхыстагы думадаң Том городта үгренчеткен оолларына пасха губернияда чуртирга чарадылчатхан пічіктер алтыр. Думаның протоколында Марфа Дмитриевна Крюкова дворянның өкісі ипчизі тін пазылтыр. Ол чыл Иван 4-чі класста, Тимофей 3-чі класста үгренчелер тін пас салтыр хачы олох протоколда.

Иваннаң Тимофей Томда үгренчеткен туста Марфа Дмитриевна улуг оолгы Михаилның семьязынан хада чуртаан. Соонаң Михаил семьязынан хада Томзар көзібіскен. 1925 чылда декабристтернің ханнаң тогыр хабызынна 100 чыл толғанын таныхтапчатханда, Михаилнің семьязының төлі Пятигорскта (Кавказта) сагбалаңган.

Иваннаң Тимофей Томдагы гимназияны тоосханнар. Пөзік үгредіг аларын тастабааннар. Ікі харындас 1863 чылда Москвазар, ічелері оларнаоң хада, паныбысхан. Москвадагы университетте үгренгеннер. Че оларга аны тоозарга киліспеен. Иван үреп парган. Тимофей ічезінен хада 1866 чылда Минсугзар, төреен, өскен чирі-суунзар, айлан килген.

Нога Тимофей университетті тооспнн килібіскен? Пу сурыга сагам іде нандырыг чогыл. Ол туста Москвада паза Петербургта хан үлгүзінен тогыр студенттер чөрімнері полглабысхан. Арса, Тимофей, ідөк Иван анда араласхан поларлар. Ол сылтагнаң Тимофей үгренчизін халгыс салган полар. Сагам аны кирчелепчеткен документ табылбаан. Че іди үзүрерге ол тустагы хабарлар чаратчалар. 1868 чылда Тимофейнің ічезі Марфа Дмитриевна үреп парган.

Гимназияда паза университетте үгреніп алған піліс тик парбаан. 1871 чылда Т. А. Сайлотов Хызылчардагы гимназияда история паза география үгретчизі поларга экзамен тудыбысхан. Че Енисейскай губерниядагы училищелернің директоры Тимофей Алексеевичке үгретчі поларга орын иирерге тідимеен. Политика сарынан ізестіг поларына чігленген. Поэзы чарат полбнн, Искеркі Сибирьнің генерал-губернаторынан суруның пічік пасхан.

21 мартта 1872 чылда генерал-губернатор Т. А. Сайлотовты уездтегі училищедде тогынарга чарадыбысхан. Аны тогысха аларга чахыг пирібіскен. Олох чыл Тимофей Алексеевич Минсугдагы уезднай училищениң өөн үгретчизің (директорга тин) тургызылган.

Т. А. Сайлотов чон үгрединне позын саңай пиринип тогышган. Училищенің тогызын наа ондайга айландырган. Мында наа библиотека асхан. Чинт улусты үгредіге тартхан. Чылдаң чылга үгрөнчiler саны көп полыбысхан. 1873 чылда училищеде 61 олган үгрөнген. 1875 чылда, тізең, ікі чыл аразында үгрөнчилернің саны 90-га чинт парган. Оларның аразында хакас олганнар үгрөнчеңнерөк. Ікі класстыг 5 чыл үгрөнчең училищені үс класстыг 7 чыл үгрөнчең училищеде айландырган. Училищеде хызыахтар үгрөнчең класс асхан. Хыстар үгрөнчең класс пастыра 1880 чылда ипчилер прогимназиязы азылган.

Пілістіг, майыхханын пілінмес үгретчи Т. А. Сайлотов чон хонини, аның культуразын өскіреге көп тузалыг нием итчең. Ол Минсугдагы музейні азарга полысхан. Аның төстегүзі Н. М. Мартяновтың пастагы полысчызы полган. Сайлотов осхас кизилер полбаан полза, чалгыс Н. М. Мартянов музейні төстеп полбасчых, тең Россиядан ызыга килген революционер-народник, ученай Д. А. Клеменц. Сайлотов поэзының пілізінең, поэзының тогызынаң музейні төстирге, аның өзереңе полысхан тип пасхан Польшадан ызыга килген революционер, ученай Ф. Я. Кон. Т. А. Сайлотовтың тогызын минсугдагылар пөзік паалааннар. Агаа городтың аарлыг кизізі тип ат пиргеннер. Сайлотовты андаг чолга декабристтер школазы тимнеен. Ол 1918 чылда, 72 часха чидип, Хызылчарда үреен.

Декабристтернің ызыгда полганнары, оларның істеніс пастыра чон аразында чарыдыглыг тогыс анарганнары, чинт улусты үгредіге тартханнары істенчилернің хан үлгүзіне киртістерін сайбаан. Оларны класс күрезіглеріне тимнендірген. Ана іди декабристтер восстаниде ле ниемес, че ыраххы Сибирьдегі Минсуг уезде ызыгда даа постарының, общественной чуртасха туза идип, чарых істерін халгысханнар.

В. Я. БУТАНАЕВ

ХАКАС ЧОНЫНЫҢ ПУРУНҒЫ МҮЧЕЛІ

Хара пурунгыдан сығара хакас чоны чыл чылысханын, ай алысханын пос ондайынча саначаң полтыр. Пурунгы хакас хазыназы тустарындох араб чирінең, Хытаттаң, Тибеттең чөрчең садыгчы пайлар, чорыхчылар пурунгы хакастарның постарының календары парын таныхтапчалар. Ол чыл саны амга теере хай пірее улуг кизілернің түүнчегінде халган.

Хакас календары 12 чылнаң хуралчаң:

- | | |
|-----------------|---------------------------|
| 1. күске чылы | 7. чылгы чылы |
| 2. інек чылы | 8. хой чылы |
| 3. тұлгү чылы | 9. кизі чылы |
| 4. хозан чылы | 10. танах чылы |
| 5. килескі чылы | 11. адай чылы, турна чылы |
| 6. чылан чылы | 12. өскі чылы |

Чонның пілдізінең полған на чылның ондайы пар полча, іди: күске чылында өзөгис полча, инек чылында инек сүттіг полча, адай чылында, тізең, инек сүді ас полча, чылгы чылында чылыг чыл полча, чылан чылында соох полча паза аннаң пасха.

Іргідегі хакастарның сагызынаң, кизи ырызы даа ноо чылда төреениң полча. Көзидімге алза, чылан чылында төреен пала талаан чох кизи полар, кизи чылында төризе — илег-чобаг пілбес. Хакас чонының төөгүзи (историязы) Ортын Азия, Кин Азия халых чоннарынаң арон турбаан. Андаг он iki чыллыг календарьнаң прай тюрк, моол чоннары тузаланчаң, олар аны «мүчел» тип адапчалар. Сагам пу чыл санынаң саназа, 80 мүчел, түлгү чылы парча.

Іргіде пістің хакас чоны чылтыс, ай күн именең пөлгілеиң чуртачаң. Хачаннаң ай алысханың көрп, бир чылда он iki ай полчатханың таныхтап салганнар.

Ай төрт көрмниң полча.

1. Ай наазы — ай төрпчеткен тус.

2. Ай толызы. Ол iki пасха полча, а) ах толы — айның пастап агарып чатханы, б) хызыл толы — айның наа ла хончатханы.

3. Ай иргизи — ай тоозылып, көрпмеске чит парир.

4. Ай аразы — ай көрпмниче.

Ай іди 7 күн пазынаң алысча. Аннаңар пістің неделя чити күнниң полча. Чон пілдізінең, хайдаг ай полары ай төреендөк көрпиче: чазыг (устыг) ай төризе — чылыг ай полар: сала хыйын арах түссе — чиллиг ай: хабырых (хырлары иргі) ай төрп, сас ойда түссе — соох ай полар. Алында наа айга агырыгдаң хамначаңнар. Наа ай читізіне читсе, именеңге күстіг туза полча тіеңнер. Айны улуглачаңнар. Ол пастап төризөк, пу сөстерниң чоохтанып, айга пазырагга кирек полчаң полтыр:

«Хара пастыг чоным изен ползың,

Хадарган малым хазых ползың!»

Айзар холнаң көзидерге чарабачаң. Кинен көзидибиссең, «мин көрбинчем, тохпах көрче», — тирге кирек полтыр. Ай адынаң паланы даа адачаңнар. Ай толызында төреен паланы «Айдолай» тип адап салчаңнар: ай аразында төреен планы — «Ара». Уреен кизиниң чарым чылын ай иргизинде итчең полтырлар.

Айның өлгені пар поладыр. Ол туста аны Чилбіген чпче тип сагыңчаңнар чонда. Аннаңар аалда чон «Ай өлче» тип хысхырызып, ідис-хамысты хогдырадып, адай хулагын толганчалар. Чилбіген, пу табыстардаң хорыгып, айны поэдыбысча одыр.

Хыгырыгычы пілче полар, хакастар көп аймах сөөктіг чон. Полганының на чооғы пасха. Ай аттарын ідөк аймахти адапчалар. Анзы пістің таблицадаң иле көрпиче (көриңер таблицаны).

Амды айлардаңар чоохтирбыс. **Январь** — күрген айы. Ол іди күрген чылтыстаң сыгара (сагайлап, үлгер чылтыс) адал парган. Іргіде, пу чылтыстаң хоостыра көрп, хайдаг чыл поларың пілчеңнер. Күрген чылтыс хонысчаң чылтыс полча. Күргенде пу чылтыс айның тогыс наазында хонысча, пөзигде — чити, хааңда — пис, хосхарда — айның үс наазында. Уске ирткен соонда, аны кизи көрбес, үзүт көрер тіеңнер.

ХАКАС АП АТТАРЫНЫҢ ТАБЛИЦАЗЫ

Орыс	Хаас аттары	Хойбал аттары	Обк — Уйбат сагайлар аттары	Илтирлер аттары	Хызыллар аттары	Мелектер аттары	Сагай аттары	Чыстагылар аттары
январь	күрген	үлгер	күрген	үзүрген	күрген	хырлаң	чил айы	чил айы
февраль	пөзүг	пөзүг	пөзүг	пөзүг	хүзүргүл	күчүген	азыг айы	азыг айы
март	хааң	хааң	хооң	арған көбөк	харга айы	харга айы	үлүг көрүк айы	көрүк айы
апрель	хосхар	хооң	хосхар	сын көк	көбөк айы	көбөк айы	күчүг көрүк айы	хыра айы
май	үлүг сүлкер	хосхар	сүлкер	пис айы	күчүг изиг	күчүг изиг	хандых айы	пис айы
июнь	күчүг сүлкер	сүлкер	тос айы	сип айы	үлүг изиг	үлүг изиг	тос айы	тос айы
июль	от айы	от айы	от айы	ал сип айы	от айы	от айы	от айы	от айы
август	оргах айы	оргах айы	оргах айы	оргах айы	оргах айы	оргах айы	оргах айы	хыраң кинс-чең ай
сентябрь	үлгер айы	сарыг пур	сарыг пур	үргүн айы	чарыс айы	чарылыс айы	үргүн айы	үргүн айы
октябрь	күчкер	күчүг соох	күчүг соох	чарыс айы	күчүг соох	күчүг соох	чарыс айы	чарыс айы
ноябрь	хырлас	үлүг соох	үлүг соох	хүргүяк	үлүг соох	үлүг соох	күчүг хырлас	күчүг хырлас
декабрь	алай	алай	алай	улай	алай	чыл сырты	үлүг хырлас күчүг ай	үлүг хырлас күчүг ай

Күрген чылтыс пу арада хара суға түс парча ба хайдағ, анан күскүде ле тигирге сых килче. Күрген сых парза — хыро чолы тартыл парча, тiпчелер апсах-инейлер.

Пу хойыг чылтыс ай сузына кiрзе, хомай чыл полар, ай сузына кiр- биш иртиссе, чылыг чыл, тамах нима чахсы сыгар тiп санапчалар.

Сагайлар күрген айын «чил айы» тiп адапчалар. Пу айда кiн узуп- ча, чил кiдiрiлче, пiўр сiрiсче. Пилтирлер, тiзең, аны «үзүрген» айы тiп- челер алай ба «хортының үзүрген чайған айы». Чон сизiнгенинен, пу туста хорты палых (миндiр) үзүрген салча.

Күргенде кiн харагы тигiр тiзiнең кiзi пiзiни синиче ле кiдiрiлiп чiрче. Күрген айы соохха тың кiстiг, күргеннiң соогы күрлеп тур ти- дiрлер. Чошны чоогынаң, кiлiк күрген пiзiге пiдi махтантыр: «Он iкi айдаң минең соох тудар кiчiн ай чогул. Халын пус, мини сыдабни, чара чачырапча. Хызыр пиннiң сагырзында ла чаг халды, хызырах мал- ның имчегинде ле симiс халды». Сынап таа, пу туста мал тың ар парча.

Февраль — Пiзiг айы. Пiзiг айында чир саңай тооп парча. Аннаңар тың соохтар турбаза даа, соох чир алтынаң иб iстiне кiрче. Пу айны хызыллар «хузургул» тiп адапчалар. Хузургул — ол хара хусха тiбiй улуг хус. Ол туста алтынзархы кiстiг чиллер хузургул хустың уязын андара үбiрче бе хайдағ. Сагайлар пiзiг айын «азыг айы» тiп адапча- лар. «Азыг» иргi сiс. Хакас тiлинең аба iдi адалчан. Пу айда, часхар саба парчатхан туста, аба поэмынiң iнiнде пiр нанына айланча. Пiзiг — кiн узаратчан ай. Пу айда кiн пiзiк чiрче. Пiзiг — хысхы пiлгiзiн пiр- че тiпчелер. Аның чарымы хысхы чарымы часхы поладыр. Кiнiрте мал, кiнге сiстенiп, хараа соохха тоопча. Аннаңар пiзiгнi «мал тiгi чылын- чаң ай» тiп адапчалар. Хай пiреелерi «чарның хамагын тирлетчең ай» тидiрлерiк. Ол туста кiн теезiнде сала хар хайылча. Агас пiрiчектерi iле пiлдiрiбiсче, аннаңар апсахтар пiзiгнi пiр тугчаң ай тирлер. Iдiк чон чоогында, пiзiг айы — махтанчых ай полча. Ол күргенге пiдi мах- тантыр: «Синнi орнында полган ползам, үс частыг пуғаның мiўiзiн суура тоорарчыпын, хызыр пиннiң сагырзын чара тоорарчыпын». Че поэмы кiнге пастырча.

Март — Хааң айы. «Хааң — хооң» тiп хысхырыспинаң, хустар агын- наң айланча. Мында хыстапчатхан харгалар, килген хустарга чоо iрiнiп, тың хаахтасчалар. Аннаңар алтынзархылар пу айны «харға айы» даа тiп адапчалар. Iдiк хааңны таан килчең ай тирге чарир, хойбаллар хооң — хой тугчаң ай тiп чоохтазалар ортаох полар. Сагайлар пу айны «Улуг кiрiк айы» тiпчелер. Шоға iдi адалчатханынаңар чоңда чоох пар. Пiрсiнде Абанаң Кiрiк талазыбыстырлар:

«Айда отыс кiн», — тiпче Кiрiк.

«Чох, пiр айда чiс кiн», — хысхырча Аба.

«Чох, отыс кiн», — таласча Кiрiк.

Андада Аба, iнiнең отыс кiн пазынаң сығарын сизiнiп, чоо тарыны- быстыр. Ол, Кiрiктi харбап аларға харазып, алынзар үкiс салтыр. Аба, Кiрiктi чаза хаап, аргазынаң тырбахтап халтыр. Аннаң пeр Кi- рiктiң аргазында чолахтар халтырлар.

Хааң — кiлгi, сууластыг ай полчатханы аның адынаң iле пiлдiрче.

Хааң — хооң — суулас, хыймырас, прай тіріг ниге усхунча. Хааң — хаңаа хагдыратчаң ай. Хар хайылча, соор кирек чогул, хаңаа көліп пастапчалар.

«Хааң хахатхлар» тидірлер. Сынап таа, піреседе чылыг күннер аразында улуг соох пол парча.

Апрель — Хосхар айы. «Хосхар» хучаның иргі ады. Тыва — алтай тілдерінде хучаны ам даа іди адапчалар. Иргіде пу айда хуча — хой хырыхчаңнар, аннаңар «хосхар айы» тіп адалган полар.

Хосхар айың «чохыр ай» тібөкчелер. Пу туста пірее орыннарда хара чир көрінче, пасхазында ах хар чатча. Сагайлап хосхар кічиг көрік айы полар. Агас салаазында көрік ле пазы сннннче хар халча. Пуох туста көрік інінеч сыхча. Хызылларнаң мелектер пу айы «көбөк айы» тіп адидыр. Пу айда көбөк хус тапсаңча. Хакас чоңында көбөк хус ызых хусха саналчаң. Анынаң палгалысчатхан нимелер көп. Көбөкті атарга чарабас полган. Илебесте, кинен атыбыссаң, ол чирде үс кун сыхтирга кирек. Часхыда пастагы көбөк тапсааның ас өөске истерге чарабас. «Мин тохпын» тирге кирек. Ол полбаза, чыл тооза астап чө-рерзін.

Ідөк хосхар айы тарыга тимненчең ай полар.

Май — Улуг сілкер айы. Сілкер — сілеке сохчаң ай. Алында үүче (часхыда чирге тимнеен ит) тоозыл парза, кізілер ит чох чуртабысчаң-нар. Андада итке сілеке сохчалар. Хыра тартарга кірчеткеннеңер аны сагайлар «хыра тартчаң ай» тіп адабохчалар. Тайга пори одырган чон иргіде пис (хандых), сип хазып чуртачаң полтыр. Аннаңар оларның чоогынаң, сілкер «пис айы», «хандых айы» тіп адалча.

Пу айда айран ачыдып пастапчалар. Айның түгенүзінде «Шеун» (айран пайрамы) итчеңнер. Сілкерде тигір нызыраңча. Тигір пастап күзүрезе, ипчи кізілер хамыснаң айран сузып, нааныпчалар. Аның иб ибіре, күн чолыңча чүгүріп, хамыснаң полган на нулуңны үс хатап хахлидырлар. Пастагы күгүрт алтынзарых тапсаза, шек сүттіг полар тічеңнер. Устүнзарых тапсаза — чылгы мал сүттіг полар, іскертін — хой сүттіг, кидертін — адай сүттіг.

Июнь — тос айы. Пу тос хастачаң алай чулуктачаң ай. Аны чулук айы тіп адабохчалар. Пурунгы улус хыра соонда тосха чөрчең. Ол туста чайгыда тос иблг чуртачаңнар. Тостаң түөс, тоста, чоочах, тосхарах паза аннаң даа пасха нимелер итчеңнер.

Хаастар тос айың «кічиг сілкер ай» тіпчелер. Ідөк пу айны, узун күннер полчатханнаңар, «узун ай» алай «улуг ай» тічең полтырлар.

Июль — от айы. Пу айда өөн тогыс — от тогызы. Ай даа «от айы» алай «сапхы айы» тіп адалча. Пилтірлер от айың «ол сип айы» тіпчелер. Пу туста сип, хандых хазып, хысхызына хурутчаңнар. Ідөк от айың улуглар теергін тузы тіп чоохтапчалар. Пу айда сеек — маас хубазы-бысча, малга тыс пирбинче. Аның үчүн мал арча.

Август — Оргах айы. Пістің хакастар иргідең сыгара хыра салчаң чон полтыр. Пысхан тамахты оргахнаң кичеңнер. Аннаңар хыра кичең ай «оргах айы» тіп адал парган. Ас айында тамахты чылга пиле-тепчелер.

Сентябрь — Улгер айы. Пу айда тигірге Улгер чылтыс (сагайлап үс муйҕах чылтыс) сых килче. Чон чоогынаң, пу чылтыс үс муйҕахтың, аат палазы Хубай хустың паза Көкетей алыптын хуттары полча. Агаа пазырчаннар. Тамах тарып чуртаан чон пу тусты «үртүн айы» тіп адаптырлар. Алтынзархылар Улгер айын чарыс айы тіпчелер. Сынап таа пу айның чарымы чайгы чарымы күскү полча. Чайгы чарылча. Күскүде чир чайаның сіліг нимезі парчан оорап парча, агастар саргалча. Аннаңар үлгер айын пур түзірчең ай тіпчелер, алай «сарыг пур» тіп адапчалар. Пур саргалча, хыро түзіп пастанча, пастагы хар чаапча.

Октябрь — кічкер айы. Пу айны «кічиг соох» тіп адабохчалар. Кічиг сугны тондырчаң — кічиг соох. Пу туста чагдапчатхан хысхының пастагы соохтары пасталыбысча.

Ноябрь — хырлас айы. Улуг сугны тондырар улуг соох улыбысча. Күн хысхарабысча. Хырлас айын пилтірлер «Хуртуях айы» тіп адапчалар. Хысха күнде хуртуях өдік тее кизерге маңнапминча.

Декабрь — алай айы. Пу тың соох ай полча; Аннаңар «алай-элей тарындырча» тіп чоохтапчалар. Хай піреелері «алай — хохайын салча, алай — хохай хайдаг соох» тіпчелер. Алай тың хысхачах күннің ай. Аның үчүн аны «аях хурубас алай» тіп адапчалар. Пір аях суг іскенче, харасхы пол парча.

Пу искірігде хыгырыгыны иргідегі хакас ай аттарынаң таныстырчабыс. Сағам пу ундулҕлап таа парган ай аттары чонның пай төбөгүзін (историязын) үгренерге тузалаг полар.

ТАПТЫРҒАС

ЛЕНИН ПАРТИЯЗЫ КОЗІТКЕН ЧОЛЧА

В. А. Угужаков. Хакасиядағы облсовет исполкомаының кнезі. КПСС-тың XXV съезд чарадығларын — чуртасха	3
З. А. Нижегородова. 20 чыл тракторда	8
Л. С. Резцов. Уламох пбзк чидіглерге	8
И. Буриаков. Чон хараанда. КПСС-тың XXV-ші съездінің делегадынаңар чоох	10

ИЛЫЧ САҒЫЗЫ ТОЛАР, СОЯН ОДЫ ТАМЫЛАР

Николай Доможаков. Чоным күзі. Стих	13
П. Тодышев. Чиңдіргезің сии, алып Кимі	14
С. Добров. Соян сарыны	21

ЧООХТАР ПАЗА ОЙЫННАР

Николай Тсклинеков. Хыстагда. Повесть. Ікінші глава	26
Валентина Шулбаева. Сарналбаан сарын. Драма	33
Валерий Майлашев. Европаның күзүречеткен тигірі алтында. Чох туған. О хайдағ улуғ чбіс пу городта. Пушкинге. Мелейлер. Сагдай чабан. Сырлалған халсарығ. Эй, чеек, айдас хамнар. Стихтар	61
Валентина Татарова. Чылларым. Стих	66
Андрей Халларов. Азыр чоллар. Чалаңнар. Олаңай философия. Стихтар	66
Митхас Туран. Тирентер. Чоох	69
Галина Казачникова. Алғым чазым. Повестьтең узік	80

ОЛҒАННАРҒА

Михаил Кильчичаков. Пүріжектең Тузычах. Пымах	87
Андрей Халларов. Халас тадии. Чоох	92

НАА ТІЛБЕСТЕГЛЕРДЕҢ

Сергей Есенин. 26-даңар баллада. Моисей Баинов тілбестеен	98
---	----

Н. Г. ДОМОЖАКОВХА 60 ЧАС

М. А. Унгвицкая. Поэттің чолы	101
Михаил Чебодаев. Поғдархастығ улус	103
Д. И. Чайков. Угретчі паза ученай	105
Н. Г. Доможаков. Ленинненер. Орыс харындазыбысха. Стихтар	106

Н. М. КОСТЯКОВХА 60 ЧАС

У. Н. Кирбижекова. Чон кбгүзі	108
Иван Костяков. Партбилет. Партия чолы. Нымырт. Стихтар	110

МАТЫР ЧААЛАЗЫҒЛАР ЧОЛЫНЧА

Т. Н. Балтыжаков. Фашизм ордызын хыродаан чирзер чорых	111
Е. Матросов. Полковник Морозов. Орыстинаң М. Баинов тілбестеен	121
К. М. Патачаков. Декабристтер Минсуг уездінде	129
В. Я. Бутанаев. Хакас чонының пурунғы мүчелі	134

**Мрамор
хаязы**



Обложканың 2, 3, 4-ші страницаларында Г. Никоненконың
«Соян мраморы» тіп хоостары.

Обложкада. Қим сұғны тулғааны. Сомы А. Зыковти.

Паазы
46 ахча.



Чалым хая